

近代中國史料叢刊續編第三十一輯
沈雲龍主編

甌海觀政錄

黃慶瀾著

文海出版社

有限公司
印行

序

公牘文字之裏有專書者藍鹿洲負幹濟之才汪龍莊嫻法律之學政治家皆推服無異辭顧余所尤深慕者若陳文恭公樸實說理滿腔慈祥愷悌流露於楮墨間若曾文正公實事求是開誠心布公道雖驕兵悍將受其訓誡無不帖服二公學問事業度越等倫凡所發摠一根道德固不當於文字間求之卽論文字亦庶幾易所謂修辭立誠者歟涵之黃先生由甌海道尹調任會稽官斯土者三年矣道尹一職今之從政者視爲閒曹或俛仰偃息頽然自放先生既下車率作興事輒以興利除弊爲志誥誡僚屬剴切詳明無日不操不律從事一如官甌海時嘗自言吾治官書久矣獨自恨文筆不足動人夫以言感人其感已淺雖然至誠而不動者未之有也先生乃自視欲然如此烏虜其所志可知矣先生在官於暇日編甌海觀政錄八卷印既成屬余一言序其端余受而讀之不禁竊有感也自國是紛紜官方頹壞安得起文恭文正於九原設誠致行爲百僚矜式庶幾蕩滌邪穢吏治民生或有補救之一日先生既不以碌碌者自居

他日出其蘊蓄見諸設施良吏風猷名臣勳業必有進而益上者是編固不足以盡之
荒落如余且將歌芾棠芑舍之詩操筆而從其後已

辛酉七月部民盛炳績

序

孔子稱古語勝殘去殺而歸本於善人之爲邦孟子言以善養人然後能服天下而善政不如善教之得民復再三言之蓋當春秋戰國之際功利相尙戰爭不息人民煩苦怨咨蕩焉而無所於歸聖賢知亂之未已而治之無望必有秦始皇者出舉皇帝三代之大經大法燔滅而無遺故深感於爲邦養人不覺長言之不足慨然思得善人以拯救之也改革以來天下多故獨吾鄉少安適有天幸長官來此者多賢明仁恕與吾民相安遂以無事上海黃君涵之所謂好善優於天下者也去歲自甌海道尹量移會稽先與余相見於滬握手歡然爲言吾鄉人心風俗出治之要並及紹台兩屬余謂民氣已動宜鎮之以靜民政太繁宜持之以簡昔曾文正生平有取於孟子取人爲善與人爲善兩言與胡文忠受命大亂之後期以善人挽回浩劫迄今讀其批牘簡書恤乎愀乎大率以善言充其善量今政體雖更效法有在君未嘗不聽吾言也比抵任所則勤政愛民百廢具舉其於教孝崇節尤兢兢致意夏秋之間浙東風水爲災君則奮起籌

振函電紛馳呼號奔走昕夕不遑余亦粗有陳說中外人士感而相應遂驟集數十萬金振濟台屬旁及他縣卽如吾鄞奉數鄉災狀稍輕亦得一二萬金方事之殷君瘖口
曉音以勞吾民幾忘寢食而吾民則稱頌善人無異詞君猶感然自謂未盡職也今年
春余養疾回里君出甌海觀政錄一編相示發而讀之知君之行於會稽者與施於甌
海殆無以異乃歎君之爲政與孔孟之書無不合至其表率屬僚考察治績則鑒於民
生之不易奉官之不可以苟勤求而不厭歷久而彌虔謂人心有向善之機卽國本有
底安之望大哉言乎可謂善人也已是編爲類十五爲目五十九所載成案至爲纖悉
因序其端並抒所見使治國聞者考覽焉

歲在辛酉月令孟夏之月鄞張美翊寔

序

甌海觀政錄者吾友黃君涵之彙集其甌海道尹任內有關治行之文牘也涵之治甌
政治民和輿論翕服其曰觀政者遜辭也往者余與涵之同官鄂省因得納交涵之聽
其言論慈祥愷惻藹然有仁者之風心竊慕之及觀所設施又能以蘊於中者見於事
典大郡晉高等檢察長所至有聲士民誦歌至今弗輟雖古之循吏不是過也光宣之
際言吏治者交口譽鄂政而涵之又爲鄂中寅僚所推崇知其識量淵懿不急急於事
功惟以力行不在多言求旦夕尺寸之效固非庸庸者所可同日語矣辛亥改革後奉
親旋里不欲仕進務爲慈善事業里人之被澤者益衆無何伊通齊公照巖來長吾浙
齊固久官鄂省而於涵之之政績夙所心許者也強之起委權甌海道尹嗣簡金華道
尹仍留甌任在甌凡二年利罔不舉弊罔不祛惠民之政不可殫述甌民戴之如慈母
其誦歌也一如鄂民茲編所集特其犖犖者耳民國以來各省疲於兵燹於饑比比皆
是當局殫精竭慮惟苦財用不給吏治隆替蓋難言之矣而吾浙獨能於風雨飄搖之

會安堵無驚且得賢明如涵之者從容而談治平之術謂非浙民之厚幸歟吾尤謂涵之之所以能竟厥施者又寧非吾浙之軍民長吏有以成之耶今涵之又移尹會稽余世居紹興之西辰會稽道屬也覽茲錄則知涵之所以福甌民者必能以之福會稽之民而吾會稽之民對於賢尹乃有無窮之望將見繼鄂民而誦歌者又豈僅甌民而已哉使進而爲治一省又進而爲治全國則其所造又何如也

中華民國十年五月紹興沈銘昌拜序

自叙

余自少從 外舅張經甫先師遊，夙聞立身行己與居官臨民之道，又習見 先君子樂善好施，老而彌篤，服官以來，一以父師訓型爲從政之本，復以公牘爲政治表見之一端，故輒擇其重要分類編次，備隨時省覽，策怠荒而資考鏡焉。曩長上海地方審判廳，有司法日記、法曹雜誌之輯，歲丁巳，觀察甌海二年，調會稽，凡五日一出公報，均此指也。於是幕客有請以甌海公牘付梓者，乃請同里楊君爲之編輯，復躬自校訂而爲之序，曰：甌海故溫處二府屬，東訖玉樂，南暨景慶，都凡十六縣，縣各爲俗，難可齊一。括蒼舊郡，瘠陋尤甚，永嘉古多文獻，今亦陵替矣。二府俗悍而淫，嗜博好鬥，健訟。余下車首以整飭風俗、擴張教育、實業提倡善舉爲務，撰通俗文字十餘種，印刷數萬紙，分頒各縣。於戒淫、戒賭、戒鬥、戒訟尤諄諄言之。此外勸孝、勸貞、節勸蠶、桑勸放生、勸種牛痘、勸植森林，諸文亦多出自手製，不計工拙，務盡其意而止。又念安民必先察吏，一道之所轄，起訖恒逾七八百里，慮耳目不周而民隱多蔽也，故於僚屬之賢否必詢事考言。

以試之博探輿論以證之薦劾無徇以勸懲之其有不率先以函誠泯官堦形迹冀以僚友忠告之狀感動之也或怙過不悛始以公文相督責茲編悉擯不載以存隱惡司法既負監督之責亦不敢少懈世之論治者動曰今日民暴不可馴吏窳不可振難乎其爲治矣余謂不然人患視官如傳舍或以官爲市耳能舉清慎勤三字官箴羣視爲老生常談者一一躬行而率作之以至誠動人安見吏之不可振而民之不可馴耶

先師之訓曰遠利 先人之訓曰行善自愧德薄能鮮無以造福於民所兢兢者惟此而已禮云學然後知不足余謂仕則益知不足熱心吏治之君子進而教之則尤余編輯是錄之意爾

例言

一是編係在甌海任內隨時抄胥積久成帙茲復依其性質約畧編次都爲八卷分類十五子目五十九

一每類之中復依公文体式編次卽以呈咨公函訓令指令代電批示等類爲先後

一凡一事之有起訖者另編爲專案一類以清眉目

一專案類以公文發行之先後爲次不復以公文体式編定俾首尾銜接事實較易清晰

一凡無類可歸或一件牽涉數類者另歸入雜案一門

一應酬文字及與職務無大關係者另歸入雜文一門

一去任時承各界贈言茲悉錄附編末以誌高誼

甌海觀政錄總目

吏治類

吏治

考績

民政類

民食

倉穀

水利

治安

正俗

褒獎

宗教

警務類

警務

衛生

消防

禁烟

財政類

財政

司法類

司法

郵獄

訴願

防務類

防務

學務類

學務

實業類

農業

林業

蠶桑

茶務

礦務

習藝所

交通類

交通

電務

祠祀類

祠祀

公益慈善類

公益慈善

路政

育嬰

醫藥

牛痘

掩埋

專案類

專案類一

疏濬永嘉縣城河案

專案類二

處分胡萬盛漏米案

專案類三

廣濟輪船交涉案

專案類四之一

改組甌海道育嬰堂案

經費

專案類四之二

改組甌海道育嬰堂案

追租

專案類四之三

改組甌海道育嬰堂案

建築

專案類四之四 改組甌海道育嬰堂案 管理

專案類五 創設舊溫屬廣濟院案

專案類六 創設永嘉縣蒙養園案

專案類七 創設舊溫屬女子師範傳習所案

專案類八 議創道立清節堂案

專案類九 創設甌海醫院案

專案類十 創設永嘉縣因利局案

專案類十一 創設安館公渡案

專案類十二 創建永嘉縣礁港燈塔案

專案類十三 重修景寧雲和兩縣屬泗洲嶺路案

專案類十四 重修舊處州府 文廟案

專案類十五 重修青田縣石門洞案

專案類十六

重修永嘉縣文信國公祠案

專案類十七

重修永嘉縣雙忠祠案

專案類十八

重修永嘉縣駐鶴亭案

專案類十九

創設旅甌江蘇會館案

雜案類

雜文類

贈言類

甌海觀政錄卷一目錄

吏治類

吏治

訓令二件

指令六件

函十七件

意見書一件

考績

呈文九件

指令三件

函一件

民政類

民食

呈文十六件

咨文五件

公函一件

訓令六件

指令十二件

代電七件

批三件

榜示一件

甌海觀政錄卷一

吏治類

吏治

訓令二件 指令六件 函十七件 意見書一件

通令十六縣知事本署限期令覆事件迅卽查案具覆文 七年四月九日

查本道尹蒞任以來對於僚屬呈請事項無不立時批答從無壓積乃各該知事於應行呈覆案件無論本公署或文或電明定期限期輒多任意延宕非經一再嚴催甚有遲至一二月之久尙未覆到者實屬不成事體而各該知事平日辦事之怠惰亦卽此可見自經此次通令之後該知事對於本公署限期令覆之案如有仍前玩愒並不遵限呈覆者惟有呈請 省長予以相當處分以示懲儆仍仰將應行呈覆各件迅卽查案具覆切切此令

訓令

瑞安 玉環 泰順 緝雲 青田 遂昌 景寧 慶元 龍泉 宜平

等縣知事開報在任

經辦事實文 七年十月二十三日

照得知事爲親民之官地方之治安民生之休戚無一不息息相關各該知事平時治理情形本道尹於案牘往來及因公晉接之際悉心考核具有聞知第恐耳目難周於各該知事成績所在未能纖悉無遺爲此令仰該知事將本年一月以來經辦一切事實於文到五日內詳細開具節略呈候察核勿稍遲延切切此令

指令雲和縣知事呈體察地方情形預定措施方針由 七年五月三日

呈悉利弊二字本係相因除弊卽可以興利顧政貴力行果能次第設施切實舉辦則將來之治效必有可觀本道尹當拭目俟之至放火燒山私宰耕牛與森林農業所關甚鉅應實行嚴禁通俗演講務按照本地情形切實勸戒講演稿以明白易曉爲主仰卽知照仍候 省長核示祇遵此令

指令縉雲縣知事呈報經辦事實由 七年十二月十四日

呈及清摺均悉辦理司法期在公允迅速該知事接任後將移交積案逐漸清理具見

認真辦事倉穀積弊正深應親往盤查以求實在其餘育嬰造林茶桑等規畫事項並即分別切實進行爲要此令摺存

指令麗水縣知事呈送經辦事實節略由 七年十二月二十三日

據呈經辦事實節略詳加察核該知事於實業慈善公益等事整頓提倡亦屬可嘉民刑未結各案迅即審結修理水閘工程經費亦即設法籌補其餘籌辦各事均應切實進行毋稍怠懈此令節略存

指令松陽縣知事呈報本年經辦事實由 七年十二月二十四日

據呈事實清摺詳加察核該知事於職責以內應興應革之事悉心措施有條不紊賢良之選嘉慰良深蔡克猷楊光淦宋微封劉篤齋葉杏村潘道生潘兩人葉宅成等敦品立行博學淹聞既稱各有優長足爲鄉里矜式即仰該知事分取事實據實造冊具報由本道尹酌核給獎以資激勸嬰堂辦理不善并即切實整頓以求實惠爲要此令
清摺存

指令永嘉縣知事呈送接任後經辦一切事實山 八年一月十八日

呈及節略清單均悉該知事整頓稅收具見不遺餘力對於教育能設法擴充學校亦屬可嘉其餘籌辦各事仍仰切實進行務使名實相符是爲至要至所稱已辦模範造林場三處林業公會十處何以未據呈報殊難查核仰卽知照此令節略清單均存

指令雲和縣知事呈報地方情形及籌擬要政辦法由 八年十月二十五日

呈悉知事爲親民之官能多盡一分之心卽地方多受一分之益該知事到任未久能體察地方情形注意各項要政具見實事求是深堪嘉許現在冬防期近保衛人民布置自宜周密辦理司法能親自收呈當庭分別准駁於訴訟當事人便利良多但於受理各案尤貴隨審隨結方免積壓教育事宜於國家根本有關籌款擴充小學誠爲急務尤在造就師範人才清理財政有裨國庫當從剴切勸導入手人民自然踴躍輸將雲邑旣全縣皆山振興林業實不可緩先立模範森林再勸人民植樹果能切實推廣必可收效於將來該縣境內各山不無礦產派員周歷考查自係急務該知事既有舉

辦要政之心尙望切實進行務收效果是爲至要此令

覆樂清縣知事秋函 七年四月二十日

子穀仁兄大人閣下逕覆者昨接密函披覽之餘慰悉種切晚近吏治之壞半由在事者預存五日京兆之想常人飽食終日無所用心猶且不可況爲民父母一日食民間之祿卽當爲民效一日之忠閣下謂不敢以暫時攝篆稍有放任正合此旨居今日而言還我淳俗卻非容易但能拒請託公賞罰盡其在我而已勢惡土豪之虛聲恫嚇無所用其顧恤則煙賭等一切頽風總可稍戢而隨時之查禁似仍不容鬆懈警備第六營管帶移駐縣城一節恐不能辦到刻下弭盜之計不外與營警虛衷聯絡庶事實上不至有臨時掣肘之虞閣下考成所繫自應格外注意緝捕之權操之警隊固不可不鄭重將事也一切惟希閣下勉益加勉勿徒爲紙上空談有厚望焉

致麗水縣知事涂函 七年六月二十五日

璞真仁兄大人閣下逕啟者日前派員密查各縣政聲知閣下勵精圖治夙興夜寐備

極賢勞殊深嘉慰惟聞小隊之中有一二不馴之輩在外招搖未免爲白圭之玷尙希加意密查盡法懲治使若輩有所儆懼又有謂執事年壯氣盛者傳來之言本未可盡信弟誼屬同舟有聞必告嚴本弟所主張昔孔明治蜀亦用嚴第嚴厲之中似仍須用和平以濟之庶嚴而不流於刻所謂雷霆與雨露兼施也且尤須因時而施應嚴而嚴嚴亦仁也不應嚴而嚴嚴斯刻矣貴縣素號難治弟並非不主用嚴但願嚴於外面寬於中嚴於自己所用公役人等而寬於一般普通小民嚴於不堪教訓之棍徒足以爲地方除害寬於尙能改悔之愚庸俾得勉爲良善則得之矣至對於同寅尤以和平退讓爲主尙望執事有則改之無則加勉此則弟所殷殷奉勸者也

致松陽縣知事錢函 七年六月二十五日

正卿仁兄大人閣下敬啟者平日察閱閣下所來公牘知執事頗能盡心民事隱以循吏相期近派員密訪各縣政績知閣下於訴訟一端皆親自收呈當庭開導民間因一時之負氣得賢父母善言勸化遂爾息訟使人民無訴訟之累嘉慰良深至如購買關

於風化書籍以及監犯暨人民之有疾病者公餘親爲診治并捐廉埋葬無主棺木等種種善舉要皆先得我心尤深佩仰惟聞有以閣下爲好名者弟殊不爲然三代以下惟恐不好名實至方能名歸君子疾沒世而名不稱又云必得其名名固未嘗不可好也故弟所望於閣下者凡有益於民生及關於風化之事無論能否得名均應切實爲之有名之事爲之可以積功無名之事爲之可以積德功德兼顧在地方固受益莫大在一己尤陰隲無窮也至煙賭二項聞貴邑尙所不免務望加意密查從重懲辦爲要致縉雲縣知事李函 七年六月二十五日

子純仁兄大人閣下逕啓者前者有人來署呈控貴縣監犯口糧有被剋扣等事當以未必有此故經批駁茲派員密查各縣政績據稱前事未必盡出無因或恐管獄員司從中舞弊望卽密查整頓人民犯法處刑已屬可憐若再剋扣口糧是出乎法律之外似應矜恤刑餘又聞司法警察月給僅一元數角以致在外敲詐之事時有所見卽行政警察亦屬不免務望詳密查究勿使若輩目無法紀也貴縣本不易治一切均望振

作精神力圖上治吾儕能多用一分精神卽小民多受一分益處亦卽自己多積一分功德也尙希有則改之無則加勉是爲至禱

致青田縣知事張函

七年六月二十五日

南溟仁兄大人閣下逕啟者近派員密訪各縣政績知閣下治青極盡所長青田素稱難治執事能措置裕如實屬非易但聞於司法案件未免有通融之處王道不外乎人情通融於範圍之內本無不可然於範圍之內失出則猶可於範圍之內失入則已萬萬不可若通融於範圍之外想賢能如閣下者當不至此弟既有所聞不能不告務希有則改之無則加勉是爲至禱

致慶元縣知事江函

七年六月二十五日

鄂生仁兄大人閣下逕啟者近派員密查各縣政聲知閣下於行政一端勵精圖治才具明敏深爲嘉慰惟對於司法尙有未能盡美之處聞貴縣訴訟案件尙屬不多執事於批答訊問未能躬親以致頗有煩言人民訴訟不過爲一時之負氣若處理得宜善

言開導小則可息訟端大則可免訟累堂上賢父母能存此心理小民豈有破家傷身者哉尙望嗣後於司法案件概行親理此中積德亦非淺鮮免人言之嘖嘖猶其小焉者也卽以松陽爲模範可耳弟以閣下辦事素善深望有則改之無則加勉俾盡善而復盡美用特奉達

覆縉雲縣知事湯函 七年十二月四日

抱澄仁兄大人閣下頃展手書誦悉一切閣下振作精神爲地方謀公益所擬各辦法亦均妥切欽佩之至嬰堂爲保赤善政此間溺嬰之風頗甚自應首先創辦以杜惡習至所籌經費辦法亦屬甚是望迅速行之此間嬰堂新章雖已擬好惟辦法尙須節節改良現因房屋工程未竣暫時不便發表俟定妥後當抄奉蠶桑爲大利之所在弟有白話文已付石印一俟印就卽行寄上此事如能勸導興辦利益無窮功德亦復無量也造紙法派人學習甚好惟龍游造法未知已否改良尙希察及茶爲飲料中至要之品兼可銷售洋莊種植探製自宜節次講求以爲地方興利兼爲國貨維持閣下所見

亦甚是也台從到任未久卽能勵精圖治既慰且佩一切望努力向前勿稍畏縮縱有稍稍爲難之處弟在此一日凡有益地方人民者無不力爲維持也

致遂昌縣知事程函 七年十二月十二日

逕啟者訪聞閣下對於蠶桑勸導不遺餘力成效漸著向有處州府屬土性不宜種桑之謬說可以打破甚善甚善煙賭查禁尤嚴此風幾絕又閣下持躬廉潔不染一塵凡此皆弟所最忻慰者惟聞承審員不得其人致對於司法案件時被劣紳訟棍所朦不免人言嘖嘖有司書生童姓者尤爲不妥此須閣下詳加考察如所傳非虛似應更換貴縣嬰堂辦理不得其人有以少報多款爲侵蝕等弊育嬰善舉豈容視爲利藪亦希澈查果有弊病應卽嚴辦不可瞻徇又有聞五老三老向爲花會會首應卽嚴拿重辦貴縣鄉間多有糧而無田者民人深以爲苦似宜亟予清查呈請豁免此皆爲民父母者分內應爲之事也又聞閣下不甚下鄉考查一切知事爲親民之官似應周察民隱方能洞悉利弊深居簡出最不相宜弟以屬在同僚用特專函勸勉尙望有則改之無

則加勉破除情面振作精神官廳盡一分精力人民卽受一分利益不獨盡職守亦可
以積功德也

覆慶元縣知事江函 七年十二月十六日

兩接手書敬悉一一貴治疫氣已退甚慰同善堂大致就緒尤爲懽佩所擬章程亦甚
妥協惟仍須時加考察耳捐款多者望卽正式呈報以便擇尤獎勵節孝二字近年來
久已不講是以風俗日趨澆薄人心日益陷溺根本動搖隱憂殊切閣下尙能注意及
此求之於近今吏治中實屬罕覯尙希廣爲勸導力挽頹風自古無不可變之人心亦
無不可化之風俗是賴賢牧令之善爲提倡耳

致雲和縣知事杜函 七年十二月二十四日

履平仁兄大人閣下敬啓者茲訪聞閣下在雲清廉自矢謹慎從公絕少瞻徇之處殊
堪忻慰惟惡俗如典妻賣妻招夫溺女強姦和姦等傷風敗俗之事仍時有發生自非
嚴予痛懲不能改革尙望閣下振作精神隨時隨事勸懲兼施以期逐漸挽回爲地方

造福實無量矣並聞尊處民刑事積案甚多亦應迅速審理以免訟累至法警承發吏之弊端聞亦未能盡革務希查確嚴懲又聞經管社倉各董頗多未善亦須嚴加盤查如有虧短應卽責令回復原數其餘民間有利益之事仍請閣下逐漸設法進行以盡責職是爲至禱

致宣平縣知事陳函

七年十二月二十四日

助達仁兄大人閣下敬啓者茲訪聞閣下在宣精明審慎對於地方一應事宜均能切實辦理深堪嘉慰惟惡俗尙未禁絕如典妻及匿喪婚娶並溺女種種陋習雖出示查禁誠恐一時難以挽回尙望閣下隨時隨事勸懲兼施俾得早日淨絕則功德無量矣又貴處有一般不肖士紳專行包攬詞訟遇事生風實爲地方之害法警承發吏等尙不免有需索情事亦希一併查明真確痛予究懲以儆其餘至於禁煙一項聞種煙者可望淨絕而私運私吸仍所難免開場聚賭亦間或有之雖經閣下拿辦多次而此風仍未稍殺務希派員密查嚴辦以靖地方而安良善且風聞宣邑民風素稱懶惰特甚

致景寧縣知事陳函 八年一月四日

助甫仁兄大人閣下茲啟者訪聞閣下在寧對於公益各事如森林施醫嬰堂靡不竭力創辦備極賢勞深爲佩服惟尙有惡俗如典妻退妻招夫燒山等事未能盡革此固非旦夕所能革除者尙望閣下持之以恆自不難日漸奏功又聞閣下於訴訟各案尙能迅速間或不免稍有通融之處還望有則改之無則加勉則盼禱無既矣

致慶元縣知事江函 八年一月六日

鄂生仁兄大人閣下敬啟者訪聞閣下在慶對於地方利弊應興應革無不整頓得宜至防務一切尤能規畫周詳殊深佩服惟聞尙有招夫早婚以及因夫病廢另招一夫等種種陋習雖經閣下勸禁兼施尙未能盡絕此事固非朝夕所能革除盡淨如閣下能持之以恆日久自不難漸次挽回此則弟所盼禱者也又聞貴治東鄉一帶向多盜竊耕牛之案從無破獲因此民間頗以爲苦尙望閣下嚴密查拿盡法懲治以安良善該鄉人民向以製菰爲業者最居多數本年閩省匪氣不靖遂致裹足不前其貧苦者

勢將坐以待斃望卽迅派妥員馳往詳細調查如實有貧不能舉火者至陰曆年終時務請酌予周恤如閣下獨力不敷望卽函示弟亦當卽酌量補助也

致龍泉縣知事王函 八年一月七日

秋根仁兄大人閣下敬啓者訪聞閣下在龍品端心細辦事精詳於地方一切公益事宜頗能提倡殊深佩服惟聞典妻招夫溺女以及掘墳停棺等惡習至今尙未革除淨盡又因燒製柴炭石灰動輒延燒山場似與森林大有妨礙以上種種陋俗雖非朝夕所能革除然賢有司能時時勸懲兼施自不難漸次挽回也聞貴縣林業尙稱發達仍望竭力推廣蠶桑尤爲大利之所在亦希查照前令及所發白話文趕緊進行煙禁如私售私吸兩項聞亦未能淨絕務望迅派妥員嚴密查拿盡法懲治務淨毒根是爲至要

覆龍泉縣知事王函 八年二月十四日

秋根仁兄大人閣下頃接大函聆悉一切惡習能勸禁兼施自易革除嬰堂倍增其額

并選熱心慈善紳董管理當可漸見效果暴棺一律掩埋更擬訂立安章俾人民有所遵守尤爲標本兼治之策禁煙加以嚴厲蠶桑亦已進行具徵措施得當均深嘉慰尙望執事始終勿懈爲地方造福卽爲自身積德實弟所頌盼不已者也

覆樂清縣知事唐函 八年八月二十五日

棟清仁兄大人閣下函悉據所述貴署人員早已分別去留嚴加約束是極惟除惡務盡傳云芟夷蘊崇勿使能植則善者伸閣下除惡恐未能盡則積久而蔓又生望再切實考察勿稍瞻徇是爲至要

徵求興利除弊意見書 七年七月分發各縣衆議院議員初選當選人

古人有言居官者當事不避難在位者恤民之患處雖德薄才庸竊願從事斯言計自客臘任職甌海虛耗光陰倏將半載慚居觀風之名恨乏恤民之實興利革弊有志未逮每欲暢聆塵談藉知民隱徒以山川間阻未遂初衷而魚雁往還又難罄意耿耿不寐負疚至今幸而天假之緣羣賢畢集所有此邦風俗應行興革者料不待處涖咨

詢諸君桑梓關懷爲我補過爲民造福當必有所陳述惟是署屋數椽勢難遍請且辱

光寵心實不安更恐靦面談論方言不一或多誤會反失真情爰此以筆代言藉抒

意所有地方上之惡習如竊盜械鬪花會賭博典妻溺女掘墳宰牛

此與與事誘拐

訟吸煙燒山

此與森林有大關係

以及地痞土棍之兇橫奢俗淫風之靡濫凡有害於民者宜若

何痛懲而禁絕之至於地方上之美利如森林礦產藥材農田水利工藝商業育蠶種

桑植茶以及育嬰濟貧撫孤養老救病恤癯施棺埋葬旌表節孝之類凡有益於民者

宜若何興起而勸勉之

慶瀾自慚識短難濟民艱尙望諸君子勿吝玉音以開茅塞有

能使政治改良風俗淳厚人民富庶地方安謐者無不樂於聽從至於提倡公益事業

增廣慈善機關則尤

慶瀾素志語云集思廣益衆志成城諸君子不以不才而棄之匡

所不逮襄成義舉則幸甚矣翹首跂足敬俟雅命

考績

呈文九件

指令三件

函一件

呈省長齊請將分發四川縣知事賴豐煦咨調浙省任用文

七年三月二日

爲呈請事竊查甌海道屬襟海環山轄境較廣政務殷繁辟置掾屬非有相當人材不足以資佐理而備驅策茲查有分發四川縣知事賴豐煦係留學日本法政專科畢業學識優長經驗宏富本年一月由川請假回閩措貲道經甌邦適道尹接任之始需材孔殷暫令留署襄理總務辦事懇摯尤稱得力惟該員係分發四川人員未便久留擬請 道尹 公署佐理需材准將該員調留浙省任用分咨 大部暨四川省公署註冊備案實爲公便所有擬請將分發四川縣知事賴豐煦咨調浙省任用緣由理合備文并檢具該員履歷三份呈請 道尹 鈞長鑒核指令祇遵實爲公便謹呈

呈省長齊轉呈慶元縣會呈勦辦閩匪情形並請核獎文 七年六月二十七日

呈爲轉呈事本年六月二十六日據慶元縣知事江宗濂會同劉幫統錫蕃呈稱竊幫統於六月二日奉統帶梅令飭來慶會勦閩省土匪等因奉此遵於八日拔隊出發沿途因淫雨連綿溪水暴漲橋渡多遭漂沒軍行異常艱阻直至十五日始得馳抵慶邑會同知事晤商辦法查閩省民風不靖如舊建甯延平等府屬幾乎比比而然聞南平

古田等縣之匪軍械快利勢甚猖獗以長樂一縣而論失而復得者數次其內容之複雜言人人殊要非外省所得深知至與慶邑鄰近之政和一帶匪類甚衆數犯浙邊然槍械悉係土製烏合之衆原不難一鼓而平惟匪夥類多土著巢窟並無定所地方無備則聚而爲匪軍隊一集則又散而爲民聚散無常良莠尤極難辨別但自五月二十一日拏獲楊茂榮許小弟卽木相等分別懲辦押訊之後匪膽不無少寒一月以來軍警梭巡會哨絕未稍懈一應防務亦復籌備周密匪衆聞風而生戒心慶邑轄境業已如常安謐曾經知事電呈在案惟匪首尙未弋獲隱患終無已時節經知事分別函咨疊請政和縣查探匪踪約期勦辦先後准該縣知事回咨以現奉 督軍李電令徐統帶加派徐隊長督隊到政兵隊雲集境內尙無大股土匪如慶邑查有匪跡潛踪之處卽可相約會勦等語此則仍係兵退則匪聚兵來則匪又復散之故智幫統到慶查悉前情當卽會同知事備函並派哨長劉玉田率隊至政和縣與該縣知事面商會勦及捕拏匪首暨善後計畫茲於十八日劉哨長回慶並接准政和縣知事函覆內稱查政

邑與慶交界各鄉土匪滋擾實屬有礙治安自應嚴行勦辦以清匪源乃軍隊雲集若輩竟匿跡銷聲徐隊長駐政數日卽行回建現經迭次派探偵查政邑界內近日尙無大股匪患頃晤劉哨長詢及自慶至政沿途情形具悉東路一帶亦均安堵如常更屬無可着手惟有嗣後凡於兩縣交界各地點如有匪擾彼此星夜專足報告卽當派隊會同勦辦以免此孽彼竄徒勞跋涉各等由准此竊以慶邑本無土匪發生祇以鄰境匪患頻受影響數月以來對於防堵偵查軍警幾無寧日現在該縣知事既稱軍隊雲集若輩匿跡銷聲無可着手是兵至則散兵去復聚隱患之伏已可概見惟幫統等事屬隔省既不能越俎代謀又未便擅作主張經幫統等會商善後之法惟有將前次由龍泉加撥之警備隊一棚常駐慶邑以便嚴加防堵一面由知事加派探警輪流於交界地點隨時嚴密偵查並再咨請政和縣通咨鄰封各縣加懸重賞購緝協同嚴緝匪首高飛豹范榮通等務獲盡法懲辦暨與該縣訂期於交界地點每月會哨二次如查有匪徒出沒彼此隨時專差馳報會同嚴勦以杜匪患而維治安除再由知事會督軍

警認真辦理隨時呈報不敢稍有疏懈外理合將奉令會勦情形會銜具報仰祈察核示遵並祈轉報誠爲公便等情據此查慶元界連閩省政和土匪迭次竄擾如果防禦稍有疏懈則該縣人民必遭蹂躪本年四月間據該知事呈報土匪猖獗情形即經指令認真防堵該知事竟能督同營警追獲匪夥奪得槍械並將獲犯楊茂榮一名研訊明確依法呈奉 鈞長核准執行槍斃以寒匪膽地方賴以保全其功誠不可沒且查該知事平日於職務上應辦之事亦頗勤敏實爲甌屬各知事中不可多得之員茲據會呈會勦閩匪情形前來除指令外理合備文轉呈並附陳該知事防禦閩匪成績可否酌予獎勵以資激勸之處伏乞 鈞長鑒核施行至警備隊第六區幫統劉錫蕃於此次防禦閩匪亦頗出力應否一併獎勵並候核示遵行實爲公便謹呈

呈省長齊請將樂清縣知事狄紹青改代爲署文

七年七月十八日

呈爲代理樂清縣知事狄紹青實心任事振作有爲擬懇改予署任以觀後效仰祈鑒核事竊查樂清縣知事狄紹青前奉 鈞長電令先行代理遵於三月十六日前往接

任在案樂清民俗素極刁疲對於官廳辦事往往挾私干求沿海一帶距城較遠尤爲煙賭匪犯藏納之所該知事抵任後鑒於歷任知事多所寬假因取嚴厲主義於地方應辦之事頗能破除情面毅力進行並於煙賭各項嚴行偵察遇有發生案件無不盡法懲治復經周歷各鄉親自巡視地方情形振刷一新願以久經放任之後一二刁狡之徒不耐縛束不免懷挾私忿圖潛觀聽然詢之該縣公正士紳於該知事從無間言且願久於其任以期稍返積習因思該知事既經實心辦事力圖報稱實於該縣地方裨益匪淺且蒞任未久適屆國會省會三次選舉亦復依法辦理尙無貽誤尤徵黽勉從公堪資造就現在該知事代理任期已逾四月可否懇請 鈞長改予署任以觀後效之處理合將該知事辦事情形據實具呈仰祈鑒核施行實爲公便謹呈

呈省長齊松陽縣知事錢世昌勤政愛民請予獎勵文

七年七月二十六日

呈爲松陽縣知事錢世昌勤政愛民克稱厥職懇請優予獎勵以資激勸仰祈鑒核事竊維民生之休戚視乎吏治之盛衰故欲治民必先察吏 道尹抵任以後對於各縣知

事函牘批答之外其因公來道者輒面加考詢接見各縣士紳時尤詳細訪察蓋以甌海道治地方瘠苦民俗強悍知事爲親民之官自非教養兼施無以爲休養生息之計茲查松陽縣知事錢世昌任事已及兩年勤求民隱不自暇逸故於應辦之事無不盡心規畫實力舉行其尤感移於無形者每日於司法案件親自收受訴狀遇有因錢財細故及徒以意氣爭執遽爾涉訟者該知事輒面加勸導俾息爭端該民人等往往以長官一言互相感悟自願和解頗有刑清政簡之風監獄罪犯及人民之有疾病者該知事治事之暇親爲診治又捐廉興辦各種慈善事業地方人民羣相愛戴道屬官紳凡途經該縣者探風問俗之餘於該知事亦交相贊許異口同聲本年五六月間霖雨兼旬山洪暴發該縣大竹溪區舊有隄埭爲水冲毀該知事親往履勘設法興修勸令居民貧者勞力富者出貲現正着手進行於該處田畝廬舍裨益甚鉅平時於應覆案件及各種表冊該知事亦無不隨時呈報條理秩然從無積壓參差之弊跡其實心任事盡職無慚實爲僚屬中不可多得之員擬懇 鈞長優予獎勵俾資勸勉而宏造就

區、
是否可行理合備文呈請鑒核施行謹呈

呈省長齊爲青田縣知事拿獲鄰境凶犯請予獎勵文
七年十一月十一日

呈爲青田縣知事張鵬拿獲鄰境凶犯據情呈請獎勵事案據青田縣知事張鵬呈稱
本年八月一日奉鈞署第五六二號訓令內開案據慶元縣知事江宗濂呈稱花會逸
犯劉世力鳴鑼聚衆拒捕毆警奪械開具該犯年貌籍貫呈請通緝歸案懲辦等情通
令下縣督飭長警嚴密協緝務獲解究計發年貌單一紙等因奉經知事密督長警並
多購探線四出查拏旋於本年九月十一日拏獲逸犯劉世水劉松毛二名並於該犯
身畔搜獲賭博單二紙與劉世力函一紙到署知事提犯開庭研訊訊據獲犯劉世水
供認係逸犯劉世力之二兄劉松毛供認係劉世力之三兄察核劉松毛與慶元縣呈
請通緝之劉世力年貌相若當以供詞游移劉松毛是否卽屬劉世力無從證實並以
該縣呈請通緝原案會稱劉世力有兄弟四五人糾衆拒捕毆警奪械又稱劉世力兄
弟均已遠颺無從拏獲是則劉世水與劉松毛亦屬案內重要人犯卽經將該犯劉世

水劉松毛二名連同證物一併解送該縣歸案訊辦並請見覆去後茲於本月一日准慶元縣知事江宗濂覆稱准解送獲犯劉世水劉松毛二名並證物過署當經開庭審訊查劉松毛即劉世力正身劉世水即隻眼龍係劉世力之兄確係開設花會拒捕毆警奪械之正犯除由敝縣研訊確情按律判辦並分別具報撤銷緝案外相應覆請查照備案等由過署准此知事伏查知事獎勵條例第十一條規定拏獲鄰境凶犯得獎以第四等獎勵又該條例第十九條內載應獎以第六條規定獎勵者由該管長官詳叙事實呈報內務總長會同國務總理行之各等語此次該著名花會逸犯劉世力等在慶元縣開設花會經該縣知事親自赴鄉訪查屬實聞拏仍敢移地開設迨經該縣派警嚴拿並敢鳴鑼聚眾拒捕奪械又毆傷警察至六名之多實爲凶悍已極目無法紀現經知事督警購緝拿獲解送該縣歸案訊辦確係正犯按律懲辦核與該條例第十一條第一款規定事例相符可否准予援照該條例第十九條規定詳叙事實轉請依例核獎之處仰祈鈞署俯賜察核指令祇遵誠爲公便等情據此查慶元縣花會賭

犯劉世力聚眾拒捕毆警奪械實屬目無法紀前據該縣知事江宗濂呈明情形並請通緝前來即經道尹令飭所屬一體協緝在案嗣於本年十月二十六日又據慶元縣知事江宗濂呈稱現由青田縣拿獲解案之劉松毛即劉世力正身劉世水即隻眼龍係劉世力之兄確係開設花會拒捕毆警奪械之正犯除訊明律辦外請撤銷通緝等情業經指令從嚴訊辦在案茲據青田縣知事張鵬呈報拿獲情形並請援例給獎前來道尹核與知事獎勵條例第十一條第一款尙屬相符除指令外理合備文轉呈可否照例獎勵之處仰祈 鈞長鑒核施行實爲公便謹呈

呈省長齊請將代理瑞安縣知事沈嚴改委署任文

八年一月六日

呈爲代理瑞安縣知事沈嚴老成練達堪膺煩劇擬請改委署任以觀治效仰祈鑒核事竊查瑞安縣知事沈嚴前奉 鈞長電令代理遵於上年十月二日馳往接任呈報在案甌海各屬瑞邑民風最爲刁疲地方士紳於官廳所辦事務幾無一不加干涉又黨派衆多意見不一歷任知事輒加優容愈形囂張故夙稱難治該知事接任以來遇

有地方請求和之以禮折之以法從容布置輿論翕然對於警務司法各事亦力加整頓漸有起色該知事老成練達如能久於其任政績所著當有可觀應否改委署任以宏造就之處理合備文呈請 鈞長鑒核施行實爲公便謹呈

呈省長齊縉雲縣知事湯贊清振作有爲臚陳事實請予獎勵文 八年三月十五日

呈爲縉雲縣知事湯贊清精明幹練才識兼優臚陳事實仰祈鑒核事竊查署理縉雲

縣知事湯贊清於上年九月奉委接任以來於地方事務分別舉辦振作有爲經 道尹

派員考查雖蒞任未久而其設施一切已有可觀謹爲據實陳之一曰防務縉雲與仙

居永康接壤素稱緊要其東鄉壺鎮自呂東升於改革時設立軍政分府勾結仙匪竄

擾有年現在渠魁雖故餘黨猶多該知事接任之始正值閩訊告急甌屬戒嚴該縣伏

莽蠢蠢欲動該知事不避嫌怨嚴密偵防並請移撥警備隊分駐城鄉始各紛紛逃避

獲免無事一日賭禁縉雲人民性多嗜賭東鄉壺鎮大皿西鄉新建小溪爲尤甚該知

事按名訪拿嚴加懲辦其花會積犯迭次拒捕通緝有案之朱鳳元朱鳳康及呂攀雲

等現均拿獲到案若輩始各斂迹不敢僥倖嘗試一日警察各縣警察大都有名無實
縉雲城區駐警二十二名壺鎮分駐十一名該知事到任後勤加訓練精神漸振於緝
捕等事尤頗著成效一日教育縉雲國民小學有一百餘所而每年縣稅補助共祇四
五百元按校攤派少者不過數元腐敗已極該知事裁節靡費設法挹注年可增至二
千餘元並爲改良辦法取締教員注重國文循此以往當有起色一日司法縉雲好訟
本爲處屬之冠誣告之風尤甚該知事嚴拿懲辦數月以來刑訴漸減其著名刁惡歷
任未辦之趙必豐亦經拿獲科罪人心大快前任移交積案一百二十餘起亦已審結
十分之八輿論稱之其餘實業如興辦蠶桑勸導森林公益如恢復育嬰堂養濟院等
事亦能悉心規畫盡力提倡實爲甌屬不可多得之員道尹考察所及理合具文呈報
鈞長鑒核應否酌加獎勵以資鼓舞之處出自 鈞裁伏候察核施行謹呈

呈省長齊陳報道尹公署辦理機要尤著成績各員請予咨獎文

八年五月二十六日

呈爲擬請核獎

職

署辦理機要尤著成績各員仰祈鑒核事竊

道尹

公署各科掾屬節

經遴委呈報 鈞長鑒核註冊並督飭認真辦事各在案茲查總務科科長兼秘書顧祖鏞第一科科長兼秘書葛尙冲奉職以來均已一年有半昕夕從公克稱厥職上年甌屬防務吃緊之時各屬請示機宜文電紛馳規畫一切頗資贊助現在地方安謐該科長等既係頗著勤勞似應優予獎勵俾資激勸理合開具清摺加列考語並檢取各該員履歷備文呈請 鈞長察核可否轉咨獎給勳章之處伏候 鈞裁實爲公便謹呈

呈省長齊爲永嘉陸軍步兵營長吳國棟治軍有方請予咨獎文 八年十二月十一日
呈爲呈請事竊查溫屬地處海濱夙多盜匪加以近年閩疆不靖人心浮動非有得力軍隊藉資鎮壓易致發生事故茲查前駐永嘉陸軍步兵第六團第二營營長吳國棟精明強幹治軍有方上年閩防吃緊時督飭分駐平陽之軍隊竭力防範其駐永之軍隊亦復不分晝夜隨時分段梭巡匪徒不敢匿跡地方賴以安寧又招商局廣濟輪船被人圖焚時聚衆數千人該營長聞信立率軍隊親往彈壓不至釀成巨禍本年夏間

永嘉發生罷市風潮該營長親自帶隊維持治安最爲出力至其所部兵士平日對於地方秋毫無犯紳商各界均深感其治軍嚴肅現雖調駐杭垣其在溫之功究不可沒爲特列舉該營長成績備文呈請可否由 鈞長轉咨 督軍優予獎勵之處伏乞鑒核施行實爲公便謹呈

指令玉環縣知事爲辦理團政人員擬懇給獎仰祈鑒核轉呈由 八年二月 日

呈悉查該縣密溪塘前坑吳正福家於七年九月二十七夜被盜搶劫並被擄去吳恩照一口廟灣山頭陳永敬家於七年十月十五夜被盜搶劫又鹽盤地方應雅人家於七年十一月二十三夜被盜搶劫並擄去事主應萬樹一名均據該知事呈報有案迄今尙未破獲何得遽稱無盜匪踪跡輒請將辦理團務人員轉呈給獎至城區及江南各區之保衛團既未編制完備呈報成立所請給獎一節亦難照准仰卽督飭認真辦理俟著有成績再行呈請獎勵可也此令

指令松陽縣知事呈送承審員成績及書記服務情形清冊由 八年三月四日

呈册均悉該縣承審員胡懃棠辦理司法事務竭誠服務聽斷勤慎自是難得仰候據情轉咨高審廳酌核給獎書記蕭鳳韶既經任事多年謹慎無誤卽由該知事傳令嘉獎此令清册存

指令永嘉警察局呈報拿獲九龍香會餘黨姜正媿卽張正媿送廳究辦由 八年六月二十七日

呈悉九龍香會餘黨姜正媿卽張正媿在茶山一帶意圖死灰復燃經該局長密飭長警拏獲具見防範認真深堪嘉尙四區警佐尙晨辦事得力亦屬可嘉仰卽傳令嘉獎其餘出力各長警並仰該局長酌量獎賞以資鼓勵仍候警務處令遵此令

致甯台鎮守使何函 七年六月十六日

茂如仁兄大人閣下敬啓者玉環與溫嶺交界爲海盜出沒之區此拿彼竄猖獗異常近復尤甚今據玉環江知事報告外海水警第五隊林隊長不分畛域奮勇獲盜四十四名之多殊堪嘉尙查水警向來畏葸無能者多若林隊長之能奮不顧身者實屬難

得聞已將所獲盜匪呈解貴署懲辦用特專函奉懇可否將林隊長呈請酌予獎勵以資激勸尙祈尊裁示覆爲荷弟與林隊長素未謀面且又隸屬二區本未便越俎懇商祇以玉環盜風太甚得此一番痛勦以後可望稍戢兇燄未始非林之功且獎之尤足以勵其他水警想尊意當不斥其非也

甌海觀政錄卷一

民政類

民食

呈文十六件 咨文五件 公函一件 訓令六件 指令十二件
代電七件 批三件 榜示一件

呈省長齊呈送甌屬沿海及內地各縣流通米麥取締辦法文 七年三月二十九日

呈爲呈送擬訂甌屬內地各縣流通米麥取締辦法仰祈鑒核事竊查米麥爲民食所關漏海之禁固宜從嚴而甌屬各縣每年所產米麥豐歉各有不同設非彼此流通不足以資挹注然使不予取締又無以杜奸商影射之弊查近來各縣商民往往以內地流通不在禁止之例任意裝運漫無限制拿之則稱流行內地縱之又恐駁運出口在若輩固有所藉口而官廳則辦理爲難苟非訂定內地流通辦法不足以資遵守 道尹因特體察各縣情形酌擬甌屬內地各縣流通米麥取締辦法十條開具清摺備文呈送是否可行之處仰祈 鈞長俯賜察核指令遵行實爲公便再前奉 鈞長軫電令

擬甌屬限制米麥出海辦法業已酌擬另文呈送合併陳明謹呈

謹擬甌屬內地各縣流通米麥取締辦法呈請 鑒核

一甌屬內地各縣農產不敷向須仰給鄰縣得由商民隨時採運接濟

一商民輸運前項米麥數至一千斤以外者仍須向起運地縣署報領護照在萬斤

以上者須呈由道尹核准

一商民報領護照須將裝運數日期限船戶姓名及經過到達地點並覓具殷實舖保呈報縣署聽候驗發

一縣署據商民報告後應填就三聯護照派員到船查驗相符加蓋月日驗戳除存根外一聯交執放行一聯報道仍另文咨照到達之縣備查

一商民領照起運後沿途經過查驗機關須即時呈驗護照船與照不准分離違者仍以漏海罰辦全數充公

一商民領到護照後須依限運往到達地點將護照繳由該處縣署咨回原發之縣

批銷如到達之地距縣較遠得繳由該處縣屬機關轉呈咨銷

一各縣或查驗機關遇有經過或到達米麥驗照放行或留照轉繳均須加蓋月日驗戳如該商民有特別事由不能依限時查驗確實應於照內註明

一各縣或查驗機關遇有經過或到達米麥如查係無故逾限或數目不符卽行扣留處罰呈道備案如無護照或不應經由之路線概以漏海罰辦全數充公

一原縣發給護照後如該商民並不運往指定地點及有其他偷漏情弊除將米麥充公外并應追究原保舖戶罰辦

一內地商民輸運前項米麥如須經由海程者應按照另定限制出海辦法辦理

呈省長齊呈送限制食米出洋辦法文

七年三月二十九日

呈爲遵令督同各縣酌擬限制米穀出洋辦法呈請鑒核事本月十二日奉 鈞長軫電內開據臨海縣知事呈台米出洋過多已電會嵇道派員會縣查擬限制辦法呈核該道屬沿海各縣應一并嚴禁私漏以維民食仰卽督同各縣體察就地情形妥擬辦

法速呈候核等因奉此道尹遵卽轉令沿海之永嘉樂清瑞安平陽玉環等各縣速擬辦法去後茲據各該縣將所擬辦法先後呈送前來業經道尹參酌情形另擬辦法十條開具清摺備文呈送是否可行之處仰祈 鈞長察核令遵實爲公便謹呈

謹擬甌屬米麥限制出海辦法呈請 鈞鑒

一甌屬各縣米麥如未經呈准有案凡出海船隻除大號海船准帶食米一千斤中號五百斤小號三百斤外不得私自販運違者無論多少概以漏海罰辦全數充

公

一甌屬永嘉瑞安樂清平陽等縣農產豐富如遇米麥充盈時由縣知事體察就地情形酌定數目及運往地點呈由道署轉請省署核准放運出海

一呈准放運之米麥須由商民將裝運數目期限船戶姓名及經過到達地點覓具殷實舖保報由該管縣署轉呈到道由道掣給護照

一道署填掣護照發交原縣一面飭知到達之縣其運往鄰屬者咨由各道轉飭知

照

一原縣奉到護照後須到船查驗與照載各項是否相符並於照上加蓋月日驗戳始准放行

一商民領照起運後沿途經過查驗機關須即時呈驗護照船與照不准分離違者仍以漏海罰辦全數充公

一商民領到護照後須依限運往到達地點將原領護照繳由該處縣署呈道批銷其運往鄰屬者由縣呈送本管道署咨回批銷

一各縣或查驗機關遇有經過或到達米麥船隻驗照放行或留照轉繳均應加蓋月日驗戳如該商有特別事由不能依限時查訊確實應於照內註明

一各縣或查驗機關遇有經過或到達米麥船隻如查係無故逾限或數目不符應卽扣留船照呈報該管道署核議處罰如無護照或不應經由之航路概以漏海罰辦全數充公

一原縣呈給護照後如該商民並不運往指定地點及有其他偷漏情弊除將米麥充公外并應追究原保舖戶罰辦仍呈道備案

以上各條係沿海各縣輸運辦法其本道內地各縣流通米麥另擬辦法呈核

呈省長齊遵令議覆收運租穀簡便辦法文 七年五月十日

呈爲呈覆遵令飭縣妥議收運租穀兼顧辦法仰祈鑒核事本年四月八日奉 鈞署第三一八四號指令玉環陳虞等呈爲收運租穀請領護照耗費廢時請令縣妥議簡便辦法由內開呈悉食米漏海固應嚴防惟據稱收運租穀請領護照手續繁多耗費廢時如果屬實自應設法酌改以示體恤仰甌海道道尹督飭永嘉縣知事查明妥議兼顧辦法呈候核飭遵行呈抄發此令等因奉此卽經令行永嘉縣知事鄭彤雯查明妥議去後嗣據呈覆前來察核所議辦法實有未妥因又令行該知事重行妥議在案茲據覆稱知事遵復悉心酌議請嗣後除運穀至百石以上者請飭起運客民邀保具結稟由鈞署核給護照外百石以下者由職署製就呈請書及驗單發存收發處凡收

運租穀回籍客民須覓在城殷實舖保具結向職署收發處領填呈請書連結呈由知事核明填給驗單起運似此辦理既省具稟請照之繁文又免購貼印花之費用庶足以副鈞尹體恤民艱之至意餘俟奉令核准後再當布告外所有遵令復議緣由是否有當理合檢同呈請書及驗單式備文呈覆等情前來據此查該知事所稱運穀至百石以上者由道發給護照一節似可不必茲由道尹酌定凡客民收運租穀在百石以下者該客民覓具保結向永嘉縣署領填呈請書經該知事查核屬實卽行填給驗單放運以資證明其運穀在百石以上者仍照從前辦法由縣署發給護照似此分別辦理較爲簡便至該知事所擬呈請書式及驗單式尙屬妥適除咨甌海關監督查照外理合備文連同呈請書式及驗單式一併呈送是否有當仰祈 鈞長鑒核令遵實爲公便謹呈

呈省長齊查覆甌屬產米有餘各縣擬定價值最高限度列表送核文

七年五月十三日

呈爲呈報事本年四月十五日奉 鈞署第三四八六號指令道尹送呈擬送限制米

區、平、清、一、分、局、一、二、一、
麥及流通兩種辦法由內開迭呈及附摺均悉查嚴禁米麥漏海其本旨在維持民食
其要義先在不抑糧價是宜先令道屬出產有餘各縣分由縣知事召集紳商將各種
米糧價值參照近五年情形預定一最高限度凡市價不及此數時方准商民運濟內
地其運濟之法由道尹刊印三聯護照頒存出產有餘各縣遇有米商申報卽由該知
事查明市價取保填發驗放之後立即報明道尹一面知會到達縣分按照驗收並將
護照繳道備查查有弊端照例罰辦似此互相箝制稽查較易爲力毋庸多列條文轉
滋繁擾至出海商船攜帶食米並准酌定限制以免影射仰該道尹妥慎遵辦並咨行
會嵇道尹一併參酌辦理俾資接洽此令等因奉此遵查甌屬沿海出產各種糧食有
餘縣分惟永嘉平陽樂清瑞安等四縣內地惟松陽一縣產米尙多因卽分令各該知
事召集紳商將各種米糧價值參照近五年情形預定一最高限度呈候核奪去後茲
據各該縣知事先後將近五年各種米糧價值列表呈送前來業由道尹分別照表平
均計算酌定永嘉縣米價每洋一元購白米二十九斤穀價每百斤洋一元九角小麥

價每石洋四元二角爲最高限度瑞安縣米價每石洋四元五角小麥價每石洋四元
茹絲價每百斤洋一元七角爲最高限度樂清縣米價每石洋三元穀價每石洋一元
五角小麥價每石洋二元三角茹絲價每百斤洋一元五角爲最高限度至平陽縣民
間習慣米穀向憑觔兩不論升斗每穀百斤七折製米鄉民但知每洋一元糴穀若干
斤其以錢糴米者亦以穀價高下爲衡故以穀價計算茲酌定該縣每洋一元糴穀五
十八斤爲最高限度其大小二麥據該知事呈稱出產無多僅敷民食故未定限度又
松陽縣米價每一元購米二十八斤小麥價每一元購二十六斤爲最高限度除咨行
會稽道尹查照外理合造具一覽表連同所擬三聯護照程式一併備文呈報仰祈
鈞長鑒核令遵實爲公便謹呈

呈省長齊酌定出海商船攜帶食米數目及收取照費辦法文

七年六月四日

呈爲呈報酌定出海商船攜帶食米數目及收取運米照費辦法仰祈鑒核備案事查
內地流通米麥一案前奉 鈞署迭次令定辦法後遵將運米護照式樣及永嘉等各

縣米糧價值最高限度酌量擬定一併呈送在案本年五月三十日奉 鈞署第五三八八號指令內開呈悉察閱所擬護照式樣尙屬可行仰卽督飭各縣認真辦理並飭將擬定作爲標準之米糧價值最高限度及令定辦法布告商民一體知照一面咨行外海水警廳轉知所屬各船隊接洽護照式樣及擬定各縣米糧價值最高限度一覽表存此令等因奉此自應遵照辦理惟查出海商船攜帶食米亟應酌定數目藉免影射茲擬定大帆船准帶食米八袋中帆船准帶食米五袋小帆船准帶食米三袋以示限制至發給護照亦應酌收照費茲擬參照從前樂清縣呈奉 鈞署核准收取照費辦法酌定每米百斤繳納照費大洋一角穀百斤繳納照費大洋七分麥百斤繳納照費大洋五分茹絲百斤繳納照費大洋三分該項照費由發給護照之縣署收存每月終彙解道署以備撥充公益之用由道按季造冊呈報以昭實在除咨行水警廳並令所屬各縣一體遵照外理合備文呈報仰祈 鈞長鑒核備案實爲公便謹呈

呈省長齊查覆黃珏等呈奸商運米漏海呈縣不辦情形文 七年十二月二日

呈爲查覆永嘉黃珏等呈奸商運米漏海情形仰祈鑒核事本年十月二十一日奉
鈞署第一一〇三號指令據永嘉黃珏等呈奸商運米漏海呈縣不辦請令飭懲辦
由內開呈件均悉所稱各節是否屬實仰甌海道尹分別澈查明白呈件抄發此令等
因奉此察核抄呈內稱豐裕楊森發裝運小麥八百石分作二次載赴玉環楚門一節
查此案據永嘉縣知事於七月二十三日八月二日二次呈稱據豐裕楊森發報領運
麥護照裝赴楚門並附繳驗二紙共數八百石九月十四日據楚門稅關將該商執運
護照封送到道復查繳到護照該商一於七月二十七日由陳協豐船裝麥三百石出
口一於八月六日由金聚順船裝麥四百二十二石出口均由甌關稅務司簽字填明
運往楚門加蓋海關驗戳該二船同於八月十日運到由楚門稅關填明如數進口亦
加蓋驗戳但前項護照刊明繳由到達之縣轉繳到道該商所執之照何以由稅關轉
呈卽經道尹將照面交徐關監督轉詢稅務司據覆凡輸運貨物定有限數之護照其
出口時由海關簽字者應由到達地之海關或其所轄機關收起繳回原關此次豐裕

楊森發出口之麥稅務司並另給洋文專照楚門稅關驗明後即將洋文專照繳由浙海關轉交到甌道照則以刊明辦法逕繳到道甌關稅務司並以未據楚門稅關同繳道照經徐關監督咨由浙關聲覆原委在案等語是豐裕楊森發二次之麥確由楚門稅關驗明進口若如抄呈所稱安知非該商運動稅關爲之出脫則輾轉設疑殆無可信之事矣至該商第一次運麥遲到數日已據黏呈內稱由原縣查明阻風打濕似實別無弊混又原呈內稱本月間有奸商運米六百石出口護照僅填三百石查獲後罰洋六百元仍准出口一節此案查於十月四日由水警區據第九隊於狀元橋洋面查獲解區送道經令永嘉縣知事派員秤見該船共裝糙米七萬八千六百三十一斤訊據該商丁文卿執有樂清縣給九月二十九日運米三百八十石護照一紙係於照外夾帶二百餘石照章將溢出之米充公變價該商願照市價繳銀六百七十元將米領回并限令在永境出糶覓保具結在案並無仍准出口之事又原呈內稱近日又有四百五十石在海口碇頭山被獲不知官廳如何爲之解脫一節查此案於十月十九日

由水警區函稱據第九隊報告於十四日在七里洋面查有無照米船因即帶區轉送
到道而商人朱廣源於十八日將樂清縣十月十一日所給之護照呈送前來經令行
永嘉縣知事查明米照相符惟船照兩離該商自知不合願認罰銀三百元因予開釋
在案至永嘉運米護照早於八月底據該知事以米價日漲呈請停給其已發之照祇
有三號第一號運米二百石裝赴景寧第二三號共運麥八百石即豐裕楊森發所領
者護照團名目亦由該知事撤銷未准實行原呈所稱全屬影響之詞惟查米麥出口
民食攸關雖經道尹迭次函商海關暨水警區並嚴飭各縣切實查禁而甌屬奸商漏
米幾成習慣除遵照 鈞令隨時會督嚴行查禁外所有奉飭查覆奸商漏海緣由理
合備文呈覆仰祈 鈞長察核謹呈

呈省長齊爲酌擬查禁私漏穀米辦法文

八年二月十七日

呈爲呈報查禁漏海米石情形仰祈鑒核事竊查甌屬糧食出產以樂清平陽爲最多
永嘉次之各縣大都賴樂平兩縣米糧爲之接濟且貧民則專食薯絲故米價向不甚

高上年因雨水過多薯絲大都霉爛其價幾倍往年米穀亦以私漏不絕價格亦因之漸漲貧民生計維艱當經令飭各該縣卽行停給護照並嚴禁私運在案近日米價又逐漸加高究厥原因實由永樂平三縣均係沿海奸商偷漏米糧太多所致若非從嚴查禁深恐本年四五月間青黃不接之時民間必大起恐慌惟查禁漏米如果專恃水警恐各水警積習太深仍不免有得賄私放情事因酌擬辦法三條一擬委託警備隊幫同稽察查永嘉平陽樂清三縣緊要地點均有警隊駐紮永嘉漏海米石多自狀元橋裝載平陽多由古熬頭裝載樂清多由七里地方裝載如果警備隊協助查拿奸商不敢逞其故技漏海之事自可減少一擬責成各縣知事嚴查米舖存米如有存積甚多忽然減少者必係串通奸商私漏出海一經訊實嚴予處罰以儆效尤一擬加重查獲漏米賞金查甌屬查獲漏米處罰之後每提成充賞惟爲數無多不足以資鼓勵嗣後無論水陸各警查獲漏米擬酌量情形於罰金內提三四五成充賞庶重賞之下必有勇夫私漏之風或可禁絕

道尹

爲維持民食並預防滋事起見理合將酌擬情形備

文呈報是否有當仰祈 鈞長鑒核俯賜指令祇遵實爲公便謹呈

呈省長齊爲發見模糊運米護照請通令錢塘金華兩道尹一體查照由道填照給運

以資一律文 八年三月三十一日

呈爲呈請事本年三月十五日據外海水警第三區區長盧家有報告本月十五日據
十一隊隊長報稱據第一分隊長鮑榮貴第四分隊長施啓開第五分隊長林志賢會
報竊本月十一夜分隊長等查得閩船船戶江發興出海江攸平由乍浦運到食米一
船計七百三十石領有海甯縣知事發交峽石商會隨時填給運照二紙註明運至溫
州地方惟目下溫州民食似無待鄰境接濟應否送赴指定地點售賣以杜于雙牌三
盤各洋面運赴台灣福建等處之弊理合檢同運照報請示遵所有船牌槍照均經驗
明無訛等情並運照二紙前來隊長伏查運米護照久已停給此項運照真偽莫辨理
合將運照一併送請察核示遵等情並運照二紙到區據此區長覆加察閱此項運照
於現時情況似不適用而騎縫印信模糊尤滋疑竇恐其間不無作偽之處此項食米

既經該隊暫行扣留在坎應如何辦理之處理合報告鈞尹鑒核伏祈示遵等情前來據此當以該項運照顯有弊混情事將人船米石一併令發永嘉縣訊明處分去後茲據該知事覆稱知事遵卽派員並函請外海水警第三區派弁先將該米船駛回永邑一面照錄運照函請海甯縣辨別真偽以資解決並因函牘往返需時又經電詢各在案茲准海甯縣電覆江發興船裝米七百三十石本年三月二日發運溫州運照確係敝縣發給海甯縣知事韋紹皋漾等由過署准此查此案運照雖確係海甯縣發給然照內到達地點僅填溫州兩字並不註明何縣不無影射漏海嫌疑准電前由除將該米暫存船內候示發落外究應如何辦理之處知事未敢擅便理合備文呈祈鑒核俯賜指令俾便遵循等情前來當以閩船江發興所運米糧照內既係填明運至溫州自應在溫銷售卽指令該知事勒令該船戶覓具保結並監視在溫出糴將米價由縣暫存一面將米照兩紙呈繳來道候咨請錢塘道尹發交原縣查明究竟有無弊混俟覆到後再行核奪飭遵在案

道尹查內地流通米糧辦法會嵇甌海兩道已於上年五月

擬定護照式樣呈奉 鈞署核准後轉令所屬遵行此次該船戶等所執護照雖由海
甯縣電覆係由縣發給然式樣既不相同縣印尤模糊難辨殊覺無從查察爲此抄同
職署運米護照式樣二紙備文呈請可否由 鈞署通飭錢塘金華兩道仿照會稽甌
海兩道辦法以免兩歧之處伏乞 鈞長鑒核俯賜令遵實爲公便謹呈

呈省長齊查覆江發興運米護照咨由錢塘道尹逕呈察核文 八年四月十二日

呈爲呈覆事本年四月十二日奉 鈞署第六四〇號訓令內開案查前以訪聞有奸
商在海甯濠領護照運米漏海情事經令道責成海甯平湖兩縣會同查禁並設法取
締給發護照在案茲據省議員吳清卅代電稱禁米過溫爲永嘉查扣七百三十石發
現海甯縣署護照兩紙按運米護照一爲硤石鎮商會擔任給發一爲海甯城商會擔
任補給此次所發現違發護照總不出城硤商會兩處應請鈞長令飭海甯縣知事吊
取原照核對號碼并查禁米陸續過塘數逾五萬餘石實駭聞聽卽乞從嚴澈究以維
民食等情除令行錢塘道尹速電海甯縣知事遵照前令嚴行查禁取締外合亟令仰

該道尹查照迅行永嘉縣知事查覆並將發現之海寧縣護照送署查核切切此令等因奉此查本年三月十五日據外海水警第三區區長盧家有呈報查獲閩船江發興由乍運米七百三十石來溫一案業由道尹將查獲及勒令在溫出糶各情形呈奉

鈞署第二七七二號指令在案所有案內運照二紙因疑竇頗多於四月六日咨送錢塘道署查明有無弊混情事現尙未准咨覆奉令前因除咨錢塘道尹將該項運照逕呈鈞長察核外理合先行備文呈覆仰祈鑒核施行實爲公便謹呈

呈省長齊爲檢明金合順漏海米數並送運照供單文

八年四月二十六日

呈爲呈報檢點金合順裝運米石數量並送運照五紙供單一紙仰祈鑒核事竊查本年四月十二日據水警第三區區長盧家有呈報查獲金合順米船一案業經道尹將

詳細情形連同運照一紙呈請鈞長核示在案嗣於四月十四日據出海郭馬和之

兄郭馬送具呈到署聲稱此次因玉環缺米囑弟郭馬和向海寧陸乾大行轉商商會請縣給發護照裝米六百零二石四斗於古曆三月初一日出港初九夜到石塘被水

警非法查驗搶先架陷爲此黏附海寧縣護照五張請求鑒原卹商等情前來 道尹查
甌屬各縣如平陽樂清瑞安等產米甚多玉環如果缺米斷不至舍近圖遠反向海寧
採辦核其呈詞已難憑信且該民既執有運照六紙當水警查獲時僅交出一紙尙有
五紙隨後始行呈繳其爲有意弊混尤屬顯然因卽批令靜候訊明處分並飭永嘉縣
將該項米石實在數量點明速報去後茲據該知事呈稱據委員金玉穉等報稱帶同
秤手前往會同水警逐一過秤計淨白米五萬四千二百八十六觔運儲道倉惟現屆
季春陰雨連綿前項米石已將霉變擬請仿照江發興案辦法先將是米按照時價就
地出糶所得米價繳縣存儲候示發落等情並據送供單一紙前來據此除指令准將
該項米石先行在溫出糶所得米價由縣暫存外理合檢同供單一紙護照五紙備文
轉呈究應如何處分之處仰祈 鈞長鑒核令遵實爲公便謹呈

呈省長齊呈報令縣處分金隆泰等船米麥漏海案文 八年五月三日

呈爲呈報事本年四月一日據外海水警第三區區長呈稱竊本月一日據十隊隊長

戴玉得呈稱本年三月二十八日據九隊第二分隊長李游陞職隊第六分隊長范毓華報稱分隊長等同在北關門外查獲台州烏梭船兩隻一係金隆泰船牌出海李春海裝運小麥三百五十石又米二十二包由金星港出口一係金萬興船牌出海應有成裝運小麥一百三十五石又米一十八包亦由金星港出口此係糧米攸關應將人船米麥一併解送等情前來據此查該商船等違帶違禁似此之多殊屬不法理合將人船米麥報請核辦等情並米麥兩船前來據此查金隆泰金萬興兩船裝運小麥一有浙海關稅單一有海門統捐局執照雖非私運而數目亦不相符事關糧米未便任其出口至該金隆泰等船夾帶食米共三十袋之多顯係偷漏既據查獲解區自應呈解鈞署仰祈飭縣分別處分實爲公便等情據此當經發交永嘉縣訊明辦理一面咨詢會稽道對於私運小麥向來是否禁止並能否出省此次該船戶等並未向地方官廳請給護照僅持有浙海關稅單及海門統捐局執照遽爾將小麥運至閩省應否認爲有效事關民食不得不詳細查明以昭鄭重請卽查核見覆去後旋准會稽道咨覆

內開查此案迭准貴署來電當以敝屬禁米案各縣原呈均無小麥在內然亦無准運出省明文先後電覆在案至敝署原刊護照係專備運米之用今米石業經禁運護照當然廢止且小麥一項敝屬本無禁止出運之規定卽無填給護照之必要詳繹來咨對於私運問題深加注意自係爲慎重民食起見惟私運與否當以有無單票爲憑該船戶等由金清港裝麥出口雖未請領護照既在海關及海門統捐局報納捐稅執有關局稅單捐票究與私運不同似未便認爲無效第小麥亦糧食之一若任令大宗出口亦於內地民食有關似宜勒令將所裝小麥悉數在內地行銷不得裝運出省以示限制庶於民食商艱雙方並顧應否照此辦理請煩查核施行等由過署道尹當卽令飭永嘉縣知事勒令該船戶等將該項小麥在溫出糶以示限制各在案除指令水警區並俟永嘉縣知事將該項小麥勒令在溫出糶清楚具報後另文呈報外理合備文呈明仰祈 鈞長察核施行謹呈

呈省長齊呈覆查明樂清縣現存米穀數目價值並擬酌量流通辦法文 八年六月七日

呈爲呈覆事本年五月二十四日奉 鈞署第三九四九號指令據胡天僕等呈請疏通米穀並請援案設所稽查徵收照費由內開呈悉甌海道屬各縣購運米糧流通內地業經定有辦法所請援案設所稽查徵收照費各節未便率准惟據稱米穀委積有紅腐之患是否實情現在該縣米穀市價若干仰甌海道道尹轉令樂清縣知事詳切查明迅行呈覆核奪來呈抄發此令等因奉經轉令樂清縣詳查迅覆在案六月二日又奉 鈞長儉電內開案據樂清民人朱虞賓等電稱樂清連歲豐稔米穀委積唐知事禁止銷運經胡天丕等呈請核示在案現經濟奇窘羣情惶急乞卽電道飭縣開放等情查前據該縣胡天僕等來呈業經批令該道飭縣查明米穀市價呈奪據電前情仰再派員會縣查明實在情形妥議一併呈核等因奉此復經派職署總務科科員賴豐煦會同樂清縣知事查明實在情形併案妥議呈候核轉去後茲據該委員賴豐煦樂清知事唐永錫覆稱遵卽會同面令自治委員施旋查覆旋據覆畧稱昨承面諭調查東西鄉實存米穀確數及市售價值奉經分別調查各鄉屯積穀數約在百萬石左

右其間五年六年未售之陳穀未免有紅朽之患至市值米價每洋約售米叁拾斤左右等語知事永錫察核該委員所稱未能切實明瞭復令自治委員周需南周秉毅施旋再行詳細覆查分赴東西各鄉會同鄉自治委員切實查明具覆去後茲據自治委員等呈覆稱委員等分區調查城區現存穀數壹萬壹千石東鄉拾貳萬石西鄉拾柒萬石統共約叁拾萬壹千石近日市價每穀一石約洋貳元米每石計重壹百貳拾斤每元可買叁拾斤之譜等情又據士紳胡天僕等稟稱樂邑與永瑞比鄰同係產穀之區價格相同去年四月間狄前知事函招集議各種米糧價值參照近五年情形預定一最高限度當以每元購米叁拾斤爲適中之價前月間天僕等呈請流通米穀奉道尹批示謂米價已超過最高限度民等不知所指嗣乃查浙江公報第二二二四號登載永嘉等縣米糧一覽表始知狄前知事容有錯誤也永嘉每洋壹元購米貳拾玖斤瑞安每石肆元伍角折銀幣每元僅得貳拾陸斤壹兩樂清每石叁元每洋較賤永嘉拾壹斤較賤瑞安拾叁斤拾伍兩於事理物情皆嫌未合等語前來據此委員豐煦知

事永錫會同詳查樂邑城鄉約存穀米數在叁拾萬石以上而人民所食不過貳拾萬石左右約有拾萬石可餘若爲調劑金融起見可否准其在於餘存之數以內東西兩鄉酌定數目發售於溫處鄰縣銷售似無妨礙惟販運地點應加限制出口之時查驗護照若能數目相符似難取巧庶於金融救濟之中仍寓防堵漏海之弊此委員與知事會商擬具辦法之大概情形也是否有當伏候尊裁奉令前因謹將調查所存穀米數目及近今市價各緣由理合備文呈覆等情前來據此 道尹查樂清縣米穀價值預定最高限度米每石三元穀每石一元五角早經令縣布告在案在胡天僕等斷無不知之理其所稱狄前知事錯誤等語未免搪塞現在以該縣米價而論已超過預定最高限度惟該委員等所稱樂邑城鄉約存穀米數在三十萬石以上尙屬實情所擬酌定數目放運一節係爲調劑金融起見除指令外理合備文呈覆可否准予酌量流通之處仰祈 鈞長鑒核俯賜指令祇遵實爲公便謹呈

呈省長齊擬改定內地流通米糧章程文

八年八月一日

呈爲酌擬修改內地運米章程仰祈鑒核事竊查道屬舊處州各縣山多田少米穀不敷食用近則恃同府松陽之餘糧接濟遠則取結於溫屬之永嘉樂清平陽各縣此向來內地流通之情形也上年松陽收穫不豐現在青田龍泉麗水等縣米糧缺乏無可乞糴就中以青田爲尤甚聞每銀一元糴米不滿二十斤各該知事紛紛派員至永樂平各縣採米而就地學生地痞借漏海之名顆粒不准放行似此有意遏糴直欲使鄰封絕糧而後快當此青黃不接之際若不設法救濟勢必釀成巨患查原定章程流通內地之米不及拾石者免領護照惟溫屬各縣量法不一少者百斤爲一石多者百二十斤或百三四十斤爲一石擬將原章程拾石改爲千斤凡在千斤以內流通內地各縣者不必請領護照又原定章程永嘉最高限度每元二十九斤瑞安每石四元五角樂清每石三元平陽穀每元五十八斤須不超過最高限度方准運輸內地就現在時勢而論各縣米價均已超過限度若必執定舊章不准流通似亦勢不可行擬請改爲在一道屬內不經海面各縣不在此限制之列其須經過海面之本省各縣仍照舊章

辦理以示限制又原訂章程大船准帶食米八袋中船五袋小船三袋查袋之大小相去甚鉅擬請改八袋爲一千斤五袋爲七百斤三袋爲四百斤出海船隻食米之外多帶者照章充公至內地流通如舊章拾石現擬改爲千斤以內不領護照設有超過定數尙未領照者若照漏海辦法全數充公似覺太酷擬請罰其逾額之半以示懲儆至現在 職署有呈准章程而永嘉平陽樂清又各有該縣呈准章程平陽葉知事條陳已奉 鈞署指令尙未據錄報到道章程既不一律辦法更形困難此次請改章程如蒙照准擬卽通令道屬各縣及水陸警區一體出示布告一律遵守從前所訂章程如有與此次所訂章程牴觸者悉行取消庶各縣不致有顧此失彼之虞且 道尹體察溫屬永樂瑞平各縣情形米價雖超過最高限度實因百物昂貴所牽引上年秋收旣占大有今年早穀又已豐登若不稍事流通不惟處屬米荒恐釀事變卽溫屬農民有米不能易銀亦恐另起風波迭據各該知事人民呈請前來不准放行則處屬人民饑饉可憐准予放行則溫屬學生地痞又以漏海爲詞再四思維惟有先行呈請改定章程以

濟民食是否可行伏乞 鑒核迅予核示祇遵再學生地痞臆度運米青田轉由景寧而至福建故指處屬運米爲漏海道尹徧詢熟悉路程者咸謂旱路脚力不貲斷無運閩情事合併聲明謹呈

呈省長齊爲商會議覆內地流通米糧每船僅以二石爲限請核示辦理文八年八月二日

呈爲據情呈明商會核議內地流通米糧限制情形仰祈鑒核事本年七月二十五日據青田縣商會會長陳燦然呈稱准商人陳順興說帖稱青邑處萬山之中產穀鮮少向賴甌括諸鄰邑販運接濟現值青黃不接民食缺乏永樂諸鄰邑新穀已登米石屯聚甚多擬備洋二百元前往購買運縣出糴乞轉請查驗放行等情到會查青邑四面皆山絕無漏海之虞理合備文呈請飭警驗放等情又據青田縣知事袁家聲呈稱青邑城內近因米禁加嚴來源甚少以致供不勝求頓形恐慌茲據米商張大順請至永嘉裝運興圓六十石洪源盛請到樂清裝運新穀壹百石知事查係接濟民食並無別故請准轉飭永樂兩縣發給護照等情先後據此道尹當以永嘉現在米價若干市面

情形能否接濟令飭該縣商會核議具覆去後茲據呈稱奉經錄令函致米業公會辦理茲據該公會總董戴桂生函稱遵即召集各廂首米商公同集議僉稱告糴鄰封事所恆有但本邑丁口繁多田額稀少青田密邇吾邑常有回空小船就溫運糴接濟青黃刻下地民已出而堵截不准出境現經救國團學生及米業同人在商會集議每船只准裝米二石給以三聯發票註明船戶姓名字號以杜影射漏海之弊仍以青黃不接時及米價不超過最高度爲限若再准予給護運糴則民食前途必大起恐慌衆商實難負此責任一再討論衆議僉同備函答覆等情呈覆前來道尹復加查核該會僅以不敢負責爲詞而於現在米價及市面情形絕不提及顯係有人從中挾制其所議限制內地運米每船只准裝米二石仍以青黃不接及米價不超過最高度爲限與舊章及道尹另案呈請變通辦法均不相符且現在永邑米價聞每洋一元僅糴二十八斤合之所定最高限度每洋一元糴米二十九斤已經超過是并二石亦不能接濟青田且聞永邑早稻已經登場米價本應平抑今僅糴二十八斤亦係故意高抬現在處

屬已因缺米恐慌永邑民人似此遏糴當此人心浮動之際深恐處屬人民或又借此滋事後患正不堪設想道尹另案呈請變通辦法原爲預防處屬鬧荒起見今商會有意留難究應如何辦理之處理合備文呈請伏乞 鑒核令遵實爲公便謹呈

呈省長齊轉報永嘉米業公會違法擅訂檢查運米章程文

八年八月九日

呈爲具報永嘉米業公會私訂檢查內地運米章程仰祈鑒核事本年八月八日據永嘉縣知事張濂呈稱竊知事前此邀集紳商及各自治委員議定取締漏海辦法七條呈奉 省長及鈞署核准並轉行米業公會及各稽查員遵照在案茲據米業公會董事呈稱青田密邇吾邑常有回空小船運糴米糧本無禁止之例但本邑去秋收成歉薄現當青黃不接查禁漏海之時若不嚴定限制誠恐影射偷漏民食前途必大受影響茲由董事於本月二十七日召集各廂首米商就於商會開會當經商會會長暨各職員及學生救國會會員共同討論訂定同業臨時暫行規則共同表決認爲有效除通告實行外呈乞察核施行等情前來核其所擬辦法亦多未洽又未經過官廳核准

手續輒卽通告實施實屬侵及行政權限除指令申飭並令靜候鈞署核定令知後再當另令遵行外理合將該會董等擬呈辦法並該公會三聯發票呈候核奪等情據此查前據永嘉商會將該公會所擬大致辦法轉呈到道當卽指令呈候 鈞長核示飭遵乃該公會以未經核准成立之商業團體竟敢不俟官廳批准私訂章程擅立罰則檢查米店及來往船隻實屬目無法紀其章程第一條送由該邑查驗關卡或警察區所或學生救國會驗明等語查關卡及警察區所均係國家法定機關豈能由該公會指揮學生救國會並未呈准官廳立案認爲私人團體且猶不可乃竟認爲法定機關有查驗報單議訂章程之權第二條勒令停業等語查營業自由載在約法卽應行禁止亦須由官廳依法處分該公會何得勒令停業第四條超過二石者照漏海例查獲送究米舖擅自發賣加倍處罰等語查漏海罰則係呈奉 鈞署令准拾石以外未領護照之私米該公會何得減爲二石加倍處罰豈該公會所能擅定第五條發售熟圓糙米以漏海論米舖售米凡屬米糧均可出售何能加以限制違公會之命令卽罪同

漏海不知何所依據第七條米舖售米後倘有間接漏海者由官廳依法封閉等語封閉憑何法律由官封閉云云是該公會直可指揮官廳矣第九條之仍以米價不達最高度爲限乃現在永邑米價爲該公會所抑勒較之鄉間米價每洋一元竟貴十斤實已超過最高限度何以所發聯票至本月六日止已發至二百五十餘號是其自訂章程已相牴觸以未經核准成立之商業團體竟敢如此肆行無忌目無官廳若不嚴予干涉殊屬有礙國家立法行政之權除指令該縣先行查禁外理合檢呈該公會檢查西門米店章程一份並第三百號三聯發票一紙據實呈報應如何取締之處伏乞鑒核指令遵行謹呈

呈省長齊查覆水警賄縱漏米實情文

八年十二月十六日

呈爲呈覆事本年十一月二十七日奉 鈞署第二三五四號訓令內開案准省議會咨送侯議員亦白等提出關於外海水警第三區第十一隊第四分隊長朱文芳賄縱漏海質問書一件內開查水警之設外以防盜匪之劫掠內以察奸商之偷漏詎外海

水警第三區分駐玉環第十一隊之第四分隊長朱文芳於古曆八月初七夜在樂清萬橋港口截獲運往台灣米船一艘內有米一千三百石該分隊長當時不卽赴區呈報竟將該米船帶至樂清崎頭洋面停泊以爲敲索地步初九日早晨該分隊長受賄英洋一千二百元將所獲之米船卽行放逸此事曾經人民丁燦南等呈控於甌海道尹迄今未見辦法查甌路地遭閩台奸商之私運漏海者不一而足故雖新稻登場而米價迄未能減少來年民食問題識者已深抱杞憂該水警對於此種私運宜如何周密防察以維民食而顧全地方乃該分隊長既不能防察於前又賄縱之於後似此名爲緝私實則漏海名爲察奸實則長惡將來各分隊長與奸商和平效尤民食何堪設想貴省長有統轄水警之權該分隊長之逍遙法外貴省長或未之前聞議員等謹依省議會暫行法提出質問請貴省長於五日內答覆無任盼切之至等因到署查米禁重要迭經嚴令警隊認真查緝該分隊長朱文芳果有如質問書所稱查獲漏海米船復行受賄縱放情事經人民在道呈報有案自應從嚴澈究以重米禁除先行咨覆並

分令外海水警廳秉公澈查具覆以憑核辦咨覆外合亟令仰該道尹迅行查明案情切實具覆此令等因奉此遵經遴派分道知事王寶謙前往玉環縣切實查明具覆去後茲據覆稱遵即馳往玉環詳細調查查得此案漏米由樂清縣東鄉萬橋港地方裝運出口先經樂清萬橋港人丁衡卿蒲歧人徐志才至外海水警第三區第十一隊報告隊長張兆龍即令第三分隊長湯獻中前往查拿湯獻中以萬橋港係第九隊管轄範圍未便越境往拿遂請隊長頒發訓令張隊長准如所請湯獻中當即帶同報告人於古曆本年八月初七日將巡船開至萬橋港查探該巡船到時米船業經由萬橋港開出未能查獲先是第四分隊長朱文芳知隊長令湯獻中往查漏米乃將所管之第四號巡船私自開出該巡船舵工港路熟諳行至烏星背地方適漏米船在該處候潮開駛遂被所獲該分隊長見米有一千三百石之多護照上米數僅八百餘石米數不符原意將該米船帶至溫州赴區呈報行至崎頭洋受賄洋八百元遂將該米船放逸該分隊長獨得洋五百九十元舵工水手警兵等共分洋二百一十元此古曆本年八

月初九日事也奉令前因理合將調查實在情形備文呈覆等情前來據此查近來水警賄縱漏海米船幾視爲固有之權利向以第十一隊爲尤甚道尹久有所聞祇以未得切實證據未便輕於舉發今該分隊長朱文芳等竟敢私得賄洋至八百元之多實屬目無法紀聞朱文芳已被第三區區長盧家有撤換然似此膽大妄爲斷非撤差所能蔽辜擬請 鈞長令行外海水警第三區區長盧家有將朱文芳交出發交玉環縣知事從嚴追繳賄洋並治以應得之罪俾各水警隊知所儆戒再第十一隊防地在玉環樂清一帶該隊積弊最深賄縱漏米最多且最容易今第十一隊隊長張兆龍已因他案停職擬請 鈞長嚴令外海水警廳轉令新任隊長破除情面切實整頓以祛積弊所有遵查水警賄縱漏米各情形并擬整頓辦法理合備文呈覆是否有當仰祈 鈞長鑒核施行實爲公便謹呈

咨甌海關監督徐收運租穀辦法業奉省令請查照文

七年五月二十五日

爲咨行事案查客民收運租穀一節前經令行永嘉縣知事重擬查驗簡便辦法由 敝

公署酌量改定咨請貴監督查照旋准咨覆內開查客民收運租穀既由永嘉縣署分別核給單照關員稽查足資憑證自應照辦除俟貴署咨明實行日期再行咨會本關稅務司查照辦理等因准此當即將所定辦法呈請 省長核示在案茲奉 省長公署第五一〇二號指令內開呈件均悉客民收運租穀出縣在五石以下十石以上者應由該客民覓具保結照填呈請書報請就近該管警察分所蒞船驗明卽行填給驗單放運以期便利仍由警察分所檢同呈請書按五日報縣備查其收運在五石以上百石以下及運數在百石以上者准照所擬由縣分別給予驗單護照俾昭慎重仰卽轉令永嘉縣知事遵辦並咨甌海關查照附件存查此令等因奉此除令行永嘉縣知事將前擬呈請書式及驗單式從速印刊分送永嘉警察局轉發各警察分所於本年六月一日起一律遵照實行外相應備文咨請貴監督查照施行實緝公誼此咨咨會嵇道道尹張飭屬查禁漏米由 七年十二月二十三日

爲咨行事案查運輸米糧一事前准貴署咨開以溫黃兩縣米價超過原定最高限度

現已一律禁運以符原案相應咨請查照希即轉飭遵照等由過署准經分飭遵照在案現在 敝道所屬產米有餘各縣如永嘉平陽樂清等均據各該知事以米價超過預定最高限度先後呈請停給護照均經指令照准惟奸商私運之事亟宜從嚴查禁方可以維持民食近據水警第三區盧區長面稱台州洋面仍有有照米船過境等語查 敝道與貴道所屬產米各縣既均停給護照則該米船所持之照顯有影射情事除分飭認真查禁外應咨請貴道尹查照希即轉飭一體嚴查實緝公誼此咨

咨警備隊第六區統帶梅請飭警隊協助查禁私漏米石文

八年二月二十二日

爲咨行事查甌屬糧食出產以平陽樂清爲最多永嘉次之上年因雨水過多米糧漸漲當經令飭各縣停給護照並嚴禁私漏在案近日米價又逐漸加高究厥原因實因永嘉平三縣均係沿海奸商偷漏米糧太多所致若非從嚴查禁深恐本年四五月間青黃不接之時民間必大起恐慌惟查禁漏米專恃水警恐查察難周因思貴部所屬警隊各縣皆有駐紮如果協助查拿奸商自不敢逞其故技除另議辦法呈請 省長

察核外相應備文咨請貴統部查照希卽令飭所屬於永嘉之狀元橋平陽之古熬頭樂清之七里等各處協助嚴查遇有漏海米石卽將人米拿送繳署以便發縣從嚴訊辦以儆效尤而維民食至紉公誼此咨

咨錢塘道尹沈爲查獲海甯漏米請詳查弊竇文

八年四月六日

爲咨行事本年三月十五日據外海水警第三區區長盧家有報告本月十五日據十一隊張隊長報稱據第一分隊長鮑榮貴第四分隊長施啟開第五分隊長林志賢會報本月十一夜查獲閩船戶江發興出海江攸平由乍浦運到食米一船計七百三十石領有海甯縣知事發交硤石商會隨時填給運照二紙註明運至溫州地方惟目下溫州民食無待鄰境接濟理合檢同運照報請示遵等情區長覆加察閱此項運照於現時情況似不適用而騎縫印信模糊尤滋疑竇其間不無作僞之處究應如何辦理理合報請鑒核等情前來據此當經發交永嘉縣知事訊辦去後嗣據該知事張濂覆稱業經電詢海甯縣接准覆電曾發該項運照等情當卽指令將該項米石照運照所

載到達地點先行勒令該船戶取具保結並監視在溫出糶一面將米照呈繳來道以憑咨請貴道尹發交原縣查明在案茲據該知事將米照呈繳前來啟署察核該運照內有民政長等字樣實非現時所適用且其所蓋縣印模糊莫辨又訪聞海寧產米不多往往仰給於他縣何以此次反運米至溫銷售至溫屬各縣如平陽樂清瑞安等均係產米有餘縣分向來僅有出口從未有由浙西各縣運米至溫接濟者且此案據水警第三區長面稱當拿獲時該船戶情願賄洋八百五十元要求水警釋放等情如果並無弊混何以願出如此鉅賄察核種種情形此次江發興等所運米石難保非運往外省事關民食不得不詳細查明以昭鄭重爲此將運照二紙備文咨送請煩貴道尹飭查近日海寧縣是否有餘米准運出境米價每石若干該項運照有無弊混情事卽希見覆以便核辦此咨

咨覆會稽道道尹張已令永嘉縣勒令金隆泰等將小麥在溫出糶文

八年四月二十六日

爲咨覆事案准貴署咨覆啟署咨詢金隆泰等裝運小麥一案內開查此案迭准貴署

來電當以做屬禁米案各縣原呈均無小麥在內然亦無准運出省明文先後電覆在案至做署原刊護照係專備運米之用今米石業經禁運護照當然廢止且小麥一項做屬本無禁止出運之規定即無填給護照之必要詳繹來咨對於私運問題深加注意自係爲慎重民食起見惟私運與否當以有無單票爲憑該船戶等由金清港裝麥出口雖未請領護照既在海關及海門統捐局報納捐稅執有關局稅單捐票究與私運不同似未便認爲無效第小麥亦糧食之一若任令大宗出口亦於內地民食有關似宜勒令將所裝小麥悉數在內地行銷不得裝運出省以示限制庶於民食商艱雙方並顧應否照此辦理抑應電省請示以昭慎重之處相應備文咨覆貴道尹請煩查核施行等由准此查貴道尹所屬各縣對於小麥一項既無禁止出運之規定此次該船戶持有關局稅單捐票裝運小麥自未便認爲私運予以充公處分惟運至省外確與內地民食有關當即令行永嘉縣勒令該船戶等將該項小麥在溫出糶以示限制惟貴道尹既以小麥應在內地行銷不得裝運出省應請分別咨行稅關捐局此後如

有裝運出省之小麥概不准其完稅方足以示限制且此次既以執有關局稅單捐票不能認爲私運則將來倘無關局稅單捐票者應如何辦理之處請煩貴道尹核議見覆至爲公便此咨

公函水警第三區區長盧飭屬嚴查私漏食米文

七年九月二十日

逕啟者查甌屬永嘉瑞安平陽樂清四縣均係產米較多之區凡鄰近各縣須賴以接濟惟每年均有奸商私運米穀出海惟利是圖不顧民食近日更甚以致米價日漸騰貴小民生計益艱言之可恨況現值戒嚴之際尤難保無接濟匪類情事除分令各該縣知事從嚴查察外相應函請貴區長分飭部下嚴密檢查如遇有未領護照任意偷漏者卽將人船米石一併扣留解縣懲辦以儆效尤至級公誼

訓令永玉平樂瑞等五縣知事嗣後查獲漏米變價後應將撥用款項先行呈核文

七

年五月十八日

案查甌屬沿海各縣時有奸商偷漏米石案件發生各該知事查獲處分往往不將變

價款項如何撥用情形呈報到道以致無從查核嗣後各縣如獲漏海米石一經充公變價所有收入款項如何撥用應先呈請本道尹核示遵行不得擅自動用除分令外合行令仰該知事即便遵照此令

訓令慶元遂昌泰順龍泉景寧玉環雲和宣平麗水縉雲青田等十一縣知事核定內地流通米糧各項辦法文 七年六月四日

查甌屬各縣如沿海之永嘉平陽樂清瑞安及內地之松陽等五縣均係出產米糧有餘縣分凡產米較少之縣每年須賴以接濟惟內地流通向未定有辦法以致影射漏海之案時有發生本公署因於本年三月間酌擬辦法呈請 省長鑒核嗣奉指令第三四八六號內開迭呈及附摺均悉查嚴禁米糧漏海其本旨在維持民食其要義先在平抑糧價是宜先令道屬出產有餘各縣分由縣知事召集紳商將各種米糧價值參照近五年情形預定一最高限度凡市價不及此數時方准商民運濟內地其運濟之法由道刊印三聯護照頒存出產有餘各縣遇有米商申報即由該縣知事查明市

價取保填發驗放之後立即報明道尹一面知會到達縣分按照驗收並將護照繳道備查查有弊端照例罰辦似此互相拮制稽查較易爲力無庸多列條文轉滋繁擾至出海商船攜帶食米並准酌定限制以免影射仰該道尹妥慎遵辦並咨行會稽道尹一併參酌辦理俾資接洽此令等因奉此當經令行出產米糧有餘各縣分召集紳商將各種米糧價值參照近五年情形預定一最高限度呈候核奪一面呈請 省長示明內地二字範圍並運至若干石須給護照在案嗣奉指令第四一五二號內開呈悉內地二字應以全省爲限至商民零星運輸各處米麥數在十石以內自可隨時驗放毋庸請給護照惟小船駁運之米麥仍須查察分別辦理仰卽知照此令等因奉此並據永嘉平陽樂清瑞安松陽等各縣知事將近五年各種米糧價值列表呈送前來經本公署分別照表平均計算將各該縣米糧價值酌定最高限度彙列一表並擬具三聯護照程式呈報 省長業奉核准照辦除分行外合行檢發預定出產有餘各縣分米糧價值最高限度一覽表及另附酌收照費等辦法各一紙令仰該知事查照並布

告商民一體知悉此令

訓令平陽瑞安樂清等縣知事嗣後商民請照運米不得濫放文 七年九月三十日

案查內地流通米糧一節前經本公署遵照 省定辦法刊發護照繳驗內竟有樂清之米運至平陽鎮霞關者查平陽樂清瑞安同爲產米有餘縣分何至轉輾互運其爲奸商僞報情節顯然嗣後各該知事遇有商民請照運米必須隨時查察不得任意放運致多流弊至漏海一事尤宜認真查辦勿稍疏縱倘經水警查獲漏海米糧該知事卽不得辭失察之咎除分令外合亟令仰該知事卽便遵照切切此令

通令十六縣知事水警第三區永嘉警察局頒布改訂內地流通米糧辦法文 八年八

月十四日

案查本道尹呈請改訂內地流通米糧辦法一案現奉 省長元電開據呈擬改內地運米辦法各節已有令照准惟仍應督飭各縣慎重辦理隨時剴切勸諭勿使滋生事端先行電仰知照等因奉此合亟摘錄辦法五條令仰該知事區長局長剴切布告並

飭所屬一體遵照辦理遇有漏海米石仍從嚴罰辦毋稍疏縱切切此令

計發摘錄改訂辦法五條

一流通內地之米不及千斤者免領護照 查原定章程不及十石者免領護照因各處量法不一少者百斤爲一石多者百三四十斤爲一石故請改爲千斤以期一律

一凡運往本道屬各縣之米不經海面者不論米價是否超過最高限度均准流通 查原定章程永嘉最高限度每元二十九斤瑞安每石四元五角樂清每石三元平陽穀每元五十八斤均須不超過最高限度方准流通現查各縣米價均已超過限度實因百物昂貴所牽引並非米糧缺乏故擬改定凡本道屬各縣不經海面者不論米價高低均准流通其經過海面運往本省各縣仍照向章辦理

一出海商船大船每船准帶食米一千斤中船七百斤小船四百斤 查原定章程大船八袋中船五袋小船三袋因袋之大小不同故擬改定

一內地流通米糧在千斤以上未領護照者罰其逾額之半充公示儆 查內地流通米糧在千斤以內者可以不領護照在千斤以上未領護照者以其逾額之數一半充公

一凡從前所訂章程如有與此次改訂辦法抵觸者悉行取銷

訓令

平陽
玉環

縣知事查明樂清縣放運米石一案文

八年十月十日

案查樂清縣此次呈奉省署核准放運米糧一萬石出境一案先後據樂清縣唐知事永錫呈送護照繳驗二十四紙共計運出米糧九千八百五十石等情前來內除報運玉環東白山之陳永發經水警第九隊查獲米照不符解道請示業已令發永嘉縣訊明處分外所有其餘經樂清縣放運之米究竟曾否到達護照曾否呈繳實屬無從察核合行抄單令仰該知事即便查明前項米石曾否到達並將護照查取呈報如果護照無從查取並仰剋日具覆以憑核辦勿稍宕延此令

訓令樂清縣知事追究黃道生米船文

八年十一月十三日

案查前據該知事東代電稱黃道生等米船因聞鎮霞關米價驟跌當經轉回玉環峒頭麓西等處請勒令在各守候地點就地出糶以圖取巧等情前來曾經支電照准並飭玉環縣派員馳往各守候地點監視黃道生等米船出糶在案茲據玉環縣知事江恢閱呈稱奉令派員往查迄今船未到達祈察核前來查黃道生等米船自填照日期起算業將兩月究竟此項米石運至何處該知事身任地方事前既未取締事後亦毫無辦法任令取巧殊屬不成事體據呈前情合行令仰該知事遵照迅速根究黃道生等原保人將黃道生等交出訊究此項米石運至何處有無偷漏出省情弊並將原發護照追繳從嚴罰辦具報候核毋稍違延切切此令

指令樂清縣知事呈送運米繳驗及清單由

七年十月十二日

呈及繳驗七紙均悉查該項繳驗應於驗放米石後立即呈送乃竟彙案呈繳殊屬不合又查丁文卿之運米繳驗內載明三百八十石業由水警截獲竟裝運至八萬餘斤之多究竟驗放員有無舞弊情事仰即澈查具覆至平陽亦係產米最多之縣何至仰

給於樂清查核此次繳驗內運至平陽者居多數其爲藉端漏海情節顯然嗣後該知事務宜遵照本公署第七三一號訓令切實辦理毋再疏忽再該縣現在米價已否超過最高限度仰卽查明實在先行具覆米糧須留有餘以備不足該知事應隨時考察毋得濫放以重民食是爲至要切切此令繳驗存

指令平陽縣知事呈樂清縣所給運米護照範圍過廣難保無弊由七年十月二十二日呈悉查本年九月十一日據樂清縣知事呈送朱廣源丁文卿洪叙順曾東美章春源李永興等運米繳驗七紙前來卽經本公署於十二日指令不得再行任意放運米石至平陽在案該知事此次所接樂清咨文內填明日期如果在本公署令禁之前尙可通融辦理倘在令禁之後則樂清縣知事不能辭故違命令之咎仰卽將該項咨文內所填日期查報候核此令

指令樂清縣知事呈送林瑞和等運米繳驗由七年十月二十三日

呈及據送林瑞和林香圃丁阿清黃永發何文標等運米繳驗五紙均悉查平陽亦係

產米較多之區斷不至仰給於樂清前據該知事呈送繳驗運至平陽者居多數即經
本公署第七三一號訓令及第二二五八號指令不得任意放運在案茲查此次所呈
繳驗又任林瑞和林香圃等運米至平陽竟置本公署迭次訓令指令於不顧殊屬玩
忽已極嗣後不得再行濫發該項護照以杜弊混如仍故違定干未便此令繳驗存

指令永嘉縣知事爲呈報會議維持民食情形由

八年二月二十日

呈及清摺均悉該知事既知米穀漲價原因由於漏海何以不嚴予查禁任令偷漏置
民食於不顧耶至來摺所擬第一條甲乙兩款及第六條辦法應即切實進行惟擬設
稽查員一節易滋流弊應由該知事選派妥員隨時查察不必假以稽查員名義至處
罰漏米仍照向例辦理其餘加重賞金及水陸警隊協助查察各事宜業由本公署另
擬辦法呈報應俟 省長核准後再行飭遵一面即由該知事布告各米商不得高抬
米價囤積居奇並會同水警區長嚴查私漏務獲重懲是爲至要此令清摺存

指令樂清縣知事密呈查禁漏米爲難情形由

八年三月十三日

呈悉查私運米糧有妨民食迭經本公署遵照 省令轉飭所屬一體從嚴拿辦在案據稱該縣屢次破獲漏米往往有人出首包庇等情該包庇之人固屬膽玩已極惟該知事徇情發還亦屬咎無可辭嗣後遇有漏米一經查獲立即秉公處分如再有人挺身包庇或恃勢妄爲以致妨害公務應卽依法究辦以儆其餘毋得再行瞻玩致干咎戾切切此令

指令平陽縣知事呈覆運郡米穀情形由 八年三月二十六日

呈悉江南鄉所產之米果係運府銷售其數概屬零星不滿十袋何以該縣米價日漸增高該縣民人又迭次來道呈訴察核情形難保無借名偷漏情事嗣後務宜嚴密查察如果運米數目在十石以外並未請領護照者無論運至何處應卽照例罰辦毋得以運送府米向准通行等詞爲推諉地步致妨民食切切此令

指令樂清縣知事呈覆辦理吳康文等私裝食米一案情形由 八年六月十四日

呈悉據查稱米委員稱米存陳良順家而陳良順則稱並未存在伊家究竟如何情形

當時何不究明且該項米石既非一人所有所少三袋歸何人承認如果當時該米實存陳良順家則村警既已驗明五十四袋失去三袋當然由陳良順負責若謂當時尙未運至陳良順家則村警有看管之責亦不得辭其咎該知事辦理是案並不詳加查究一任含糊了事殊屬非是嗣後辦理案件務須認真從事毋再草率切切此令

指令樂清縣知事呈報陳永康漏米案變價情形並支配米款用途由

八年六月十五日

呈及運費清單一紙均悉獲到漏米一切開支充賞等費均須預先呈請核准再行支撥此案漏米四百二十九袋變價祇五百五十八元用去平糶費八元七角又中途川資二十元零搬運費六十元零三共將近九十元未免過鉅至巡緝隊經費墊款二十七元充係何用報告人充賞亦應於三成充賞內提給何能另外開支似此濫支爲水警拿米以來所未有嗣後拿獲漏米但責成警備隊看守報縣一切搬運費用均由縣主持毋得再任濫支至所請將餘款撥充義渡開辦費二百五十元其餘六十六元三角一分撥助官立施醫局經費尙無不合應准照行此令單存

指令永嘉縣知事呈報米業公會違法擅訂檢查運米章程由 八年八月十日
呈及附件均悉查現行章制國會議決之案非經

大總統公布不發生效力省議會議決之案非經 省長公布不發生效力即本道尹
及該知事擬訂地方單行章程亦非呈奉 省長批准不能實行該米業公會按照

部頒章程不過米業同人集思廣益之所何得不待官廳批准擅訂檢查章程且照現
行約法非依法律不得侵入人家搜索該公會何得私擅派人檢查又現行約法非依
法律不得處罰該公會檢查章程竟敢擅立罰則實屬目無法紀學生救國會並未呈
報立案認爲私人團體且猶不可乃竟認爲法定機關有查驗報單議訂章程之權謬
誤已極沿途關卡及警察區所均屬國家機關豈能由該公會指揮營業自由載在約
法即或應行禁止亦須由官廳依法處分該公會何得勒令停業漏海罰則係由本公
署呈奉 省長令准十石以外未領護照之私米茲所稱二石以上之罰則從何而來
漏海米舖依據何項法令封閉以上數端或侵越立法或侵越司法或侵越行政均屬

荒謬絕倫目無官廳之舉前據商會轉呈該公會議決內河運米以二石爲限業經指令候呈 省長核示何以不待批准竟敢實行再查該公會前奉 省令手續未完尙未核准何得以公會名義私訂章程刊發聯單尤爲膽玩除將該公會違法情形呈報外仰該知事先行依法查禁併傳諭該會董知照附件姑存此令

指令樂清縣知事呈請示明內地運米辦法內各疑點由 八年十月二十九日

呈悉查改訂內地流通米糧辦法第二條既有不經海面字樣則凡經過海面者當然不准任意流通所謂向章者卽從前呈准之辦法早經本公署第四二二號及第四五八號訓令知照在案運米至千斤以上當然應領本公署所發之護照其千斤以上放運之數雖未明定限制數目亦當視縣境內存米多寡酌量核定至稱查獲多數之米卽化爲許多姓名分認此係米販慣技苟能認真查訊何難處理又所請不及千斤及千斤以上一律給照並變通印花費各節與原定辦法不符應毋庸議此令

指令瑞安縣知事呈覆處分余寶書等米糧辦法由 八年十二月十三日

呈悉查平陽所稱府米者係指運銷府城之米而言無論京晚及糯米凡裝入袋內外單箠箠標以牌號運府銷售者概名府米來呈謂府米卽糯米殊屬誤會仰再分別查明重爲處分復候核奪勿延此令

指令瑞安縣知事呈查明余寶書等運府箠米應否發還由 八年十二月二十一日
呈悉余寶書等運府之米既據查明均係裝箠標牌運府銷售應准全數發還至無牌號之十六箠與參裝京米十三袋如果無箠箠牌號與運府銷售情形不同而無漏海嫌疑者應照千斤以上未領護照成案辦理仍將辦結情形具報備查此令

代電永嘉瑞安平陽樂清玉環等五縣知事水警第三區永嘉警察局一體嚴拿漏海米石由 八年六月三十日

永嘉瑞安平陽樂清玉環縣知事水警第三區區長永嘉警察局長覽訪聞近來台灣米價甚貴不肖奸商到各海口產米之區收買多者千餘袋少者百數十袋計圖偷漏出海永嘉之東門外狀元橋口蒲州口龍灣茅竹嶺下樂清之萬橋埭七里磐石裡籠

十里瑞安之東門外南河湫飛雲江塘下平陽之萬全鄉古熬頭龍山腰罷槽鎮玉環之坎門靈崑單根雙根三磐北岙街均屬出海要道該奸商多從各該處偷漏米石合亟電仰該知事該區長該局長等立即分飭所屬一體認真訪查如果實有漏海情事應卽嚴拿究辦勿稍疏縱切切道尹黃卅印

代電瑞安縣知事一縣之內不受省令內地二字限制由 八年八月九日

瑞安縣沈知事覽微代電悉查省令既以全省七十五縣爲內地則一縣之東西南北四鄉一城之東西南北四門範圍更爲狹小當然不受限制總之查禁漏海以經過海口有漏海之虞者爲限若一縣之米由東門運至西門此鄉運至彼鄉省署並無限制明文仰卽知照道尹黃庚印

代電樂清縣知事停發運米赴鎮霞關之護照並扣辦鄭裕發等米船由 八年九月十八日

樂清縣唐知事覽本日據該知事呈報商民鄭裕發陳合興金順源朱興盛陳元美等五案請照運米赴平陽鎮霞關銷售並繳繳驗前來均悉查平陽同屬產米縣分鎮霞

關又係閩浙水陸交界地方米糧運赴該處希圖偷漏出省情節顯然合行電仰該知事遵照剋日停發運米赴鎮霞關之護照一面飭查鄭裕發等米船已未開駛如未驗放立即扣留並將前發護照一律吊銷或勒令該商鄭裕發等將米改運他處銷售勿稍違誤仍將遵辦情形具報切切道尹黃巧印

代電樂清縣知事據呈繳江合興金協濟繳驗並勒令停發坎門運米護照由 八年九月二十三日

樂清縣唐知事覽據呈繳商人江合興金協濟請照運米赴玉環坎門銷售繳驗兩紙均悉查該知事填發平陽鎮霞關運米護照現訪聞實各商意圖由鎮霞關轉運台灣銷售似此偷漏尙復成何事體茲查坎門亦係海口米糧運至該處難保奸商不偷運出省合行電仰該知事剋日將運米赴坎門之護照一律停發嗣後該縣運出之米應令各商運往內地缺米各縣接濟民食不得稍有疏忽致干未便切切道尹黃養印

代電樂清縣知事呈請添運米糧出境礙難照准一俟萬石足數卽行具報候核由 八

年六月二十三日

樂清縣唐知事覽效代電悉該縣運米出境前奉省令核准運銷米壹萬石如何分配出運應由該知事酌定何得以西鄉業已運載足額又請添運將來城區及東鄉繼續效尤試問如何對付據請轉電礙難照准至該縣近來運出之米均屬運往海口最易偷漏出省嗣後凡請運銷鎮霞關者不得再行給照其運往坎門者亦應於驗放時知照水警以防漏海一俟前次呈准運米壹萬石之數滿足後即行截止具報候核勿稍大意切切道尹黃禡印

代電平陽縣知事令將黃道生等運米勒令在鎮霞關出糶由

八年九月二十三日

平陽縣葉知事覽據呈樂清縣填發黃道生等護照運米至該縣鎮霞關銷售恐有偷漏情弊等情已悉查此項運米前據樂清縣唐知事呈報商人鄭裕發等請照運米赴該縣鎮霞關銷售前來當以鎮霞關係屬閩浙水陸交界地方米糧運赴該處希圖偷漏出省情節顯然即經本公署巧日電令唐知事剋日停發運米赴鎮霞關護照一面

查明鄭裕發等米船已否開駛如未驗放立即扣留並將前發護照一律吊銷在案本日據唐知事簡代電覆稱此項米船驗放已隔二三日無從扣留並稱遵即停發鎮霞關護照各等情前來合將此次樂清縣填發運米赴該縣鎮霞關護照戶名開單電仰該知事查照除黃道生鄭裕發陳合興等之船已經該知事飭令蒲門警佐先予扣留一俟船到應即勒令該商黃道生等將米在鎮霞關就地出糶毋得轉運他處外其餘單開各船到達之後並仰該知事立即扣留勒令在鎮霞關出糶並將護照呈繳候核勿稍違誤切切道尹黃禱印

計開

鄭裕發 運米五百石

黃道生 運米五百八十石

陳合興 運米一千一百五十石

朱興盛 運米五百石

金順源 運米四百五十石

陳元美 運米四百二十石

共計運米六起

代電永嘉縣知事嚴緝漏米以維民食由八年十月二十八日

永嘉縣景知事覽查永嘉米價日來逐漸昂貴民食維艱究厥原因總由奸商私運出海所致除分電嚴緝漏海米石外合亟電仰該知事即便從嚴查拿一面剴切布告各米商平價出糶不准高抬并查明有無囤戶故意囤積居奇情事事關民食毋得視為具文切切道尹黃儉印

批鄭兆蘭等呈催令縣議覆收運田租辦法由七年三月十八日

呈悉查此案前據永嘉縣知事呈覆以近來奸商往往藉口租穀影射漏海故海關查察甚嚴無論何種米糧一經關員緝獲均須照章處罰故由該知事布告客民凡有寄產永邑運穀回籍者必須先將糧串契據租簿並租穀石數起運到達各地點逐一聲

叙核明給照方准起運等情在案察核該知事所定核發護照辦法特杜奸商影射漏海之弊亦適以保護客民之運租辦法並無不合所請撤銷原案未便准行此批

批商民胡集豐等呈請取銷米業公會私章由

八年八月十五日

呈悉查內地流通米糧章程前經呈奉 省令通行各屬布告有案十石以下不領護照十石以上須經官廳核准填發護照查驗放行現在此項章程尙未變更無論何人不得違抗至米業公所私訂章程擅立罰則殊屬不合前據永嘉縣知事呈報前來業經轉呈在案仰卽知照此批

批郭馬和呈爲巡船非法查驗請求鑒原卹商由

年 月 日

呈及運照五紙均悉查甌屬各縣如平陽樂清瑞安等產米甚多玉環如果缺乏米糧何致舍近圖遠反向海甯採辦察核呈詞已難憑信且該民既執有運照六紙何以當水警查驗時僅交出一紙其爲有意弊混尤屬顯然現在該項米石已發交永嘉縣知事點收應候訊明處分至此案受傷水警據水警區長呈報已送檢廳驗訊究竟郭馬

和等亦無傷痕並着靜候司法官廳併案驗訊究辦可也此批運照五紙存

榜示民國七年十月四日起至民國八年十月三日止一年之內收支米案各款情形

文八年十月二十六日

爲宣示事照得本公署自民國七年十月四日起至八年十月三日止據外海水警第三區暨永嘉樂清玉環等縣先後解送查獲漏海米案前來當經本公署令發各該縣訊明處分去後旋據各該知事等呈解充公米價到道業已分別撥給地方各項公益用途並呈奉 省長公署核准在案茲將收支細數開列於后仰商民人等一體知悉特此布告

計開

- 一收永嘉縣商會繳送胡萬盛米案罰款銀六百元
- 一收永嘉縣公署解水警第三區查獲丁文卿漏米案內認繳米價銀六百七十元
- 一收永嘉縣公署解水警第三區查獲鄭寶發漏米案充公變價銀八百六十六元

一角七分一釐

一收永嘉縣公署解水警第三區查獲朱廣源漏米案罰款銀三百元

一收永嘉縣公署解水警第三區查獲陳順郎漏米案充公變價銀四十五元三角

五分二釐

一收永嘉縣公署解水警第三區查獲小船私運食米充公變價銀七十三元五角

一收永嘉縣公署解水警第三區查獲撥船私運食米充公變價銀六十元零九角

二分五釐

一收永嘉縣公署解水警第三區查獲康寶財楊新興兩船私運食米案充公變價

銀一千零七十六元七角二分三釐

一收永嘉縣公署解水警第三區查獲閩船陳振鎰私運食米案充公變價銀一千

一百二十八元四角四分二釐

一收永嘉縣公署解水警第三區查獲閩船陳振鎰漏米案內舵工陳春岩罰款銀

二十五元

一收永嘉縣公署解水警第三區查獲閩船金泉春私運食米充公變價銀五百零九元七角

一收永嘉縣公署解水警第三區查獲閩船金隆順私運食米充公變價銀九百三十元零四角四分二釐

一收永嘉縣公署解水警第三區查獲閩船金益順金發興私運食米充公變價銀一千零四十一元八角

一收永嘉縣公署解水警第三區查獲尖頭駁船私運食米充公變價銀五十四元零四分四釐

一收永嘉縣公署解水警第三區查獲閩船江發興私運食米充公變價銀一千八百六十六元六角七分二釐

一收永嘉縣公署解水警第三區查獲閩船金茂和私運食米充公變價銀一百七

十七元六角四分二釐

一收永嘉縣公署解水警第三區查獲閩船金合順私運食米充公變價銀二千零二十二元七角一分七釐

一收永嘉縣公署解水警第三區查獲閩船新益順私運食米充公變價銀四百一十二元零三分

一收玉環縣公署解水警第三區查獲閩船張泉興私運食米充公變價銀六百六十八元

一收永嘉縣公署解水警第三區查獲七里埠漏米兩船充公變價銀五百六十七元三角

一收玉環縣公署解水警第三區查獲米販吳進昌私運食米充公變價銀三百十五元

一收永嘉縣公署解水警第三區查獲陳顯昌陳德勝私運食米充公變價銀十五元

元

一收永嘉縣公署解水警第三區查獲閩船金益利私運食米充公變價銀一百五十元零七角一分

一收樂清縣公署繳胡道如漏海米案充公變價銀七十二元零一分

一收樂清縣公署繳查獲漏海米案充公變價銀三十二元四角零七釐

一收樂清縣公署繳陳永康漏海米案充公變價銀二百五十元

一收樂清縣公署繳陳阿浦鄭老五等四案漏海米價銀一百八十七元六角八分

一收永嘉縣公署繳查獲劉捷發私運食米案充公變價銀四十五元八角四分三釐

釐

一收永嘉縣公署繳劉捷發米案違令罰金銀六十元

一收永嘉縣公署繳查獲梁根土連可如等米案違令罰金銀二十三元

一收永嘉縣公署繳查獲錢先訪等私運漏米充公變價銀一百八十九元二角四

分五釐

一收永嘉縣公署繳錢先訪米案違令罰金銀二十元

一收永嘉縣公署繳查獲金泰興私運食米充公變價銀四十九元五角五分三釐

一收永嘉縣公署繳取銷永嘉米業公會會董戴桂生罰金銀二十元

共收銀一萬四千五百三十六元九角零八釐

一支胡萬盛米案盤運費用銀八十六元七角零二釐

一支丁文卿米案盤運費用銀三十三元九角四分八釐

一支鄭寶發米案盤運費用銀八十元四角九分九釐

一支陳順郎米案盤運費用銀二元二角二分二釐

一支小船私運食米案盤運費用銀四元零五分四釐

一支盤嶼岩頭漏米案盤運費用銀五元二角四分六釐

一支康寶財楊新興米案盤運費用銀六十九元八角五分九釐

一支陳振鎰米案盤運費用銀六十二元八角八分八釐

一支金泉春米案盤運費用銀二十二元七角七分六釐

一支金隆順米案盤運費用銀一百零六元八角四分六釐

一支金鎰順金發興米案盤運費用銀九十元九角五分六釐

一支尖頭小船米案盤運費用銀六元六角三分五釐

一支江發興米案盤運費用銀十二元零四分

一支金茂和米案盤運費用銀九元

一支金合順米案盤運費用銀一百零六元四角六分八釐

一支新益順米案盤運費用銀三十一元零七分二釐

一支張泉興米案盤運費用銀十九元六角六分四釐

一支七里埠米案盤運費用銀四十元零四角零四釐

一支吳進昌米案盤運費用銀十四元九角

一支陳顯昌陳德勝米案盤運費用銀二元一角五分

一支金益利米案盤運費用銀三十三元五角三分六釐

一支劉捷發米案盤運費用銀八元九角五分

一支錢先訪米案盤運費用銀十三元二角

一支金泰興米案盤運費用銀三元四角四分

一支胡萬盛米案充賞銀一百元

一支丁文卿米案充賞銀一百三十元

一支朱廣源米案充賞銀六十元

一支鄭寶發米案充賞銀一百六十元

一支陳順郎米案充賞銀八元

一支小船私運食米案充賞銀十四元

一支盤嶼頭查獲米案充賞銀十元

一支康寶財楊新興米案充賞銀二百元

一支陳振鑑米案充賞銀三百二十元

一支金泉春米案充賞銀一百四十五元

一支金隆順米案充賞銀二百四十六元

一支金鑑順金發興充賞銀二百八十五元

一支尖頭船私運食米案充賞銀十四元

一支江發興米案充賞銀五百五十元

一支金茂和米案充賞銀五十元

一支金合順米案充賞銀五百七十八元

一支新益順米案充賞銀一百十七元

一支張泉興米案充賞銀一百九十二元

一支七里埠米案充賞銀一百五十七元

一支吳進昌米案充賞銀九十元

一支陳顯昌陳德勝米案充賞銀四元

一支金益利米案充賞銀三十五元

一支劉捷發米案充賞銀十八元四角四分七釐

一支錢先訪米案充賞銀九十八元零二分三釐

一支金泰興米案充賞銀二十三元零五分六釐

一支撥道育嬰堂建築經費銀一千七百八十五元零二分二釐

一支撥廣濟院遷移及修理房屋一切開辦費銀一千九百五十一元二角零七釐

一支撥廣濟院存莊生息充常年經費銀一千零四十一元七角二分六釐

一支撥永嘉因利局基本金銀一千元

一支撥掩埋局存莊生息充購置小棺經費銀一千元

一支撥甌海醫院開辦費銀一千元

一支撥錢紳熊堦領去開鑿清水埠圓瓦礁石費銀一百元

一支撥修駐鶴亭工程銀二百元

一支撥修舊縣學署工料銀三百二十三元四角二分六釐

一支撥會昌鎮開浚雄溪河道經費銀一百元

一支撥永嘉樂清安館公渡造船經費銀一千一百八十元零五角九分八釐

一支撥蒙養園開辦經費銀二百元

一支撥衆樂橋工程經費銀五十四元八角四分

一支撥永嘉縣試演水龍費用銀二十八元一角零八釐

一支撥修理華蓋山雙忠祠經費銀一百元

共支銀一萬四千五百三十六元九角零八釐

收支兩抵無存

甌海觀政錄卷二目錄

民政類

倉穀

訓令三件 指令四件

水利

呈文一件 訓令二件 指令二件 批一件 函五件

治安

呈文二件 電呈一件 布告一件 函二件

正俗

訓令十六件 指令十七件 布告八件 函二件 白話文八件

褒獎

訓令六件 指令五十四件 函二件

甌海觀政錄卷二

民政類

倉穀

訓令三件 指令四件

通令十六縣知事盤查社倉存穀造具清冊呈核文 七年十一月十九日

照得倉穀爲備荒要政民食所關亟應隨時盤查不容稍有虧蝕現在各縣社倉究竟額存若干現存若干經手員董有無侵蝕及任令各戶欠宕情事除分令外爲此令仰該知事即便遵照親往各倉逐一盤查造具四柱清冊呈候核奪勿稍稽延切切此令

訓令永嘉縣知事盤查義倉儲穀文 八年五月二日

案查溫溪地方向有鹽局項下每年提撥洋一千八百元作爲恤貧經費民國四年六月間由該縣郭前知事詳准將該項恤款全數改撥辦學費用並由鹽稅總局改解縣署轉發是年十二月又由郭前知事詳准於一千八百元中以九百元充作辦學之用

提出九百元興辦義倉均經陳前道尹轉飭該縣知照在案現在已歷數年究竟義倉儲穀共有若干亟應盤查以明實在爲此令仰該知事即便親往該處將倉存穀數切實查明開摺呈報以憑核奪毋稍隱延切切此令

訓令龍泉縣知事倉董毛之麟等辭職一案查明妥辦文 八年七月三十日

案據該縣西遠區倉董毛之麟郭輝明楊應時吳其芳楊梧魁等呈稱上年六月已面稟該知事准予冬間新穀收還委董接管乃靜候無音六月一日具稟該知事又批免爲其難再稟辭退責令公舉新董招集地方殷紳不到呈繳倉鑰發還甚至於人地生疎之九都亦責令兼管等情據此除批呈悉查訴願法第一條規定訴願範圍以損害權利利益爲限該董等經理積穀多年該縣知事不准辭退於權利利益均無損害所請未便准理且積存倉穀用以接濟民食事屬地方公益該董等相率引去不惟辜負官廳維持之心亦非愛惜桑梓之道現值青黃不接正待開倉之時未便遽易生手如果堅欲去職應俟秋後收穀事竣會同自治委員照章選人接替九都既係鄰村縱人

地生疎亦不難設法挽請地方正紳幫同辦理業已令縣妥爲維持該董等亦勿庸固執已見仰卽知照此批掛發外相應令仰該知事查照如果該董等堅欲辭職別無隱情應卽查核情形妥爲辦理是爲至要切切此令

指令永嘉縣知事呈送第一道倉六年分秋收併舊存穀數暨實存洋數清冊由 七年

六月三日

呈及各項清冊均悉管理該項積穀既有董事何以又有委員該委員究係何人所管何事又舊管項下既有存款何以又須息借莊款該項借款究竟是何用途仰該知事逐一查明具覆候核至冊內所列各項開支數目共有二百餘元亦未免太費自本年起務須酌量核減毋任濫支是爲至要此令冊暫存

指令永嘉縣知事呈報查明溫溪社倉實存銀穀數目由 八年五月八日

呈摺均悉查該縣轉發興辦義倉款項至民國七年止已歷三年應有二千七百元何以除存銀四百三十七元二角六分八釐外僅存倉穀六百石其中難保無侵吞情事

且摺內所開現存銀穀數目究竟是否實在曾否逐一盤查來呈未據叙明無從察核仰再將該項銀穀盤查確數並根究短少原因據實具覆以憑核奪毋稍隱延切切再前令該知事親往查明何以仍另派員前往殊屬不合特斥此令摺存

指令永嘉縣知事呈報盤查四鄉社倉實存銀穀數目由

八年五月二十九日

察閱來冊各倉銀穀盈餘者甚少虧欠者甚多仰速分別限期追繳清楚具報候核毋得稍任拖延至冊內所列收支各數詳加覆核尤多不符之處業經分別簽註將原冊發還由該知事詳細查明改造送道以憑察奪事關備荒要政務宜認真整頓勿稍瞻徇代人受過是爲至要此令原冊發還

指令麗水縣知事呈報接收第二道倉銀穀盤查情形由

八年七月九日

呈及附件均悉該知事盤查接收第二道倉涂前知事援案請銷耗穀一千一百十八觔自應照案准銷至涂前知事尙虧短穀三千九百一十一觔八兩仰該知事從速催繳歸倉一面將成字等倉穀妥籌善後方法具報核奪所有此次盤查僱用秤手薪工伙

食及修理倉房工費共銀十四元七角五分自可在道倉存儲銀洋項下息款內動支
惟既據分呈仍候 省長指令遵行此令附件存

水利

呈文一件 訓令二件 指令二件 批一件 函五件

呈省長齊查覆勘明許普珊於官河沿岸建牆一案並辦理情形文 七年十一月六日

呈爲轉呈事本年十月三十一日奉 鈞署第一〇二九號指令據許普珊呈爲被控
侵占官河一案請飭暫緩執行等情由內開呈悉查此案前經令縣執行尙未具報來
呈請緩執行未便照准據稱坍塌屋危及他人各情危詞聳聽亦難憑信究竟有無
妨礙應如何執行方法仰該道尹督縣親詣勘明妥辦呈報來呈隨發仍繳結存此令
等因奉此遵經檢發原呈轉令永嘉縣知事遵照並派員監視去後茲據該知事張濂
呈稱知事遵於十月二十三日督警帶匠前往強制執行並經呈奉鈞署派員督同監
視在案現在該處河面所鋪石板業於中間鑿下八塊連前次鑿下二丈約共鑿三丈
餘正執行間奉令前因知事遵即親自前往悉心察看該許普珊沿岸建牆當鑿下石

板之時於墻基不無震動恐有坍塌之虞應否繼續執行未敢擅擬理合將遵令執行及勘明情形檢同奉發原呈備文呈覆仰祈察核轉呈等情並繳呈原呈一件前來據此道尹復親往察看該項石板均係砌在墻脚之內現已鑿去八塊如果多鑿墻基震動確係危險該舖四隣亦恐倒塌波及聯名呈請免拆是該知事呈覆情形尙屬實在至該處河道本極淺狹非大雨後無水可汲前次火災延燒房屋多間實係火政不修並非因石板未拆所致現又據該商民許普珊呈明再拆危險情形並情願捐助永嘉嬰堂款項五百元以贖前愆請求轉呈銷案等情前來爲此備文將執行及查明各情形一併轉呈應否准免再拆以免發生危險之處伏乞 鈞長鑒核指令遵行實爲公便謹呈

訓令

永嘉樂清

縣知事召集多數士紳妥籌建築陡埭辦法文

七年十二月二十日

案據樂清公民鄭濟周呈稱竊永嘉樂清二邑交界之處有象浦阻隔浦東是樂之轄境浦西係永之屬地浦之上架一木橋名曰鄧公橋然此本永樂交通之要途溫台陸

上之孔道往來行人絡繹不絕非惟木質朽壞堪虞而且浦闊橋長不無風雨飄搖之懼凡經此橋莫不臨深履薄戰戰兢兢稍一不慎卽抱失足喪身之憾近數十年來迭經鄉前輩先生發起改築石橋之議奈款費浩繁又無賢長官提倡於上故欲作仍轍今幸仁憲察吏是邦關懷民瘼親臨勘驗又集二邑士紳會議僉稱與其改建石橋不若建築陡埭庶幾行旅農田兩有裨益並承各紳交口推薦蒙委濟周擔任建築事宜奉令之下不勝惶恐當卽叩轅請訓蒙諭提撥公款四千金其餘着濟周與鄉紳會議籌劃茲經濟周商同樂紳馮豹鄭解及永紳張益平等籌捐分三項辦法（一）建築陡埭使永樂二邑農田永無亢旱之患沾利甚溥擬每畝捐穀五升（二）近浦兩岸之田永無鹹潮之害享利尤厚擬每畝捐銀圓二元三四元不等（三）擬向各殷戶富商勸募輸捐集腋成裘以成美舉但事屬創始非蒙仁憲曉諭恐有無知之徒鄙吝之輩從中阻梗致礙進行除將籌捐章程及預算款項另摺呈黏外理合具呈叩乞鑒核施行等情前來據此除批呈及簡章均悉查象浦爲永樂人民出入要道前經本道尹親蒞

察勘自應將鄧公橋改建石橋以圖久遠前閱來呈稱二邑士紳會議改建築埭是否出於多數人之意思無從憑信來呈又謂本道尹准予提撥公款四千金此說究自何來至所擬簡章亦未妥洽總之此事關係兩邑斷不能倉卒從事究竟該處應否改建築埭並如何籌捐辦理之處候令永嘉樂清縣知事召集多數士紳妥議具復再行核奪簡章姑存此批等因掛發外合行令仰該知事即便會同樂清永嘉縣知事召集多數士紳妥爲議決呈候核奪勿延切切此令

訓令

永嘉樂清

縣知事爲徐璘等集股籌辦烏牛鄧橋并案查勘並妥議辦法具復文

八年

一月十一日

案據永嘉公民徐璘等呈爲集股籌辦烏牛鄧橋浦陡埭振興水利祈飭委查勘立案等情前來據此除批呈及附件均悉查上年十二月十八日據樂清公民鄭濟周呈以鄧公橋改建石橋一節集紳會議僉稱不若建築陡埭於行旅農田兩有裨益等情並據呈送籌捐簡章前來當令永嘉樂清兩縣知事會同召集多數士紳議決呈復在案

茲閱該公民等所擬辦法與鄭濟周原呈情形兩歧核其簡章又未妥適姑候令縣并案查勘並妥議辦法具復核奪此批掛發外合行抄發原呈一件令仰該知事即便會同樂清永嘉縣知事遵照前令飭於文到十日內先將應否建築陡埭情形勘明呈復一面召集兩縣士紳妥議辦法另呈候核勿稍稽延切切此令

指令縉雲縣知事呈報籌款浚河請分令麗水等縣會商捐助由 八年四月六日

呈及附件均悉該知事因該縣商業蕭條民生凋敝由於水利失修所致亟議開濬好溪河道俾土產商貨便利運輸具見爲民興利不遺餘力其所需經費又能會集紳商籌集的款尤見辦事敏捷深堪嘉尙除據情轉呈 省長察核並分令麗水青田龍泉松陽遂昌宣平永嘉等縣會商共助外仰卽會同各該縣將濬河工程切實勘估詳細另報以憑察核此令附件存

指令永嘉縣知事呈復修浚青田以下淤灘情形由 八年四月十三日

查開挖青田以下各淤灘原爲洩水起見水入甌江面積較廣其勢自散來呈所稱情

形未免過慮既據定期集議俾即詳細籌擬復候核轉至應籌捐款不特屬於捐局範圍並仰遵照前令將酌籌田畝及雜項等捐一併妥議具復勿延切切此令

批廖世珍呈爲強開河道有害無利補陳理由由 七年十月三十一日

查此案業據永嘉縣知事呈復早已派員查明該處本有橫直兩河因其淤塞而開浚之並無妨害至蘇鍾琪等發起開浚全爲公益並無私意且地方贊成者亦居多數並稱蘇鍾琪等呈請出示開浚橫直兩河時原呈內王張俊與廖茂才等亦以總司事名義列名稟請迨後王張俊一人畫押其餘九人概係空白其爲王張俊一人作梗已可概見等情前來即經本公署指令准予備查在案現在該處直河既經開浚如果橫河不宜再開自有地方多數人民出而陳請茲查該民等第一次來呈僅廖世珍一人於切結內畫押此次來呈均未畫押其爲一二人挾嫌攻訐情節顯照所請未便准行此

批

致鄭澄夫吳郁周吳星帆吳錦帆諸紳通函 七年三月十七日

某某仁兄大人閣下逕啓者永樂交界處之烏牛鎮地方有鄧公橋亟須修理聞當地各紳士擬將該處築一陡門俾江水不致灌入山水可以放出洩鹹澹附近農田均可變瘠爲腴大有利益籌議果確未便坐失機宜自以興辦爲得計弟爲鄧公橋創議復建曾偕馮地造諸君親往勘過情形尙係實在擬請大力發起此舉弟爲地方公益起見未知卓見以爲何如尙望速賜復音爲盼

致青田縣士紳函

七年六月二十日

逕啟者民國元年貴縣大水爲災全城俱沒田廬人民損害極巨近年夏秋之間雨水稍多便虞氾濫自應亟爲隄防但其致患之原究竟何在或應分殺來源或應疎通去路尤須折衷至當俾無曲防之患而收疎治之功諸君桑梓所關情形熟悉尙祈發抒意見匡我不逮俾得斟酌進行無任感盼

復縉雲縣知事湯函

八年十二月十九日

抱澄仁兄大人閣下頃奉惠函藉悉種種閣下任事一年勵精圖治百廢俱舉方慶共

濟得人詎忽奉令調省殊出意外開濬好溪事體重大尤賴長才擘畫乃能成此鉅功
弟正以此耿耿在念乃閣下並不以交卸在即稍存推諉足見熱心任事欣慰之至蓋
吾輩任事全憑天良本不必計及得失去留也田知事過此弟已將閣下一切政績詳
告俾得蕭規曹隨並切囑將濬河事宜極力繼續進行勿使功虧一篑弟深知此項工
程宜在今冬竣事冬令錯過春水漲發又須停頓一年故特切囑田君也田君到後望
再接洽切託爲要弟此間亦不日可以交卸閣下便道來溫或可同行晉省餘事均須
面譚茲不盡言

致永嘉縣楊紳雨農等函 八年十二月 日

雨農方起
鳴謝益平

仁兄大人閣下逕啓者去年由黃君溯初馮君地造談及永樂交界之烏牛

鄧橋浦擬築陡埭俾外禦鹹潮內蓄淡水則所有兩岸農田可成沃壤鄧公橋亦年久
失修往來行人甚爲危險弟以所談各情與水利農田均有重大關係曾偕黃馮兩君
親往勘視復託杭州水利委員會測量隊長陳君勉願前往實地勘測并分令永樂兩

縣知事召集兩縣紳耆共同研究嗣據陳隊長報告鄧浦橋下游十餘里均有潮水往來不適灌溉之用內河兩岸狹窄容水無多且值夏秋大汎潮流旁溢沿浦農田年遭淹沒既虞旱乾又虞潮患禾稻收成十無五稔若就鄧橋改築壩閘是於該處田畝有灌溉之利無鹹潮之害閘成以後若鑿低鄧橋浦東岸之麥埭分樂屬十里村及馬山橋西行之水由鄧浦橋而入於江則樂清西鄉可以增加洩水之途卽以減輕淹沒之患等情是鄧橋築壩設陡之利已可概見無如樂清紳耆意見未能一致遷延至今尙未實行現弟雖將去任而對於地方有百利而無一害之舉終覺未能忘情夙知諸君子熱心毅力此事尙希會集樂清紳耆如馮地造諸君詳細研究剴切勸導俾底於成則弟雖去猶賢於不去也除另委分道知事王寶謙會同前往外特專函奉託務望不辭勞瘁必達到興利除害之目的而後已臨穎不盡依依

覆杭州水利委員會技正林函 九年一月五日

同莊仁兄大人閣下奉函祇悉好溪工程弟平日督催甚急湯知事奉調後復限定尅

日具工田知事過此又切實囑咐現已佈置就緒陰曆年內當有完工之望因此項工程必藉冬令水涸開濬過此又須延緩一年故不得不汲汲也請撥賑災餘款四千元已蒙批准此事當可放心矣

治安

呈文二件 電呈一件 布告一件 函二件

呈督軍楊省長齊為派員查辦瑞安焚燬通濟公司煤炭文 八年八月二日

呈為遵電派員查辦瑞安燒燬通濟公司煤炭情形據實呈覆仰祈鑒核事本年七月

二十三日上午一時奉鈞督省長養電內開據瑞安通濟公司電稱前月購有煤炭奸徒

伺隙煽惑徧發傳單定梗日下午開會燒燬深恐釀成暴動等情輪船關係交通豈容任意破壞察核情形顯有不逞之徒從中鼓煽仰即飛飭該縣會督營警嚴密防範遏阻並由道派員尅日前往查辦如敢不服制止即將為首滋事之人嚴拏懲辦等因奉此遵查此案七月二十二日據該公司經理沈警具呈到道業經即日電令該縣知事查辦奉電前因遵即飛飭該縣知事嚴密防範並令分道知事狄紹青立刻馳往限令

本日十二時以前趕到該縣切實查辦去後茲據該印委先後呈電稱瑞邑各界黨見甚深已非一日此次通濟公司購用日煤爲勸用國貨會偵知議定三成處罰彼此爭執隨定於二十三日集會焚燒該知事先於是日上午邀集城紳到署會議辦法該委員於午刻趕到先令該紳等具名通告免蒞會場下午仍有短衣數百人擁擠明倫堂經該印委嚴行禁遏始行解散通濟公司煤炭仍照勸用國貨會辦法三成處罰充地方公益各等語據此道尹查該勸用國貨會妄議處罰殊屬不合除電該縣知事查明此項罰款由何人議決經何人支配如何支配作何用途詳細具報並嚴切查禁外所有奉令查辦情形理合備文呈復仰祈鑒核施行謹呈

呈省長請示永嘉商學界自由行動應如何辦理文 八年八月五日

呈爲據情轉呈商學界干涉行政自由行動情形仰祈鑒核事本年七月二十三日據報永嘉縣西鄉永強鎮因漏海罷市當即電令永嘉縣知事張濂警察局長曹鑄查明實情妥善辦理去後嗣據先後電復已於二十六日開市茲復據該知事局長會呈稱

區警佐因該會並非法定機關未允所請該處商學界似此干涉行政自由處分尙復成何事體應如何辦理之處理合檢同印刷品會銜備文呈報核示等

茲復派員實地調查查得本月二十二晚八句鐘由寺前街十人團張學林姜克鑑等於陡門海岸查獲張永秀漏米一起報知該處國貨維持會立派會中調查員王鎮麟何鴻勛范良鎮鄭雋吳定蘭報同第三區警所巡警前往查辦詎到地而米已被鄉民搬匿一空其時有在場之張定養張延年二人本係該會會員不加勸導反出言庇護喝衆抗拒幾至械鬪賴有巡警防止免釀巨禍事爲全市商民所聞責該會員之作法自弊於二十三日早晨憤激罷市旋經該會長王人驥以二張所爲敗壞本會名譽隨將二張除名以息公忿而該商民等仍不滿意是以二十四五等日扁門如故事經該區警佐多方勸導無效後由紳商學界議擬條件自由處分條件另列印刷品至二十六日味爽各店一律開門鞭炮之聲不絕於耳聞係表示歡迎維持會公爾忘私之意此係二十二晚起至二十六晨止風潮起伏之實在情形也事後國貨維持會要求該區警佐出示保護警佐因該會並非法定機關未允所請該處商學界似此干涉行政自由處分尙復成何事體應如何辦理之處理合檢同印刷品會銜備文呈報核示等

情據此道尹復查各屬學生自青島問題發生後以愛國名義步武北京大學後塵原未可以厚非惟近以漏海爲由漸漸逾越範圍閱其油印條件竟以私人資格任意賞罰殊屬非是據呈前情除指令隨時查禁外理合照抄印刷品備文呈請究應如何辦理之處伏乞鑒核指令遵行謹呈

代電

督軍楊省長齊

呈報永嘉罷市情形今已秩序如常文 七年八月二十二日

督軍省長鈞鑒昨晨警商齟齬罷市業經會電呈報在案茲查肇事原因係於九時許二區崗警在府前街驅逐肩挑糖擔並不違移口角扭毆該處鞋店主葉桂芳出而干涉又復齟齬該警挾忿回局邀警將葉桂芳及其夥某逮捕至局以致羣情不服復有地棍煽惑相率誤會城內全行罷市當飭警局先將葉等釋放肇事崗警開革候究一面令縣局商會挨戶勸導職署立出布告宣示辦法剴切曉諭並商請統部派隊巡邏各商遵諭於午後二時一律開齊秩序如常誠恐棍徒等再圖借端滋事職署復出布告勸慰商民並函統部加派警隊注意巡防自夜至今安謐如常斷不致再生事故除分飭

隨時密拿滋事棍徒並令警局切實詰誠警士外謹再電陳

布告居民人等毋得輕信放置毒藥謠言文 八年六月二十二日

爲剴切布告事照得本日永邑城內發生一種謠言謂鐵井欄地方井內有人暗置毒藥等語業經永嘉縣知事警察局局長等親往該處當衆將井水用銀牌試驗井邀請西醫化驗實在並無毒質並由該知事局長等各自汲飲井水一盃亦復毫無他異在稍有智識者明知置毒之說實係謠言惟無知愚民仍或不免懷疑殊不知暗置毒藥之謠言發生於上海繼及於杭垣市虎杯弓互相驚擾以致毆傷人命已有數起業經上海及杭垣各官廳拿獲兇犯行將抵罪此皆由匪徒捏造謠言藉端生事愚民誤聽其說以致發生中國人與中國人互相殘害之事言之殊爲可痛本道尹深恐本地人或有誤聽謠言自陷於罪爲此剴切布告仰商民等一體知悉爾等須知凡事總以目見爲實斷不可全憑耳聞遽信爲真本日鐵井欄之事既經永嘉縣知事警察局局長等當衆驗明並無毒質其爲謠言足以證明嗣後爾等當互相勸告萬勿輕信此種

謠言如果有匪徒放置毒物證據亦應鳴警拘送官廳澈底究辦毋得稍有擾害秩序
舉動致干咎戾除令縣局嚴密查拿造謠匪徒立予從嚴懲辦並加意保護飲料水外
合行布告仰各凜遵切切特布

致溫處督銷局局長陸函 七年三月二十二日

逕啟者本年三月十五日據泰順縣知事呈報離城六十里百丈口地方開泰鹽行及
緝私分卡被莒崗夏姓因爭設官鹽行不遂挾有嫌隙搗毀一空並擄去物件等情同
日又據開泰鹽行商人劉積威呈同前由據此除分別指令批示外並咨請警備隊第
六區統部就近撥隊前往協同查辦在案茲又據劉積威呈稱夏匪等聚眾不散勢益
梟張大備砲火聲言再劫請飛派警隊前往勦拏等情前來業又批示在案查此次肇
釁原因據泰順縣知事呈報據地人僉稱百丈口舊有夏合發鹽店爲莒崗人夏姓合
眾設立有百餘年上年夏間縣民劉季豪擬在百丈口設立官鹽行夏姓聞知亦集款
擬請領照與劉季豪先後赴溫處督銷局呈請領照是時官鹽行執照已被劉季豪以

劉積威商號稟准在先夏姓遂遭駁却夏合發鹽店因此歇業夏姓懷恨在心遂有搗毀分卡鹽行之舉動等語而據劉積威來呈則不認有此爭設鹽行之事實究竟上年劉夏兩姓有無向貴局爭領鹽照情事此次夏姓聚衆搗毀分卡鹽行是否因爭設鹽行不遂所致當時毀劫情形究竟如何現在曾否解散除令泰順縣知事查辦外相應函請貴局查明見復實級公誼

復麗水縣知事錢函

八年七月十二日

春沂仁兄大人閣下函悉此番風潮徧及各處全賴官廳防範處置得法壓制放任均非所宜相機辦理非筆墨所能盡貴縣既發生焚貨情事尤宜注意維持商學兩界萬不可使之分裂一經分裂卽生他變官廳對學生始終用婉言勸導爲是最要須防有地痞在內乘機滋事查明屬實先則示禁繼則嚴拿懲辦警察力不能治則加警備隊惟事前須與學生說明勸令自重身分勿任地痞假借護符敗壞名譽多方開導學生不護庇地痞則前項手續卽可行矣然萬不可出之草率總須開誠布公此間卽持此

宗旨故始終未生他變也

正俗

訓令十六件 指令十七件 布告八件 函二件 白話文八件

訓令永嘉警察局查拏私演淫戲及背負西洋鏡者以秘戲誘人觀看文

七年二月二十三日

照得本邑城廂內外各廟宇時有商民僱班演戲名爲酬神本道尹因係積年習慣故未禁止乃訪聞近來各戲班竟敢不顧禁令私演淫戲實屬大傷風化除布告外合亟令仰該局長密派幹警隨時稽察如遇有私演淫戲情事卽行拏辦以維風化又聞有一種擺設或背負西洋鏡者往往內藏秘戲畫片沿途誘人觀看亦與風俗人心大有妨礙並仰隨時查察拏辦仍將遵辦情形具報備查此令

訓令

永嘉瑞安
平陽樂清

等四縣知事查禁爭賽龍舟文

七年三月十九日

案查溫屬舊俗每逢陰曆端陽各處有划賽龍舟之舉不獨廢時失業勞民傷財且平時彼此稍有嫌怨者更藉此爭強鬪勝之時爲尋釁復仇之計往往因此釀成命案年有所聞故各前道尹均經令行各縣查禁在案現距端陽爲時雖遠惟聞每演龍舟必

於舊曆二三月間預募款項爲備辦船隻一切之用自應先期禁止俾免臨時藉口除分令外合行令仰該知事知照即便先行出示嚴禁並密派長警隨時偵查務使革除惡習以保治安是爲至要切切此令

訓令龍泉縣知事勒石永禁鬧元宵惡俗文

七年四月二日

查溺斃嬰女滅絕天性爲人道所不容法律所必究業經本道尹通令各屬並布告嚴禁在案茲訪得該縣地方有一種惡習產生女孩後每逢第一元宵節期必須辦具酒筵款宴賓客甚有舖張揚厲演唱戲劇以示熱鬧謂之鬧元宵中人以下之家無力宴客又礙於習慣往往將嬰女溺斃圖免費用禮奢寧儉古有明訓慶賀之事本當量力行之不容稍有糜費乃惑於地方之惡俗致置其生女於死地殘忍之風習不爲怪實於世道人心貽害無極合亟令仰該知事迅將鬧元宵惡習出示勒石永垂嚴禁一面飭屬密查如有故違嚴予懲究並令本地士紳隨時剴切勸導務絕澆風而保生命仍將遵辦情形具報候核切切此令

訓令永嘉警察局查辦尼庵不法行爲文

七年四月四日

查永嘉城鄉尼庵大都不守清規勾引婦女藏垢納污甚有售賣藥餌墮打嬰胎藉以牟利於風俗人心貽害匪細爲法律所必究合亟令仰該局長飭令所屬各區隨時嚴密訪查確實如有此等不法行爲卽行拘送法院究辦以遏奸風毋得視爲具文切切此令

通令十六縣知事按月編稿宣講以正風俗文

七年四月五日

案查各縣宣講通俗講稿前經奉令轉行各該縣照章設立宣講所按月編稿呈送簽改發講具報在案近聞各縣宣講員有按期出發實行宣講者亦有徒有其名毫無實際者日久玩生殊非慎重教育之道本道尹分巡甌海有察吏觀風之責一切政事風俗均須力求改良督促進行方足以挽澆風而敦誠樸嗣後各該縣派員宣講乙月之稿務於甲月呈送宣講日期地點亦須先期呈報本公署當隨時派員分馳各地切實調查藉以覘各該知事辦理教育之殿最至於宣講資料勿務遠大須就各該地方習

俗之弊編成淺近白話詳細勸告必使老幼鄉愚均能洞悉庶可以收實效除分行外合行令仰該知事遵照辦理毋得視為具文致干未便切切此令

訓令青田縣知事拿辦典妻及拐賣幼孩文

七年四月十七日

照得出典妻室及拐賣幼孩等事均為法律所不容本道尹下車伊始訪聞舊溫屬各縣時有前項情事即經布告嚴禁並訓令各該知事拿辦在案茲查得青田境內亦時有典押妻室及販賣幼孩之事此等不法行為言之實堪痛恨合亟令仰該知事即行出示嚴禁一而督率長警密查遇有前項情事立即拿辦毋稍寬貸是為至要仍將遵辦情形具報備查切切此令

通令十六縣知事調查風俗習慣文

七年五月一日

照得風俗習慣於世道人心有密切關係凡吾僚屬具有地方治安之責當於風俗之良者獎誘而維持之其不良者懲警而革除之願非周知其情狀何由興利而除弊甌海各屬水陸各殊風俗習慣亦復互異如花會烟賭溺嬰典妻械鬪販賣人口盜掘墳

慕等類或爲普通之惡俗或爲特別之頑風與夫人民之奢儉勤惰信仰宗教熱心慈善之類風俗純駁各有不齊自應詳加採訪藉謀激勸之方除分行外合行令仰該知事將該縣風俗情形詳細調查條舉具復以憑察核勿延切切此令

訓令永嘉縣知事及警察局長預禁彩閣文

七年五月十五日

照得永邑境內每屆舊曆端陽好事之徒每喜划賽龍舟往往因此爭鬪釀成命案前經令飭該局知事局長嚴禁在案茲又訪聞龍舟之外又有裝演彩閣之舉雖與划賽龍舟情形微有不同然勞民傷財徒增奢侈往觀者男女雜沓尤於風化有關實屬有損無益况現值戒嚴時期尤非歌舞昇平之世急應預爲禁止免滋事端除分令外合行令仰

該局知事局長迅卽出示預禁毋任再有前項情事是爲至要切切此令

訓令平陽縣知事親往拿辦古熬頭花會賭徒文

七年六月三日

查花會誘賭爲害最巨本道尹迭經通飭嚴禁已不啻三令五申茲訪聞該縣古熬頭一帶不肖賭徒仍多違抗禁令私設花會實屬賭玩已極若不究拿懲辦勢必益無忌

憚貽害地方實無窮極合亟令仰該知事督飭長警親往該處嚴密指拿盡法懲治無任漏網仍隨時切實查禁務絕根株而靖地方並將遵辦情形具報候核切切此令

訓令永嘉警察局查禁淫戲文

七年八月九日

案據永嘉民人胡綱等爲刪改淫劇勸懲世俗請重申禁令並令戲業經理轉知各掌班修正戲目實行刪改以敦風化等情前來據此除批查演唱淫劇有傷風化迭經本公署令飭查禁在案來單所開各劇既均係淫劇何能准其演唱仰候抄單令發警察局從嚴查禁可也此批掛發外合行檢發副呈一件並抄發原單一紙令仰該局長即便從嚴查禁毋稍疎忽切切此令

通令

十六縣知事
永嘉警察局局長

嚴禁械鬪辦法文

七年十一月十三日

照得甌海各屬山鄉居多民俗强悍鄉鎮山僻居戶大都備有刀棒鳥鎗等械原以防禦賊盜及獵獸之用然遇鄉里交涉往往以細故爭執一言不合卽持械鬪爭初時起釁者不過一二人繼乃各召黨徒鳴鑼聚衆列陣相對草菅人命騷擾井閭迭經官廳

嚴加懲禁雖已知所忌憚然如永嘉之西柵兩溪瑞安之毛山柳山平陽之南北鄉港及各屬之距城較遠者仍不免習爲故常愍不畏死此等械鬪惡俗實屬不法已極亟應切實示禁一面嚴飭各鄉警遇有此等無識舉動立時報告就近警局派警阻止如事前隱匿不報因此肇禍除將爲首之人盡法懲治外該鄉警亦應嚴加究辦並分諭自治委員及本地士紳平時於各該鄉里曉諭利害消弭無形務期永絕此害除分令外合亟令仰該局知事局長迅卽遵照辦理切切此令

通令十六縣知事嚴禁誑親招夫等惡俗文 七年十一月二十五日

照得甌海各屬不良風俗關於道德問題者如典妻溺女等事迭經通令嚴禁在案茲復派員調查所有傷風敗俗顯悖禮教之事尙屬不勝枚舉查各屬鄉民往往於親病垂死之時先將聘定之妻娶之入門婚禮既畢始訃告親喪俗名誑親招夫當親死之際哀痛不遑乃匿喪不報先行婚配人情天理俱有難容又各屬婦女往往有因夫多病或不能謀生者另贅一夫以資贍養書立字據訂定年限俗名招夫大都爲先經識

合而藉此以文飾之者廉恥道喪一至於此尤有甚者爲叔嫂之配合夫死再醮社會猶所不齒況以骨肉之親爲禽獸之行滅絕倫紀其害尤鉅其餘如虐待養媳迫令凍餓而死鬻賣子女供其賭博之資種種惡習所在都有俱大背人道主義爲此令行該知事迅卽一律嚴行示禁並諄飭自治委員及本地士紳平時於各該鄉里切實勸告動以羞惡之心藉革淺薄之俗本道尹有厚望焉除分令外仰卽遵照切切此令

通令

十六縣知事
永嘉警察局

爲嚴禁賭博及私演淫戲文

八年一月七日

照得甌屬各縣每於陰曆年底年初賭博及演戲等事隨在皆是最足貽害地方前經本公署迭令所屬遇有聚衆賭博及私演淫戲等事隨時查拿究辦在案現在已屆陰曆年終苟非重申禁令深恐此風復盛爲此除分令外合行令仰該局知事即便出示嚴禁如果再有賭博及私演淫戲情事立即拿案從重罰辦毋稍姑息一面再行布告周知切切此令

訓令永嘉警察局爲查禁俗稱扮六七文

八年二月七日

本日有人來署報告謂永嘉有無業游民每屆陰曆正月十三至十八等日俗語名稱扮六七其實聚集多人臉上搽粉粧扮女頭身穿女衣招搖過市引人觀看以致時有打鬧情事甚而至於劫奪物件請予預先禁止等情前來爲此令仰該局長查照轉飭一二兩區迅爲預先查禁以絕陋俗勿稍延縱切切此令

訓令瑞安縣知事禁止宿廟祈夢惡俗文

八年三月二十九日

訪得該縣東郊萬松禪寺左近地方有許真君廟每於古曆二三月間有所夢之惡俗男女羣至該廟住宿混雜不分實屬有傷風化亟應從嚴禁止爲此令仰該知事即便查明示禁如仍有違犯應卽從嚴拿辦以除惡俗而端風化是爲至要此令

訓令永嘉瑞安樂清平陽等四縣知事永嘉警察局長示禁舊曆端陽划賽龍舟文

八年五月七日

案查溫屬舊俗每逢舊曆端陽各處有划賽龍舟之舉不獨廢時失業勞民傷財且平時彼此稍有嫌怨者更藉此爭強鬪勝之時爲尋釁復仇之計往往因此釀成命案年

有所聞本道尹曾於上年三月間令縣嚴禁在案現距端陽爲時已近亟應重申禁令以除惡俗爲此除分令外合亟令仰該局知事局長即便出示嚴禁毋任再有前項情事是爲至要此令

指令樂清縣知事呈爲條舉風俗情形由

七年五月二十一日

呈摺均悉察閱摺內所稱倉董不免有侵蝕倉穀情事急應從嚴追繳以重倉儲龍舟競渡最易釀成命案會否一律禁絕無論如何斷不能任其再有此舉搶捕惡習尤堪痛恨必須盡法懲治典妻一事早經本道尹通令查禁應卽實力奉行婚嫁專尙奢侈甚非所宜急宜剴切勸諭無賴之徒借送喪爲名強索酒食無異詐欺取財亦應嚴行查禁停棺不葬貽害甚多仰卽另行示禁並勒令埋葬殷戶子弟果有聚賭吸烟行爲該知事儘可破除情面卽行拿案重辦以儆其餘賣產找價惡習亦應出示嚴禁禁止之後如果仍有前項情事儘可依法嚴辦以除惡俗其餘有益地方無傷風俗各事仰該知事隨時獎誘維持果能多盡一分之心使人民多受一分之益本道尹有厚望焉

此令摺存

指令遂昌縣知事呈送調查風俗一覽表由 七年六月一日

呈表均悉該縣東鄉地方上年冬間開設花會雖經該知事督警緝拿是否盡絕仍應嚴密查禁鄉間演劇往往有淫蕩戲曲最足墮落青年子弟亦應隨時注意查拿嚴辦以端風化興辦慈善公益各紳果係熱心發起確有成績准由該知事詳舉事實呈候察核酌給獎勵藉資觀感仰即遵照此令表存

指令宣平縣知事呈復風俗習慣情形由 七年六月十日

呈摺均悉木植本舊處屬出產大宗該縣山民既能勤苦種植應依照森林法懲獎兼施以資利導其熱心公益人民如果查明確有成績亦應擇尤獎勵迷信神權爲陋屬普通習慣古人神道設教本以濟法律之窮如無妖惑情事於風俗並無大害至烟賭二項爲害最巨仍應隨時查禁務絕根株毋稍疎懈仰即知照此令摺存

指令瑞安縣知事呈送本年四月份講演稿由 七年六月二十日

呈件均悉應准備案唯稿內勸食牛肉一節似與前奉 省令禁止宰牛一案隱相抵觸查通俗講演無非就各該地方風俗情形斟酌至當編稿講演爲補偏救弊之圖若徒襲一二新說未免失之過當該知事亦應加意核刪不得以所長編呈輒行轉送據呈前情仍候教育廳指令祇遵件存此令

指令慶元縣知事呈送講稿及講演日期地點表由 七年七月一日

呈表及講稿均悉禁食田鷄與勸婦女守節均係切要之圖該知事留心及此飭令編成白話淺說分途演講實於農政風俗關係匪輕能本此意推而行之本道尹有厚望焉此令表及講稿存

指令雲和縣知事呈復雲邑風俗習慣情形由 七年七月二十九日

呈悉據稱該縣花會烟賭之風現在絕無僅有可見尙未禁淨七八兩都既有販賣人口盜掘墳墓案件發生應隨時嚴拿究辦慈善事業之範圍既不甚廣亦應設法勸導擴充至溺嬰典妻惡俗實爲法律所不容該縣城鄉既時有所聞斷不能因其出於萬

不得已遂存姑息之心總之有地方之責者能多盡一分之心卽人民多受一分之利該知事於境內風俗習慣既經查明卽將應興應革事宜切實辦理勿以一復了事是爲至要此令

指令景寧縣知事條舉景邑風俗情形由

七年八月二日

呈摺均悉察閱條舉應興應革事宜頗爲切要典妻溺嬰焚山好訟奢侈均宜竭力勸禁兼施務期淨絕卽認真實行毋以空言塞責花會爲害最烈尤宜從嚴拿辦至樂善士紳亦應擇尤給獎以資鼓勵該知事平日辦事尙勤能再注重於人心風化尤所厚望切切此令摺存

指令松陽縣知事呈報調查風俗習慣情形由

七年八月二日

呈悉該縣設有保嬰局三處究竟內容若何該知事應隨時親往查察力加整頓務使惠及嬰孩是爲至要烟賭等類實爲法所不容自應抱嚴厲主義有犯必懲以期禁絕典妻惡俗一時雖難盡革然苟能於禁勸二字始終不懈自可收默化潛移之效至於

慈善事業有地方之責者急宜設法擴充潘文衡等果係夙具熱心儘可擇尤請獎以資激勸奢侈之風於人民生計大有關係亦宜隨時切實勸導藉以挽回該知事平日辦事頗見勤能仰卽於以上數端益加奮勉則誠不愧爲良有司矣再呈首應叙奉文日期前經通令遵照在案此次來呈漏未叙明未免疏忽嗣後應注意爲要此令

指令永嘉縣知事呈爲調查風俗習慣情形由 七年十月二十三日

呈摺均悉該縣賭博之風尙未盡絕應會同警局嚴拿重辦至溺嬰一事最堪痛恨來摺所陳辦法尙無不合應速籌議舉行限二十日具復候核典妻惡俗未盡革除仰再出示嚴禁販賣人口之事時有所聞速會同警局嚴查重辦盜掘墳墓尤爲法律所不容亦應會同警局嚴禁一經拿獲卽送司法官廳從嚴懲辦該知事身任地方責無旁貸仰卽將地方惡俗實力革除勿以一覆了事是爲至要此令摺存

指令縉雲縣知事呈送調查風俗習慣清冊由 七年十月二十八日

呈及清冊均悉該縣城中所設之育嬰堂究竟辦理是否切實經理人有無侵蝕情事

應隨時查察整頓至婦女纏足之風俗至今未除亦應切實勸導溺嬰一事忍心害理非嚴禁重辦不足以儆效尤棺木久停任其破爛之後挖屍另葬此等惡俗尤須嚴禁重辦一面查明無主者設法代爲掩埋其有主者卽限令速葬聚衆賭博貽害不淺且爲法律所不容如果認真查察有犯必懲各賭徒自然斂跡總之有地方之責者能多盡一分之心卽地方多受一分之益仰卽遵照指令各節切實辦理勿稍疎懈是爲至要此令册存

指令麗水縣知事呈復姚王英呈報講演有名無實應擬善後辦法由 七年十一月四日
呈悉講演員須學識優長口才雋妙宣講時能動人聽則聽者自多講題尤須選擇切中地方風俗利弊合於人民之程度者俾有警覺方得實效若徒鶩高遠則聽者昏然此等弊病最宜切戒仰卽轉飭宣講所知照此令

指令泰順縣知事呈復泰邑風俗習慣情形由 七年十一月三十日

呈悉查摺開極貧之戶須設施醫棺木發煖衣養濟院等以資救濟本係地方慈善事

業亟應趕緊籌辦但此爲治標之法如能興辦實業使人能自食其力方屬根本解決該縣炭從前出產甚多須極力提倡此卽實業之一端販賣人口尤應注意如破獲一案由本道尹捐廉給賞銀二十元隨時呈報具領風氣浮薄應令士紳及宣講員切實勸導以圖挽救其餘私鑄砂錢及花會典妻等仍嚴行查禁勿稍疎懈卽遵照此令摺存

指令慶元縣知事呈調查慶邑風俗習慣由

七年十二月三日

呈摺均悉查摺開第一條乙丙丁三項雖亦有飢寒迫切出於無奈者究爲禮教所關亟應勸懲兼施潛移默化一面爲貧苦小民籌畫生計衣食完全乃可以禮法繩之好訟喜鬪之風亦應切實懲勸并將該縣風俗習慣不良之點飭由演講員編成白話文隨時講勸以期逐漸改良是爲至要再本案飭查遲至半年之久始據復到呈首亦未叙奉文日期殊屬玩延并斥此令摺存

指令青田縣知事呈復調查風俗習慣由

七年十二月四日

呈摺均悉花會賭博械鬪應嚴密查拿盡法究辦溺女典妻雖有飢寒迫切出於無奈者然禮教所關應勸懲兼施一面整頓嬰堂擴充嬰額爲貧苦小民籌畫生計衣食稍足斯不妨嚴繩以法並將該縣風俗不良之點飭由演講員編成白話文隨時講勸以期逐漸改良是爲至要此令摺存

指令平陽縣知事呈送調查風俗情形由 八年一月二十七日

呈摺均悉該縣既有花會賭博販賣人口及械鬪典妻競渡等惡俗應卽隨時查禁有犯必懲毋稍疎縱至停棺不葬一節已令該知事辦理掩埋一面應切實勸導勿任再將棺木暴露是爲至要此令摺存

指令永嘉警察局呈報章嘉坤等試演新劇由 八年四月二十八日

呈摺均悉據稱公民章嘉坤等擬租借宣靈王廟試演新劇等情查新劇爲社會教育之一種果能不背宗旨洵足灌輸人民智識惟現值戒嚴期間晝夜演唱實於地方治安有關姑准試演日戲一月呈報事項摺內第九條至多不得過十時應令改爲至多

不得過六小時仍仰該局長隨時派警認真監視至在該廟演戲是否相宜並仰先行切實查勘必須房屋堅固不致發生危險方可核准清摺發還着令改正後轉呈備案此令

指令青田縣知事呈送講稿及日期地點表由八年十一月四日

查講演爲通俗教育之一種凡編講稿應擇切中地方之弊病者方易見效迭經指令在卷茲閱來稿仍專務高遠殊屬不合仰卽嚴飭該所長遵照又是項講稿應先期送核俟奉准後始可實行講演九月份稿至今始送該縣視爲具文已可概見特斥此令稿表存

布告婚嫁喪葬去奢崇儉文

七年二月五日

照得甌地爲通商口岸輪舶交通奢侈之風寢成習慣一婚嫁也有坐筵辭嫁之名目笙歌達旦酒食兼旬一喪葬也百金殉殯千金營壙中人家往往有因之破產者造端極微影響甚鉅值茲經濟恐慌之時上下交困達於極點必踵事增華作無益以害

有益實所不取甌屬素稱文物禮義之邦當不乏明達之士但使崇尚儉約力挽頹風
晏子敝裘公孫布被厚風俗而正人心本道尹竊願與甌邦人士共勉之特此布告

布告嚴禁花會賭博文 七年二月九日

照得甌屬各地貧民游手每於冬春之間盛行花會主其事者爲花會師鄉愚無知以
本少利多希圖僥倖卜晝繼夜趨之若狂始則荒嬉正業繼則典質衣衫甚至賣宅典
妻以冀孤注之一擲男女混雜敗俗傷風莫此爲甚此等惡俗玉環樂清瑞安等處所
在皆有而永嘉爲最遠則西構兩鄉近則上下河鄉不法游民糾合黨徒於深山僻壤
之區懸筒點采但知自己漁利罔顧貽害他人似此不法行爲實屬罪無可貸爲此布
告商民人等一體知悉務各安分營業勿爲所愚如仍執迷不悟及爲花會師者一經
查獲立即送廳嚴辦治以相當之罪除通令各縣及警察局隨時密查并永垂嚴禁外
其各懷遵毋違特此布告

布告舊溫屬商民嚴禁溺斃嬰女文 七年二月十五日

照得舊溫郡西柵兩溪貧苦居民往往因家累過重將親生女孩活行淹斃此等惡習忍心害理滅絕天良須知人命至重雖爲父母無故殺子亦有抵償之律況今日所生之女卽爲異日他人之母目前多一溺女卽日後多一鰥夫使有女者率皆不育勢不至人類盡絕不止若果無力撫養或送郡城育嬰堂或由他人撫爲養女均無不可虎狼雖殘且不食子爲人父母奈何不若本道尹下車伊始不忍不教而誅除分行各屬嚴行禁止外爲此布告商民人等一體知悉嗣後生育女孩不准再有溺斃情事如經察出定卽送交法庭嚴辦決不寬貸並卽永垂示禁切切特示

布告嚴禁販賣人口文 七年二月十五日

照得甌屬濱海與閩省毗連永嘉東門外一帶半係閩人僑居以海上行船爲業每遇船舶開閩時有販運幼孩人口等事推原其故由於閩省操海上漁業者多其親生子弟不忍驅之驚濤駭浪之中類皆收買養子以任其役不法棍徒遂藉此漁利以販賣人口爲業路遇幼孩任意欺騙或啖以餅餌或脅以勢力童子無知甘受其愚甌人遭

其害者實非淺鮮言念及此實堪痛恨爲此布告永垂嚴禁爾等須知販賣人口爲法律所不容如仍有甘爲此種不法行爲一經發覺定卽送廳嚴辦決不寬貸除通令嚴行查禁外其各懷遵毋違切切特此布告

布告禁止典妻惡俗文

七年二月十八日

照得夫婦爲人倫之始女子以貞節爲先禮教之防風俗所係本道尹下車伊始訪聞西柵兩溪有一種典妻惡俗究其原因類由不肖游民溺於嗜好不務正業飢寒交迫遂出此不法行爲鄉愚無知習不爲恥此風寢長不獨廉恥道喪亦且紊亂宗祧而於禮教風俗大防尤不堪問爲此布告商民人等須知此等惡習傷風敗俗實爲社會所不齒務各互相勸誡絕此類風本道尹有厚望焉自經此次禁止之後倘仍有蹈此種惡習者一經發覺定卽送廳嚴辦決不寬容法律具在其各懷遵毋違切切特此布告

布告禁止私演淫戲文

七年二月二十三日

照得本邑城廂內外各廟宇時有商民僱班演戲藉名酬神本道尹以積年習慣故未

予禁止乃訪聞近來各戲班竟敢不顧禁令私演淫戲實屬大傷風化除令行警察局密派警察遇有私演淫戲者隨時嚴拏究辦外合行布告仰商民人等一體知悉嗣後演戲酬神毋得再任戲班私演淫戲如敢故違一併拏究不貸其各懷遵特此布告

勸告改革纏足早婚文

七年四月

照得天生人類

完全四體五官

何苦矯揉造作

自將形體傷殘

卽如纏足一事

害處卻有多端

血氣不能流貫

往往疾病淹纏

將來生下兒女

氣體亦難健全

卽就本身而論

多病或促天年

總之有害無利

此風改革宜先

至於早婚一節

亦與身體有關

筋骨未曾長足

情慾萬不可開

早將元氣斲喪

自然體質多虧

爲此勸告爾等

各宜凜遵無違

布告禁演酬神淫戲文

七年五月二十四日

照得本邑城廂內外各廟宇時有僱班演戲以爲酬神之舉前因訪聞各處演戲往往

不顧禁令點唱淫穢之劇迭經本道尹出示禁止在案現訪聞不肖之徒藐視前令仍敢點演淫劇誘引輕年子弟傷風敗俗殊屬不法已極須知戲劇爲社會教育之一種勸人爲善者固在此引人爲惡者亦在此關係人心實非淺鮮况因酬神而演戲更應誠敬在心豈容稍涉穢褻致犯不恭如演唱淫戲不獨不足以酬神且反足以瀆神恐亦非爾等演戲之本意本道尹爲正風俗人心起見不吝三令五申除令永嘉警察局派警隨時查究外爲此再行布告仰閩邑商民人等及各該戲班一體知悉嗣後一概不准再有私演淫戲情事倘再故違定提該戲班及僱班人一併嚴辦不貸其各凜遵切切特此布告

致十六縣知事發勸孝白話文通函

七年七月二十七日

逕啓者竊維孝本天性性無不善卽世無不孝之人習而遠之乃有悖上非禮之行積漸而權於法網欲求所以端人心而維風化莫如教孝爲先茲寄上勸孝白話文若干本擬煩貴縣酌量約以若干本分給男女各學校囑各該校長轉付教員擇年齡稍長

知識能自解者分給之其年齡幼稚程度未及者但講而不與以免躑躅以若干本交地方自治紳董分散城鄉及發交宣講員隨時講演爲托人之好善誰不如我切實行之於人心風化上不無萬一之補救尙希閣下鑒此愚衷勿視爲具文而略之也

致十六縣知事發勸戒淫白話文通函

八年四月三日

逕啓者竊惟儒者之道禮義爲先佛氏之言報應不爽慨自歐風東漸人心日漓假文明爲口禪薄道德爲迂腐以致桑間濮上觸處皆然所謂禮義之防人禽之判蕩焉無存幾不知貞節爲何物廉恥爲何事弟觀風斯土目擊心傷前既編勸戒典妻白話文分頒各處深恐頹風薄俗尙不足以資挽救茲復擬成戒淫白話文特發去若干張望卽分交自治委員及宣講員分頭切實勸導講演俾人人知其弊害雖未必卽獲效果然作一日事盡一日心固弟之素志在執事職司民牧當亦應表同情易俗移風弟實厚望於執事也

勸戒溺女典妻白話文

七年四月

浙江一省本來是極好的地方本道尹從去年臘月來到此間計算時日已經有兩個多月却沒有一些恩德加到你們衆百姓的身上所喜地方上却甚安靜這也是你們安分馴良真所謂是好百姓但據各縣的紳董都說還有兩種惡習未除是什麼的兩種呢一件是人家生下女兒往往不肯撫養活活的將他溺死還有一件是把自己的妻子典賣與他人作妻本道尹聽了這些言語初時却也不甚相信因爲你們都是奉公守法的好百姓豈肯作這樣傷風敗俗不法的事情呢但是聽他們的說話也不過要我來勸戒你們免得你們無知無識誤犯了國家法律却也都是是一片好心照此看來這些惡習諒來你們真是有的了所以我前番出了告示曉諭你們那告示是有一定規矩的未免言語之間總有些嚴厲的樣子其實你們都是好百姓所以有這幾種惡習只因爲未曾知道國家定的刑律以致做下了這不法的事情既經我出示曉諭諒來你們也覺得自己的不是一定能悔改前非的了但是告示上的言語未免文義稍深還恐怕你們解說不來所以再詳細的勸告一番要曉得子女就是自己的

分身古人所說祖宗血食這一層不過道有了子孫自己身體就是死了那分出來的血脈却永久留在世上到了三時六節子孫拜祭祖宗那時一氣相通祖宗自然來享受他子孫的設供這便是所謂血食所以子孫愈多祖宗享受血食愈厚兒子女子雖是有男女之分若論到血脈一層却同是自己分出來的有什麼分別呢你看那貓狗畜生他生下了小貓小狗來一樣也曉得喂乳餵毛做出種種歡愛的樣子何況是最聰明的人呢譬如你們兒女無故被人家打了一下罵了一聲那是一定要同他爭論的這原是父母憐愛子女的天性怎麼忍心害理活活的將親生女兒弄死呢你想山中老虎是凶狠不過的尚且不肯自食其子那弱女的惡風俗豈非凶毒更勝於老虎倘然不把這層惡習除去真個是禽獸不如枉爲人了在你們弱女的原因我也揣透大約因爲將來嫁與人家未免所費不貲然而既已生了下來這婚嫁大事就是自己應盡的義務萬不能不盡的了至於婚嫁用費你們這裏風俗十分奢侈本來不是道所理以我前番早經出示曉諭總之事體須做得實在一切虛文浮費大可不必卽如

嫁娶一層只要新郎新娘交拜成禮就算大事已了其餘坐筵辭嫁各種的繁文縟節於事實上毫無關係至於唱戲請酒更是妄費能改革此種奢侈的習俗則婚嫁之事所費亦無多矣何苦因惜此小費將親生女兒害死做成禽獸不如的事情呢只要你們在平時各項用費上力求節省這區區嫁費何處不省了下來譬如你們每天用一百錢的如今減爲八十錢豈不是每天省下了二十個錢來呢一天省下二十錢十天就是二百錢一百天就是二千錢一年三百六十天就可省下七千二百錢積了十幾年豈非就有一百多千錢呢將他作爲嫁女的用度豈不大妙我又聽得人說龍泉地方凡人家生下女兒若在正月半以前生的到了正月半一定要唱戲請酒大大的熱鬧一番名之爲鬧元宵倘然生在正月半後的那到了明年的正月半依然要唱戲請酒這女兒件費用却是不小以致中下人家怕費這一項用度竟然硬了心腸活活將害死這也是溺女的一個大大原因然而你們自己不明白這鬧元宵的一件事情又不是法律上限定要做的事就是生女兒的人家堅堅決決不做這一件事情人家也

不能來干預你的況且我前次出過告示凡是奢侈的風俗一律都要禁止這鬧元宵豈不是奢侈麼既然官廳出示禁止你們都是善良的百姓應該要聽我禁止的告示除去這鬧元宵的惡俗那就生了女兒也沒有什麼大費用了那就不必將女兒溺死了還有一說你們喜歡吸香烟喝老酒的大約不少豈知這兩種都是害人的毒物據西醫說來皆足以傷腦傷肺釀成種種的病以致於短促年壽然而喜吸他的却甚多自己害自己的身體這是何苦呢假使省了這兩種費用作為撫養女兒的資本既可以免得身體受傷又且多了自己血脈真是一舉兩得況且你們不知道現在定的刑律無故殺害親生子女同殺害平等人一樣若然照法律辦起來是要定罪的好好的

一個安分良民倘然有了溺女的事情或者被他人告發或者被官廳訪聞那就做成了一個殺人的罪犯豈非是害了親女的命又害了自己的命呢我替你們想來那溺女的人真是愚笨到極頂了在你們心中總以為生了女兒將來終是要嫁給他家去做他家的人不知道你們的兒子也是要娶媳婦的萬一家家都將女兒溺死將來你

的兒子去向何處娶得媳婦呢所以這種惡風俗萬萬不能不改革的雖是你們溺女的原故也有因家計窮苦生下女兒來無力撫養成人不得已而將他溺死的然而果真家道窮苦無力撫養也可送到育嬰堂去留養的何苦要害親生女兒的命連累自己犯罪呢要曉得我所以諄諄的勸告你們無非是要你們不犯刑法都是愛惜你們的好意你們自己想想究竟我的說話是不是呢我還聽得人說此地惡風俗非惟溺女還有墮胎的我再將墮胎的利害講給你們聽聽胎在腹中雖是尙未成人然到了十月滿足生下來無論男女總之是完全的一個孩子所以論這墮胎比了溺女却也差不多的照現在通行的法律凡教人墮胎的同替人墮胎的都是處有期徒刑這罪也不是輕的爲什麼要去墮胎犯這重罪呢況且墮胎的一件事情非惟是暗中傷害一個小兒性命并且那孕婦也很危險往往有墮下胎來血崩不止因而傷命的人命關天豈可這樣的兒戲呢所以我已經知照警察局教他們隨時密查倘然查得有墮胎的人一定送審判廳照律懲辦但願你們聽了我的勸告從此改去這種惡俗免得

犯罪那是我喜歡的了不得至於講到那典妻一層更是可笑可恨要曉得一個女人所重的就是名節那歷史上所傳的列女大都皆貞節婦人總之女人只能有一個丈夫倘然再與他人私相往來便是喪名失節這是最可羞最可恥的事情并且血脈的統系亦不免因此紊亂傷風敗俗莫此爲甚萬不料你們這樣馴良的好百姓竟然有做出這樣無恥的事情來照現行刑律而論典妻的一層行爲可以比那賂誘和誘這二件犯姦的罪那也是應處有期徒刑的我所以出示查禁之後再向你們申說這一番就爲恐怕你們不知道國家定的法律狠重或者難免再要做出這樣不法的事來到了那事情發覺之時就是我要寬免你們也是做不到的那時你們懊悔却也遲了我這番言語總無非愛惜你們就是那紳董要我勸告你們却也都是好意只要你們改去這幾種惡俗那就真真的好百姓了切記切記

勸戒纏足白話文

七年四月

大凡一個人五官四肢天生就的各有一種用場倘然身體上不論那一件有了些些

的痛苦便覺得十分難受何況是好端端的血肉自己去將他傷害呢所以講到纏足的這一層風氣那創始的人要算是殘酷的了試問那婦女纏了足究竟有什麼好處呢譬如一個是天足的女人同一個纏足的女人賽跑那不用說一定天足的女人跑得快倘然遇着要緊的事情那纏足的女人因爲兩足纏小不能走快豈非把事情耽誤了呢況且天災不測萬一遇了水火或是遇了刀兵那時足小伶仃不及逃避豈非白白的將性命斷送呢所以講那纏足的一層真是只有害處沒有好處的倘說是做了女人一定非纏足不可爲何天地造化巧妙卻不教女人生就了小足呢據外國醫生考驗的說道中國女人往往多肝氣的病與纏足一層大有關係因爲把足纏小了那血脈不能流通以致多成了肝氣的病症不免因此促短壽數并且纏足的女人血氣總虧所以生下來的孩子一定也是姣弱的平常父母對於子女身上總是十分的憐惜獨講到了纏足一層便把那慈愛的心腸一齊收起竟變做了一個凶狠不過的人這個奇不奇呢我揣那做父母的心理必然以爲女兒纏小了足那娘娘婷婷的風致

增上了幾多媚態方可有富貴人家的子弟來求結親豈知這個念頭卻轉差了那女人的美醜豈是全在這足上的關係呢果然有西子王嬙的美貌就是一雙大足人家何嘗不愛他倘然是嫫母無鹽的醜陋恐怕就是纏小了足也未必有人愛他呢況且女人所貴重的第一是德性第二是才能那容貌只好算得是第三層譬如一個女人萬一虧了些名節那男人娶了他不免被親戚朋友訕笑誰願意呢又如娶了個一無所能的妻子那一切家政都不能作主管理自然的他丈夫不歡喜他了倘然一個婦人德性既佳做事又能幹他的丈夫豈有不喜歡他的道理恐怕比兩足雖小而性情不好一無所能的婦人還要加上幾倍的喜歡哩況且從前婦女纏足的多所以覺得不纏足的不好看現在不纏足的多了實在反覺得纏足的不好看了這就是俗語說的習慣便自然的道理總之我這一番說話句句都是真言沒有絲毫欺誑你們的你們自己想去我的話對不對呢我還聽得人家說此間更有早婚的風俗但是這層於身體發育上以及將來生育上都有大大的關係你們也不可不知道的所以我費這

一番心思把那利害同你們細細講說願你們都聽了我的話那是我最喜歡的且與你們自己有大大的益處的你們細細的想想看是不是呢

勸告婦女保全名節白話文

七月五日

從古以來那婦女所最要緊的一件事情就在這名節兩個字上什麼叫做名節呢那就是說男女不可混雜的道理凡是做女人的總要保全自己清清白白的身體不做一絲一毫不規矩的事情這就可以算得完名全節的人了譬如一塊一無疤痕的白玉豈不是一件好寶貝呢又像一片顏色可愛的錦緞豈不是一件好衣料呢這就是天生成的一個美女的樣子倘然是女人壞了名節便像那白玉上有了黑點錦緞上著了油蹟豈不是狠可寶貴的東西變做了不值錢的東西呢所以孟夫子說道西施是一個美貌的婦人這是人人都知道的然而那西施的身上假使受了許多的污穢那走過他面前的人覺得有一種奇臭難聞的氣味一定的掩住了兩個鼻管急急的要離開他去那時節也不覺得他是極美的美人了譬如再有一個人他的面貌雖然

不是十分的美那身上卻是乾乾淨淨沒有一些污穢就是這清潔的一點誠心却也可以祭告上帝受那天上降下來的福氣這句話說的狠明白可見得一個女人最要緊的是身子乾淨那面貌的美與不美還在其次倘然婦人家不曉得自己把名節保全就像西施身上受了污穢一般雖是非常的美貌也總要被入看輕的了你們試看那些做妓女的也有幾個面貌不壞爲什麼人家總是看輕他呢也只爲他不能保全名節罷了好好的一個清白女子何苦去學那妓女的樣子被人家看得輕賤呢要曉得女子的身體最是貴重所以說是神聖不可侵犯倘然自己不曉得愛惜身體做下了敗名失節的事情被人家說說笑笑當做一生一世的話柄將來就是正正經經的生了子女也難禁止旁人不說長道短豈不是像著棋的所說局中一著錯輸却滿盤棋麼那能殼讀幾句書明白道理的婦女知道自己身子的貴重自然不至於上人家的當弄壞自己的名節像那一班沒有知識的婦女最容易受人家的引誘到那已經上了當的時候那就是懊悔却已經來不及了你們要曉得爲什麼要說婦女是神聖

不可侵犯呢就是教人要看重這名節兩個字所以女人私下同男人來往就叫做偷竟然比了盜賊一般這個聲名豈不是十分的難受呢你看那些守節的婦女高高的立起了貞節牌坊造了祠堂到了春天秋天的時候地方上的大小官員都要到祠堂裏去祭他你們想想看這是何等的體面呢何苦要受人家的欺騙以至於喪名失節被人家看輕取笑呢所以吾說出這一番道理勸勸你們要你們保全名節總因為是愛惜你們的好意將來吾還要打聽那些貞節的婦女替他們向部裏省裏請准了造立貞節牌坊永遠留着他們的好名聲至於那一班窮苦守節的人更加要替他們想法子預備了一注經費辦一個保節局幫助他們日常的用度讓他們好安心的守節望你們都聽吾的話大家曉得將這名節保全那是你們自己得了好名聲却也算對得起天地祖宗了

勸孝白話文

七月七日

天生出來的萬樣東西總是有一個根本的譬如種了一棵花樹纔能發開出很好看

的花來種了一棵果子樹纔能殼結出很好吃的果子來若是沒有那種樹木怎麼能開出這種花結出這種果子來呢所以那樹木就是花果的根本這個道理是極淺近極明白的講到一個人那子女媳婦就像是花果一樣爺娘公婆就像是樹木一樣若然沒有爺娘自己的身子從何處來呢沒有公婆丈夫的身子從何處來呢要曉得爺娘公婆就是子女媳婦的根本一個人在娘肚子裏的時候他的娘不知吃了多少的苦等到滿了十個月生下來的時候那一種痛苦更加不必說了并且連性命也是很危險的就是安安穩穩的生了下來還要去喂他乳小兒哭了還要抱了他走做娘的辛苦了一天到了夜裏頭娘要睡了小兒倒還不肯睡要娘抱他做娘的只好不睡抱了他喂乳抱了他走路一切冷熱飽餓日日夜夜時時刻刻的當着心譬如小兒有了病做娘的心裏擔憂的樣子實在有說不出話不出來的苦惱立也不是坐也不是白天裏無心吃飯夜裏邊無心睡覺把不得自己替了兒女生病那怕自己肚裏餓了看見兒女還沒有快活情願熬了自己的餓喂他吃乳那怕自己身上冷了看見兒女要

他抱情願熬了冷不肯把兒女放手還要抱他走那怕夜裏眼睛倦得睜不開情願搓搓眼睛勉強睜開了哄騙他小兒有了病吃起藥來不管他怎麼樣的苦藥做娘的總要放在自己嘴裏嘗一嘗恐怕燙痛了兒女的嘴你們想想看若是爺娘有了病吃起藥來兒女肯先去嘗一嘗就算是出名的孝子了還有小兒的尿布不管他是尿是糞做娘的從來沒有嫌他不乾淨的有時候搨滿了一身做娘的就替他洗乾淨換乾淨若是爺娘老了有了病尿糞流在床上做了兒女的能殼替他換了也算是孝的了并且做娘的替兒女們換尿布天冷的時候情願拿尿布放在自己身上貼肉的地方等自己的熱氣溫暖了冷的尿布方纔拿出來替兒女換上只要兒女不覺得冷自己的冷就不管了你們想想看天底下除了爺娘還有什麼人待你們這樣好的你們要曉得做爺娘的養大一個兒女真是不容易不知要費爺娘多少的心血受多少的苦惱那用去的許多錢不必說了所以做兒女的想到了這一層斷斷乎不能殼沒有孝心的了你看那烏鴉不過是一個扁毛的畜生到那小鴉長齊了毛能殼飛了也曉得尋

吃的東西去喂養那老鴉何況是一個人呢譬如你們有了子女媳婦豈不是總要望他們孝順你們的稍有一些兒不順你們的地方你們就覺得心裏頭不快活怎麼自己做了人的子女媳婦就把怎孝字忘記了麼要曉得自己的身子都是爺娘所給的所以爺娘的說話斷斷乎沒有可以不聽的道理你們自己想爺娘說我的話總是我自己有了差處爺娘纔要說我若是我沒有什麼差的事情爺娘本來怎樣的寶貝我那裏肯說我一句重話爲什麼今天要說我呢必定是我有了做差的事情爺娘一心一意的要我學好做成功一個好人立在世界上面大家看得起我所以爺娘嘴裏儘管說我或者手裏還要打我實在在爺娘的心裏頭還是捨不得我實在叫生了兒女不能殼不管他你們能殼這樣一想就曉得爺娘說我實在也就是歡喜我的心思還有一說一個人除掉了孔夫子是聖人沒有差的餘下的人總有弄差事情的時候爺娘說我的話有的時候也說不定是弄差了你們也要想想爺娘是最歡喜我的今天我並沒有什麼差事爲什麼爺娘要說我呢必定是爺娘弄差了你就要曉得你自己也

有弄差的時候你就應該受幾句埋怨等爺娘心裏的氣慢慢的平了下去爺娘自然也就過去了斷斷乎不可以同爺娘爭鬧不獨是嘴裏頭不可以爭鬧並且心裏頭更加不可以存一些恨爺娘的心還是要快快活活的受爺娘的話方纔可以算一個孝子你們總要曉得你的身子都是爺娘的難道這一句兩句話都受不得麼況且你們想想看譬如你說差了你的兒女一句話你的兒女同你爭鬧你的心上怎麼樣你肯受你兒女的氣麼若是你肯受你兒女的氣的你怎麼樣自己生出來的兒女的氣倒反肯受到了生你身體的爺娘的氣倒反不肯受呢這種道理怎麼講得過去呢若是不肯受你兒女的氣的你既然不肯受你的兒女的氣那你的爺娘又怎肯受你的氣呢所以只要你們肯這樣想一想就不會做出不孝爺娘的事情來了我上邊所說的一番話還是爺娘說差了兒女的話已經是不應該受不了若是爺娘不說差的那更加應該受了不獨是應該受說話還要拿爺娘說我的差處竭力的改去方纔算是聽爺娘的教訓方纔可以算得是孝你們還要看看那一般沒有爺娘的孤兒說起來

真是可憐得很肚裏餓了沒有人管他的吃身上冷了沒有人管他的穿生起病來沒有人管他的藥一些兒不懂事情沒有人去教訓他開導他碰着了不好的人看見他沒有爺娘沒有人幫他還要欺侮他就是有什麼貧兒院孤兒院可以收養他們那裏比得上自己的爺娘痛癢相關呢況且貧兒院孤兒院也並不多那裏收養得了許多沒有爺娘的孤兒女呢那些沒有爺娘收管的從小一些兒不懂事儘管看那壞人的樣到了年歲大了一些兒本事也沒有不會掙錢來吃飯只好去做賊做强盜後來破了案捉到官廳裏去關在監牢裏怎麼樣的苦惱等到定了罪做强盜的就是槍斃你們想想看你們到了今天大家都有飯吃都有衣服穿讀書的讀書做生意的做生意種田的種田都做規規矩矩的好人還不是虧得你們爺教娘訓好了你們纔有今天的好日子過麼你們還要曉得除掉了爺娘就算是有親戚長輩看見了你們有不對的事情也不過勸勸你們你們不聽他的話他也就算了那個肯做獸人不管人家肯聽不肯聽討厭不討厭盡心竭力的來說呢所以沒有爺娘的苦真是說不完的你

們既經曉得沒有爺娘的苦就要曉得有爺娘的福氣了還有可以不孝敬爺娘的道理麼所以這個孝字實在是做人的第一層最要緊的事情就這一個孝字裏可以包括種種做人的道理在裏頭我現在還有一個道理講給你們聽聽凡是做子女媳婦的人要孝爺娘公婆就要養爺娘公婆講到這一個養字裏頭也還分出兩層道理來一層叫做養爺娘公婆的心一層叫做養爺娘公婆的身什麼叫做養心呢譬如那爺娘公婆心裏頭有要做的時候做他子女兒媳的揣着他的心思不等他分付下來就先把那件事情做得妥妥當當好讓爺娘公婆心裏快活這就叫做養心什麼叫做養身呢那喫的東西穿的衣服供給都要周到不可叫爺娘公婆肚裏覺得一些兒餓身上受得一些兒冷情願自己少喫些少穿些因為自己年紀還輕餓一些冷一些還不很要緊爺娘公婆年紀大了就差不起的并且年紀大了喫的穿的日子也沒有你們年紀輕的多了自然應該要讓他們多喫些多穿些了這也是一定不差的道理那些有產業的人家靠着了上代的福手裏有錢那爺娘公婆喫的穿的自然不會有一

絲一毫的缺少不過儘管不缺少你們做子女媳婦的看他們年紀老了也還要去服侍他們替他們當心像你們愛惜自己的小兒一樣因爲年紀老的人手脚不靈便精神不穀用同小兒也有些差不多的樣子就是做了窮苦人家的子女媳婦靠了那兩隻手去掙錢來活命那些喫的穿的也應該先顧全了爺娘公婆纔可以顧到自己身上你們要曉得你們小的時候爺娘手裏有錢的看見了好喫的東西就買來先給你們喫看見了好看的衣服就買來先給你們穿這個還是有錢的爺娘譬如窮苦的爺娘辛辛苦苦掙了幾個錢來買了一斗米自己本來要喫一碗飯的因爲有了兒女只好自己少喫些喫了半碗省下半碗來讓兒女們喫買來一丈布本來要自己做衣服的因爲兒女的衣服破了沒有穿了只好自己將就些省下來讓兒女們穿沒有錢的爺娘買了布來又不能穀叫裁縫去做白天裏又要種田織布來換錢喫飯只好夜裏等你們睡着了自己去做了你們睡得很舒服不曉得你們的娘還坐在那裏替你們做衣服夏天受蚊蟲的咬冬天受夜裏頭的冷氣你們想想看做你們的爺娘怎樣的苦

惱現在養大了你們你們應該怎樣的報答你們的爺娘纔能較對得住呢你們自己有了兒女你們怎樣的待自己的兒女就曉得從前你們的爺娘怎樣的待你們了你們能較怎樣一想自然都能較孝你們的爺娘公婆了還有一層做爺娘的等到兒女養大了有錢人家就要將兒女送到學堂裏去讀書爺娘又要費多少心思打聽人家那一個學堂好就把兒女送進去送進去的時候對了學堂裏的先生恭恭敬敬打恭作揖費心拜託的爲什麼呢都是要你們學好爺娘纔覺得心裏安放得下等到學堂裏考起來考得名次高了一點做爺娘的就快活得了不得覺得體面得了不得比自己考得好了還要快活幾倍那不住到學堂的學生到了每天放學的時候爺娘又盼望他回來了若是過了時候還沒有回到家裏爺娘又很不放心了還有住在學堂裏的學生碰到了有一天天氣忽然冷了發大風了或者下雨下雪了爺娘又要想起兒女身上的衣服恐怕少了床上的被褥恐怕薄了時時刻刻的把心思全放在兒女的身上你們做學生的這樣一想自然讀書會用心了待爺娘也要孝了又像不讀書的

人家養大了兒子便要送他去學生意他的爺娘又要打聽那一種生意能較多掙錢那一種生意可以叫我兒子少辛苦些不喫力些一心一念總爲的是要兒子不喫虧等到兒子生意學成功了又要拜託人家薦出去等到了有了生意每月有了薪工拿回家裏去那時候他的爺娘覺得自己的兒子能幹得了不得比做了官還要快活你們做生意的這樣一想自然要認真做生意了待爺娘也自然要孝了又像出門去的人他的爺娘在家裏常常望他寫信回來若是到了時候還沒有接到兒子的信他的爺娘又着急得了不得不曉得兒子安好不安好病痛不病痛各處打聽坐立不安接到了一封信便像得着了寶貝一般有時候還要寄些穿的衣服喫的東西去你們出門在外頭的人也能較常常想着你們的爺娘麼你們肯這樣一想自然孝爺娘的心也會生出來了就是你們男人家從你長成到了十歲過後你們的爺娘就要替你們想法定親打聽那一家的姑娘好能較幫我兒子做成人家的東求人西求人好容易找到了替你們定親等到定過了親就要慢慢的預備娶親了有錢的人家還好沒有錢

的人家就自己要漸漸的節省起錢來預備娶媳婦的用自己本來要做一件新衣服
的只好拿舊衣服穿了省下錢來做娶媳婦的用場還不敷用只好東求親戚西求朋
友去借些錢來辦這喜事等到媳婦娶來已經背了一身的債那借得到的還算是有
面子的有時不獨是借不到錢還要喫人家的說話受人家的氣惱利息厚的債就越
積越重若是借不着錢的只好身上脫下衣服來當幾塊洋錢或者賣掉幾畝田辛辛
苦苦娶了媳婦進門做爺娘的就怎麼樣快活總巴望媳婦好好的孝順若是做兒子
的娶了老婆聽了老婆的話不孝順自己的爺娘你們想想看若是你們自己做了爺
娘心裏頭覺得氣不氣呢覺得冤枉不冤枉呢還有一種婦人對了自己的丈夫很是
要好不曉得爲什麼道理對了公婆就是像冤家一樣我實在不懂這個道理你們做
媳婦的不要聽我說了這一大篇的話都是爺娘待兒女的好處就想兒女確是應該
要孝爺娘的我做媳婦的人又不是公婆生出來的從小時候又並沒有到公婆的家
裏受過他這樣的好處爲什麼也要我去孝他們呢咳你們真是這樣想法實在是想

得差極了你們要曉得你的丈夫是那裏來的呢不是你的公婆生出來的麼沒有公婆就沒有你這丈夫怎麼可以同丈夫要好倒反不孝公婆呢有些婦人不獨是自己不孝順公婆還要挑動丈夫弄得丈夫也不孝順爺娘你們做媳婦的要曉得喫下去的飯穿上去的衣用出去的钱若是從你公婆手裏拿出來的你怎麼可以不孝順公婆就是你丈夫自己掙來的錢你也要想想不是你公婆養大了你的丈夫教訓好了你的丈夫你的丈夫怎能殼掙錢來給你喫飯給你穿衣給你平常的化用呢這個都是公婆的恩典怎麼可以不孝順公婆呢并且你生小兒的時候你的婆婆還要來服侍你生下了小兒來你的婆婆還要來替你抱他你想想看還可以不孝順公婆麼譬如你做了婆婆你的心裏覺得舒服不舒服呢你們做媳婦的怎樣一想就不會不孝順公婆了并且做女人的一嫁了人他自己做婆婆的時候也就在眼前了俗語說的好一報還一報的確確是有這個道理的我記得從前有一個姓周的婦人上頭還有一個很老的婆婆下頭已經娶了一個媳婦這個姓周的婦人是一個很不孝婆婆

的人他很討厭他的婆婆那個婆婆兩隻眼睛是瞎了的那姓周的婦人天天拿喂狗喫飯的鉢頭裝飯給他婆婆喫有一天不曉得姓周的婦人爲什麼事心裏頭不快活拿那個喂狗喫飯的鉢頭等他婆婆喫完了飯用力向地上一丟那裏曉得他的媳婦看見了就對姓周的婦人說道婆婆不要打破了將來我還要拿這個鉢頭裝飯給你喫的咳你們想想看他拿喂狗飯的鉢頭裝飯給他的婆婆喫他的媳婦就預備將來拿這個喂狗飯的鉢頭裝飯給他喫這個不是眼前的報應麼你們這樣一想就要覺得不孝的罪過報應的很快很是可怕的你們就不敢不孝了我再拿爺娘生下了女兒的種種苦惱種種辛苦說給你們聽聽生了女兒養到了十歲也就要想法替他配人家了那做爺娘的比了娶媳婦更覺得不容易了因爲女婿是女兒一生要靠他的所以挑選女婿比挑選媳婦更覺得不容易了即使挑選定了又要預備女兒的粧奩又要留心女婿的做人若是有人說到了女婿一句壞話做爺娘的心裏頭何等的難過又不好告訴女兒又不好去叫女婿來教訓等到女兒過了門又要打聽公婆喜歡

麼小夫妻要好麼偶然婆媳夫妻有一些兒不和氣做爺娘的又要擔憂到萬分必定要等到他們和好了纔能殼放下心來到了女兒有了胎做爺娘的又要擔心女兒的生產到了生產的時候做娘的還要去服侍女兒你們想想看養你們長大了爺娘還不能殼放你們的心你們怎麼可以不孝爺娘呢并且女兒嫁了出去若是不孝公婆做爺娘的還是很不安心因為女兒有了什麼不好的事情人家總要說這是某人的女兒這樣的不孝公婆不曉得為什麼他的爺娘這樣的沒有道理不曉得拿他的女兒教訓教訓好你們想想看到了這種時候不是又連累了爺娘麼可見得婦女對了公婆更加不該應不孝的了因為不孝了公婆不獨是弄得爺娘不安心還要叫爺娘受人家的說話因為自己的不好叫人家說到爺娘這也就是不孝爺娘了所以做女兒的不獨是在家裡應該要孝爺娘就是出嫁了還應該要孝公婆我上邊說的許多話都是說做娘的苦惱你們不曉得做爺的也是很苦惱的有功名的人或是有錢的人一天到夜忙忙碌碌辛苦得很常常碰着極為難的事情用盡了心血受盡了危險

爲的是什麼呢難道他還怕自己飯不穀喫麼衣不穀穿麼總是爲了你們兒女弄得
不顧自己的苦講到貧苦的人家那些種田的挑擔的擡轎的幫人的掙幾個錢來養
你們更是不容易了夏天太陽裡曬得很熱冬天風裡雪裡熬得很冷還要用許多氣
力去做還要受人家的說話氣惱你們要曉得你們小時候喫的飯粒粒是你們爺的
心血喫的菜顆顆是你們爺的精力不過沒有人替你們說破你們自然糊糊塗塗不
覺得了現在我一件一件的替你們說了你們細細的一想就覺得做爺娘的真是苦
惱了做兒女的真是福氣了曉得了爺娘的苦惱兒女的福氣自然要拿出良心來孝
順爺娘了就是朋友們待我有這樣一半的好處我也應該要報答報答他何況生我
出來的爺娘麼何況生我最要好的丈夫的爺娘麼怎麼可以不報答呢我現在先講
一個孝爺的人給你們聽聽從前漢朝時候有一個人叫黃香他從小服侍他的爺娘
很孝的到了後來黃香已經做了官所有他爺身上的一切事情卻都是他自己親自
去做過方纔覺得安心到那夏天的時候先要把他爺床上的枕頭簾子用扇子扇涼

了纔讓他的爺去睡到了冬天卻又先將身子去替他的爺將被頭褥子溫煖了纔請他的爺去睡你們想想看他這樣服侍爺的心這樣的周到恐怕現在的人一做了官就架子擺得很大還肯這樣的服侍爺麼你們看看像黃香這樣的人真可以算得是孝子了麼還有一件事情講給你們聽聽有夫妻兩個人一個是孝娘的一個是孝婆的也是漢朝時候的人這個人姓姜名詩他的娘最歡喜喫新鮮的魚喝那江裏的水他的家離開江邊很遠那姜詩就天天出去釣魚姜詩的妻子龐氏天天出去取水就是大雨大雪的天氣總沒有一天不是這樣做的那天門前的地上忽然陷下一個很深的潭裏頭湧出來的水同江水真是一色一樣沒有一些分別並且每天那水裏頭還有兩個鯉魚姜詩就此也不要出去釣魚他的妻子也不要出去取水了現現成成的供養他的娘那也是他們的一點孝心感動了上天的所以纔有這種事這兩件事情書上都記得明明白白並不是我假造出來的還有三國時候的一個人叫孟宗這個人的孝心更加了不得了不獨是孝生他的娘並且生他的娘死了他的爺又娶了

一個老婆就是那孟宗的後娘了孟宗孝他的後娘仍舊像生他的娘一樣的孝你們看這不是更不容易的事情麼我現在拿孟宗怎樣的孝他後娘講給你們聽聽他的後娘喜歡喫笋到了冬天笋是沒有買處的了那孟宗便走到竹林裏去大哭大叫抱了竹頭叫他趕快生出笋來你想這個人不是瘋了麼那曉得他一天一天的叫那竹林裏真會生出笋來了這個稀奇不稀奇呢這個孟宗待後娘還是這樣的孝你們待自己親生的娘更應該怎樣的孝順呢你們還要曉得後娘就算不是生你的娘不過講起名分來同生你的娘一樣的也應該要同自己的娘一樣孝順的不可以兩樣看待的這一層你們也要記住了我還要講一件有報應的事情給你們聽聽甘肅省裏有兩個人一個是孝的一個是不孝的那個不孝的人姓王名字叫心午他有一個老年的娘有一年甘肅省裏鬧荒年各處都是強盜那王心午同他的表兄弟就是那個孝的人叫做胡斗魁商量要逃到別處地方去那個胡斗魁也有一個老娘胡斗魁逃走的時候就背了他的娘一同逃走王心午就獨自一個逃了讓他的老娘去喫苦說

是一個人走路輕輕鬆鬆容易逃得快那胡斗魁勸他他也不肯聽那裏曉得他們表兄弟兩個人逃到一處山上碰着了許多強盜強盜看見胡斗魁背了老娘也會發出善心來的說他是個孝子逃難還背了娘就放他去了看見王心午空身一個人說他必定帶了東西逃的就定要他的錢王心午拿不出錢來強盜就拿他殺了咳你們想想看若是王心午也背了老娘逃走自然也同胡斗魁一樣可以放他去了因爲王心午不孝他的娘不肯背了娘一同逃走想起來可以跑得快逃得脫那曉得偏偏逃不脫白白的送了性命就這胡王兩個人的事情看起來孝的人天自會保佑他的不孝的人天也會辦他的你們想想看還是學王心午的好呢還是學胡斗魁的好我拿這幾件事情講給你們聽了你們能毅時時刻刻把這個心思想着自然對了爺娘公婆沒有不孝的了并且我最喜歡最敬重的就是那些孝子孝婦我正在這裏打聽果真有一種極孝的人我一定要向京裏省裏請准了比衆不同的給他好面子讓他永遠遠留得這個好名聲做一個後來的人的榜樣若是不聽我這番的好話還要做

出那不孝的事情來那是不獨是對不起你們的爺娘公婆并且也覺得對不起自己了總之做子女媳婦的人能設回轉來一想譬如自己將來做了爺娘公婆要那子女媳婦怎樣的待我纔稱我的心怎麼我做子女媳婦的時候可以不稱爺娘公婆的心呢這條心思一動自然而然的孝心生出來了還有一層俗語說的好一報還一報若是你們不孝你們的爺娘公婆將來你們的子女媳婦一定也是不孝你們的了到了受那子女媳婦的氣的時候方纔覺得自己從前不孝爺娘公婆的不是到了那個時候懊悔也已經來不及了所以一個人對了爺娘公婆不管怎麼樣總是不能設不孝的我在你們這裏做官沒有什麼好處給你們不過我勸告你們的說話却句句都是真實的好話你們總要聽了我的話將來你們做了爺娘公婆的時候就要想着我今天說的這一篇話一些也不差了

勸戒相打白話文

大凡做了一個人總沒有不愛惜自己身體的譬如肚裏有一些兒餓了就曉得要喫

東西身上稍有一些兒冷了就曉得要穿衣服總爲是保養身體的緣故有時被那蜈蚣咬了一口或是被胡蜂刺了一針就要覺得很痛苦了獨有到了那相打的時候竟把自己的身體全然丟開了不獨是不想着痛苦連自己的性命都不顧了這是什麼緣故呢俗語說的相罵沒好話相打沒好拳兩個人扭結在一塊你一拳我一腳到後來就不是兩個都打傷了也必定有一個要傷的譬如你被他人打傷了不獨當場喫了虧受了痛苦就是告到了官那裏驗准了傷也不過斷他賠貼些養傷費那皮肉上的痛苦究竟是你自己受的白白喫的況且你們做生意的人做工的人種田的人全靠自己用了力氣去掙了錢來喫飯養家裏的老小你們被人打傷了就算弄得到幾文養傷費你們拿去喫傷藥還不穀那裏還能穀你一家人的喫呢若是打傷你們的人是一個窮苦的人那就一個錢養傷費也弄不到了就算官廳拿他辦了罪他就是喫了官司你有什麼好處呢你心上不要想他喫了官司你就有了面子麼你身上自己摸摸看打得青的紫的坐也痛睡也痛走路也不便做事也不能穀像是生了大病

一樣這痛還是你自己受這苦還是你自己喫他就喫了官司你的痛苦也不能穀減少一分這不是俗語說無苦討苦喫麼這還是打得輕醫得好的傷已經是很苦了碰到了打得傷重的或是打斷了骨頭打瞎了眼睛那就不能穀看東西不能穀做事情不能穀走路這不就變成了一個殘廢沒有用的活死人麼爺娘生你下來好好的一個完完全全的人因要相打弄成這個樣子你們想想看對得住你們的爺娘麼你們就不想到爺娘你們也要想想你們的老婆兒子你們變成了一個殘廢無用的人你們的老婆兒子什麼人去養他們呢再進一步說你們就不想到你們的老婆兒子難道你們自己的一身也不想到麼你變成了一個殘廢無用的人你肚子餓了不去種田那里來的飯喫你身上冷了不去做工不去做生意那裏來的錢買衣服穿你們看見街上殘廢討飯的人你們心中想起來苦不苦呢你們不要想我說的一大篇話都是沒有錢的人纔是這樣苦家裏有錢有田的人本來舒服得很並不要靠自己的力量去掙錢就算打傷了變成了殘廢無用也沒有什麼要緊哈哈你這樣說來你的人

真是笨極了你們家裏有錢有田是一個很享福的人很可以尋快活享安安樂樂的福還要同人家相打麼天生了你一個好好的又給你有錢有田你有福不要享去打成一個殘廢沒有用的人這不是天下第一等的笨人麼若是傷重了死掉了豈不是好好的福氣自己不要享麼你們想想看冤枉不冤枉呢我上邊說了一大篇都是打輸了的話你們心中又要想了我去打人我力氣大不會輸的不會被人家打傷的咳你們這樣想又想得不對了我已經說過了相打無好拳你們相打的時候你要打他他要打你你保得住一拳不被他打着一脚不被他踢着麼打着了你踢着了你也也是爺娘生的血肉成功的身體就算不傷恐怕痛苦總是不能免的這就已經不犯着了再照你心上想的說你竟一些沒有被他打痛一些沒有喫他的虧他倒被你打痛了打傷了你想看那個受傷的人肯白喫了你的虧不來同你說話麼他一定要告訴了官請官去驗他的傷他同你打起官司來不要說好好的一個人去做喫官司的犯人到監牢裏去受種種說不完的苦這是何犯着呢況且相打的時候總是不

顧人家的死活一不小心打在人家身上要緊的地方傷重了醫治不好這個人竟被你打死了那時候你不就變了一個殺人的兇犯麼就要償他的命麼你們想想看你好好一個人家裏頭還有老婆兒子你到了那償命的時候看看家裏的老小你丟得下麼到了那個時候你就是懊悔也來不及了就算你不是有心打死他的是不小心打死他的也總要坐幾年長監的了爲了要爭這一時的氣弄出人命關天的事情來反弄到自己犯了重罪你們自己想想究竟合算不合算呢就說是打傷的人傷還不重可以醫治得好的但是那許多的養傷費不就要你們出麼這不是冤枉出的麼平常時候喫辛喫苦積下來的錢很不容易因爲同人家鬪氣失手打傷了人拿這種辛辛苦苦積下來的錢去做人家的養傷費就是你們自己不覺得可惜我也覺得替你們可惜你們能穀安安分分不去同人家相打怎樣會喫這種冤枉的虧出這種冤枉的錢呢所以講到這相打兩個字不管是那一個贏那一個輸總管來只有喫虧沒有便宜的想穿了這層道理就是有什麼氣惱還是自己忍耐一些不要去同人家爭鬪

可以免喫種種的虧有這許多的氣力同人家相打還是省下了這些氣力去做些好的事情不是好麼況且大家相打就算大家多沒有打傷若是被警察看見了也要捉去罰二三十塊洋錢或是押二三十天也是大家喫虧的事再要便宜些說警察也沒看見被你打的人總算沒有受傷也不到檢察廳去告也不到警察局去報總算是你佔了便宜人家喫了你的虧不敢同你做對頭究竟你也沒有長了幾斤肉多了幾個錢有什麼實在的好處呢我在這裏施醫施藥天天有人來討傷藥有的傷得很重好多年不能醫治好一到天氣冷了沒有太陽出來的日子就覺得滿身酸痛痛苦得說不出來有的還有斷了骨頭的那更苦到沒有法子了我看了這樣的人我就問他你現在心裏頭懊悔麼他說我因一時的氣同人家相打現在已喫了多少年的苦實在懊悔到了不得現在喫了苦頭心裏也明白了起先不應該同人家相打的應該耐一些火就過去了不會日日夜夜喫這樣的苦了以後再不同人家相打了我又到監牢裏去看看三個人當中倒有二個是因為同人家相打了喫了官司的我也問他你

現在心裏頭懊悔麼他說我現在情願忍耐些了情願喫些小虧決不同人家爭鬧打架了因爲在這監牢裏苦不過又不能跑出去有了病我家裏的老婆兒子又不能穀來伺候我我懊悔當初不應該不忍耐一些打傷了人我早曉得要喫官司就是人家要打我也早早避開了決不還他的手了咳你們想想看這幾個人等到曉得懊悔已經喫了苦了我所以做這一大篇勸勸你們你們要曉得世界上的人沒有一個能穀照他自己的性子做事情的不論富的貴的貧的賤的總有不快活的時候總有受人家氣的時候只消到了那個時候忍耐一些不管什麼事都可以過去了心裏頭便沒有什麼不快活了你們碰到了不講情理的人他來罵你你又不痛你讓了他他罵罵自然會不罵的他來打你你走開了他的火也就下去了自然會不打你了你們不要想照這樣子你們不是喫虧了麼我對你們說並沒有喫虧的你讓了他一些就相打不成功了打不成功就不會喫官司了也不會喫打傷的苦了這不就是便宜不喫虧麼況且你讓了他你身上的肉會少幾兩麼你家裏的錢會少幾個麼不獨你不會

喫虧并且那凶惡的人你不同他算賬天自然會同他算賬的他亮裏頭像佔了便宜實在暗裏頭還是喫虧的你亮裏頭像喫了虧實在暗裏頭還是便宜的我講兩件有憑有據的事情給你們聽聽你們就相信我的話不差了從前有一個姓許的是一個很不好的人因爲窮很了人家又逼他欠的債他弄到沒有路可以走了他暗裏喫了毒藥跑到一家姓夏的人家裏去吵那個姓夏的是一個很好的人很有耐性的他看見了這個人來罵他也一些不發火對了姓許的說道你不是因爲沒有了錢麼我這裏有兩千文錢送你買米去罷那個姓許的本來想去詐姓夏的他看見姓夏的同他客客氣氣沒有法子再吵只好拿了錢回去了等到回到他家裏他喫的毒藥發了就死去了倘然那姓夏的不肯耐他一耐同他爭鬧起來相打起來那姓許的就不肯回去了不是就要死在姓夏的家裏麼那個姓夏的不就要喫人命官司麼你們想想看那個姓夏的受姓許的罵的時候真像很喫虧了那裏曉得忍耐了一些虧就不喫人命官司就是大便宜了這就是我說的吃虧就是便宜了還有一個姓趙的有一天在

路上走碰着了一個姓蔣的人那個姓蔣的本是一個有癆病的人二個人大家不
心碰了額角姓趙的就發起火來同這個姓蔣的相打起來了那姓蔣的本是一個有
病的人怎樣打得過一打便輸了跑回家裏去就死了那姓趙的當時快活得很心裏
頭覺得便宜了那裏曉得姓蔣的老婆到衙門裏去告了他他就喫了官司坐了五年
的監牢你們想想看姓趙的肯忍耐了一些那裏會弄出這種事情來呢這就是我說
的便宜就是吃虧了我辛辛苦苦做這一大篇爲了什麼呢因爲你們沒有曉得相打
是一件很不好的事情自己很喫虧的所以我拿這種道理詳細告訴你們勸你
們總要忍耐一些不要爲了很小的事情發很大的火同人家相打弄到後來喫大大
的虧你們肯聽了我的話你們就不會被人家打傷了也不會打傷了人喫官司坐監
牢償人家的命了你們肯聽我的話大家要不相打我有一個好法子告訴你們你們
聽了我這個法子就不會同人家相打了什麼法子呢我講給你們聽你們這裏的百
姓都是很好的都是很要面子的可惜沒有人講給你們聽你們就不曉得了譬如

一個人當了許多人的面前說你的品行很不好的專門喜歡同人家相打的你心裏頭覺得不喜歡麼你面孔上覺得沒有體面麼那個時候你的心裏自然也曉得相打這一件事不是好事情爲什麼碰到了有一些不稱你心的事情你就要同人家相打做這不好的事情呢我曉得的也不是你一定要同人家相打不過一時的火壓不下去了不知不覺的手就伸出來了到了那個時候你只要心裏頭想一想這相打的事情是很不好的同人家相打是很沒有體面的我們黃道尹說過的凡是人家相打到後來總是喫虧的我不犯着被人打傷了要喫痛苦打傷了人要喫官司還是耐一些火的好你肯這樣一想你的手自然會放下來了你的脚自然會走開來了你就可以安安逸逸回到家裏同老婆兒子快活去了不會弄出事來了你就是一個很好的人了
你拿我這個法子去試試看一定是極靈的若是不靈你可以來問我

勸勿械鬪白話文

我前日做了一篇勸你們不要相打的白話文我現在又想起了一件事來比那相

打更加不好了就是叫什麼械鬪我聽說你們這裏温州處州各縣都有這個惡風氣的兩姓人家有了什麼冤仇自己一姓裏頭人多的就聚起了幾十人幾百人拿了土槍土砲兩邊像打仗一樣打起來了一姓的人若是不多還要去請別家的人來幫忙每打一回總要打死好幾個人或是打傷好幾個人這一邊打輸了多死了人還是不肯歇手還要去另外添人再打那一邊輸了也是這樣弄到後來死的已經死了不會再活過來了被衙門裏曉得了就要派兵去捉捉來就要槍斃償命已經打死了好多人虧已經喫得不小了還要去償命受槍斃的苦你們想想看爲什麼要喫這樣的大虧上這樣的大當呢況且去請人來幫打打贏了要拿錢去謝他打輸了被人打傷了要拿錢去養他打死了還要受死人家裏的敲詐要多要少你們想想看打贏了要化錢要喫官司償命打輸了喫受傷的苦受白白送命的冤真是大大的不合算還有那幫了人家打的那更加是笨極了他們兩家的冤仇同你有什麼關係也去跟在裏頭好好的快活日子不要過去替人家打打贏了官來捉去同那本人家一樣的坐監牢

槍斃性命打傷了喫不完的痛苦若是打死了更加是白白的送命你們是爲了朋友
的要好去帮了打的麼我勸你們放明白些爲朋友要好應該勸勸朋友安安分分不
要闖禍免了喫官司送命這纔是做朋友的道理這纔是同朋友真要好因爲這械鬪
的事情是一件最危險只有害處沒有好處的事情人要去械鬪譬如去喫毒藥那有
勸要好朋友喫毒藥的道理若是你們爲了帮人家打了可以得幾個錢麼我也勸你
們放明白些你們坐到監牢裏去了這錢還要他做什麼用你們被那一邊打死了這
錢更是沒有用了拿性命去換錢換得到來已經是笨極了何況不獨是換不到錢還
要喫官司送命麼你們喫了官司坐在監牢裏或是槍斃了是你自己情願自作自受
本沒有什麼可憐不過你們家裏的老娘老婆兒子苦惱到說不出來朝也哭夜也哭
你想想看你心上難過不難過捨得不捨得呢你肯這樣想想你就不去同人家械鬪
了我常常聽人說械鬪的起初並沒有什麼大過不去的事情不過爲了你不肯讓我
我不肯讓你譬如一條繩打了一個結不曉得去解開他還要常常去抽緊他越抽越

緊便變成了解不開了俗語說的好冤家宜解不宜結況且本來並沒有什麼大冤家麼所以我勸你們還是同前天勸你們不要相打一樣的意思大家忍耐一些大家讓過一些那就大的事情可變成小事情小的事情可化成沒有事情了若是實在過不去可以告訴了你們地方上的董事或是自治委員勸解勸解董事勸解不開還有衙門裏的官可以替你們斷開官對了你們百姓是一樣看待的斷斷不會有什麼不公平的就算你們要說官判斷得不公平也還有上司衙門可以去上控的斷斷不可以自己打起來鬧成功很大的案子你們還要想一想你們要打一定是要想自己得着便宜若是打的時候你們死了二個人他們死了一個人不是你們反喫了虧麼比不打更加不便宜麼若是他們死了二個人你們死了一個人你替他們想想看他們情願喫虧麼多死了一個人情願歇手不再打麼若是兩邊死的人多少一樣你們就不打了不是白白的死了幾個人還是沒有便宜麼要再打下去今天這邊死幾個明天那邊死幾個打到那一天停多打一天多死幾個大家喫虧更是犯不着況且有官在

那裏萬萬不能殼放你們天天去打的我所以勸勸你們萬萬不要做這種最野蠻最沒有道理的事情你們要曉得坐監牢的人人家就罵他是個囚犯被官槍斃的人人家就罵他是個殺坏冤枉喫了苦送了命還落到一個壞名聲被人家罵我替你們想想真是太不合算太覺冤枉所以你們有這種膽量這種力氣應該用在有大用處的地方那就人人敬重你們你們的名聲也就好了大了用在什麼地方呢就是用在當兵爲國家打仗那時候能殼不怕死拚命的打那就是一個大好漢了可以萬古留名了若是爲了自己私的事情打不獨是犯法并且是很可醜的望你們快快的想明白了改掉這個惡風氣也不冤枉我勸導你們一番了你們還是不肯聽我的好話還要做出這樣事情來我就要重辦你們了到了那個時候懊悔也來不及還是現在聽我說的好都做了好百姓的好你們自己去仔細想想看

勸勿賭白話文

世界上有一個最不好最害人的字世界上的大家最喜歡犯的是一個什麼字你

們曉得麼我來講給你們聽聽就是那一個賭字大家喜歡這一個賭字要去犯他爲了什麼緣故呢我曉得的隨便什麼人沒有不喜歡錢的不過要掙錢都是很辛苦的不是容易弄得到的上等的人必定要用去了許多心血纔能殼弄得到錢下等的人必定要用去了許多的氣力纔能殼弄得錢到只有這個賭可以不用心血也不用氣力更加不消費幾多的時候就可以弄得錢到手所以個個人喜歡賭咳可憐你們這種心思多想差了我拿一件極淺的道理講給你們聽聽譬如有八個人賭錢你們想起來這八個人那一個不是想贏錢的那一個是預備了輸錢來的呢你也想贏他也想贏請問那一個輸呢自然還是這八個中間的人輸了但是這八個人都想贏的都不情願輸的弄到後來輸的究竟還是輸了究竟不能殼個個人贏不過你們喜歡賭的人想起來八個人中間究竟還是有贏的人贏的人還是便宜的咳你們又差了八個人中間却是有贏的人不過贏的是那一個你們拿得穩麼你拿得穩贏的一定是你麼你是去想贏的你既然拿不穩贏你就不能殼一定不輸你既然也要輸的你

去賭什麼呢爲什麼拿辛辛苦苦掙來的錢去送到賭裏去呢況且你真贏了就必定有人輸的那輸的人也是想贏的他就情願輸了麼他必定還要拉住了你想翻本這不是不弄到你也輸了不肯歇手麼所以依我看起來你有了錢還是做些善事送給些窮人好得多哩爲什麼要去送給這些賭錢的人呢你們拿錢來送了他他一些也不感激你們你們犯得着呢還是犯不着呢況且你們今天就算贏了人心是不足的明天還要想去贏若是今天輸了明天又要想去翻本輸了想贏贏了又想多贏那裏曉得贏的再來就輸輸的再來越輸輸到你們所有的錢一齊輸光了纔肯歇手還有一層這賭錢的事情也是很奇怪的你越想贏偏偏越要輸你越是窮兇極惡想要翻本偏偏越要輸下去所以這個賭字一些犯他不得的犯了他就要被他捉住了脫不得身的所以我勸你們要你們拿錢來看重些想想你們自己的錢是怎樣的辛苦纔能穀掙得幾個到手種田的要種幾個月的功夫還要把望天氣好雨水太多了稻麥就要浸死天氣太旱了又要車水去灌田不管天氣怎樣的熱太陽怎樣的利害熬了

辛苦去種田好容易能穀收成了賣了幾個錢就拿去賭光你們自己問問自己覺得冤枉不冤枉呢就是那做生意的掙幾個錢也是很不容易拿自己的本錢做的生意也要勤勤懇懇纔能穀掙幾個錢一不小心就要虧本若是做人家夥計的一個月的人工錢通共有多少那裏穀你去賭況且被東家曉得了還要歇生意若是那些做小販生意的就更加苦了天雨也要出去淋在雨裏頭天冷也要出去吹在風裏頭天熱也要出去曬在太陽裏頭這樣苦惱還不見得天天有好生意千難萬難的掙了幾個錢都去送在賭裏你們自己問問自己值得不值得呢況且你們家裏的人老的是爺娘中的是老婆小的是兒女都靠你們養他們的他們喫的飯穿的衣全靠你們掙幾個錢來供給他們你們就是一個錢不亂用勤勤儉儉還恐怕不穀他們的用那裏還能穀去賭呢你們家裏頭的老婆沒有了飯喫沒有了衣服穿沒有了錢用還要朝朝夜夜的罵你們同你們吵鬧不休你們想想看有什麼味道呢等到這個時候自己覺得沒有法子了只有再去拼命賭一次或者還能穀翻本不過自己的錢已經是輸完了

沒有法子只好拿老婆頭上插的簪子手上帶的手鐲耳朵上帶的環子身上穿的衣服慢慢的一樣一樣拿來當掉了拿去做賭的本錢或是向老婆騙來的或是向老婆硬要來的你們的老婆很些的就吵鬧得不成樣子好說話的就氣得不成樣子那婦女們的性情是很執拗的看見丈夫不學好還要拿他的東西去他又覺得氣又覺得苦一時沒有主意就要尋死路了你們想想看平常很要好的老婆因為喜歡賭了錢就弄得老婆氣不過自己尋死路你們心上覺得對得住老婆麼況且老婆家裏頭的人看見你們的老婆死了還要來同你們吵鬧要你們怎樣的好斷送你們拿不出錢不滿他們的意就要請你們喫官司了你們想想看賭得好不好呢好好的一家人家爲了賭人也死了還要喫官司冤枉不冤枉呢我現在說的這一種人是專門向家裏頭搜括錢來去賭的還有一種人家裏沒有什麼東西可以搜括了心上還是要想去賭又沒有賭本只好同別人家去借錢借了錢來再去賭那裏曉得還是輸了等到人家來逼你的債你沒有錢去還他只有去喫官司有時自己覺得沒有顏面只好去尋

死咳你們想想看可憐不可憐呢就是有錢的人家裏頭不靠你們去掙錢那是你們靠了你們祖宗爺娘的福有好祖宗好爺娘傳給你們田地房屋所以你們能穀享這樣的福不過你們有了這種福氣也要想想看你們祖宗爺娘掙錢的時候怎樣的辛辛苦苦怎樣的勤勤儉儉一些不亂用處處打算盤自己熬辛喫苦積了多少年纔能穀剩下這幾個錢來傳給你們若是你們的祖宗爺娘也喜歡了賭你們那裏還有這種好日子過呢你們要曉得祖宗爺娘的錢不是拿心血去換來的就是拿氣力去換來的你們拿到了也不可以去賭的你們自己良心上摸摸看拿祖宗爺娘傳下來的錢不曉得看重些拿去亂賭輸掉了對得住祖宗爺娘麼我常常看見好好的有錢人家田地也很多房屋也很多出了一個喜歡賭錢的壞子孫今天賣田地明天賣房屋賣田地的錢輸完了又賣房屋賣房屋的錢輸完了又賣田地天天輸天天賣不消一兩年就拿家裏頭的田地房屋一齊賣完了弄得精光一個身體親戚也看不起他朋友也不招顧他做生意沒有本錢做工人沒有氣力只好去做討飯化子有的自己覺

得沒有面孔做人了只好去尋死路這種人死了是他自作自受不去管他不過死了的祖宗爺娘都在地底下哭活着的老婆兒女都在家裏頭哭這個倒真是可憐得很哩咳這樣的人我看見的多得很哩不是我的說說還有一種人家裏還有爺娘要管他沒有錢給他去賭他就偷了家裏的東西去當賭的本錢有的自己不好意思回去有的爺娘恨極了他拿他趕出來不認他做子孫這個人就流落在外邊做討飯的到了冷天討不到飯沒有衣服穿又凍又餓就死在路上了這種人也多得很哩這種的人起初都是想贏錢的賭到後來就到了這樣的地步這樣的收場你們聽了還要去賭麼還有一層道理你們應該要明白的那開賭的人你們想想看他爲什麼要開賭呢難道他嫌自己的錢太多了用不完了所以要送給些你們麼他自然也想弄幾個錢罷了他既是也想弄幾個錢所以開這個賭場那裏還有你們贏的道理呢譬如五個人接連去賭五天每人贏了一天算起來去賭的人像是大家贏過了沒有喫虧了不過你們想想看被這個開賭的人抽去的頭錢不是你們五個人的錢麼總數算

起來不是你們五個人的錢都送了些給這個開賭的人麼你們五個人面子上各人都贏過一回像是沒有輸實在被開賭的抽了頭錢去不是暗中已經各人都輸了去麼況且開賭的人還有各種的暗花樣來欺你們騙你們的錢你們看不出他的花樣總想是自己真輸了那裏曉得都是開賭的有花樣你們受了他的騙上了他的當麼還有一種或是你們的熟人開的賭或是你們去贏過一二次的你們就算是沒有花樣了麼咳這也是靠不住的凡是開賭的沒有不做花樣的不做花樣他就不能穩穩當當拿錢了他只認得錢那裏認得你什麼朋友不來給當你上呢就是你們贏過一二次的也是他的計策起初給一些糖你們喫騙你們上他的鈎等到你們上了他的鈎他就要給蠶你們喫了所以到賭場去的更是沒有不輸的我上邊說的五個人各人贏一天那裏會有這樣公平的事情是一定不會有的我不過依你們的心思說說罷了我這樣一說你們想起來上賭場去賭錢要上開賭的當的去賭的一定耍輸開賭的一定能殼弄到錢還是自己開賭的好了咳你們要是這樣想那更想得大差

了我來告訴你們你們那個看見過世界上有錢的人是靠開賭發財的那開賭是最害人的事情天也不容他的就算眼前佔到了一分便宜不過他將來的喫虧還不止十分哩況且開賭的人那一個人看得起他算他是一個好人上得臺面呢被衙門裏曉得了一定還要捉他去喫官司那開賭的罪名很大的要坐到五年的監牢還要罰五百塊洋錢哩你們想想看開賭有什麼好處不過是喫官司坐監牢罰洋錢還落得一個壞名聲罷了犯得着麼就是你們常常去賭的人靠賭喫飯的罪名也是很重的衙門裏曉得了也要捉去坐到五年的監牢哩就不是靠賭喫飯的人一到賭錢的時候捉到了最多也要罰到一千塊洋錢的罰不出錢就要坐一千天的監牢你們想想看本錢輸了還要罰錢就是贏了也不穀做罰款況且當場拿到的錢是另外算的不能穀算在罰款裏頭的罰款是還要另外拿錢出來的所以我詳細勸你們一番賭錢只有喫虧沒有便宜的千萬不可以犯的就是平常時候大家在家裏頭玩玩也只有壞處沒有好處你們想隨便那一個人白天裏總有事情做的賭到半夜三更不

去睡覺明天還有精神做事情麼就算明天沒有事情做也弄到一個精神疲倦傷壞身體有什麼好處呢況且夜間賭錢常常爲了燒消夜的點心弄起火來燒掉房屋連累人家或是因爲輸了錢生起氣來好好的朋友爲了賭錢就傷了和氣并且性子不好的還要動手打架潑翻燈火弄開火來也是有的這種事情也多得很哩所以賭錢的害處實在說不完總是不要去賭纔是道理我還聽見說此地還有一種騙錢的法子叫什麼花會此地的人更覺喜歡得了不得像發了狂的一樣你們不曉得這個更加是輸錢的事情了更加不要想贏錢了你們想想看掛花會的花會師這樣的多一定是可以騙錢大家纔去做他若是不騙錢的真是公平的那些掛花會的人爲了什麼要這樣的高興呢我來告訴你們那花會通共有三十六門賠你們錢的只有一門你們心裏想起來一個錢可以賠到三十個錢很是便宜的不過你們還要想想要三十六個人裏頭纔能殼有一個人打着那裏有這樣的巧剛剛是你們打着呢就說大家沒有喫虧大家沒有便宜最公平的話也要開到三十六次纔能殼輪到一次譬

如每次化錢一百文三十六次不就化錢三千六百文麼三十六次裏頭真能殼賠到一次也不過拿到三千文那六百文已經白白的送了況且三十六次裏頭還不能一定賠得到一次麼你們想起來一倍可以賠三十倍便宜極了你們也要替花會師想想你們便宜極了不是那花會師就喫虧極了麼他果真喫虧極了他那裏肯做這樣的事情呢咳他決不會喫虧的那聽筒的人同這個花會師是串通了的他看見那一門打的人多花會師要賠得多了他就私下去通知花會師這打得多的那一門不要掛出來他拿沒有人打的那一門或是打得少的那一門掛出來騙騙你們你們打的人都在夢裏頭上他的當還說今天運氣不好明天再去那裏曉得明天去打還是這樣的上當偶然打到一次就算花會是公平的那裏曉得他拿輕的一門來賠你們騙騙你們那重的幾門早被他喫去了麼就算有先拿筒掛出來的你們想起來這個一定是公平了那裏曉得花會師看見了那掛出的一門打得重了他就會拿掛在筒裏的私下去換掉的那做聽筒的人沒有一個不同花會師串通的專門替花會師通消

息看風頭你們那裏弄得過他他們的毛病多得很哩還不止這一種哩我也說不完許多所以你們去打花會沒有不喫虧的乖巧的人都不去的可憐你們不曉得花會師的心很大家都去上他的大當所以我拿花會師的毛病說給你們聽聽望你們心裏頭明白些不要去上他的當還有一件事情那是更加不好了也因為打花會做出來的我聽見打花會的人有一種迷信的法子叫什麼祈夢那些沒有見識的婦女們因為要去打花會就要在開會的前一夜到鄉下的墳邊頭睡了祈夢因為祈夢就做出了種種沒有顏面的事情來了我也不好說得太明白了不過好好的清白人家弄出這種事情來實在是可恨得很有自己覺得難爲情了常常有自盡的不獨是錢弄不到手性命倒反送掉了可憐不可憐呢所以你們做男人家的一定要管住你們家裏的婦女不要放他出去打花會做出這種醜事情來壞你們一家的名聲你們做女人的更加要曉得花會是騙人家錢的祈夢是靠不住的不要去到鄉下頭墳墓邊去受人家的欺壞自己一個人的身體丟一家人的臉面并且做了這種事情出來被

你們的爺娘或是公婆或是丈夫曉得了決定不肯干休的要弄出大事情來的咳我說到這裏我真恨那花會的害人真真不淺喫他虧的人也真真不少所以衙門裏辦起花會師同聽筒的人來也比別種的賭格外的加重還有一種小花會又叫十二花會不過輸贏小些他的騙錢是一樣的你們也不要上他們的當現在我已經出告示禁止了特地再來勸勸你們不要去做這種事情上這樣的大當那掛花會的人我已經有公事給各縣知事要重重的辦他們你們都是好百姓斷斷乎犯不得的聽我的話就是好百姓我很喜歡的不聽我勸的就不是好百姓我拿到了就一點沒有情面要重重的辦的你們自己去想想情願做好百姓呢還是情願給我拿來辦呢

勸戒淫白話文

我從前說過世界上有一個最害人的字就是一個賭字你們已經曉得了除掉了這個賭字還有一個字更加不好更加害人害得利害的是一個什麼字你們曉得麼就是那一個淫字什麼叫做淫呢就是不管那一個婦女看見了就喜歡他心裏就想要

他這個就叫做淫你們要曉得這個淫字是一件最壞的事情若是犯了他不獨是化銀錢壞名譽並且還不免要大傷身體所以各種勸善的書上第一件就是勸人戒淫說淫是萬樣惡事裏頭的第一件那書上所說犯了淫字的人造這麼樣的罪孽受這麼樣的報應都是有名有姓的的確確的現在我姑且把這個報應的話頭提開了不去講他單拿那犯淫的各種真真的害處講給你們聽聽讓你們容易明白凡是一個人都是爺娘的精血結成功胎的所以這精血兩樣東西就是性命的根本譬如一盞燈裏的油平常用一根燈草點火可以點到天亮若是這燈裏頭多加了幾根燈草一同點着那油就費得多了自然點不到天亮了這個道理想你們都明白的人身上的精血譬如燈裏的油精血消去得少身體自然強健壽也長了若是儘管貪淫不曉得保重身體就像一盞燈多點了幾根燈草多費了油那火就要早熄了你們看看這一班年輕的人得着虛怯病症死的大半都是害在這個淫字上頭咳何苦貪圖這一時的快樂不顧惜寶貝的身體弄到促壽短命呢所以一個人就是對自己的老婆也應

該要有些分寸怎麼還可以去淫人家的婦女呢古時候的男人一定要到了三十歲纔可以討老婆現在西洋外國也有禁止早娶親的法律總爲是教人要保重身體少近女人的意思講到這做人的大道理男女本應該要避嫌疑的照了古禮說起來小孩子到了七歲就要分別男女連一桌子喫飯多不能殼的到了長大起來男女要分別更加不必說了儘管大家說女人是應該要守貞節的男人就沒有什麼貞節不貞節了就算討幾個老婆也不要緊的這個話呢本沒有什麼不好說不過你們要曉得老婆多了就像油盞裏多了燈草一樣的火就容易熄的況且果真做了你的老婆那自然沒有什麼要緊了若是那個女人不是你的老婆你就同他是沒有關係的人了你也要去引誘他做出不規矩的事情來那就是俗語所說的偷婆娘了說到這一個偷字那明明把你當做賊了你們想這個是好名聲呢還是壞名聲呢自己去擔這個做賊的名聲真是何苦呢況且淫毒兩個字是相連的貪淫的人終不免要受毒的到了那個時候毒氣發作起來成功了楊梅瘡重的竟要送掉性命就是不死也要爛去

鼻頭或是瞎了眼睛做了殘疾的人不又是一生一世的受苦麼就把輕一層的說性命算是保住了那毒瘡也醫好了沒有成功殘疾不過那生病的時候受的痛苦加了醫藥種種的化費這等虧已經喫得不小了都因為犯了這一個淫字弄到銀錢也化了名譽也壞了並且連身體也傷了像這樣的人不是極笨的笨人麼況且那生過毒瘡的人當時就算醫好了那毒的根卻仍舊留在他的身上將來生下來的兒女還是有毒的生些瘡毒眼瞎耳聾壞手壞腳還算是極輕的那重的還有種種的無名怪病醫生不會看好的并且還要養不長大短命死的你們看見自己很喜歡的兒女活活死了心裏頭痛不痛呢到了那個時候懊悔也來不及了這不獨是自己喫大大的虧連子子孫孫都受你的累了你們還可以想想譬如一個十七八歲的很好看的女人看見了他自然是覺得很喜歡他了不過你們再想一想這個面貌很好年紀很輕的女人若是過了幾十年變成功了什麼樣子了恐怕頭髮也花了皮膚也縐了就送給你們你們也不要了若是再加上幾十年那個人恐怕早早死了皮肉也爛完了剩了

一個骷髏一副枯骨那個時候你們看見了還要他麼恐怕要怕他了你們想想看現在看見面貌好的年紀輕的女人沒有多少年沒有一個不變成功了骷髏有什麼好呢所以你們看見婦女的時候心裏頭都能彀這樣一想不管怎樣的好看多是骷髏變相那就決不會起這個淫的心了再說這個姦淫的事情在男人一面自然要弄壞身體就是那女人因爲一時沒有了主意上了當失了節更加是一生一世的出醜不獨是他的爺娘丈夫公婆覺得沒有面孔就是他的親戚朋友也都覺有很不體面的還有一層你們可以想的你們看見了人家好看的女子你們就想要他譬如你們的家裏也有好看的老婆或是女兒給人家姦淫了你的臉上好不好看你的心裏恨他不恨他呢他人來姦淫了你的老婆女兒你就覺得很醜覺得很恨反過來說你去姦淫人家的老婆女兒人家就不覺得可醜可恨麼若是那個人很一些一時的氣憤把你殺死了不就白白的送了性命麼就是不殺你把你捉住了打起官司來或是硬敲你的竹扛要你多少錢你也就耍喫大苦了況且照那善書上報應的話頭說起來

我去姦淫了人家的老婆女兒我的老婆女兒就不免也要被人家姦淫的所說的一報還一報這層道理一定是有的。一些不會差的。所以一個人犯了淫字不要說將來要受報應。就說眼前的事情。那身體名譽銀錢已經種種的受了害了。已經覺得很不上算了。況且各種的報應也是這姦淫的事情。報應得最利害。犯了一分要報二分。犯了五分要報十分的。你們想想看。可怕不可怕呢。所以這個淫字斷斷乎犯不得的。你們沒有犯的人應該時時刻刻小心防着。不要犯他。若是已經犯過的。更應該趁早改過。千萬不要再犯。并且還要勸勸不明白這個道理的人。叫他趕緊改過。能勸好一個人自己就減少一分罪孽。加上一分功德。所以你們看我這篇白話文的大家。要我勸你。你勸他。勸到沒有一個人犯這個淫字。那就功德很大了。

褒獎

訓令六件 指令五十四件 函二件

通令十六縣知事調查屬內如有合褒揚條例者。照章具報文。七年一月二十六日
案查接管卷內褒揚條例早經 內務部先後頒行。並經轉令遵照。所有各縣合例應

予褒揚者業由各該知事呈請考核轉呈准予褒揚在案特恐採訪未周尙有遺漏合再令仰該知事查照修正則例隨時調查具報以憑核轉而彰榮典切切此令

訓令平陽縣知事呈送黃光履歷以憑轉請給獎文

七年四月二十七日

案查前據該知事呈明遵查平邑慈善公益情形列表請獎前來即經指令並派員調查在案茲據查明貧兒院院長兼因利局主任黃光及濟嬰局局董阮慕咸貧民習藝所所長陳毓琦均屬熱心辦事著有成績其中尤以黃光爲最優等語除另由本道尹分別核獎外合行令仰該知事轉飭黃紳光備具履歷二分由縣呈送到道以憑轉呈省長核獎藉資激勸此令

訓令平陽縣知事爲發給黃光等匾額以資激勸文

七年五月十日

案查前據該知事呈明遵查平邑慈善公益情形列表請獎前來即經派員查明並於第二七二號訓令該知事知照在案茲本道尹核給貧兒院院長黃光匾額一方文曰憐之以恩核給濟嬰局局董阮慕咸匾額一方文曰心誠保赤核給貧民習藝所所長

陳毓琦匾額一方文曰教養有方用昭激勸仰該知事分別轉給具領呈覆備查至黃光履歷二分並仰遵照前令迅速送道以憑轉呈核獎此令

通令十六縣知事凡應受褒揚之人無力繳納註冊費者由本道尹代繳文 七年五月

二十三日

案查修正褒揚條例及施行細則早奉頒布施行各縣先後呈請褒揚者固已不少惟查得受褒揚之人大都稍有資望及身家殷實者至窮陬僻壤極貧之家往往有茹苦含辛合於褒揚條例之人每以無人代請並無力繳納註冊費以致光輝終闕者尙不乏其人殊非國家所以維持名教激揚風俗之本意本道尹既有所聞斷不忍使應受榮典之人因貧苦無力而獨抱向隅之歎爲此令仰各該知事迅卽詳細訪查如果有應受褒揚之人而無人代爲呈請及無力繳納註冊費者卽由該知事依照該條例第三條徵考行實出具證明書呈由本署轉呈褒揚其應繳之褒揚費如與施行細則第十三條所列事由相符應於呈文內聲請免除否則由本道尹捐俸代繳務使有善必

彰毋稍遺漏惟不得冒濫從事致干處分仰卽遵照勿違切切此令

通令十六縣知事查覆如有節烈婦女格於年例者准呈道核獎文 七年十一月二十

七日

照得各縣節烈婦女迭據各該知事按照褒揚條例暨施行細則呈請轉呈褒揚在案惟查有立志苦行事實昭彰格於細則規定之年例未能同與褒揚者如任其湮沒不彰殊無以慰貞節而敦薄俗柏舟之志誠尤苦於青年黍室之吟實共輝夫彤管爲此令仰該知事查明所屬婦女無論已故現存如果確有節操可風而格於年例者准其叙列事實取具保證呈由本道尹察核褒獎以資激勸切切此令

通令十六縣知事察訪年在八十以上行誼卓著者呈道核獎文 八年二月十四日

照得五更三老著尊養於禮經五世一堂垂典型於史冊蓋鄉黨以齒年爲尙家庭以孝弟爲先所以當時侈爲人瑞後世傳爲美談甌海各屬山土深厚風俗清嘉雁山遺老傳碩望於耆英邸舍承歡貽令名於戲綵前型未遠繼武有資或因採訪未周致褒

揚之有缺或爲法文所格欲旌表而無從爲此令行各該知事詳加察訪如有年在八十以上行誼卓著及五世同居孝友可稱者開取事實附具證明書呈候察核題給匾額以表本道尹隆敬高年之至意仰卽遵照此令

指令慶元縣知事呈報創辦同善堂出力人員應准給獎由 七年三月二十一日

呈及章程細則均悉該知事創辦同善堂募集基本金及經常費至三千餘元之巨苦心毅力極深嘉慰仰候據情轉呈 省長察核備案酌給獎勵其慨捐鉅款及在事出力人員並卽查取職名開具事實呈候核獎再細則第三十一條之末應添列或呈請省道酌給名譽褒獎一語除代爲添入分別存轉外并卽遵照章程及細則存此令

指令樂清縣知事呈覆陳開珠確有善行請予題給匾額由 七年八月十三日
呈悉既據查明該縣鄉耆陳開珠確有善行應准題給急公好義匾額一方仰卽轉發具領以昭激勸此令

指令遂昌縣知事呈請褒獎縣紳王嘉祥由 七年九月五日

呈悉該縣紳士王嘉祥既據該知事呈稱於地方公益事宜夙具熱心應准獎給匾額四字文曰矜式鄉閭仰該知事即便轉給具領以示激勸並具報備查此令

指令平陽縣知事呈轉故貢生楊配錢事實請賞給匾額由 七年十二月十三日

呈及附件均悉察核該故貢生楊配錢生平行誼足爲後世所矜式應由本道尹給予功在梓鄉匾額一方隨令發交該知事轉給具領以資激勸仍具報備查此令附件存

指令宣平縣知事呈爲潘僉氏年屆九旬據情呈請給匾由 八年一月二十八日

呈及書表切結均悉潘僉氏年屆九旬親見五代洵屬難得應由本道尹題給五世同堂匾額一方隨令發交該知事轉給具領以表隆敬一面由該知事再行調查如有年滿九十以上者即取具證明書呈候核獎此令書表切結均存

指令宣平縣知事呈請獎給已故節婦曾韓氏匾額由 八年二月二十二日

呈及事實冊證明書均悉已故節婦曾韓氏既因格於年例未能同受褒揚應由本道尹題給節勵冰霜匾額一方隨令發交該知事轉給具領以慰貞節仰即遵照並具報

備查此令書册存

指令遂昌縣知事呈請獎給耆紳林志經匾額由 八年三月 日

呈及事實册證明書均悉該縣耆紳林志經應准褒給大耋齊眉四字匾額一方仰卽轉給祇領仍由該知事隨時存問以示敬禮此令事實册證明書存

指令遂昌縣知事呈送廣仁醫院救疫方單請賜諭嘉獎文 八年三月二十二日

呈及方單均悉該縣廣仁醫院成立以來成效頗著所有發起組織之紳士葉永衡該院醫士江志賢等由該知事傳諭嘉獎并隨令發去利濟爲懷匾額一方轉給該醫院祇領具報仍隨時督飭該醫士認真辦理此令方單存

指令瑞安縣知事呈請獎給耆紳王撫辰匾額由 八年四月十四日

該縣耆紳王撫辰應准給予晉年碩望四字匾額一方仰該知事轉給祇領並隨時存問此令證明書存

指令玉環縣知事呈請獎給耆民何正雲等匾額由 八年四月十六日

呈及清冊證明書均悉該縣耆民何正雲題給啟期三樂四字匾額一方耿煥東董東
萊華丕諸題給大羣齊眉四字匾額各一方蘇榮謝五梅林芳基萬廷泰徐輔輝華士
緒吳國熬葉光榮何燦星陳學西林章豪題給安閑強健四字匾額各一方發由該知
事轉給祇領仍隨時存問以示敬禮此令清冊證明書存

指令龍泉縣知事呈請褒給耆紳葉廷封李鍾祥暨壽婦李湯氏匾額由 八年四月十
八日

呈及事實冊證明書均悉該縣耆紳葉廷封李鍾祥褒給長享遐齡四字匾額各一方
壽婦李湯氏褒給義洽坤貞四字匾額一方仰卽分別轉給祇領并隨時存問以示敬
禮此令事實冊證明書存

指令宣平縣知事呈請獎給耆民曾啟權匾額由 八年四月三十日

呈及事實冊證明書世序均悉該縣耆民曾啟權應准給予五世同堂四字匾額一方
仰卽轉給祇領仍隨時存問以示敬禮至該耆民事實核與褒揚條例尙屬相符應由

該知事按照規定手續另案呈候核轉并卽知照此令冊書世序存

指令平陽縣知事呈請獎給王程氏匾額由 八年五月二日

據呈已悉王程氏准給予淑德可風四字匾額一方卽轉給祇領具報嗣後呈請褒獎案件應由該知事備具事實冊證明書以憑察奪未便以一呈了事并卽知照此令
指令縉雲縣知事呈請褒獎耆民盧隆肖由 八年五月二十日

呈及事實冊證明書均悉該縣耆民盧隆肖應准給予大畫齊眉四字匾額一方隨令發由該知事轉給祇領具報備查仍仰隨時存問以示禮寵此令事實冊證明書存

指令縉雲縣知事呈請褒獎耆儒盧鼎由 八年五月二十日

呈及書冊均悉該耆儒年登百歲實屬難得除准予轉呈 省長核咨褒揚外再由本道尹給予期頤強健四字匾額一方以示隆敬仰卽轉發祇領具報仍隨時存問爲要此令書冊暨褒揚費存

指令泰順縣知事呈請給獎壽婦董蔡氏匾額由 八年五月二十五日

呈及證明書事實冊均悉該縣壽婦董蔡氏應准給予壺儀足式四字匾額一方隨令
發由該知事轉給祇領此令書冊存

指令瑞安縣知事呈請褒獎節婦趙吳氏等七人由 八年五月三十日

呈冊均悉該縣已故節婦趙吳氏准給節孝可風四字匾額一方李項氏施葉氏准各
給彤管揚芬四字匾額一方又現存節婦吳趙氏趙吳氏趙陳氏胡周氏准各給節勵
冰霜四字匾額一方隨令發由該知事轉給祇領並具報備查此令冊存

指令永嘉縣知事呈請核給耆民鄭繼葵等匾額由 八年六月四日

呈及書冊均悉該縣耆民鄭繼葵滕領謙盧國岑滕前妹盧啓增金瑞倫戴隆坤等七
人既據該知事證明均係年在八十以上應由本道尹各給長享遐齡四字匾額一方
隨令發交該知事轉給祇領並具報備查此令書冊存

指令縉雲縣知事呈爲武生盧整壽登大耋請給匾額由 八年六月五日

呈及書冊均悉該縣耆民盧整准給予老年樂善四字匾額一方隨令發由該知事轉

給祇領具報備查仍仰隨時存問以示禮寵此令書册存

指令樂清縣知事呈請獎給耆民周伯樟匾額由 八年六月十日

呈及書册均悉該縣耆民周伯樟應准給予安閑強健四字匾額一方隨令發交該知事轉給祇領具報備查仍仰隨時存問以示禮寵此令書册存

指令樂清縣知事呈請獎給耆民蔡時槐匾額由 八年六月二十六日

呈及書册均悉該縣耆民蔡時槐應給予老年樂善四字匾額一方隨令發由該知事轉給祇領並具報備查此令書册存

指令縉雲縣知事呈請題獎耆民朱震漣等由 八年七月一日

呈及書册均悉該縣耆民朱震漣盧壽祺王蘭朱德昌應准各給老年樂善四字匾額一方隨令發由該知事分別轉給祇領具報備查並隨時存問以示隆敬此令書册存

指令松陽縣知事呈爲邑紳獨修養濟院報請核獎文 八年七月八日

呈悉該縣紳士徐儒林獨修養濟院房屋具見熱心慈善應由本道尹獎給窮黎得所

四字匾額一方隨令發由該知事轉給祇領以昭激勸並具報備查此令

指令永嘉縣知事呈請獎給耆民陳宗虞等匾額由 八年七月十日

呈及書冊均悉該縣耆民陳宗虞汪仲仕胡文瀾應各給予人間松柏四字匾額一方邵欽玉給予五世同堂匾額一方隨令發由該知事轉給祇領具報備查並仰隨時存問以示隆敬此令書冊存

指令平陽縣知事呈請獎給黃炳禮等匾額由 八年七月十六日

呈及書冊均悉該縣耆民黃炳禮金鳴珂陳錫貴余煊甫陳廷琛方振家廖炳水蕭成憲等八人應由本道尹各給人間松柏四字匾額一方隨令發交該知事轉給祇領具報備查仍仰隨時存問以示敬禮此令書冊存

指令雲和縣知事呈請獎給耆民陳東林等匾額由 八年七月十六日

呈及書冊均悉該縣耆民陳東林趙廷華二人應由本道尹各給人間松柏四字匾額一方隨令發交該知事轉給祇領具報備查仍仰隨時存問以示敬禮此令書冊存

指令平陽縣知事呈請獎給壽婦廖胡氏匾額由八年七月十六日

呈及書冊均悉該縣壽婦廖胡氏應由本道尹獎給壺儀足式四字匾額一方隨令發由該知事轉給祇領並具報備查此令書冊存

指令永嘉縣知事呈請獎給耆民吳龍翔等及節婦吳胡氏匾額由八年七月二十五

日

呈及書冊均悉該縣耆民吳龍翔金方崇准各題給人間松柏四字匾額一方節婦吳胡氏題給節勵冰霜四字匾額一方隨令發由該知事轉給祇領並具報備查此令

指令宣平縣知事呈爲現存邑紳俞汝諧已故邑紳潘成仁熱心公益呈請給獎由八

年七月二十七日

呈及履歷均悉該縣紳士俞汝諧及已故紳士潘成仁均題給熱忱公益四字匾額一方隨令發由該知事分別轉給祇領用昭激勸並具報備查此令

指令景寧縣知事呈請獎給耆民劉伯玉等匾額由八年七月二十九日

呈及書冊均悉該縣耆民劉伯玉准予題給人間松柏四字匾額一方夏雨經潘鏡銓徐廷照准各題給老年樂善四字匾額一方隨令發由該知事分別轉給祇領具報備查此令書冊存

指令瑞安縣知事呈請褒獎耆民方元善由

八年八月五日

呈及證明書均悉該縣耆民方元善准予題給人間松柏四字匾額一方隨令發由該知事轉給祇領具報備查並仰隨時存問以示禮寵此令證明書存

指令縉雲縣知事呈請褒揚耆民吳賢良由

八年八月十三日

呈及書冊均悉該縣耆民既有子孫家屬又非屬於特別事故核與修正褒揚條例施行細則第十五條規定不符未便准予免費除俟將該耆民褒揚費補繳到道再行轉請褒揚外合行先由本道尹發給壽享期頤四字匾額一方仰卽轉給祇領具報並飭尅日補繳褒揚費銀六元以憑核轉勿延切切此令書冊暫存

指令景寧縣知事呈請褒揚已故節婦陳吳氏由

八年八月十四日

呈及書冊均悉查褒揚條例施行細則第七條規定以年在三十以內守節者爲限該故節婦夫故時年已三十三歲與例不合未便轉請褒揚惟念該故節婦柏舟矢志勁節堪欽若任其湮沒不彰殊不足以慰幽魂而敦薄俗應由本道尹發給彤管揚芬四字匾額一方隨令發由該知事轉給祇領以彰潛德此令書冊存

指令平陽縣知事呈請核獎耆民金聖厚等由

八年八月二十一日

呈及書冊均悉查本公署第一一一號訓令凡年在八十以上確係行誼卓著者方可呈請核獎茲閱來冊列有三十五人之多所敘事實既簡且空難保其間無冒濫情事應將原冊及證明書發還仰該知事逐一詳細覆查究竟實年是否均在八十以上行誼是否均係卓著務得實際再行呈報候核此令書冊發還

指令平陽縣知事呈送宋作霖事實冊證明書祈核獎由

八年八月二十一日

呈及書冊均悉該縣紳士宋作霖應准題給熱忱公益四字匾額一方隨令發由該知事轉給祇領以資激勸此令書冊存

指令縉雲縣知事呈請題獎耆民陶崑山由 八年八月二十四日

呈及書冊均悉該縣耆民陶崑山准予題給行誼可風四字匾額一方隨令發由該知事轉給祇領並具報備查此令書冊存

指令青田縣知事呈請核轉褒揚耆民朱用恩由 八年九月十七日

呈及書冊註冊費均悉查該耆民朱用恩核與修正褒揚條例第一條第八款尙相符合惟計算該耆民年齡祇一百歲來冊列一百一歲殊屬不符除由本道尹先行加給壽享期頤四字匾額一方發由該知事轉給祇領具報外合將事實冊發還仰尅日更造送道以憑核轉褒揚可也此令證明書註冊費銀六元存

指令縉雲縣知事呈請題獎耆民田榮由 八年九月二十五日

呈及書冊均悉該縣耆民田榮准予題給行誼可風四字匾額一方隨令發由該知事轉給祇領具報備查此令書冊存

指令樂清縣知事呈請題獎耆民趙鳳鳴由 八年十月一日

呈及書冊均悉該縣耆民趙鳳鳴應准題給老年樂善四字匾額一方隨令發由該知事轉給祇領具報備查並仰隨時存問以示禮寵此令書冊存

指令永嘉縣知事查覆潘邦貴等身後貧苦情形請免繳褒揚費由 八年十月二日

據呈已悉查前送各冊婁孫氏婁朱氏潘金氏三節婦核其事實確與修正褒揚條例第一條第七款相符應候據情轉呈 省長鑒核潘金氏身後蕭條雖有三子四孫據查實係貧苦其應繳註冊費銀六元准由本道尹捐俸代繳又核潘壽豐之事實與該條例第一條第三款不甚相符潘邦貴事實簡畧均未便遽請褒揚仰再查明切實事實另呈候核此令書冊等分別發還存送

指令慶元縣知事呈報同善堂捐款收齊造送圖冊祈察核給獎由 八年十月四日

呈及圖冊均悉該縣士紳姚慶興吳兆賢胡夢高吳光利吳光楞余夢龍吳方課吳銓文吳律聲吳肇洲等十名及吳庫八公祠堂衆吳履庸公祠堂衆吳文茵公祠堂衆吳發源公祠堂衆吳特松公祠堂衆共五所均由本道尹題給熱忱慈善四字匾額一方

隨令發由該知事轉給祇領以昭激勸吳特森吳德茂吳大演胡明廩劉永崑等五名
仰卽傳令嘉獎至吳溶一名候轉呈 省長核獎可也此令圖册存

指令樂清縣知事爲呈請核獎耆民仇世忠由 八年十月三十一日

呈及書册均悉該縣耆民仇世忠方師基王日連周伯華等四人准各題給耆年樂善
四字匾額一方壽婦李金氏張蔣氏准各題給壺儀足式四字匾額一方隨令發由該
知事轉給祇領並具報備查此令書册存

指令慶元縣知事呈請表揚耆民黃時高由 八年十月二十八日

呈及書册均悉該縣耆民黃時高准予題給人間松柏四字匾額一方隨令發由該知
事轉給祇領具報備查並仰隨時存問以示禮寵此令書册存

指令縉雲縣知事呈爲耆民宋其榮等年高望重呈請題獎由 八年十一月八日

呈及書册均悉該縣耆民宋其榮陶如希陳虎臣准各題給行誼可風四字匾額一方
隨令發由該知事轉給祇領具報備查並仰隨時存問以示禮寵此令書册存

指令平陽縣知事呈請題給壽婦吳方氏匾額由 八年十一月九日

呈件均悉察核吳方氏事實冊核與修正褒揚條例第一條第七款暨施行細則第七條相符茲由本道尹先行題給該壽婦壺儀足式四字匾額一方隨令發由該知事轉給祇領一面補開詳細事實冊將該氏生於某年及某年于歸某年夫故一一列入並具證明書各三份褒揚費六元一併呈送以憑核轉褒揚可也此令書冊存

指令樂清縣知事呈報鄭善阮捐助山地掩埋無主棺木請核獎文 八年十一月十四日
呈悉該士民鄭善阮據該知事聲明曾捐助山地以資掩埋無主棺木應准題給熱心慈善四字匾額一方隨令發由該知事轉給祇領以昭激勸並具報備查此令

指令樂清縣知事呈送耆民計登瀛姚恭宸二人准各題給行誼可風四字匾額一方隨呈及書冊均悉該縣耆民計登瀛姚恭宸二人准各題給行誼可風四字匾額一方隨令發由該知事轉給祇領具報備查並仰隨時存問以示禮寵此令書冊存

指令樂清縣知事呈送賢婦倪連氏事實冊證明書祈鑒核給匾由 八年十一月十七日

呈及書冊均悉該縣賢婦倪連氏准予題給樂善不倦四字匾額一方節婦錢王氏准予題給節勵冰霜四字匾額一方隨令發由該知事分別轉給祇領具報備查此令書冊存

指令平陽縣知事爲呈請核給施周氏匾額由 八年十一月十八日

呈及書冊均悉該縣壽婦施周氏准予題給壺儀足式四字匾額一方隨令發由該知事轉給祇領具報備查此令書冊存

指令宣平縣知事呈請獎給醫生俞葆初匾額由 八年十一月二十七日

呈悉既據該知事呈明該醫生俞葆初診治監犯克盡義務應准題給是乃仁術四字匾額一方隨令發由該知事轉給祇領以昭激勸並具報備查此令

指令縉雲縣知事呈送耆民李占汀事實冊請賜題獎由 八年十二月三日

呈冊均悉該縣耆民李占汀准予題給樂善不倦四字匾額一方隨令發由該知事轉給祇領具報備查此令冊存

指令縉雲縣知事呈送耆民李作球事實冊請題獎由 八年十二月三日

呈冊均悉該縣耆民李作球准予題給耄年樂善四字匾額一方隨令發由該知事轉給祇領具報備查並仰隨時存問以示禮寵此令冊存

指令青田縣知事呈為耆民王克永年登百歲請核轉褒揚由 八年十二月六日

呈件均悉該耆民夫婦齊眉殊為難得除加給同享期頤四字匾額一方發由該縣給領外仰候將王克永書冊等轉呈 省長核轉褒揚事實冊證明書及褒揚費分別存轉此令

指令平陽縣知事為查明耆民行誼卓著造冊送請察核由 八年十二月三十日

呈及書冊均悉該縣耆民金聖厚方成瀛林必和方上庚呂步瀛應步餘林炳東等七人准各題給行誼可風四字匾額一方隨令發由該知事轉給祇領具報備查此令書冊存

致平陽縣勸學所長劉君次饒函 八年五月二十九日

次饒仁兄大人閣下茲有商者各縣貞女節婦請獎例須納費六元其家無儋石者遂多湮沒故弟曾通令各屬實係貞節可風而格於例者由弟頒給匾額以褒揚之其合例而力不能納費者由弟代償之現據葉知事開來已故節婦年例相符者共二百七十七名現存節婦年例相符者共一百十三名烈婦七名貞節一名孝女二名孝婦二名除節婦年例不符具有事實者三十六名外共計四百零二名據稱所以如此之多者因歷久未請褒揚愈積愈多現若再不辦理日有增加將來更難着手弟思貴鄉有如此良好風俗不予褒揚何以激勵來者惟統由弟代爲繳費力亦實有未逮若聽其湮沒良心上又有未安故特函請台端與葉知事接洽年例相符者或復查一次是否確實有無冒濫除請 部褒揚外有無他法其年例未符者亦望調查明晰由縣出具證明書呈送來道當另給匾額以表彰之執事望重一鄉熱心素著對於闡揚幽隱激勵末俗必能力籌善法斷不因煩瑣而擱置也

覆平陽縣勸學所長劉君次饒函 八年六月八日

次饒仁兄大人閣下奉示祇悉極貧節烈婦女既有三分之一可以免費應卽爲之呈請惟敝署未接到如此大批之呈報是否尙浮沉縣署中請一查其不能免費者倘爲呈請乞予通融望仍由道轉以便弟加函切託但恐未必邀准呈文中務須聲明平陽所以獨多之故再倘或不能邀准能否立一總坊將各人姓氏一律刊刻此節未奉部准是否可行尙希酌裁近來學界風潮愈鬧愈烈誰生厲階至今爲梗言之殊堪浩嘆也

甌海觀政錄卷二目錄

民政類

宗教 批一件 函七件

警務類

警務 呈文二件 咨文二件 訓令三件 指令一件 函三件

衛生 呈文一件 電呈一件 訓令五件 指令一件 批二件 布告二件

函三件 勅詞一件

消防 呈文三件 咨文一件 訓令三件 指令四件 函一件 榜示一件

禁烟 呈文四件 訓令二件

財政類

財政 呈文四件 指令一件

司法類

司法

電呈一件 公函五件 訓令二十件 指令二十三件 代電二件
布告二件 函三件 白話文一件

甌海觀政錄卷三

民政類

宗教

批一件 函七件

批瑞安聖壽寺僧從空呈爲闡揚宗教懇祈給示由 八年六月十二日

呈悉該僧願宏普渡念切慈悲延高僧以談經藉長官爲護法志堪嘉慰事屬可行本道尹夙仰三藏大教自應一視同仁惟定期旣在來年頒示不妨從緩一俟法筵將屆定當照請施行仰卽知照此批

覆慶元縣知事江函 七年七月十一日

鄂生仁兄大人閣下前日接誦大函知閣下熱心慈善擬於慶邑創設善堂深爲欽佩募款作爲開辦之費固好但常年經費以庵產移充一節此中尙須斟酌化成慈容兩庵向供何佛住持犯法理應撤換但不應罪及庵廟尙望對於雙方酌量兼顧神道設

教足以輔法律之不逮近來綱紀滅絕道德淪亡尤非借神教以範圍人心不可故賽會一切苟不致鬧事亦不必過於禁止第吾輩厠身政界誠不可以提倡迷信然有不能不心領神會之處亦勢使然也尊意以爲如何所有善堂常年經費一層尙望通籌再定再此種情形彼此祇好函商未使用公文也至請獎捐款紳士一節可以格外變通將來由閣下擇尤呈請可也藥品已交姚紳帶奉諒已接洽植茶之外加以桐柏菓木極善極善閣下能注意於此實爲各縣所罕有尙望竭力勸導是所盼禱

致張君雲雷函 八年三月

雲雷仁兄大人閣下沈冤老特任山東省長公將補其遺缺竊爲我國前途賀何以賀國會爲立法機關議員爲人民代表公有性功者也奉宗教者也竊嘗謂宗教可濟法律教育之窮凡法律所不能加之處教育所不能及之時惟宗教可以補其弊而救其偏我國夙以儒釋道三教立國數千年來得以分別聖狂人禽而不致於滅絕人道者無非賴此三教有以維持之耳是故人無論黃白地無論東西無無人民之國卽無無

宗教之國誠以人民爲國家之要素而宗教又爲人之所以爲人之要素也歐美各國科學發達已達極點天知其爲氣地知其爲土雷知其爲電舉我中國舊時迷信各說掃數破除國法外宜若無有足以爲吾人之儆戒者然猶倡爲天堂地獄之說以束縛人心者蓋亦吾國向所謂迷信也夫迷信之說何所自出謂非出於宗教而何古聖人神道設教豈果以是愚民哉誠以天下之大兆民之衆人之智愚賢不肖至不齊一有爲法律所不能治之處教育所不能及之時非有宗教以補其弊而揅其偏實不足以納民於軌物而一人之心志故雖鄉野至愚之輩不知法律道德爲何物者獨雷擊惡人之說則婦孺莫不知之者何也迷信之中於人心者深也今號稱文明之輩舉我國數千年來足以範圍人心之迷信破除淨盡於是人心遂放縱橫決至於不可收拾無天地無父母無鬼神無因果藉平等自由之謬說逞爭權奪利之私心既睹乎將倒之狂瀾猶不作中流之砥柱恐我數千年文明之中國向所賴以立國之仁義道德倫常綱紀將隨江海之潮流以俱去長此終古其不入於禽獸之域者幾希此不獨賈長

沙所謂可爲痛哭流涕長太息而已也夫今日之中國非事事步武歐美各國乎歐美各國之科學如此其發達苟藉其科學之精巧無論爲奸盜爲邪淫其伎倆之高出於我國必有相倍蓰者而環顧各國人民之重公德亦反相倍蓰於我國人民者非有宗教以範圍之其能之乎莊子曰哀莫大於心死而身死次之竊以爲今日之人心百人中已死其九十有九爲球亡計自以球人心爲第一要義欲球全國老幼男女智愚賢不肖種種等類之人心自以提倡宗教爲第一要義除提倡宗教外若興教育辦實業等種種亦不過一部分之補球而非全部分之補球猶爲治標之補球而非治本之補球也昔年曾有倡議以孔教爲國教者不敢附會其議蓋孔子誠所謂德配天地道冠古今者誠以孔教爲國教恐但能爲中人以上所信之教而斷不足以語中人以下之人欲合上智下愚人人得以服膺其說而勿失者自非佛教不可佛教之理可深可淺其深者上智之人足以參究其淺者卽所謂迷信之說是迷信之說則中人以下皆足以範圍之使之不敢放佚公幸毋以迷信二字看作壞字也迷信二字實不連屬迷卽

不信信卽不迷以迷爲信雖信不真去一迷字乃能有信道之真迷信本不可有而真
信確不可無世人但知迷信爲愚其實惟因其信之不堅而終有所執迷而不自悟者
是以謂之愚也若一誠不變信道篤實者乃智者也豈愚之云哉所以人以迷信爲不
可有我亦以爲迷信不可有譬如一人行路總有一定去處若向東幾步復向西幾步
久之此身依然在此未能到目的地所謂一步不可行者迷信之謂也所以人於仙佛
神聖宜有真信不可迷惑他說也此乃迷信二字之真詮今茲之所謂迷信者亦姑就
世俗之所謂迷信而言之耳且聰明如孔子道德如孔子猶曰祭如在祭神如神在曰
鬼神之爲德其盛矣乎是孔子亦未嘗闢鬼神也有鬼卽有神有神卽有佛聖如孔子
是亦足矣豈我今日之人之聰明識見竟超出於至聖孔子之上而闢孔子所不敢闢
之鬼神乎是亦足見其妄而已矣卽不徵諸古而徵諸今則歐美各國近方提倡鬼神
之學不遺餘力且有攝鬼神之影以破持無鬼之論者是鬼神之學將與各科學並立
於世界之上爲最有關係之一種精妙學問矣不過鬼神之學較各科學尤爲深妙探

索不易故發明稍遲耳然而積之愈久則發之必愈明而愈切其理可操券而得也譬如百年以前有以電燈電話之靈妙語人者人莫不嗤其妄今則交通各地雖婦孺皆知矣鬼神之說亦猶是也人之所以不信者亦以僅有理說而無事實以爲證明之故也今研究鬼神學者日興將來足以證明鬼神之事實者必日多而信鬼神之人亦必日增而月盛是今日之不信鬼神猶百年前之不信電燈電話也是仍在我人之智識不足也且夫一歲之中春夏則草木滋長秋冬則皆凋落孰爲主之而使萬物各有條而不紊耶雖有日光之熱度足使萬物生長之說然春日之熱與秋冬之熱有時寒暑表同爲五十度何以春日之五十度則萬物萌芽而秋日之五十度則萬物凋零耶此非冥冥之中有主宰而能若是耶試再近徵諸日本日本之教育普及比我中國如何日本之科學發達比我中國如何日本之智識開通比我中國人如何而日本人之崇奉佛教研究佛學又比我中國如何何我中國人事事步武日本而於身心性命相關之佛教則獨異其趨向者何也我誠百思而不得其故也且科學何所從出乎則日出

之於哲學抑知哲學何所從出乎則實出之於佛學也故佛學不獨爲科學之祖實亦爲哲學之宗凡佛經中足以爲是二說之證明者甚多不必精研細究也第涉獵佛經者即可知矣昔者與公談而未暢今者公將入國家之立法機關爲人民之代表且又素信佛教者故特爲公詳陳之其將約合同志盡力提倡爲我國前途放一綫之曙光乎或隨波逐流趁大勢之所趨以陷人民於水火乎抑僅以佛理獨善其身而不思所以兼善天下乎則不獨大背乎佛教之宗抑亦有違乎儒教之訓矣公以爲何如其將有以教我

致張君雲雷函

八年三月十五日

雲雷仁兄大人閣下手示敬悉人心已死世道已淪尙復何言弟濫竽甌海本非爲貧而仕特借此以稍贖前生之罪孽耳公不願入議院自是高人弟望塵莫及能不心折國會建議提倡佛教弟亦明知其必難達到目的惟念當此時代尙有人提議及此是人心尙未盡死畢竟比較不提不議好得許多天地日月昏晦陰霾之際有此一刹那

之光明亦足照耀大千卽我佛如來亦應點頭微笑也此意已與吳碧翁再三言之周竺君監督大是同志現擬請諦閑法師來此講經已請吳碧翁面邀種因於今日必能結果於將來此舉公當贊成如與諦閑法師相熟務乞切實懇懇之以速其行盼切盼切前承惠感應彙篇弟擬印五十部送人祈代辦工價候示知卽繳

致觀宗寺諦閑和尚函 八年三月 日

夙欽大德妙契靈文鑒於玄廓之宗洞於究竟之理六根清淨兼定慧以雙修三諦圓融體真如而默會識十二因緣之由起悟三千性相之真空面壁參禪妙證菩提之果心燈傳佛弘宣貝葉之文慶等夙業難消無明久蔽塵縲羈絆求解脫而無方火宅嬉游憐愚癡之自苦未就出塵之願妄與度世之懷爰特公推慶親詣寶山叩參蓮座爲衆生而求法秉一念之虔誠惟願不違弘誓曲順凡情乘木盃以渡甬江暫辭寶刹飛錫杖而來孤嶼大轉法輪借慧日之光明消俗塵之障翳庶幾生公臺下頑石通靈維摩室中天花獻瑞作慈航之普渡俾覺岸之同登是非獨慶等之私榮亦甌海

人民之夙福也不揣愚陋冒瀆清聽書不盡言餘容面達祇頌安樂翹企光臨

再致諦閑和尚函 八年三月 日

伏以聖教無邊覆慈雲於世界佛法平等普甘露於蒼生是以法雷所運火宅清涼慧日所照重昏破曉惟大法無不可闡揚之地斯四生皆有能度脫之緣淵等久羈塵網未聆真禪環顧衆生同罹劫運思惟我佛乃克轉移爰推吳君歡迎法駕滿擬五行安車卽蒞甌海豈意六通神駿尙羈甬江固我師講論之無暇實淵等虔誠之未盡用特修省再申短牘敬布微忱惟願我師發普渡心宏慈悲量暫辭寶刹速轉法輪木盃穩渡錫杖先飛闡真如之密諦普蔭祥雲設大會於無遮群沾法雨引瞻雲衲無限依遲

覆諦閑和尚函 八年三月 日

諦閑法師座下接奉德音備承法教盟讀一過慚懼交縈自恨根性愚蒙業因深厚難離塵障超出輪迴幸生佛法之中復得親近大德庶幾迷津有指覺岸可登無如仰止高山未蒙飛錫甘露之施不逮苦海之脫無期自怨自嗟曷其有極頃又接電堅卻來

歐謹卽抄錄原文徧告同志僉曰時機難遇知識罕逢茲所以見棄於法師者諒由我等竭誠之未至耳否則佛法平等宏願慈悲何獨遺棄我歐民而不屑教誨也哉爰再公推周君孟由親叩寶山敦請法駕幸恕冒瀆寵賜光臨不勝迫切企禱之至

覆張君雲雷函

八年五月二十七日

雲雷仁兄大人閣下奉示祇悉謂世道人心已不堪問請較之前八年如何早知今日悔不當初吾輩尙知懺悔或不終於墮落惟今世必墮入阿鼻地獄者不知有幾億兆人孽固自造因由自種然其愚亦甚可憐吾輩自命爲明白人須有以啟發其愚則劫數或可挽回萬一竺君監督時相過從言譚頗有意趣蓋亦吾道中人也敦請諦閑法師弟與竺君三函兩電孟由甚至下跪諦閑竟似入定兀不爲動如此狀態與我佛慈悲普度衆生之旨未免相違此事亦不再提議矣弟在此間於人心世道毫無裨益方深內疚乃蒙溯初及公獎飾至此雖與人爲善實增弟罪過嬰堂又蒙捐百五十元熱心善事可佩可風稍緩固無不可惟吳君竟效楊朱所爲益見知人之難也

甌海觀政錄卷三

警務類

警務

呈文二件 咨文二件 訓令三件 指令一件 函三件

呈省長齊爲擬請開辦警察教練所繕具章程單冊文 八年三月五日

呈爲轉呈事案據永嘉警察局局長曹鑄呈稱竊查警務之良窳視警察教練程度爲轉移職局所屬各長警多數未經教練就表面上觀之精神尙不甚委靡而內容情形以及服務上設施實有不堪言狀者若不設所教練實不足以資整頓而策進行局長現擬設教練所一處所內設主任一員專司教練先募學警四十名每名每月除膳食服裝講義等費由所籌備外另給津貼洋一元所有課程由該所主任暨局內各職員分別擔任教授其現充長警服務已滿三年得有精勤證或曾在教練所修業者准承領講義在所外練習一面仍照常服務期滿一體與考俟該班學警畢業後卽分派服

務再將未畢業之原有長警輪流調所教練藉資整頓所有開辦費用擬請在縣公署警捐餘存項下撥支至經常費一項擬將李前局長呈准新添人力車五十輛月捐洋一百元撥充並經局長前次擬具細則內復請添車三十輛呈奉警務處指令照准惟須暫從緩行等因在案茲緣經費不敷擬請轉咨准予繳捐行駛合有八十輛之車捐計洋一百六十元充作教練所經費除是項車捐外每月尙不敷洋八十元擬在逐月罰金項下撥補核實報銷設罰款不敷擬請在縣公署警捐餘存項下撥充以資補助再教練期間以三個月畢業擬先試辦四班以一年爲度以後體察情形應否繼續再行呈報所有擬請開辦警察教練所各緣由是否有當理合擬具章程暨預算書開辦費清冊一併備文呈請仰祈俯賜察核分別存轉指令遵行等情據此查欲求地方之治安全視警察之是否得力而欲求警察之能盡其職尤非從教練入手不爲功永嘉警察半多失業游民濫竽充數形式且不足觀精神更無庸議迭經道尹嚴飭該局局長趕緊設立教練所俾各警察稍受教育畧有智識以爲整頓之入手辦法茲據該局

長呈覆前來實已急不容緩除指令外理合檢同章程暨支付預算書開辦費清冊估價單各二份備文轉呈仰祈 鈞長鑒核俯賜指令遵行實爲公便謹呈

呈省長齊爲縣知事對於水警隊長應否用令祈示遵文 八年四月十七日

呈爲呈請事竊查前奉 鈞署第三五五號訓令道尹對於水警區長行文用令區長用呈等因業經遵辦在案惟縣知事對於水警隊長與分隊長行文尙無規定查水警與陸警同爲地方行政官廳之輔助機關水警區長既與警察廳長及警察局長立於同等地位則水警隊長似與警佐同等就警察官署公文程式畫一規則第四條第七項觀之縣知事對於警佐行文應用訓令或指令對於水警隊長亦應有相當之程式

道尹查甌屬各縣如永嘉玉環樂清平陽瑞安等皆係沿海與水警有密切之關係如果縣知事無指揮水警之權辦事頗多窒礙卽如近日爲漏米案件知事不能指揮水警以致奸商私運米糧得以逃逸者時有所聞爲此備文呈請究竟縣知事對於水警隊長行文應否用令俾辦事可以便利之處伏候 鈞長察核俯賜指令遵行實爲公

便謹呈

咨警務處處長夏擴充警費辦法文 七年五月一日

爲咨行事案據永嘉警察局局长李蔭梧呈稱竊局长猥以幹材膺茲重任欲求進行無滯端在經費足敷矧現蒙警務處特委倪觀察員通盤籌畫務將警額擴充實爲永嘉警務發達之時機豈能坐誤業已周諮博訪妥謀改良之策現已稍有端緒理合條陳管見備文呈請是否有當仰乞俯賜采擇等情並呈條陳一件前來據此查該局长所擬就原有之店屋捐舖捐及南門船捐加以整頓以備擴充警務之用自是正當辦法惟所擬將屠宰稅一項仿照省會警廳辦法改歸衛生警徵收一節似應由貴處長先與財政廳商酌妥洽方可着手據呈前情除指令外相應照抄條陳一件備文咨送請煩貴處長查核施行實叙公誼此咨

咨警務處處長夏轉送永嘉警局改組局制並預算書請查核轉呈文 八年三月十五日

爲咨行事案據永嘉警察局局长曹鑄呈稱竊查温州地方實係通商口岸幅輳遼闊

水陸交通確爲衝要區域以故徐前局長稟承前任道尹將所改局以符法令冀謀警務之進行無如組織簡單以致局區內外勤務分配實有未能周密之處局長到差以來見夫公務日繁應辦事件有增無減雖由李前局長呈准添設股員二員分任總務兼司法行政兼衛生辦理二股事務其餘僅有一等僱員二員二等僱員三員司書二員協同辦理尙覺事浮於人日晷有限擱置仍多查從前永嘉改局組織法原定內部另設警佐二員併科任事嗣以經費無着因循未果局長一再籌畫現擬完全改組定名曰溫州商埠警察局內部擬設五等警佐三員分總務一科司法一科行政兼衛生一科每科設辦事員一人所有一等僱員改設三人二等僱員改設二人添設勤務稽查員一人偵探長一人外部如第一二三四五六區每區設二等僱員一人以資協助又第一區地居鬧市事務殷繁特添設巡長一名巡警九名至於局長薪水以及警局辦公費請畧增加以免拮据惟每區辦公費不得不照章給予以示體恤庶使辦事者既無彈鋏之嗟庶免濫等之弊局長通盤計算挹彼注茲比較原有經費每月僅增三

百十五元便可符完全警局之制似此眉目既已分清責成自無旁貸惟增加三百十五元之經費一時無從籌措擬請鈞尹轉令縣公署在經徵警捐項下每月追加撥付俾臻完善而便進行將來若有他款可籌再行擴充警額所有擬請改組商埠警察局及一切編制各緣由是否有當理合擬具局制暨預算表一併備文呈請仰祈鈞尹俯賜察核分別存轉指令遵行實爲公便等情前來據此當以永嘉縣原有經費數目能否增加無從查核卽經令行永嘉縣知事查明具覆去後旋據該知事呈稱查職縣八年度地方警察費歲出入預算統計全年歲入銀四萬一千七十七元二角歲出銀三萬六千四百八十元收支兩抵共盈餘銀三千六百九十七元二角如果歲入各款年能徵收足額以之撥付警局追加警費不敷尙屬無多惟查此項警費自民國七年九月人力車尙未開辦以前年有不敷歷前任積墊甚鉅截至七年十二月底止尙虧墊銀四千五百五十六元七角三釐雖七年份房警兩捐因各舖戶疲玩不無積欠本年從嚴追繳或可補收若干統計虧墊總在四千元左右爲數頗鉅亟應設法趕速妥籌

彌補現在八年度預算歲出入兩抵幸畧有盈餘自宜儘先撥補歷任墊款第念警察爲地方要政現擬改組爲謀警務進行似亦不能不兼籌並顧知事籌維至再擬請鈞尹令飭該局長將原送預算量爲節減一面由知事在預算盈餘項下每年酌提一千八百元分月撥付其餘一千八百九十七元二角仍留作彌補歷任虧墊之款庶於警務一方藉此可以進行而墊款亦不致因此無着俟將來墊款撥補清楚再行照數支付是否有當理合檢同奉發預算書一本一併備文呈覆仰祈察核指令祇遵各情前來做道尹又以每年酌提銀一千八百元核與該局造送預算相差尙遠恐於該局改組前途不無妨礙如將該局原議第一區添設巡長一名警士九名一節暫從緩議則月可掙節數十元其餘擴充經費每年由永嘉縣照數加撥核計該縣徵起警款尙盈餘八百餘元以作分年歸還歷任墊付之款似此五六年間亦可完全清楚指令該知事知照並令行永嘉警察局局長將預算書核減改造各在案茲據永嘉警察局局長呈稱查縣公署呈覆所稱自民國七年十二月底止墊銀四千五百五十六元七角三

盤一節徧查檔卷縣署每歲墊支若干並無正式公文知照歷經前任往查僅取有清摺清單經費表均非按照規定年度計算或全年計或數年併計既不蟬聯殊難稽覈惟查該款確係從前陸續積墊至今合如上數既非現今墊支當然按年攤還現奉鈞令飭將改組預算核減當經局長遵將擬添一區長警十名一項刪除月可減洋七十一元全年共計核減洋八百五十二元若將每年盈餘銀三千六百九十七元二角內提出八百五十二元作為分年歸墊之款約計五年有奇即可掃清除去此款每年淨計盈餘銀二千八百四十五元二角今照減定預算比較舊額每月計增加二百四十四元全年共增二千九百二十八元以此項盈餘之款相抵全年所差無幾縣署當易設法籌措一俟改編案奉准後再請飭下永嘉縣知事按月照撥以策進行所有遵令核減改組預算經費各緣由理合將局制暨改組預算書一併備文呈覆仰乞察核轉飭施行等情前來除令飭永嘉縣知事遵照外相應檢同原送局制三份預算書三份備文咨請貴處長查核如果以為可行即希轉呈省長鑒核令遵實紉公誼此咨

訓令永嘉警察局新馬衙地方趕緊籌設崗警文 七年十二月二十日

案據寶華永甯永川輪船三公司呈稱竊敝公司等輪船常川往來甌甬之間並泊新馬衙地方歷有年所行旅往來咸稱便利詎近來時有就地匪徒出沒其間或設詞恫嚇意圖破壞或藉端索詐肆意凶毆此種行爲足使航業寒心行旅裹足卽如本月二日該匪徒等膽敢公然敲詐甚至演出割耳殘體之慘劇似此侮蔑人道實屬罪大惡極奈新馬衙距崗寫遠遂使匪徒任意妄爲而敝公司等輪船往來行旅如雲每逢早潮開輪則乘客行李以及敝公司承寄銀洋等件勢必晝夜運送若不嚴加防範後患何堪設想敝公司屢遭物議因循之責迫不得已會籌防患之方除已呈請警察局長設立崗警外爲特具呈環求道尹察核俯准飭令於新馬衙衝要地點迅予設立崗警派駐巡警以維治安而重行旅實爲德便等情據此除批呈悉查新馬衙地方係旅客往來要道前經本公署令飭永嘉警察局長多派崗警隨時梭巡去後嗣據呈覆業已多派巡警加意梭巡在案據呈前情候再令仰該局長趕緊於該處籌設崗警可也此

批掛發外合行令仰該局長迅即設法於該處設立崗警藉以保護行旅是爲至要仍將辦理情形具報備查切切此令

訓令十五縣知事整頓警務擬訂訓練章程文 八年三月十五日

照得各縣所設警察有維持地方治安之責必須加以訓練方可以收實效各縣警察人數雖少然苟能切實訓練一人有一人之用自足以保衛地方所謂貴精不貴多也乃查甌屬各縣除縉雲外其餘各縣所有警察從不加以訓練故不獨毫無精神卽形式亦不堪寓目徒糜餉項不求實際殊失設立警察之本意爲此除分令外合亟令仰該知事即便擬訂訓練章程從速實行以資整頓是爲至要仍將遵辦情形具報備查切切此令

訓令永嘉警察局查明保安隊巡長有無包庇賭棍及設場聚賭情事文 八年九月二十日

爲訓令事訪聞邇來溫州城廂一帶發生竊案甚多又聞城廂各處麻雀牌九賭風極盛且該局保安隊巡長郭增銘在外藉保安隊名義設場抽頭聚賭並敢包庇賭棍坐

地分肥如果實在有干法律合行令仰該局長即便督飭所屬分別嚴密查拿訊辦並查明保安隊巡長郭增銘有無包庇及設場聚賭情事具覆候核毋稍徇延切切此令指令永嘉警察局呈覆查明謝自申等訴長警袒護罪犯情形由 七年十月二十四日呈及附件均悉查戴本千等所訴吳賓誘拐一案雖係另一問題然吳賓既係警察該警佐當時因發生他案遂置拐案於不問實屬不合嗣後該局長應督飭各警佐遇有人民呈訴長警不法案件立即秉公查明實究虛坐毋得仍前袒護切切此令附件存致警務處處長夏函 七年五月十五日

逕啟者據永嘉警察局呈報四月二十六日查獲本城壬子巷徐河清家大批類賭人犯共十二名於各人身畔搜得供賭銀錢計大洋一百三十元鈔票八十元銅洋一元小洋二百九十四角銅元十七枚連同賭具等件解送到局當經訊明依照違警罰法分別處以拘留罰金所有供賭銀錢擬即概行沒收以充賞金及地方公益之用惟查賭案沒收錢財辦法因於四月間奉有警務處第四零二號訓令未便由職局專案呈

請仰乞鈞尹轉咨等情前來查違警罰法第十六條本有沒收之規定惟據該局長面稱新頒表式並無沒收一欄將來送表時恐遭駁斥等語查沒收供違警所用之物著有明條卽貴處訓令亦並無不准沒收違警物品之說該局長以數目稍大遂不敢遽予沒收迭來請示弟以此間賭風甚熾若不嚴予懲處不獨無以儆刁頑且警局權力太小亦不足以樹威信既查與違警條例並無不合因遂令該局長決計沒收惟警局爲執事所主管故特函達

致警務處處長夏函

七年七月二十三日

定侯仁兄大人閣下永嘉警察因前局長取放任主義以致種種腐敗不可盡述城廂內外煙賭公然不獨置若罔聞甚且得賄包庇竟不知何者爲其應盡之責未免太無程度李局長雖尙知整頓無如積習太深改革不易且能爲該局長指臂之助者尤未得其人故竟有竭蹶之象補習所已催促該局長剋日成立惟警佐巡長尙望尊處酌派得力者數人來此以資整理巡長薪餉似嫌太薄大約經費稍予整理後亦可稍增

一切詳情已令該局長面陳新委之顏警佐似一無知識之少年人地不宜擬請迅予更換附上該警佐致局長信二件請閱之可見一斑矣

致警務處處長夏函

七年七月二十八日

前日爲顏警佐狀類瘋癲曾發一電計早察及近來該警佐瘋病已成日甚一日發狂用武勢極危險此間醫院局面甚小不能收容務請迅賜設法催其家屬剋日來甌領回又四區錢警佐拘留竊婦楊計氏在所越日卽有警察四人將該氏強迫姦污或拉出行姦或進所行姦該氏竊賊已獲錢警佐並不送局送廳拘留至一星期之久迨強姦事發卽將該婦釋放一面將警察四人借端開革亦並不送局解廳嚴辦以致人言嘖嘖實屬不成事體現由弟訪聞飭楊警佐中權將該革警等拘獲送檢廳究辦又該區內有人殺死母弟子三人傷姊弟二人該警佐亦復隱匿不報弟現又將該正兇囑檢廳拘獲雖聞該兇有瘋病據檢廳云尙未必可靠如此逆倫重案該警佐竟置若不聞不見似不能任其久於其位擬請執事迅將該警佐撤去一面仍希迅派得力警佐

來溫至爲盼禱李局長御下無方似亦有應得之咎應如何訓誡之處尙候酌裁弟以風化攸關用特直陳祈諒察

衛生

呈文一件 電呈一件 訓令五件 指令一件 批二件 布告二件
函三件 勸詞一件

呈省長齊轉呈宣平縣治疫情形暨患疫治愈死亡人數表費用冊據仰祈鑒核事竊查本

七年十二月

二十三日

呈爲轉報宣平縣治疫情形暨患疫治愈死亡人數表費用冊據仰祈鑒核事竊查本

年秋冬之交甌屬各縣時疫盛行宣平一縣蔓延尤甚死亡相繼前經道尹選派中西

醫生攜帶藥品陸續馳往分投救治並捐廉給發急救各藥迭次電呈 鈞長鑒核在

案各該醫生前往施治後旬日之間幸即消弭旋據宣平縣知事陳邦彥呈稱屬縣時疫之生在十月初間起點於北鄉陶村一帶知事見其症象甚危傳染極速即遵照民

國五年三月十二日

教令第十六號公布傳染病預防條例及民國七年 內務部公布之清潔消毒各方
法飭令警佐陳鏞球切實施行以期及早撲滅奈窮鄉僻壤事實上每多阻礙以致良
法美意未能推行盡利星星之火勢成燎原昊天不惠降此大戾忝爲民牧憂心如搗
卽訪延邑中有名醫士俞師善王鶴鳴等共同研究病源據稱係一種溫病宜按照溫
病條辨諸方治之知事聞其言之成理因摘錄各方通告人民并請該兩醫到處施診
及查其成績診而有效者固不乏人診而無效者亦復不少知事因於十月二十日專
電請醫蒙鈞尹卽派中醫黃師古西醫李鏡湖吳瑾隨購西藥多種先後到縣并蒙鈞
尹施賜救疫各丸散知事當與各醫士妥商辦法一方對於染疫各村庄分派警察施
以辟瘟藥品以防傳染一方對於已受疫各地方設立治療所分期診治并施送藥餌
各醫士長途奔走日無暇晷不及兩旬疫氛一律掃盡查十月疫斃人數計有一千零
四十九名自各醫士抵縣後死亡者不過百分之二成績昭著深堪嘉獎所有屬縣治
疫事實理合將人民死亡總數并中西各醫診愈人數姓名分別列表呈送核轉再西

醫李鏡湖吳瑾防治時疫洵屬異常得力中醫黃師古治疫亦頗有成績可否轉請給獎之處併懇核奪施行等情當以該縣防疫費用前奉 鈞長電准在公款內撙節開支此次究竟實支若干未據報銷令卽核實開報以憑彙核轉呈去後茲據呈稱職縣此次發生疫病未奉鈞尹委派醫師以前知事卽聘請本地名醫俞師善王鶴鳴二人到處送診不取民家分文診金以恤災黎前經呈報在案所有俞王二醫師薪津費用暨奉委黃李吳三醫師在署一切費用均由知事捐助不計外共支用實洋四百五十二元六角七分八釐雖前奉鈞尹宥電飭知轉奉 省長經電准在公款內開支而宣邑異常貧瘠公款寥寥是項防疫經費關係緊急祇得暫由知事挪用將來籌有另款再行歸墊茲奉前因理合核實造具清冊備文呈送仰祈察核彙案轉請照銷等情據此 道尹復加察核均尙核實除指令外理合檢同原送調查表及費用清冊簿據備文呈請 鈞長鑒核俯賜核銷實爲公便至此次派往治疫各醫生均屬異常出力業經 道尹分給匾聯以資獎勵合併聲明謹呈

代電省長齊呈報宣邑發生時疫已發藥品並派醫馳往救治文 七年十月二十二日

省長鈞鑒甌屬各縣多有發生疫症 道尹業經飛函各縣調查詳情配製藥品分別寄

往施送本月二十日又據宣平縣知事銑日代電稱宣邑近因天久不雨發生一種時疫連日城鄉人民染疫而死者已屬不少等情即經配製藥品發往分給並飭設法消毒本日又據該縣知事荷電聲稱疫氣仍盛可否派醫下縣救民等情除立即挑選前經道尹考試錄取之醫生即日馳往醫治外理合電呈道尹黃慶瀾叩養

訓令永嘉縣知事會同瑞安縣知事查禁輪船沿河拋煤有妨飲料文 七年三月一日

案據永嘉公民葉賡等呈以永瑞河輪沿河拋煤妨害飲水叩請出示嚴禁等情前來除批示外合行檢發副呈一件令仰該知事會同瑞安縣知事查明永瑞河輪是否沿河拋煤於河道有無妨害如果確有前項情事並於河道有礙應即傳諭該輪船公司約束船役不得任意拋棄致生事端仍將辦理情形具報備查此令

訓令永嘉縣知事會同警察局局長查明有無出售偽藥情事文 七年三月二十二日

案據永嘉公民王詠谷呈以市售偽藥大礙衛生請另定檢查辦法以重生命等情據此除批候令行永嘉縣知事會同警察局長查明情形酌量辦理可也此批掛發外查奸商圖利竟以偽藥欺人其害甚大果有其事自應亟予查禁合行檢發副呈一件令仰該知事迅即會同永嘉警察局長查明永嘉藥舖果有出售偽藥情事自應從嚴辦理此令

訓令永嘉警察局禁止暑夜居民露宿文 七年七月十五日

照得現值暑令衛生最宜注意本城居民往往貪圖涼爽男女老幼輒於深夜露宿街頭釀爲疫癘夏秋之間患霍亂吐瀉癘螺吊脚等重痧每致不治者皆由夏夜積受寒涼所致婦女遭逢強暴尤屬傷風敗俗此等惡習亟應嚴爲革除爲此令仰該局長即便出示嚴禁並諭飭崗警隨時阻止如有故違即行拘解懲處勿稍寬貸切切此令

通令十六縣知事取締攤售藥品文 八年三月六日

照得草木金石天生備藥物之資甘苦溫涼醫宗別治療之法故病必服藥藥必延醫

此一定之理也。甌屬各縣山川連亘，原隰廣圻，產物既多，藥品亦夥。其中必有神農之所未嘗，本草之所未載者。本道尹訪聞各縣鄉鎮，每逢集市，專有小販，以各種藥品設攤售賣。罔知物性，炫爲秘方，而無知鄉民，狃常習，故遇有疾病，並不延醫診治，輒向藥攤購買服食。幸而獲愈者固亦有之，因而加重致命者實亦時有所聞。殊非慎重生命之道。爲此令行各該縣知事，即便剴切通告所屬人民，嗣後如遇疾病，務早延醫診治，切勿貪圖便宜，購服攤藥，致妨生命。並將攤售藥品設法取締，是爲至要。除分行外，仰即遵照此令。

訓令

十五縣知事
永嘉警察局

注意夏令衛生取締攤販食物文

八年六月十九日

照得現屆夏令衛生最宜注意一般苦力之人日間工作勞動既受暑氣之蒸鬱，夜間貪圖涼爽，輒多露宿街頭，又受寒氣之侵襲，最易釀成疫癘。夏秋之間，患霍亂吐瀉、癆瘵、螺吊脚等痧，每致不治者，皆由夏夜積受寒涼所致。至婦女露宿街頭，遭逢強暴，尤屬傷風敗俗。此等惡習，亟應嚴予革除。爲此令仰該局知事，即便出示嚴禁，並諭飭崗警隨

時切實阻止如有故違卽行拘解懲處勿稍寬貸再食物一道亦須注意凡夏天之患痧疫吐瀉皆由食物不潔有蠅蚋之蟲子糞穢所致故凡售食物之店鋪小攤務須勒令蓋用紗罩以防蠅蚋飛集至路旁小攤售賣冷食貽害無窮蓋食之者均係苦熱之人或奔走長途或肩負重物汗流浹背五體運動過烈已失其本來機械行動之原度復投以冷食實屬不宜設冷食之中含有微生物則性命尤爲危險此事至關重要並仰從速將冷食小攤設法取締務使清潔有裨衛生毋得視爲具文切切此令

指令永嘉警察局呈報取締同盛棧妨害河井情形由

七年八月九日

呈悉既據勘明同盛棧內傾倒之污水與河井確有妨害自應從嚴取締以重衛生茲閱來呈以已令警佐轉諭該棧速與地方會議辦法等詞爲塞責之計並不限定會議日期試問該案何時可以結束辦事預顛於此可見現在該處居民鍾嶽等又聯名續訴合再檢發副呈一件仰於文到後五日內卽將該案辦結具報毋得延宕切切此令批李泮林等呈爲遵諭取締偽藥請出告示以免詐擾而安商業由

七年四月十四日

呈及市單均悉查假藥係指以他貨冒充而言如羚羊角混以山羊綿羊等角抵代者是也此種弊竇恐各藥舖未必盡能免除若津芪川芎則同是黃芪不過產地有別功效稍差豈能指爲假藥但售價應有分別自不得以次貨而售高價至稱恐有地痞借端生事儘可隨時報告巡警拿辦勿庸另行布告該業董等仍須隨時告誡業商勿犯禁令切切此批

批王金樹呈爲懼病傳染妨害衛生請飭縣派警押回由 七年七月九日

呈悉王長芬既係爾之胞弟無論曾否出繼與爾總有手足之情現既患病在爾店中稍有人心者急應妥爲醫治或酌貼醫費婉勸回家方足以盡人道乃竟藉口病易傳染視若仇讐請縣派警驅逐未遂所欲猶復來道聲請火速飭縣押回似此行爲實屬大背人情荒謬已極該民清夜自思將來有何面目見先人於地下耶特斥此批

布告本署擬設官醫考選醫士如期來署報名文 七年三月十三日

爲通告事照得藥弗瞑眩罔瘳厥疾醫非研究反足傷生誠以醫藥爲專門之學未可

掉以輕心也本道尹素重生命慎選良方居常施藥濟貧已閱十餘寒暑蒞甌以來踵行無間顧暑寒燥濕感受各有不同原隰山川秉賦尤復互異往往屢效之藥品不能起同一之沈疴是知醫之與藥尤必相輔而行本道尹現擬自捐俸項於公署內設立官醫診治貧病甌邦人士覃精醫術者不乏其人自應面加考試藉資選擇爲此通告周知凡願應試諸生希於本月十六日前來署報名聽候示期考試以期選拔真才並分別等次給贈獎憑幸毋觀望特此通告

布告嚴禁冒售假藥文

七年四月二日

爲出示嚴禁事照得藥材一業專爲療病而設有關生命與他項營業性質確有不同故取材必須道地不能斤斤獨計其利也本道尹訪聞此地藥舖有冒售假藥之弊以僞亂真置病家生命醫家名譽於不顧言之實堪痛恨不知詐欺取財律有專條本道尹不忍不教而誅合亟出示嚴禁爲此示仰藥業人等一體知悉自示之後如再有冒售假藥情事一經查出或被告發定卽移送法庭從嚴究辦決不稍寬其各凜遵毋違

切切特示

致十六縣知事通函 七年六月十七日

逕啟者查溫處一帶萬山踵接故瘴氣較他處爲重人觸此氣最易發生疾病而一般鄉愚每苦無治此毒瘴之法且又無人肯廣傳良方以濟世茲覓得一法極其簡便其法用薤白之葉（其形如韭而中空）每早起採取鮮薤葉一片含於口內至日高時吐去此法能避山巒瘴氣而效驗如神按此項薤葉遍地皆有取用甚易誠最易之方法也卽希執事將此方廣爲傳佈務使人人得而知之是爲至禱如荷飭令宣講所隨時編講尤深盼切

致宣平縣知事陳函 七年十月二十七日

勳霆仁兄大人閣下疊接函電敬悉一一貴縣疫情猛烈焦憫殊深前寄藥品及所派黃醫想已早到惟中醫但能治已病之人而不能防未來之疫茲特派西醫李澂川邱志泉兩君前來專辦防疫事宜李係弟考列最優等第一名者現在啟署充任官醫學

問道德均好一切望與接洽維持之藥品由此間購買帶來川資已發二十元其餘俟辦理完竣再行商辦所有此次防疫費用已電奉 省長准令在公益費內核實動支另正式代電知照矣

覆松陽縣知事錢函

八年十月二十九日

正卿仁兄大人閣下昨接手書藉悉此次疫病蔓延極廣所論致病之由精確不移傳染之說固是新學家言然亦不能謂絕對無之檢查確亦有弊夏秋之交幾於人人皆有病根暗伏未必盡由傳染閣下注重施治自是要着防患未然各節尤爲治本之計惜愚民無識知此者少現在治標之法午時茶與濟生丸可以并用如由吐瀉而起者可用弟夏間所寄之痧藥水治之吐瀉止後如仍頭痛身熱咳嗽肢酸者則以午時茶與濟生丸治之其最重者則用神白散方茲寄上神白散方三百張望速廣爲傳佈至預防之法用降香管衆白礬三味浸入飲水缸內以蓋蓋好此法甚簡便速宜傳佈亦是一法也再者掩埋暴棺亦屬治本之一法前令望迅速切實辦理爲要

考取各醫生勛詞 七年五月

醫之爲道本仁心以行仁術所以代天地施好生之德爲人民救垂絕之命者也職權何如其大分位何如其尊昔陸宣公抱王佐之才爲唐宰相致君澤民功莫大焉晚歲家居尤留心於醫術聞有祕方必手自抄錄曰此亦活人之一術也宋范文正公少時嘗曰吾不能爲良相必爲良醫以醫能救人也然則醫者乃至尊至榮至高至貴之職務顧可視爲小道乎哉近世行醫者往往視爲謀利之藪僅略知歌訣陳方便卽懸壺設肆其於素靈難內諸經篋中肘後諸方多未能研究理會脈經未辨安識病原藥性未明安求治效但知發熱之能表解而不知蘊濕成熟者之忌表劑也但知結津之須存陰而不知火衰下泄者之忌陰藥也察病未真處方卽誤以致本非絕症或因醫治而促其生借救世之名下殺人之手撫心自問其能安乎譬之寇盜橫行民不堪命爲長官者宜妥籌勦撫之方以盡保衛地方治安之責若更藉寇兵而齎盜糧則小民之身家性命庸有幸全者乎醫之治病猶官之治民也生命攸關豈容忽視況名利二

字本屬相連盛名之所歸利卽隨之而至然則卽言謀利亦當先求立名其所以能立名者非有着手成春之術不可而所以能着手成春者非熟讀方書深明脈理細心用藥不可今諸君雖於醫理藥性夙有研究之功當不致蹈庸醫殺人之弊然學問無窮安有止境病情變幻匪易察真知者千慮猶有一失死生關係何可弗思本道尹此次考試原爲慎重生命起見惟思寒士生涯尤須顧及是以取額特寬以示鼓勵尙望諸君精益求精毋以一得自限而於臨診之際尤宜審慎周詳勿稍疏忽庶將來皆成名醫而本道尹亦藉此博得知人之譽何幸如之況醫爲仁術宜具仁心書曰作善降之百祥作不善降之百殃易曰積善之家必餘慶積不善之家必餘殃諸君以術救人保全生命卽爲兒孫造福之基聖人之言豈欺人哉慎之勉之尙無負本道尹諄諄告語殷殷屬望之意也可

消防

呈文三件 咨一件 訓令三件 指令四件 函一件 榜示一件

呈省長齊呈報籌修譙樓及移建警鐘樓情形文

七年三月十九日

呈爲呈報事竊查永嘉縣修復譙樓及移建鐘樓一案前奉 鈞署第四四八號訓令後卽將籌議進行情形先行呈覆在案茲據永嘉縣知事鄭彤雯呈稱案奉鈞尹第八十三號訓令內開案據公民姜琦等先後呈請轉令警察局擇地移建警鐘樓一面修復譙樓等情到道當經令據警局估修繪送圖單前來合亟隨令發仰該知事卽日會同該局長邀集紳商將修建經費及地點妥爲議定呈覆等因下縣奉此遵經知事會同警局函商商會集議去後茲准商會正會長葉維周副會長楊振圻復稱准於本月十日召集紳商學各界到會者共一百十六人籌議表決僉以譙樓爲甌屬古蹟警鐘建築在上尖直高聳非惟不甚雅觀且亦材料卑劣至堪危險應宜拆卸移建局內以免後患其拆卸警鐘及修復譙樓費用可由地方擔任自籌至警鐘樓旣稱爲地方公益之事所需經費應請縣公署於縣稅公益費項下撥款移建一再討論衆謀僉同查警鐘建於譙樓之上旣經不治輿情自應遷地爲良其拆卸修復及移建經費議請分別撥款自籌辦法尤爲妥協准函前由應將表決議案抄錄復請核辦並希函請警察

局派員監拆所需拆費若干并請開單仍由地方照數籌還等由前來准此查拆卸警鐘及修復譙樓經費既准該會邀集紳商學界議定由地方擔任自籌其移建鐘樓費用請在縣稅公益費項下動支詢謀僉同似可照辦惟動支縣稅須經財政廳之核准省章如此未敢擅便奉令前因理合遵令將集議緣由檢同奉發圖單並抄錄議案備文呈覆仰祈核轉等情前來據此查警鐘樓移建之地點道尹曾親往勘視自以警察局大門內之隙地爲最宜其拆卸鐘樓費及修復譙樓費既由紳商學各界議定歸地方擔任當然不生問題惟地方紳商要求將鐘樓剋日先拆如果拆卸之後一時未能建築與地方消防事宜大有妨礙道尹因於巧日電請令遵在案至所擬建築鐘樓費用據永嘉警察局長李蔭梧核實估計需洋四百二十八元一角擬在縣稅公益費項下動支一節事關動支縣稅是否可行除咨請財政廳核辦外應請鈞長令廳核議俾便進行所有籌修永嘉譙樓及移建鐘樓情形理合備文連同議案及估建鐘樓價單並圖各一紙一併呈報仰祈鑒核令遵實爲公便謹呈

呈省長齊請在充公米案罰款項下支撥試演水龍費用文

八年十月二十日

呈爲呈報事案據永嘉縣知事張濂呈稱據自治委員蔡盛治呈稱七年十月十六日奉諭往九山佈置場所會演水龍所有一切開支費用蒙允於公款項下提撥並蒙道尹諭令暫墊卽行歸還等因委員遵卽挪款布置迄今未沐給領款係因公墊用理合檢同開支細賬呈乞轉請給領歸墊等情到署據此知事復查該員所開支款細賬尙屬核實費係特別支出職署並無閒款可以挹注惟劉捷發米案內充公米石變價洋四十五元八角四分三釐又罰款洋六十元內除運費洋八元九角五分又查照前奉省令五成充賞洋四十八元四角四分七釐外尙餘洋四十八元四角四分七釐知事擬請將前項會演水龍布置費洋二十八元一角零八釐卽在該案米價及罰款內動支歸墊以清賬款如蒙俞允知事再將該案支剩餘款案報解事關動支罰款未便擅專理合開單呈請仰祈鈞尹裁奪令遵實爲公便等情前來據此

道尹前以永嘉

火政素不講求因召集各處義龍試演優劣藉獎賞以資鼓勵實爲整頓消防起見其

開支一切自應准予支撥卽經照准在職署呈報有案之劉捷發漏海米案罰金銀六十元內如數撥給銀二十八元一角零八釐茲據該知事請領前來除撥給外理合備文呈報仰祈 鈞長鑒核備案實爲公便謹呈

呈省長齊請在漏米充公項下撥款修配洋龍器具文

九年一月二日

呈爲請在漏海充公米價項下撥款修配永嘉警察局洋龍器具仰祈鑒核示遵事本年一月一日據永嘉警察局長曹鑄呈稱職局原有消防洋龍一具所有一切器具均已破壞不堪適用因無款可籌迄未置辦茲屆冬令火災迭見若無器具卽使極力救護亦無效力局長爲整理消防計輾轉思維惟有仰懇鈞尹仍准在漏米充公變價餘存項下撥洋二百元以便派員赴申購辦一俟置備齊全再行核實具報是否有當理合附呈鈞領備文請准核撥等情據此查永嘉城內消防器具均不完備近年火災迭見動輒延燒百數十家迭經 道尹令縣籌設救火會各在案永嘉警局經費支絀所稱無款可籌亦屬實情事關地方公益除指令准在漏米充公項下照撥二百元購辦齊

全核實造報並俟冊報漏海米款時彙案具報外所有撥款修配永嘉警局洋龍各緣由理合備文呈請伏乞鑒核准予照撥指令遵行謹呈

咨財政廳廳長張送永嘉縣知事呈送因火災拆屋補償屋價清摺文 八年三月三日

爲咨行事查永嘉城內人煙稠密街道又狹遇有火患往往延燒至數十家之多上年打鑼橋及五馬街兩處失慎後 敝道尹卽飭永嘉縣知事及警察局長將消防器具籌款購置以備不虞並令縣會同商會邀集商民將失慎時拆屋補償屋價辦法妥議去後茲據該縣知事張濂呈稱遵經函由商會召集紳董議決補償屋價經費請由房舖捐項下歸縣署帶收五釐存積備用俟該項經費充足時停止等情並據呈送清摺前來除指令外相應檢同原送清摺一份備文咨送請煩 貴廳長核覆施行實紉公誼此咨

訓令永嘉警察局趕緊規復各處太平水塢文 七年十月二十四日

照得永邑城廂內外人煙稠密時有火患急宜修明火政以備不虞現在各處原有水

合會以期聯絡進行在案惟城中河道淺狹井亦無多一遇天旱汲水為難以致前次打鑼橋五馬街等處失火延燒房屋竟至百數十間之多殊堪憫惻自應將儲水之法急行籌備庶免臨時束手無策查城廂各處舊時本有太平水塢藉以儲水其法甚良應先規復舊制為此令仰該局長趕緊將各處原有水塢毀壞者一律修整其已經拆去者並即設法重建俾天旱亦無乏水之虞是亦有備無患之意也仍將遵辦情形具覆候核切切此令

訓令永嘉縣知事切實整頓火政文 八年十二月三十一日

案查上年八月間本城打鑼橋民房失慎本道尹親往督率救護見各義龍救火頗具熱心惟水龍均係舊式器具亦殘缺不完因思救火以截斷火路為握要辦法各該義龍等既無長梯長鈎鉅斧又無洋龍水頭既不高大出水又不迅速風盛火熾之時往往任其延燒無可挽救目擊之下實深憫惻當即令行張前知事召集各義龍試演鬪

賽並由本道尹分別發給金牌以示獎勵一面復調取上海救火會章程勸令設立救火會原期羣策羣力俾火政可以逐漸修明詎今爲日已久尙未實行殊不可解本年城廂內外火患迭見動輒延燒百數十家自不能不趕緊設法防備該知事仕滬有年上海救火會成績優良當已知之有素仰於文到三日內趕緊召集紳商各界查照前案切實籌議購備洋龍改良救護方法而尤以成立救火會爲第一要義玉環縣僻處海疆已有救火會之組織永嘉爲人才薈萃商賈輻湊之區諒不至甘居人後再本城取水甚爲困難若並推行人工鑿井新法不惟於民間飲料大有關係亦於火政裨益非鮮杭州水利委員會曾有詳細計畫轉令在案每井深三十八丈五尺者日可出水數千擔工價亦不過四百餘元輕而易舉大可仿行仰卽一並詳細籌議倘能於數日之內幸觀厥成本道尹尤有厚望焉切切此令

訓令永嘉縣知事迅速重修康樂社銅龍文

九年一月二日

案據該縣民人韓鈞函稱去歲函請重整康樂社銅龍一節業蒙指令知事轉咨自治

委員赴該社各司事處查覆可否照辦該司事俱已承認重整各簽永字籌備辦法自治委員據此實情覆案迄今已屆年餘該社銅龍尙未舉行重修鈞疊赴該司事處催促據云舊有銅龍器具俱在各店舖內非有官廳人員逐舖取回彼等恐難索取所以遲遲仍未舉行且時屆嚴冬數月以來火患頻仍究其原因無非霎時間乏救火器具以致勢成燎原不可嚮邇延燒數十戶或百餘戶此次百里坊口火患鈞亦罹其災自思一介書生僅恃此撮影一術補助家用竟付一炬推己及人况尤有甚於鈞者慘莫可言以故銅龍一節亟宜舉行重修使各處效法照辦能首尾相應俾地方胥受其益然如去歲重修各廟水龍後救火精神大有振作且又有新增水龍數處如東郊風神廟三港廟基督教等微大人之功安能有此倘試驗水龍立一常規實甌東人民之大幸福也比聞大人有遷任會稽道道尹消息吾甌人民無一不扼腕歎息事關朝廷命令萬難挽留特未悉新任觀察亦如吾公之勤勞否也用敢不揣冒昧瀆函陳請伏懇大人再指令知事着卽轉咨自治委員限令剋日辦完覆案勿再藐玩延悞雖地方之

幸福實出自大人之所賜也臨穎不勝翹盼之至等情據此查此案前經令據該縣張前知事議訂規則前來業經本公署七年第二七九〇號指令迅速妥辦具報在案迄今爲日已久尙未遵辦殊屬玩延查永嘉城內近來火患甚多此項銅龍可以補助消防之用自應亟予整頓據函前情合亟令仰該知事迅卽遵照前令妥速辦理勿再視爲具文任意延宕此令

指令永嘉縣知事呈報會議消防善後辦法及會演水龍日期由

七年九月三十日

呈及清單均悉救火會亟須早日成立惟所擬辦法八條尙嫌簡畧應將前發上海救火會章程參酌辦理至洋龍皮帶及救火一切器具亦應趕緊籌款購備事關人民生命財產仰卽認真督率進行毋稍延怠至十月二十日會演水龍之期本道尹當親往觀看藉以考驗一面再由本道尹函致商會竭力籌款進行以期早觀厥成并仰知照此令清單存

指令永嘉縣商會呈報遵議添購洋龍皮帶及一切消防器具情形由

七年十二月七日

查救火會性質係地方集合團體應以地方紳商爲主體在官廳方面惟有提倡於先保護於後不能全賴官廳辦理所以稱之曰會也況本城本有救火機關惟團體小而勢力散亟宜集合各小團體成一大團體俾衆擎易舉所有種種不完備之處可藉衆人之力漸求完備本道尹之宗旨如此來呈所稱似尙誤會仰再集議具覆以憑核奪勿延此令

指令永嘉縣商會呈報集衆議決火政應歸地方官廳辦理情形由 七年十二月七日
查整理火政自以成立救火會爲最要江蘇各縣凡有救火會者莫不由地方紳商籌款組織何能全歸諸官廳本道尹目擊火患之可憐因特爲之提倡誠以一經失火被害者人人有切膚之痛必須預爲整理一切方不至臨時束手乃各紳商竟不諒本道尹一片熱誠惟以推諉爲能事殊屬不知大體深堪浩歎仰該會長等將此意傳知各紳商如果能出衆人之力以成此舉實爲本道尹所深望否則警察局消防隊已經令飭整頓此外惟有聽之而已此令

指令永嘉縣知事呈報議定失慎時拆屋補償屋價辦法由八年二月二十八日
呈摺均悉此事令行數月之久迄今始行呈報該知事玩視火政卽此可見且察閱來
摺僅開籌款一條詞句尙未妥洽至所收之款如何存儲所拆之屋如何賠補均未將
辦法議定殊屬草率從事應將原摺發還仰速修正並將儲款及補償屋價等各辦法
一併詳細妥議連同救火會章程呈候核奪毋再延誤切切此令

致永嘉縣商會飭卽籌擬添購水龍皮帶函

七年十月一日

逕啓者查近來永嘉城內兩次失慎均未能即時撲滅以致被焚者共有百數十戶之
多自係火政不修之故前經本道尹令行永嘉縣知事會同警察局長將消防事宜妥
爲籌畫以備不虞在案現聞永嘉城廂內外水龍器具頗多不齊實不足以濟緩急爲
今之計惟有迅將救火會妥訂章程招集會員推舉會長趕緊成立并添購洋龍皮帶
及一切消防器具一俟各水龍器具添配完全之後由救火會會長督率時常演習藉
資訓練而備不虞務希貴會鼎力提倡籌募款項妥速進行勿稍延誤事關人民生命

財產人人有切己之利害務望切實勸導俾人人激發熱忱共襄盛舉與其被災而損失鉅大之資財何如先事而解些微之蕪穢也

榜示各水龍試演成績分別獎勵由

七年十月二十二日

爲榜示事本月二十日永邑城廂內外各水龍試演射水遠近曾經本道尹親臨監視各執事人均能實事求是踴躍從公具見熱心公益深堪嘉慰惟間有龍雖尙好因附屬品未曾修整以致減色者亦有因器具不全或龍已朽舊以致減色者應再精益求精切實整頓宜修整者速爲修整宜添補者速爲添補務達有備無患之目的並趕緊組織救火聯合會以期聯絡進行本道尹實有厚望焉茲將二十日到場試演各龍評定等次分別獎勵其應行給獎者榜示於後仰各知照須至榜者

禁烟

呈文四件 訓令二件

呈省長齊開送遴定查勘煙苗員名及委查地方清單文

八年四月二十三日

呈爲開單呈報遴定履勘煙苗員名及委查地方仰祈鑒核事本年四月十七日奉

鈞署第六百九十四號訓令內開案查私種煙苗久干禁令現值春令發生之際查察尤宜嚴密雖據各縣循案勘報尙無發見情事但如山鄉僻壤以及沿海島嶼人跡罕到地方偷種較易設或查勘未周致留遺孽關於禁煙大局甚匪淺鮮該道各屬向多私種應由道遴選樸實耐勞熱心任事之人不拘官紳酌委數員於此種植煙苗期內周歷各縣實地履勘隨時具報所需委員薪費應卽由道酌定參照會稽道禁煙督查委員辦法責由各縣於禁煙罰款或準備金項下按月支撥一面嚴飭各知事會督營警并責成各自治委員保衛團總切實查察如有煙苗發現隨時報縣剷除倘有隱匿庇護情形各知事失於覺察一經本省長派員查出定予重咎爲此令仰該道尹卽便遵照辦理仍將遴定員名及委查地方開單具報毋延切切此令等因奉此遵經於官紳中遴選樸實耐勞熱心任事者七人分赴各縣山鄉僻壤及沿海島嶼人跡罕到地方切實履勘業已先後出發所需各該員薪費除咨請會稽道將禁煙督查委員辦法移送過署參照酌擬另行呈報並嚴飭各知事會督營警并責成各自治委員保衛團

切實查察外所有遴定員名及委查地方理合先行開單呈報仰祈 鈞長鑒核施行
謹呈

謹將遴定履勘煙苗員名暨委查地方開具清單呈請鑒核

計開

分道知事賴豐煦 委赴永嘉青田兩縣

分道知事狄紹青 委赴玉環縣

分道知事王寶謙 委赴樂清瑞安兩縣

前永嘉第一區警佐楊中權 委赴平陽泰順兩縣

分道知事李崇儒 委赴縉雲麗水兩縣

本署第二科科員張之炳 委赴宣平松陽遂昌三縣

永嘉紳士李 麟 委赴景寧雲和龍泉慶元四縣

呈省長齊為擬定履勘煙苗委員薪費並擬常設禁煙督查員文 八年四月三十日

呈爲呈報酌擬履勘煙苗委員薪費並擬常設禁煙督查員專查煙土入境各情形仰祈鑒核令遵事竊查前奉 鈞署第六百九十四號訓令派員實地履勘煙苗等因遵經將遴定員名暨委查地點開單呈報在案查此次派出各員專勘各縣煙苗其性質係屬臨時應以二個月爲限一俟履勘竣事卽行裁撤所有各員薪費因人數較多擬參照會稽道禁煙督查員辦法減半發給每員月支薪水四十元公費夫馬費六十元由各縣於禁煙罰款或準備金項下照數攤給至甌屬沿海各縣如永嘉玉環平陽瑞安樂清等常有不法之徒私運煙土入境泰順一縣與閩省毘連青田一縣與甌江一水可通亦不免有煙土入境苟非常設專員分任查察私售私吸等事無從禁絕茲擬劃分三路永嘉青田爲一路玉環樂清爲一路瑞安平陽泰順爲一路每路遴派委員一員仿會稽道辦法名爲禁煙督查委員專司查察販運吸食等事每員月支薪水六十元公費夫馬費六十元仍在各縣禁煙罰款或準備金項下照數攤給倘蒙俯賜照准擬自本年六月一日起遴定委員呈報實行以期早日肅清用副 鈞長鄭重煙禁

之至意所有酌擬履勘煙苗委員薪費並擬常設禁煙督查委員專查煙土入境各緣由是否有當理合備文呈請 鈞長鑒核指令祇遵實爲公便謹呈

呈省長齊酌擬變通禁煙充賞辦法文 八年五月八日

呈爲密呈事竊查甌屬私種煙苗一節自經 道尹 督飭各縣切實查禁後當可肅清惟閩省時有奸徒私運煙土來甌多在永嘉及玉環等縣銷售詭計百出實屬防不勝防訪聞本年土膏價值較上年已跌三倍其私運之多可以想見雖經責令所屬會督軍警嚴密搜查終難禁淨似宜變通充賞辦法方足以鼓勵軍警而收實效查甌屬查禁漏海米石自加重賞金後破獲甚多獨煙土一項搜到者絕鮮究厥原因雖由煙土易於藏匿亦由難得賞金所致蓋煙案充賞辦法須於罰金內提成撥給如果犯罪者於判決後或不肯繳納罰金情願易以監禁或實係無力無從措繳罰金則破案之軍警卽不免灰心現在搜查煙土不及查拿漏米者之踴躍其故實由於是擬請嗣後如有破獲私土者經判決確定之後犯罪之人無力繳納罰金卽在留存之禁煙罰款項下

分別案情輕重酌提若干以充賞金務使各軍警踴躍從事俾可以達禁淨之目的所有酌擬變通禁烟充賞辦法是否有當理合備文呈請 鈞長鑒核俯賜指令祇遵再如蒙允准并請令行高等審判檢察兩廳轉行永嘉地方廳遵照辦理實爲公便謹呈呈省長齊呈報委定禁煙督查員銜名及辦法文 八年六月六日

呈爲呈報遴委常設禁烟督查員銜名暨督查辦法並擬派薪公情形仰祈鑒核事本年五月二十七日奉 鈞署第四一四五號指令職署擬呈履勘烟苗委員薪公數目並擬常設專員查禁烟土請核示由內開據擬此次委勘烟苗各員支給薪公辦法尙無不合應准照辦卽由道分飭所屬照數攤給按月列入禁烟月報冊內送候察銷請設專員一節既據聲明仿會稽道辦法名爲禁煙督查委員應以督察各縣暨各警所辦理煙禁爲主旨與該道委員直任調查者不同仰俟前派履勘各員回道報告後斟酌情形查照會稽道辦法再行分委幹員認真督查仍將委員銜名報查此令等因奉此道尹查此次履勘煙苗委員均已勘畢回道業經將各該員報告情形暨攤給薪公

辦法另文呈報 鈞署察核在案所有禁煙督查員自應分別遴委以專責成茲查有分道知事狄紹青堪以委充永嘉青田兩縣禁煙督查員分道知事賴豐煦堪以委充瑞安平陽泰順三縣禁煙督查員分道知事王寶謙堪以委充玉環樂清兩縣禁煙督查員至每員月支薪水六十元公費夫馬費六十元前經呈報有案總計三員每月需支三百六十元擬以七縣分攤永嘉係一等缺每月於禁煙罰款或準備金項下攤洋八十元瑞安平陽樂清玉環四縣均係二等缺每縣每月於禁煙罰款或準備金項下攤洋五十元泰順青田兩縣係三等缺每縣每月於禁煙罰款或準備金項下攤洋四十元共合洋三百六十元一俟查禁淨絕即行撤銷又各委員督察各縣暨各警所查禁煙土辦法業已查照會嵇道原訂各條酌量擬訂除將遴定各員分別委任外理合繕具辦法清摺備文呈報仰祈 鈞長鑒核施行實爲公便謹呈

訓令永嘉警察局嚴拿私運私售私吸鴉片文

七年一月三十日

案查上年十二月末日爲中英禁煙條約限滿之期所有甌屬辦理一切禁煙事宜早

經令飭各該縣知事呈報禁淨在案現訪聞永嘉境內仍有私運私售私吸情事而尤以私售者爲最堪痛恨地點既極秘密房屋又曲折難尋縱或挨戶調查不免脫逃藏匿以致禁者自禁售者自售其他私運私吸表裏爲奸似此法外逍遙煙禁何日始能淨絕言念及此情實難容當茲千鈞一髮之時稍或疎懈最易貽人口實自非嚴密查拿破獲巢穴不足以淨絕根株除派員密查外爲此令仰該局長即便遵照迅速不動聲色嚴密偵查務獲究辦毋稍寬容仍將遵辦情形密呈核奪毋違切切此令

通令十六縣知事嚴密查禁私種罌粟文

七年十月二十九日

照得甌屬各縣禁煙事宜前據各該知事具報販運種吸一律廓清並出具禁淨總結先後呈送前來早經轉呈 省長鑒核備查在案惟現近冬令深恐貪利愚民於山僻處所乘人跡之所罕至逞其故技私種罌粟若不先事預防一交春令發現煙苗不特各該知事難辭重咎且於交涉前途關係尤大爲此除分行外合亟密令仰該知事趁此罌粟下種之時密派長警分投城鄉偏僻處所認真查禁有犯必懲務絕根株勿稍

疎懈一面於私吸私運等事亦應隨時切實查拿究辦是爲至要仍將辦理情形具報備查切切此令

甌海觀政錄卷三

財政類

財政

呈文四件 指令一件

呈省長齊請准予收取運米照費以充地方公用文 七年十月二十二日

呈爲據情轉呈事案據樂清縣知事狄紹青呈稱據勸學所所長鄭解呈稱樂邑教育經費極形支絀計全邑公私立高小學校及國民學校共一百五十所縣區補助費及私人擔負各捐助費歲入不及二萬金倘不添籌公款微特不能推廣抑且不足維持現狀茲屆第二期義務教育施行之際有籌集教育經費之規定然以今日公私交困籌款實非易事惟邑境產穀頗爲不少擬請仍照歷年呈准成案每米一石帶收照費一角穀一石帶收六分以充地方公用事非創舉民亦樂從籌款之道莫善於此並據士民葉正度洪國垣倪銳徐之騏張武林保城鄭庭輝鄭解施旋吳熙周莊以臨徐恭

懋等呈稱樂清素爲產米之區民間收入全賴米穀出買爲日用之需以故米石出口爲地方所不能絕對禁止歷任知事循本邑紳商之請視年歲之豐歉定出米之多寡給發護照准民請領運銷鄰邑每石收取照費撥作地方公用則於運銷既有限制亦於公款多一收入法良意美人民稱善僉請照舊徵收呈省立案著爲定例各等情先後到署據此查該紳民等所陳各節確係實在情形況是項米照費本出自商民之樂輸以地方之財供地方公用官廳不過代其經收分撥而已行之數年並無流弊理合據情備文呈請仰祈俯賜查照前案准予轉呈以維公益等情據此查運送米糧酌收照費一節前經職署擬定呈奉 鈞署第六一一五號指令以跡近收捐易滋流弊應毋庸議等因遵經分令各縣遵照並布告商民一體知悉在案惟查各縣應辦地方各項公益及慈善事業尙未舉辦者甚多皆由無款所致該項運米照費若准照向例收取在商民頗願輸將而於地方則有益匪淺但使明定限制當不至發生流弊茲既據該知事據情代呈前來 道尹 察核所陳情形尙係實在爲此備文轉呈可否准予酌收

以維公益之處伏候 鈞長鑒核示遵實爲公便謹呈

呈省長齊委勘瑞安縣蟲災田畝附送圖冊請予蠲免文 八年一月十一日

呈爲遵令委勘瑞安縣蟲災田畝附呈圖冊仰祈鑒核事上年十二月二十三日准財政廳咨開案據瑞安縣知事沈巖呈報勘明東鄉二都至十二都暨南鄉十六都北鄉二十六都實在蟲蝕被災田畝數目請派員覆勘等情據此除令委趙麟馳赴該縣會勘並令縣知照外咨請查照派員會勘等由嗣於十二月二十八日奉 鈞長第一二四一八號指令據瑞安縣呈勘明東南北鄉各都田禾被蟲成災頃畝數目請委覆勘由奉令內開呈悉辦理災歉例有定限該縣本年東南北鄉各都田禾旣因被蟲成災早應依限勘明頃畝分數繪圖造冊呈報現在節逾大雪甫據呈請委勘又無圖冊同送辦事殊屬玩誤本應嚴予懲處姑念該員到任未久從寬酌記大過一次以示薄懲除註冊外仰甌海道道尹迅卽派員會縣覆勘照例核實呈核毋稍舛延此令等因奉此查是案前據該縣知事呈報到道卽經派委分道知事夏日璈先往會勘繪具圖冊

呈覆在卷准奉前因又經令行該縣並委分道知事賴豐煦會同委員趙麟復往會勘去後茲據該委員等會同該縣知事聯銜呈稱竊委員等奉委後會同知事攜帶圖冊赴鄉按都周歷履勘並由自治委員及隨地耆農指導僉稱七年各都被災田禾實因夏間忽遭淫雨迨後秋陽亢烈熱氣鬱蘊以致發生不可思議之蝨蟲鄉民素有所見雖經設法驅除而隨補隨萎竟至無可設施工本虛擲秋收已絕環請蠲免以恤災黎等語委員等實地勘驗瞻彼田疇一望無收委係災情十分殊堪憐憫當此庫藏匱乏支出浩繁民力固宜並顧國課尤在兼籌查此案前由鈞尹令委夏知事曰璈先行來瑞會勘其鄉農原報被災田畝共計三萬九千畝左右復經一再核實釐剔實在全無收成僅田八千二百六十一畝四分八釐已將被災情形繪具圖說呈由鈞尹核轉在案此次委員等會同覆勘後委係遵令核實釐剔並無絲毫浮混無可再減應請俯准照章蠲免以紓民困而恤農艱除應造圖冊先已呈送鈞尹核轉並請准予重造一面由知事嚴遵照 部頒表式詳細填列另文呈送外合將會勘瑞邑災田情形聯銜呈

報仰祈鈞尹鑒核指令飭遵實爲公便等情前來 道尹復查該縣東南北鄉各都田禾
上年夏秋之交發生蝨蟲雖經迭令該縣知事設法驅除補種究因隨補隨萎無可挽
回前經派委夏知事日璈會勘按照各鄉農民原報被災田畝共計三萬九千畝左右
詳加履勘一再釐別實計顆粒無收田畝共有八千二百六十一畝四分八釐核與此
次該委員等會同復勘釐別畝數俱相符合實屬減無可減第值此庫帑奇絀支出浩
繁之際國課固爲要着民力亦應並顧再四籌維似不能不請蠲免以舒民困除咨覆
財政廳並將圖冊留道一份備查外理合檢同圖冊備文呈請 鈞長察核施行謹呈
呈省長齊轉送各縣七年度印花稅報告表並考核成績文 八年十月二日
呈爲轉送各縣改造七年度印花稅報告表並遵令考核成績列表請賜察核事案奉
鈞署第四四三三號指令 職署轉送永嘉等縣七年下半年印花稅報告表及松陽
縣七年全年清冊由內開來表並不填明原定派銷額數無憑考核應仰轉飭各該縣
知事另造呈送由該道尹彙列總表並核明成績分別加具考語呈候轉咨可也此令

等因並發還表冊到道奉此遵經分行各縣迅卽自七年七月起至八年六月止按月改造報告表各二份送候彙核去後茲據永嘉等十六縣將改造七年度印花稅報告表按月填送齊全先後呈請核轉前來道尹查各該縣七年度實銷數依照定額分別核比惟青田一縣短不及成辦理最著成績龍泉計僅短一成以上遂昌計僅短二成以上辦理頗見起色亦屬不無成績次則宣平計短四成以上縉雲松陽計各短五成以上永嘉麗水雲和計各短六成以上比較固難免虧絀辦理均尙能認真其餘樂清玉環景寧計各短七成以上瑞安平陽泰順慶元計各短八成以上或據稱商務稀微或聲明地方偏僻經道尹一再考察各該縣推銷困難情形尙屬實在雖係相差較鉅究非辦理不力除遵令核加考語彙列總表外理合檢同永嘉等十六縣所送改造七年度全年印花稅報告表具文呈請鈞長察核施行再是項各縣派銷數本係定爲年額故此次卽就全年度各月實銷數彙總核比擬嗣後每年度考核一次隨表彙送合併陳明謹呈

呈省長齊呈覆前第六區警備隊梅統帶曾借縣款發給餉銀應令清還文 八年十二

月六日

呈爲呈覆事本年十二月一日奉 鈞署備字第一九八號訓令內開案據警備司令部總稽查梅占魁呈稱本年十一月十八日奉鈞署第一八二號訓令內開案據永嘉縣知事景崧呈稱竊知事承接張前知事濂前在永嘉任內交代查有本年七月十八日奉甌海道尹飭開駐柵溪警備隊第六營六月份應領之餉迄今未發該營屢次催領無着梅統帶赴省未回據陳副官面稱該營最關緊急必須設法籌墊洋一千八百元軍心方可安定查事關欠餉現又正值多事自非先予籌墊不可飭卽照籌轉交給發等因下縣奉經張前知事卽於徵存解省正稅項下籌墊銀一千八百元呈解核收轉給在案迄未奉發歸墊張前知事奉文交卸所有地方公款應付已罄無從別籌挪墊現於交册列抵欠解省稅惟案未報明款尙虛懸知事未敢擅專收抵伏查奉飭籌墊餉銀係屬注重軍餉保障地方起見既經列入交代又未便懸而無着此項墊款擬

請暫於省稅項下列抵俾交案可以會算結報等情到署除以呈悉查該區應領本年六月份薪餉業於六月三十日發交華孚銀行給領在案該卸任統帶梅占魁欠發第六營餉項一千八百元既係由縣籌墊仰候令飭迅速清還以重公款所請暫在省稅項下列抵未便照准併仰知照等語指令印發外合行令仰該總稽查迅速籌還歸墊以重公款切切此令等因奉此伏查警備隊第六區本年六月份應發薪餉業經總稽查前在第六區統帶任內如數發給清楚並無向永嘉縣挪借地方公款情事奉令前因理合據實聲覆伏乞鑒核等情到署查此案前據永嘉縣知事呈請前來即經指令并令飭該總稽查迅速清還在案據呈前情合行令仰該道尹查明具覆候奪此令等因奉此 道尹遵查本年夏間永嘉縣罷市風潮甚烈其時梅前統帶適晉省未回而該區第四營餉銀又延未給發深恐軍心搖動益足以擾害地方該部副官及軍法官又均來署商請設法 職署適無公款可以墊撥不得已由道函令永嘉縣知事籌墊銀一千八百元函中並言明款係墊撥統部第四營餉銀迨永嘉縣知事將款交到適梅前

統帶由省回溫卽將該款面交並說明款向縣署暫借請其速發此事永嘉各機關人員無一不知卽梅前統帶當時亦明知向縣暫借今其呈覆 鈞長文內謂六月份應發第六區薪餉早已如數發給清楚試問當時餉果發清道尹又何必令縣借款該區副官軍法官又何以屢來請求設法當時苟無縣署借款餉銀何能發清道尹因顧全大局起見代爲設法該前統帶因該款非直接向縣挪移遂於事後推諉殊不可解奉令前因理合據實呈覆仰祈 鈞長鑒核俯賜令飭該前統帶迅速清還實爲公便謹呈

指令永嘉縣知事呈請解釋清理沙塗專章由 七年十月二十三日

呈及抄件均悉查專章第四條內載凡屬官產範圍者均由專辦員一律處分之是明明專指官產而言若非官產當然不在專辦員範圍處分之列育嬰堂塗田是公產非官產性質辨明自易解決惟既據聲明分呈應仍候 省長暨官產處令遵抄件存此令

甌海觀政錄卷三

司法類

司法

電呈一件 公函五件 訓令二十件 指令二十三件 代電二件

布告二件 函三件 白話文一件

代電

督軍楊
省長齊

爲碼頭積匪兇暴可否歸戒嚴司令部辦理文

七年十二月十三日

督軍
省長

鈞鑒查永嘉東北門外沿江一帶爲來往溫甬各輪船停泊之地痞窟集兇橫

暴戾目無法紀凡送貨至輪船者往往爲若輩所敲詐前日有藤椅舖學徒送貨至船因索詐不遂竟被著名地痞王德標用刀割去該學徒左耳一只當經道尹訪聞立即捐俸懸賞洋四十元限令警局嚴拿現已獲到似此兇惡之徒苟非予以嚴懲不足以寒匪膽查上海輪船碼頭前因積匪甚多擾害行旅由警察廳呈准淞滬護軍使署凡拿獲碼頭積匪解歸軍法懲治今之王德標事同一律擬請援照上海成案不交法庭

訊辦歸戒嚴司令部辦理判決後將該匪鎖示犯事地方三日俾餘黨知所儆戒道尹
為除暴安良起見用特電呈是否可行伏候指令祇遵除呈
省長 督軍 外謹呈

公函水警第三區區長陳請飭第十隊水警及護商警察緝拏拐匪文
七年二月十九日

逕啓者查甌屬濱海與閩省毗連每遇船舶開閩時有拐匪畧誘幼孩出境販賣情事
此種不法行爲尤以平陽爲最多業經敝署通令所屬從嚴拏究並布告在案查平陽
縣境駐有貴區所轄之第十隊水警爲此函達請煩貴區長查照轉令第十隊隊長及
護商警察一體緝拏究辦以遏拐風無任公感

公函水警第三區區長陳轉令各水警隊如能查得被拐幼孩并獲拐匪每案賞洋二
十元文
七年五月十一日

逕啟者查甌屬瀕海與閩省毗連時有拐匪於永嘉玉環樂清平陽等縣略誘幼孩赴
閩販賣情事言之實堪痛恨前經敝署通令所屬嚴密查拿並函請貴區長飭屬協助
在案茲擬以後各水警隊及護商水巡等如有能將被拐幼孩連同拐匪一併查獲者

由敝道尹每案賞洋二十元以酬其勞爲此函達請煩貴區長查照轉令所屬一體知照實級公誼

公函永嘉地方檢察廳檢察長徐爲楊計氏被警察戴昌等輪姦請爲究辦文 七年七月二十六日

月二十六日

逕啟者日前訪聞永嘉大南門外日新寺第四區警察分所內因案看守之楊計氏被看守警察戴昌邱得勝陳得標朱瑞花等四人輪流強姦等情當經訪查屬實並據該氏聲稱因無錢買狀是以未赴貴廳告訴現在該氏來署請求究辦查此案事關警察強姦婦女實屬不法已極該氏既願告訴除令永嘉警察局剋日將該革警戴昌等四人拘獲另送外相應備函將該氏送請貴廳預審依法究辦再本日訪聞膺符鎮附近之魚經豆地方有瘋人殺斃三命等情並希飭查究辦實級公誼

公函永嘉地方檢察廳檢察長徐查辦王寶琛侵吞廟產情形文 七年八月二日

逕覆者頃准貴廳第三〇〇號公函內開案據永嘉民人王寶琛狀訴郭鍾崧誣指侵

吞廟產請求調取簿據行使偵查依法訴辨等情前來據此查此案既前經郭鍾崧稟請貴公署查辦在案相應函請將當日查辦情形詳細見覆并請將該案卷宗連同簿據等件一併函送過廳以憑核辦至緝公誼等因准此查舊郡廟原有公產爲數不貲該王寶琛自前清充當司事經管至今已十六年之久近聞其歷年將收入款項任意侵吞朦混報銷地民因其有訟棍伎倆莫敢告發繳署當以該項廟產既係地方公產豈容個人侵占因特囑其來署面詢各項產業底冊及歷年收支簿據該司事承認完全存在卽令其一併交出以憑察核清理該司事亦承認照繳因卽派人同往取回詎僅交無關緊要之舊簿數本第二次派人往催又僅交無關緊要之舊簿十餘本第三次派員前往勸導令其將近年收支簿據及房屋基地塗田等底冊交出竟一味推諉措不肯交一若該項廟產爲其個人私有之產非官廳所能清理者其侵占情形實已畢露本應立送貴廳訊明起訴處以應得之罪姑念年已垂老倘將一切簿據盡數交出並將侵占款項據實陳明尙可曲予成全因特飭縣傳案反覆開導後暫行取保

出外檢繳簿據在案詎保出後迭次由縣傳催仍僅交零星賬簿數十本其於廟產底冊及民國以來收支簿據非但指不交出反肆其訟棍伎倆竟赴貴廳誣告郭鍾崧誣指侵占廟產等情希圖抵制實屬膽玩已極查郭鍾崧來呈僅條陳整頓廟產辦法並未指明王寶琛之侵占廟產原呈具在豈容捏造該司事不自知其有犯罪行爲竟欲以欺瞞官廳之手段陷人於罪其居心險惡尤堪痛恨查該司事管理廟產已有十六年則此十六年之中所有各項收支賬目應有完全簿冊據摺可稽否則報銷憑何造冊況其繳縣之前清宣統三年起至民國六年止之報銷冊皆係民國六年十二月所造如謂各賬已經遺失則豈有七年以前之各賬皆能保存至今而忽然遺失之理且經管公產者可以七年前之收支至七年後而始報銷乎其爲有侵占行爲者一歷年支付款項斷不至一無收據及發票今既無收據發票可以交出復將已經承認完全存在之各項收支簿據指勒不交則其歷年報銷縣署之清冊顯非實在不問可知其爲有侵占行爲者二至郡廟既有房屋基地及塗田等各項產業其坐落何處間數若

于畝分若干租額若干租戶何人逐年均有詳細底冊方可據以收租今竟無一冊交出即其餘收支必備之簿據亦種種不全顯係藏匿不交其爲有侵占行爲者三又查其所交民國六七兩年之流水簿內所記丁巳年各項付出之款綜計不過百餘元何以報銷至三百數十元之巨且流水簿由民國六七兩年開支均自清明節起而其報銷冊上則元旦日即有各項開支又如流水簿內有收進罪童之款報銷冊上並未列有此項收入即此支出之簿據種種不符已足證明其確有侵占之事實至其收入之有無隱匿因該司事將簿據指匿不交無從查核准函前因相應函覆並附送原卷一宗由縣呈繳之報銷冊七本該司事所繳簿據六十二本租札二十八紙請煩貴廳查核並追繳隱匿簿據訊明實情依法起訴治以應得之罪爲侵吞公款者戒實緝公誼

公函水警第三區區長盧嚴拿拐犯文

七年十月十八日

逕啟者案查甌屬沿海各縣時有拐匪誘拐小孩至閩粵上海等處販賣情事言之實堪痛恨曾經 敝道尹擬定如有能破獲拐匪及被拐幼孩者每案由 敝道尹捐俸給賞

洋二十元於本年五月間函請貴區查照轉飭所屬一體查拿在案近查各縣拐風仍未少戢小孩被拐仍時有所聞而以平陽及永嘉東門爲尤甚似此大傷人道主義之事亟應嚴密查拿不得絲毫輕縱除通令所屬切實查拿嚴辦外合再函達請煩貴區長查照 敝署第五十五號公函迅卽轉飭第九第十及十一隊各隊長督率水警認真查緝以遏拐風至級公誼

通令

十六縣知事
永嘉警察局

各縣移緝命盜兇犯彼此均須實力輔助文

七年二月七日

照得各縣知事及地方警察局所對於鄰邑命盜案內之逃犯均有協緝之責任果能彼此實刀輔助則破獲不難不獨使被害者得以伸冤卽犯法者亦無從倖免乃訪聞近來所屬各縣遇有鄰縣指明逃犯隱匿處所咨請協緝案件往往視爲具文擱置不理以致兇犯倖逃法網益無忌憚殊於治安前途大有妨礙本道尹下車伊始既有所聞亟應責成所屬實力輔助以除兇暴而安善良除分行外合行令仰該局局長查照嗣後遇有鄰縣咨請協緝案件立即督飭長警認真偵緝務獲解究毋稍延縱仍將遵辦

情形隨時具報備查切切此令

訓令泰順縣知事會同瑞安縣知事嚴緝命案各兇犯文

七年三月二十一日

案據泰順民人毛聖瞻等呈以上年冤遭瑞邑五十四都著匪潘宗貽等糾黨殺傷搶擄一案宗貽宗舖二犯雖已訊明判決惟蘇友山林世昌等迄尙漏網爲此叩請飭縣嚴拏等情前來據此查此案於上年七月間據毛聖瞻等呈訴到道卽經前道尹訓令該知事認真嚴緝並將辦理情形具覆在案迄今未據覆到該知事所司何事而竟玩延至此茲據前情除批示外合亟檢發副呈一件令仰該知事迅卽會同瑞安縣知事督飭長警將是案各逸犯緝獲究辦毋稍延縱致干未便仍將辦理情形具報候核切切此令

訓令龍泉縣知事嚴禁發掘古墓文

七年四月四日

查盜掘墳墓律有專條如敢故犯在所必究茲經訪聞該縣地方有一種奸民以古墓中埋有磁器希圖獲利到處發掘暴露骸骨可慘已極實屬罪無可逭合亟令仰知事

迅將此等不法奸民嚴密訪拿依法懲辦務絕惡俗並出示永垂嚴禁仍將辦理情形隨時具報候核切切此令

訓令永嘉警察局查拏販賣人口文

七年四月十三日

案查販賣人口法律具有專條拐騙小孩道德盡喪茲訪聞甌俗每屆舊曆三月各鄉鎮廟宇神誕演戲各處男女攜帶幼孩趨之若鶩該拐販等趁此時機拐騙幼孩由靈根狀元橋等處俟閩船開放約期停泊搭船販赴閩省售賣等情言之實堪痛恨爲此令仰該局長查照轉飭所屬一體嚴密查拿該拐販等立爲懲辦毋稍寬縱如有能拿獲拐匪并被拐小孩者本道尹立予破格獎勵倘或縱令拐匪橫行不予拿辦亦當轉請嚴懲切切此令

訓令玉環縣知事將陳細治家被盜案內所獲各犯嚴訊律辦文

七年四月十七日

案據玉環商民陳細治呈爲盜匪搶劫傷人斃命祈勒令嚴拏正兇追贓法辦以雪黑冤等情前來據此查該縣出此重大案件何以該知事尙未將勘驗情形詳細具報殊

區治報 卷之二
屬玩忽已極茲據前情除批示外合亟檢發副呈一件令仰該知事將所獲林阿得柳子回二名嚴行訊問如果確係是案盜犯卽照懲治盜匪法從速判決一面會督營警務將盜首及在逃各犯尅日緝獲盡法懲治毋得延縱致干咎戾仍將辦理情形具報候核切切此令

訓令樂清縣知事查拿煙賭各犯從嚴懲辦文 七年四月十七日

照得吸食鴉片及聚衆賭博均爲法律所不容況煙禁已經限滿豈容再有違犯本道尹下車伊始卽行飭屬從嚴查禁在案茲訪聞該縣境內仍有不法之徒私設密室邀人吸煙聚賭實屬膽玩已極若非嚴行拿辦不足以儆將來爲此令仰該知事於文到後卽行出示曉諭一面督率長警嚴密查拿一經拿獲務卽盡法懲辦不准徇情輕縱如違定惟該知事是問仍將遵辦情形具報備查切切此令

訓令縉雲縣知事密拿積棍朱鳳元朱鳳崗盡法懲治文 七年四月二十七日

茲訪得該縣西鄉河陽庄著名積棍朱鳳元朱鳳崗均以賭博爲業私開賭局掛設花

會黨羽衆多無所不爲且與官廳警役多通聲氣前清時曾經官兵拿獲半途被劫逃去民國後迭經歷任知事懸賞緝拿終未就獲上年冬間在西鄉夏家坂掛設花會近又聚集黨夥專趕戲場該積棍等膂力頗強並常身懷利刃以備拒捕似此情形實屬不法已極若任逍遙漏網何以伸法紀而靖地方爲此令仰該知事迅卽會督營警將朱鳳元朱鳳崗設法偵緝務獲拘案盡法懲治以除民害切切此令

訓令分道知事袁家聲前往平陽會同倪視察員查拿煙賭各犯文

七年五月三日

茲訪得平陽城鄉各處不肖棍徒私售燈喫開場聚賭毫無顧忌實爲地方巨害且有警察衛隊等私索陋規代爲庇護尤屬不成事體爲此密令該委員卽便會同警務處倪視察員前往該縣按照另單所開訪查確實指名拿交該縣知事盡法懲治如在公人員查有吸煙嫌疑應卽帶同來道聽候調驗毋稍延縱切切此令

訓令永嘉瑞安平陽樂清玉環各縣知事如有能破獲拐匪及被拐幼孩者每案給賞

洋二十元文

七年五月十一日

查甌屬沿海各縣往往有拐匪畧誘幼孩至閩省販賣情事前經本道尹訓令各該知事從嚴查拏在案該知事等亟應特別注意嗣後各縣警探人等如有能破獲拐匪及被拐小孩者本道尹每案給賞洋二十元其所獲拐匪一經訊明務須按照刑律所定最重主刑判結以寒匪膽而安居民仰卽遵照辦理切切此令

訓令松陽縣知事密拿煙賭犯盡法懲治文

七年五月二十四日

案查吸煙聚賭各事前經本公署通令所屬從嚴拿辦在案茲訪聞該縣東門金鐘廟邊之何康與城北黃頭坑亭之周火寶每假託售菸葉爲名常年由上海溫州各處私運煙土到松以圖營利又南門之潘啓明係著名賭棍每賭一次輸贏約數百元之巨其賭博之用具均以尋常之物品代之現已以賭興家仍每日召集賭徒從事賭博等情如果屬實殊爲不法已極爲此密令該知事仰卽不動聲色嚴密查拿盡法懲治毋稍寬縱仍將辦理情形密報候核切切此令

通令十六縣知事造送司法案件單表文

七年六月三日

案查各縣知事兼理司法往往對於民刑訴訟案件並不依限審結任意延擱以致人民來道呈控者不一而足本道尹有監督司法之責亟應由縣按月將民刑訴訟各案分別已結未結摘由彙總填表送道以憑稽核現查甌屬各縣按月造送此項單表者僅雲和一縣其餘各縣均未造送無從核其成績除分行外合行令仰該知事自本年一月份起將前項單表補送到道候核毋稍疏漏切切此令

訓令永嘉警察局立拘罪犯戴昌等送廳究辦文 七年七月二十六日

照得永邑第四區警察分所內有因案拘留之楊計氏被看守警察戴昌邱得勝陳得標朱連花等輪流強姦事後該區警佐僅將戴昌等四人斥革了事實屬輕縱現經本道尹派員查明事屬實在並據楊計氏來署請求究辦除將該氏送永嘉地方檢察廳預審外合亟令仰該局長立即嚴飭第四區警佐將犯罪人戴昌邱得勝陳得標朱連花等四人限三日內一併拘獲送廳歸案訊究毋得延縱干咎切切此令

訓令十五縣知事檢驗命案須格外鄭重文 七年八月十六日

查辦理命案於檢驗屍體一事最宜注意檢驗確實再加以偵查手續其裁判之結果自然可得公平檢驗不實則裁判已無根據勢必至非縱卽枉此中關係甚爲重大凡兼理司法之縣知事宜如何慎之又慎以期無愧於心乃近來所屬各縣呈報命案核其所驗情形每多可疑之點卽如遂昌縣呈報相驗王孫氏一案其屍體上既有傷痕咽喉繩痕八字交兩手微握合面兩腠脈俱縮不直而屍格內認爲自縊身死此等檢驗自不能遽認爲確實業已將疑點指示在案蓋命案中如自縊與被勒及因傷因毒身死者檢驗本非易事苟非鄭重從事卽無以明其實在現在中國於法醫學旣未講求必須於平時將洗冤錄研究明白遇案又必親自檢驗務求詳細方可得其真相萬不可僅憑檢驗吏之主張草率填格致成冤案本道尹有監督司法之責旣經發見遂昌驗案有可疑之點深恐各縣於檢驗命案或亦不免草率爲此除分令外合亟令仰該知事知照須知旣兼司法之責務視人命爲至重失入則無以對生者失出又無以慰死者嗣後遇有命案於檢驗一事宜格外注意毋稍疏忽是爲至要此令

訓令永嘉瑞安平陽樂清玉環各縣知事及永嘉警察局嚴拿拐犯文 七年十月十八日

案查甌屬沿海各縣時有拐匪畧誘幼孩拐至閩粵上海等處販賣情事迭經令飭該

知事局長查拿嚴辦並經本道尹捐俸懸賞凡能破獲拐匪及被拐小孩者每案給洋二十

元曾於第三二二號訓令飭知在案乃近查各縣拐風仍未少戢小孩被拐亦時有所

聞平陽及永嘉之東門爲尤其該 知事局長均未破獲一案足見並未認真辦理此種大傷

人道主義之事亟應嚴密查拿豈可絲毫輕縱爲此再行通令仰該 知事局長迅卽遵照前

今令飭切實查拿究報毋再視爲具文致干未便切切此令

訓令永嘉警察局限緝東門外馬頭地痞文 七年十二月八日

照得永嘉東門外輪船碼頭爲往來甌甬間各輪船停泊之所地方官廳亟應常川保

護以便行旅茲訪聞近有不法地痞結隊潛伏碼頭每於旅客運送行李物件時藉端

索詐並聞本月二日旁晚有某店學徒肩送籐椅至永甯輪船將近碼頭該地痞等因

索詐不遂竟敢恣意兇毆甚至殘毀該學徒之左耳全部肉血淋漓慘不忍睹似此兇

暴不法實與匪徒無異若不嚴拿重辦尙復成何事體爲此責令該局長嚴限警探於
文到十日內拿獲兇犯解送法庭盡法懲治並於新馬衙地方多派崗警隨時梭巡一
面多貼布告懸賞如能拿獲兇犯者由本道尹賞洋四十元事關除暴安良毋得稍有
延縱本道尹將於此覘該局長緝捕之能力焉仍將遵辦情形先行呈覆切切此令

訓令青田縣知事會督營警緝拿兇犯文 七年十二月二十三日

案據青田縣林錦棠呈以積匪林亞庚等糾衆殺斃葉金妹一案已逾數月兇逸屍滅
懇請咨調軍隊協警緝拿等情前來據此查此案關係重大該縣張前知事當時並未
具報殊屬玩忽據訴前情除批示外合亟檢發副呈一件令仰該知事即便會督營警
趕緊購線嚴緝務獲兇犯按律訊辦並將該案情形補報備查切切此令

訓令永嘉縣知事嚴拿竊毀電線匪徒文 八年二月二十七日

本月二十五日准電報局咨陳內開竊於本月十八日夜電線忽而斷阻當派工丁星
夜馳往查修至二十二日下午二點鐘始克接通據該工丁回稱距永嘉縣城一百四

十三里陳坎坑地方電桿自五百八十五號至五百九十二號止電桿被匪全行折毀電綫悉數竊去當此軍務吃緊之際往來官商各電刻不容緩該匪徒竟敢屢次竊毀桿綫實屬膽大已極且此次毀竊桿綫如此之多又延擱三四日之久實屬不成事體前曾屢次函請永嘉縣等處嚴查究緝至今未破獲一案以致該匪等放膽毀竊肆無忌憚除仍函請永嘉縣警察局趕速緝究外用特咨陳貴道尹懇卽轉飭永嘉縣警察局迅速責令城警鄉警嚴緝務獲究辦以維電政等因到署除函覆該局暨分令永嘉

縣知事
警察局長

外查電報爲交通要政豈容匪徒任意竊毀前經該局報告後當卽令行在

案乃事隔多日仍未將竊匪拿獲以致匪膽愈張合再令仰該

知事
局長

卽便督飭長警從

速將竊毀桿線匪徒嚴密偵緝務獲究辦毋稍延縱干咎切切此令

訓令水警第三區區長認真查究拐賣情事文 八年三月十四日

照得永嘉城廂拐賣童孩之事時有所聞迭經本道尹通令所屬嚴行拿辦並酌定獎賞各在案茲查被拐小孩多由閩船收買出海該項船隻大都停泊靈崑地方每年往

來三四次視爲一種營業該處鄉警劣紳均有規費代爲庇護其拐匪出沒之所以東門一帶爲尤甚此等行爲實屬不法已極亟應嚴拿律辦爲此令仰該區長分飭隊警於靈崑東門等處加意巡查遇有閩船出海尤須認真盤查如有拐賣情事立即拿送究辦毋得疏縱切切此令

訓令青田縣知事嚴緝命案兇犯文

八年六月三十日

案查該縣民人林錦棠呈訴林亞庚殺斃工人葉金妹一案前經令飭該縣補報情形旋於一月五日據呈捐俸懸賞嚴限緝捕等情當經指令務獲究報各在案此案情節何等重大至今半年之久尙未據報獲犯平日捕務廢弛已可概見現聞人言藉藉疑竇愈多合亟令仰該知事勒限將兇犯林阿根趕緊獲案訊明按律嚴辦案關人命勿再稽延致干未便切切此令

訓令水警第三區區長查拿護船海賊文

八年十二月三十一日

本年十二月二十九日據瑞安縣知事沈嚴呈稱本年十二月二十四日據屬縣十一

都東山上埠漁夫王上坤等狀稱竊民等同地十人分居二船合小本在山島經營漁販詎知歷盡風霜備嘗艱苦民等於古曆十月二十七日申牌同泊南甍平社山面突見李姓護商船中跳來海賊十多人手執刀鎗炮藥蜂擁民等二船不問巨細生理隨即起旋揚帆將船夥王阿六李阿桃張上珍陳式郎阿通五人併船艙內銀錢柴米衣服等件均同時滔滔牽去民等五人適在岸頭買貨未遭危險但聞呼天籲地民等莫可如何當時向該護商李姓是問竟伊一味推言無奈星夜雇船逃回伏思水面生涯風波何等險惡該匪膽敢白日劫財害命橫行海上叩請迅飭並咨會緝拿等情前來據此除咨請協拿外理合呈請俯賜通緝嚴拿務獲解縣究辦等情據此李姓之船既名護商船中竟皆海賊尙復成何事體究竟李姓何名船係何號所報情節是否確實該縣呈報含糊除已嚴令申斥限期查明呈覆並一面會督營警嚴拿外合亟令仰該區長迅即確切查明分飭嚴緝並於文到五日內先將查明情形呈覆勿稍片延切切此令

指令樂清縣知事呈報檢驗鄭劉氏屍身並送格結由 七年二月二日

呈及格結均悉已死鄭劉氏之咽喉既係頭髮圍繞至左耳後齊入髮際並無繩痕則其如何身死疑點尙多何能遽認爲自縊且此案情節離奇檢驗時自應將該屍周身驗明方足以昭實在乃竟因屍母劉葉氏之請求僅驗上身事關人命豈容疏忽至此仰速偵查實情一面傳集人證質明究辦毋稍延縱是爲至要仍候 省長暨高等廳令遵此令格結存

指令瑞安縣知事呈報勘驗陳卜監身死情形並送格結由 七年五月十七日

呈及格結均悉此次陳卜監等所挑之鹽是否私鹽尙難證實且據蔡王言之子所報情形該鹽販等並無拒捕情事何至遽爾開鎗究竟督銷局之咨文與蔡王言之子所報情形何以不相符合事關命案仰該知事詳細查訊秉公辦理毋稍枉縱切切此令格結存

指令縉雲縣知事呈報警備隊緝拿積棍朱鳳元情形由 七年六月十日

呈悉該知事既知朱鳳元係著名痞棍慣設花會賭博且奉通緝有案平時並不設法緝拿經本公署訪聞之後密令偵緝猶不知親率長警會同警隊嚴拿僅以一咨了事以致警隊人數過少兵士受傷已獲之犯仍被劫回該知事玩忽至此深堪痛恨茲限文到後十日內務將朱鳳元等拿獲究辦具報候核如再玩延定卽呈請議處勿謂言之不預也切切再呈首仍未遵令叙明奉文日期殊屬疏忽特斥此令

指令平陽縣知事呈覆辦理鄭世寶具訴拐案情形由

七年七月二日

呈悉案關拐賣鄭世寶既於上年十一月二十七日具狀告訴如果該知事立即派警查拘當不至逃避無踪乃當時既不實施急速處分直至十二月一日始飭法警查辦無怪貽人口實仰尅日會同瑞安縣選派幹警將被拐人及拐犯一併追獲訊辦具報毋得再行延誤切切此令

指令縉雲縣知事補報勘驗客民鄭景茂在途被劫斃命並送格結由

七年七月二十

二日

呈及格結均悉案情如此重大該知事當時勘驗後既經分呈獨不呈報本署僅於緝捕盜匪成績月報表內摘敘事由實屬荒謬現距出事期間已有五十餘日尙未將兇犯緝獲尤見捕務廢弛仰速勒限長警加緊偵緝務獲究辦毋再因循玩忽切切此令
格結存

指令永嘉警察局呈報陳樹有持刀殺死三人情形由 七年八月一日

呈悉案情似此重大該第四區警佐錢匡一於當時出事後竟置若罔聞不卽呈報直至本道尹訪聞其事函請檢察廳查辦後始行補報情形藉以塞責其平日之玩忽職務卽此可見仰該局長嚴飭該警佐嗣後務宜加勉毋得仍前玩忽是爲至要此令

指令縉雲縣知事補報相驗周潘氏身死情形並送格結由 七年八月二十八日

呈及格結均悉察閱屍格周潘氏上身既受傷多處則兩腿以下究竟受傷若干處自應一併驗明以昭實在何得因屍屬請求遽准免驗至格結內均填委係生前受傷後縊身死並不填明是否自縊尤屬含糊案關人命似此玩忽深堪痛恨現在原卷雖已

呈送高等分廳然究竟周潘氏所受之傷何人加害並是否自縊應迅速查明緝究辦毋得一再疏誤致干咎戾切切此令格結存

指令平陽縣知事呈覆辦理池步安訴莊阿久誘賣伊女一案情形由七年十一月五日呈悉查新刑律第一百八十二條第二項之規定應否免除其刑其權仍操之審判官此案池步安任意誣告雖經自白然該知事既認爲情節可惡未便免除自應量予懲戒以儆其餘仰卽依法辦理可也此令

指令永嘉警察局呈報奉緝兇犯業已就獲祈核示由七年十二月十八日

呈及供單抄件均悉查此案發生時該管警區倘能立時嚴捕自易獲案乃既不卽予捕拿又不速報總局以致該犯王得標得以遠颺豈非形同讐贖平日之辦事顛預尤可想見實堪痛恨仰該局長嚴予申戒茲既據呈稱於限期內將該犯緝獲所有出力之員警及土民由本道尹賞洋四十元發交該局長分別給領具報備查至獲案之王得標周有維二犯仰暫嚴密拘留候再飭遵此令供單抄件存

指令麗水縣知事造送民刑訴訟各表由 七年十二月二十三日

呈表均悉該縣民刑訴訟案件積至近二百起之多殊屬不成事體須知一案未結卽
訴訟當事人一家不安其人證多者甚至拖累無窮撫心自問何以對民仰速督同承
審員排定日期趕緊訊結毋再任意積壓致干咎戾切切此令表存

指令麗水縣知事呈爲擬具取締狀師辦法由 八年一月十日

呈悉查各項訟棍播弄是非教唆纏訟人民受害無窮言之實堪痛恨該知事所擬辦
法自係爲澄清訟源起見惟既據分呈仍候 省長暨高等廳指令祇遵此令

指令遂昌縣知事呈覆黃鈴等訴張肇文侵吞倉穀及洋款由 八年一月二十九日

呈及抄件均悉人民因個人權利爭執以致涉訟凡可以和解者自應勸令和解藉息
爭端至經手公款有侵蝕情事者亟應從嚴追究無和解之可言此中界限必須分明
不容誤會現在該案旣因牽涉多人歸入司法範圍應卽秉公訊結分別執行以重公
款仰卽知照此令抄件存

指令縉雲縣知事呈報路亭傾倒壓斃人命情形由 八年五月二十八日

呈悉查路亭距離警所僅有里許既經欵側危險可知該警佐事前漫無覺察致任坍塌壓斃人民殊屬形同曠該知事擬爲請獎未免是非倒置所請應毋庸議仰卽轉飭該警佐嗣後對於職守應加注意仍候 省長暨高等廳高檢分廳指令祇遵此令

指令宣平縣知事呈報邱李氏毆死邱金處命案由 八年五月三十日

呈及書結均悉查繼母虐待子女最堪痛恨此次邱李氏竟將幼女邱金處加害致死尤爲法所不容仰該知事迅速研訊詳情按律嚴辦毋稍延縱切切此令書結存

指令平陽縣知事呈覆訊辦水警查獲被拐女孩暨窩家蕭林氏等一案情形由 八年六月十一日

呈悉查賣買人口實爲法所不容此案該女孩究竟是否由其父葉碎媿賣與閩人僅據法警報告未可憑信至葉阿株是否卽葉碎媿之胞兄非葉碎媿到案質明亦難認爲真實且此次受賣女孩之陳阿闊既係閩人其意圖營利情節顯然若不從嚴澈究

何以遏拐賣之風仰該知事再行飭傳葉碎媿及各人證到案研訊明確依法辦理具報候核不得含糊了事切切此令

指令緝雲縣知事呈報相驗樊王氏樊百興自盡身死情形由 八年七月九日

呈及書圖均悉樊百興投水原因究竟與警察有無關係仰再悉心研訊勿枉勿縱樊王氏母族藉屍滋鬧殊屬不合樊王氏與樊趙氏迭次口角原因是否樊獻滿教唆均仰訊明依法辦理仍候 省長暨高等兩廳指令此令附件存

指令松陽縣知事呈報相驗張有林闕劉氏命案情形由 八年七月九日

呈結驗斷說明書均悉案已相驗兩月有餘張有林致死原因尙未訊明進行殊屬延緩仰速傳集一千人證詳細研訊並切實偵察務得傷害張有林之正犯及匿不報驗各情由依法嚴辦至闕劉氏身死原因雖經該知事驗明出於自縊究竟張開林等有無嚇詐情事亦應研求明確期無枉縱均勿再事稽延又此案既係四月二十一日勘驗何以遲至兩月有餘始行呈報仰先將遲緩原因具覆候核仍候 省長及高等兩

廳令遵此令書結均存

指令樂清縣知事呈報逃脫監犯趙從南請令通緝由 八年七月十六日

呈單均悉重要監犯無端脫逃該管獄員所司何事脫逃兩日以後始行呈報尤屬荒謬該知事平日並不督飭嚴加防範疏忽之咎亦屬難辭除分令所屬一體協緝外仰仍加派幹警分途偵緝務獲究辦毋得延縱仍候 省長暨高等檢察廳令遵此令單存

指令樂清縣知事呈報脫逃監犯王春桂等二十六名請通緝由 八年八月十五日

呈悉已逃監犯王春桂等同時動手將看守張祖銘劉炳金看役陳步昇李發王定華監犯蔣聲高等六人用繩索綑縛用破衣兜包首口並毀斷鐵鎖手持菜刀柴斧毆傷崗警強奪鎗械如此舉動斷非臨時起意該管獄員事前毫無覺察實屬疏忽已極仰速咨飭營警迅將王春桂等二十六名限日緝獲並候通令各屬一監協緝仍候 省長暨高等兩廳令遵此令

區
指令樂清縣知事呈報相驗陳奇有何掌發兩名被鹽警鎗傷身死由 八年八月十九日
呈及書結均悉查已死陳奇有何掌發兩名所受鎗彈均係由背後射入核與該場知
事函報抗拒情形不符究竟陳奇有等船內曾否裝有私鹽當時鹽警因何遽爾開鎗
該知事於勘驗之初均未查明殊屬疏忽仰即偵查實情並傳集人證悉心研訊依法
辦理勿稍枉縱仍候 省長及高等廳令遵此令書結存

指令雲和縣知事呈送檢驗李成均妻官氏驗斷書由 八年九月二十五日

呈及驗斷書均悉李官氏身上既有拳傷及脚踢傷數處且係兩手拳握情節可疑來
書認爲自縊身死究竟因何自縊並是否縊在該處樹上有無懸挂痕迹可驗該屍何
人放下均未據詳晰呈明殊屬疏忽又查李楊氏供其姑官氏頸間有繩痕一道驗斷
書內則謂咽喉有布捲痕一道究竟用繩縊死抑用布捲縊死亦應研訊明白案關人
命豈容草率從事仰該知事尅日偵查實在情形並取具吏結呈覆核奪仍候 省長
暨審檢廳令遵此令驗斷書存

指令青田縣知事造送民刑訴訟各表由

八年十月二日

該縣積案素多察閱來表新收者多訊結者少似此積壓何日得以清理須知一紙入官不卽批出及批准出票又聽其自然不作速審之計未幾又屆停忙以致准而不審審而不結者甚多在官廳視爲無關考成動不經意而人民一身一家之計關於此者甚大能視民事如己事自無此種弊病仰該知事此後於人民遞狀時加以注意或親自收受其理由不充分或毫無理由者分別勸令息訟或駁斥勿任健訟者長圖准不圖審之風若刑事則尤重在起初驗勘驗勘確切則不易翻供狡賴而斷結自易至開庭審訊時仍須善爲勸導使知訟則終凶之理人性本善亦未有全不動心者我盡一分心民受無窮福願該知事好自爲之一面將積案趕緊審結免致拖累是爲至要此令表存

指令瑞安縣知事呈覆朱頌秀訴朱鳳弟等搶案情形由

八年十月三十日

呈悉朱鳳弟既率衆六七十人搶劫九家何以該知事並不往勘被搶各家是何姓名

來呈亦未叙明案關搗搶辦理似此疏忽殊屬糊塗仰速將被害各家詳細勘明開單補報一面勒限長警嚴緝各犯務獲究報毋再疏縱切切此令

代電樂清縣知事准將私種煙苗者之房屋暫行發封並沒收土地文 八年四月二十

五日

樂清縣唐知事覽敬代電悉該犯吳康餘等現既畏罪逃逸應准將其住屋暫行發封至發現煙苗之地土按照刑律自可沒收一面仍嚴緝逸犯並再會督營警認真搜拔勿稍疏懈切切道尹黃有印

代電永嘉警察局查拿私開棺柩文 八年六月三十日

永嘉警察局局長覽據稽查員報稱聞說楠溪東江廊下上路埕隄門地方有不法人等從台州來至該處私開棺木將人頭負去經人知覺各處搜尋多有其事現未葬棺木家家派人看守等情據此合亟電仰該局長立即分飭嚴查如果確有其事務即剋日拿犯送辦其能拿獲首犯者並由本道尹賞洋三十元以示鼓勵切勿延縱道尹黃

卅印

布告嚴禁賭博文 七年一月二十九日

照得賭博之罪刑律定有專條誠以此種惡習貽害社會不可勝言故爲國法所不容人民所宜戒茲訪聞本城及外縣時有不法之徒私設密室聚衆賭博實屬藐法已極深堪痛恨除分令所屬縣警一體嚴密查拿究辦外合行布告仰聞屬人民一體知悉自示之後爾等須各安分守己切勿自投法網倘敢故違一經查出或被告發法律具在斷難寬宥其各凜遵毋違特此布告

布告防止棍徒藉端索詐文 七年四月十七日

爲布告事照得本道尹蒞任以來對於地方風俗習慣有妨害道德不顧公益之事迭經出示勸誡原欲以挽回薄俗維持公安本地商民馴良安分者實居多數本道尹不憚苦口煩言蓋亦有則改之無則加勉之意乃訪聞有不法棍徒藉本署之禁令攀誣無辜遇事生風愚民無知但求息事寧人若輩益復得計肆無忌憚似此行爲實屬不

法已極非予嚴辦不足以遏刁奸而安良善除令行警局嚴密訪拏外爲此布告商民人等一體知悉如遇有希圖索詐棍徒藉端擾累立即扭解就近警區訊明懲辦萬勿甘受其愚致長刁風爾等亦須安分生業如有違犯禁令本道尹亦必依法究辦不予寬貸特此布告

致十六縣知事寄發勸勿械鬪白話文通函

七年十一月十八日

逕啓者自來爲政之要端在息事寧人古聖人見囚而泣加罪於既教之民猶且不忍況在不教而誅乎且訟則終凶易垂炯戒愚氓知識謏陋往往因一朝之忿負氣而涉訟公庭彼好訟者固亦有之而事後尋思悔之無及者必居多數又查各縣中間有械鬪情事尤屬野蠻舉動有干法紀推原其故皆不知利害所致特由弟演成白話勸戒文俾愚氓易閱易解以爲息事寧人之導線茲寄上若干份即希廣爲分布以便周知是所至禱並見示辦理情形爲盼

致十五縣知事函

七年十二月二十七日

逕啟者查各屬縣表報民刑訴訟案件其隨時訊結者固多而延宕積壓者亦尙不少縣知事兼理司法爲人民生命財產所關不僅辦理貽誤者有負職司卽裁斷稽遲者亦滋拖累凡屬民事訴訟往往因一時之氣忿未必有固結不解之冤仇必經官判斷而始息者故凡可以和解者須立時勸令和解以息爭端其實在不能和解者應卽切實調查或親爲履勘隨時斷結以免拖累嘗有輕微民事一經涉訟或有人從中唆使問官但探不干涉主義旣不得雙方和解復不能及早結清往往有因細故相爭因不能得直忿無可洩致尋仇不已釀成重大刑事者知事爲親民之官第一審尤關緊要果能盡心盡職一經秉公訊結原被心服自免枝節橫生閭里卽可相安無事至於刑事案件微罪不起訴本檢察之職權縣知事職兼檢察亦可行使若良家婦女犯罪情節輕微不妨從寬免予檢舉原有部令可以遵行惟命盜案件重罪攸關最當注意凡遇殺傷案件發生須迅速驗明確實鑑定驗官必調查實情研究洗冤錄及錄中所附成案或其他鑑定方法不可但憑現時檢驗吏之填報務須詳細推求如有錯誤卽令

更正勘驗處所凡有關犯罪形跡詳細載明有關犯罪證物立時搜索緊要證人迅卽傳訊取具供結證據確鑿自免冤誣遇有強盜案件發生須迅緝正犯起獲真贓毋令事過多時經上官一再督促始逮捕一二嫌疑人邊報獲犯以圖塞責須知盜犯於搶劫後無不遠颺其經過多時始行拘獲到案者非證據確實未可遽認爲正犯如以嫌疑入爲真犯而又不速予審理卽不免拖累無辜若復處以重刑微獨不能令人心服卽返躬自問亦豈能無疚於心其他刑事案件在第一審易得真相如調查詳實縱令當事人有所不服上訴至第二審時自可根據第一審所調查之事實認定爲緊要證據倘第一審未能調查確切至第二審時始行文再查往往證據已多湮滅票傳要證或又避不到庭其到庭者倘受一方運動陳述卽未必的真故案件在第一審審理中實爲人民生命財產之最要關鍵至有誣告以及教唆等事尤須嚴予律辦以儆刁風而清訟源現在各屬縣知事均屬端人當此民情困苦之時正好同心拯救惟審理民刑各案尙不能一律隨時辦結慶淵不敏有監督之職責不得不忠告我同寅須知一

案未了不獨一家不安卽當事人之戚族鄰朋亦均爲之連帶至案中人之拖累更不言可知且第一審稍欠公平勢必至於上訴道路修阻歲月稽延其艱難困苦尤有不可勝言者知事果能有負責之心小民卽可受無窮之福萬姓之生存懸於當官之一念慶淵願與諸君共勉之

覆樂清縣知事唐函 八年八月十日

棟清仁兄大人閣下函悉地方有事首宜嚴防監獄前次永嘉罷市弟首先知照檢廳慎防監犯數日之內監中不准進出二人故得安然無事此次派警外出正在詔誅紛起之時自當先行布置完備何竟派遣一空至城內空虛又被監犯探知何不愼密乃爾至收封之時更應謹慎據函述情形尙非十分迫切何竟不及防範似尤不免疏忽且監犯應有鐐銬何至逃去二十餘名之多逃犯大半是何罪名已獲者及將來續獲者如有本係重罪不妨呈請省峯鎗斃一二以昭炯戒現應速將詳情呈報以憑通令緝拿至要至要

再者聞緝私營開鎗擊斃二人傷一人究竟是否私鹽如何起釁並聞鎗子由背後射入如果確實則並非拒捕可知事關人命檢驗時務須注意據實填報勿稍徇隱爲要館頭公渡聞風大卽不開該船較民渡爲大民渡能開公渡斷無不能開之理該船夫等何竟偷懶至此望囑董事嚴加督察隨時據實具報船大不能靠住碼頭亦一難事望商之董事等一妥善辦法爲要

勸勿打官司白話文

我到你們這裏來已經差不多一年了查查各縣知事衙門裏同了這裏的審判廳檢察廳覺得你們這裏的人打官司是很不怕的不管爲了什麼事情或是爲了幾畝田或是爲了幾吊錢或是爲了同人家鬥氣就請人做了一張狀紙到衙門裏去告狀你們心上想起來去告了狀就可以佔便宜了你們真是不明白哩打官司有一邊贏就有一邊輸你們兩邊想起來總算是自己有理打了官司就可以出你們這口氣的這是你們鬧了氣沒有細細的想想所以總算自己不差要曉得那做官的坐在那裏心

裏明白得很看了你們的狀紙就曉得是那一邊差了差的就要輸了等到官斷下來沒有理的總要輸的你們要曉得官司打輸了氣倒沒有出面子上更加不好看還要化去許多錢我先講給你們聽聽打官司的冤枉錢真是化得不少哩買一張狀紙先要化幾百文請人做一張稟單那是要幾百文幾千文更加說不定了若是狀子送到衙門裏去不能發批准這錢就白白化了就算是批准的那錢就更加要多化了因爲批准了你們的狀紙就要派人來傳你們去審那種傳票是要錢的路遠的幾百文還是不發等到你們到衙門裏去候審路近的還好路遠的還要船錢到了城裏來還要客棧錢飯錢若是一案裏的人有一個沒有到案不能發開審還要一天一天的等候況且你們爲了錢財打官司的等到批准了不管你們後來是輸是贏先要你們交一宗錢叫什麼訟費最少也要差不多一塊錢那多的就幾十塊幾百塊論不定了你們想想看要打官司不是先要預備本錢麼等到審過了你們要曉得那一邊怎麼樣告你們的你們要去抄他的稟來看看又要費許多錢有一百個字就要一百多文錢有

一千個字不就要一千多文錢麼等到斷結了衙門裏拿這個判斷的法子寫了送給你們叫做什麼判決書又是要錢的譬如你們交保出去那保結紙也是要錢的你們或是自己具一張結那一張結紙也是要錢的你們實在有要緊的事情不能彀去審就要說明不能彀去的緣故那一張說明的紙也是要錢的要錢的事情多得很哩我一時也說不完了并且不管什麼紙除了買紙的錢還要貼上印花那印花起碼就是一角錢多的就要幾塊錢買了一張紙還要請人寫寫一張就要一張的寫錢你們想想看有的時候總共爲了幾塊洋錢的事情打起官司來反要化掉幾十塊幾百塊人家產業不多的就要賣去了田地房屋去打官司弄到後來就可以破你們的家等到自己的田地房屋一齊賣完了官司還沒有打了到了那個時候你們一定是還不肯歇手有心一不做二不休去向人家借錢來做打官司的本錢若是仍舊打不贏那債到已經欠上了若是還債還不出人家又要告你們了不是你們又要喫官司了麼不是一件官司弄成功兩件了麼你們想想看你們打官司本來爲了爭幾個錢那裏曉

得錢還沒有爭到自己原有的田地房屋倒賣掉了又背上了一身的債那不是比不
打官司喫的虧還要大到幾十倍幾百倍麼你們想起來值得不值得呢所以就官
司打贏的也已經很不合算了若是打輸的那喫的虧更加說不盡話不完了所以我
勸你們千萬不要打官司有這種打官司的錢還不如拿來做些慈善事情散給些窮
人人家倒還感激你們上天也還保佑你們拿去打了官司不但化了許多錢還拖累
到衙門裏常常去審種田的種不成田做工的做不成工這真是犯不着哩你們必須
要明明白白細細的想一想纔好況且我現在說的還沒有說到上控這一層哩若是
你們要去上控那更加喫虧喫得大了因爲上控就要到地方審判廳去或是到高等
審判廳去這兩個廳就不在你們家裏的近邊了路遠的隔了幾百里或是一二千里
路了種種要化的錢還是要化又加了路遠一切的路費客棧費不是更加多了麼況
且就是上控也不一定能夠打贏輸的還是要輸不獨是錢還要化得多并且人還要
喫許多的辛苦今天審一次明天審一次不曉得要審到那一天纔能夠了結況且你

們上控了一些得不到便宜還不是白白的上控白白的多化錢白白的多喫辛苦麼若是你們得到了一些便宜那一面喫了一些虧他們那裏就肯罷休不是也就要去上控麼你們也上控他們也上控大家上控上控到那一天纔歇手呢弄到後來大家喫虧沒有一個得便宜的這不是更加犯不着麼還有一層你們不可以不曉得的那些替你們經手打官司的人沒有一個不要在中間騙你們錢的譬如一張狀紙實在不過幾百文錢他就騙你們要幾塊洋錢抄寫費實在也不過要幾百文或一塊洋錢他們也可以騙你們要幾塊錢還要騙你們說衙門裏另外要化了錢纔可以抄得到你們上了他的當恐怕最少也要被他騙去幾塊或十幾塊洋錢了實在抄寫不過幾個抄寫費並不要你另外走路子化錢的等到打了官司像這種樣想你們錢的人很多的可以騙你們錢的法子也是很多的你們不懂現在的規矩應該用的錢已經要化得不少了再加上了一班壞人想出種種法子來騙你們你們的錢經不得幾次就都要送光了你們想想看可惜不可惜呢我看你們打官司的人有些還不是自己一

定要打因爲有許多壞人勸你們打官司騙你們說這個官司一定可以贏的我一定幫你的忙你們聽了他的話算他是一個好人真心幫忙你們不要不明白天下沒有好人勸人打官司的那些勸你們打官司的人都是要騙你們錢的人你們官司打成功了他就可以在中間靠了你們用你們的錢喫你們的飯有的還要說替你們到衙門裏去走脚路問你們要錢說是有人同某官有交情的有錢送去可以打贏官司的或是書記承發吏司法警察各處用幾個錢就可以同你們說些好話你們的官司就可以贏了這種都是騙你們錢的你們萬萬不要上他的當因爲衙門裏的官是不會要錢的官斷你們的官司是要看你們有理沒有理定你們輸贏的那書記承發吏司法警察都是有薪水工食的他們都是規規矩矩的人不會來要你們錢的就算有一二個不規矩的人要你們的錢你們也不要送去送他們因爲他們這些人都是一些沒有權柄的你們送了錢他們不能殼替你們說好話的你們不送錢他們也不能殼替你們說壞話的就是說了官也不會聽他們話的所以你們化錢是沒有用的白白化

的不獨是白化弄得不好官曉得了還要辦你們行賄的罪那就變成犯了刑事要坐監牢了我已經查過了凡是送錢給官廳裏的人最多要坐到三年的監牢或是罰六百塊洋錢你們想想看一件官司還沒有打好又生出了一件來坐了監牢送去的錢還是收不回來種種的喫虧冤枉不冤枉呢況且你們沒有理的就化了錢也是不會打贏官司的這個都是那些騙錢的騙你們你們不要去上他們的當還有這些壞人對了你們就說你們有理你們的官司一定會打贏的等到他跑到那邊去他又說那邊的官司有理那邊可以打贏的他兩邊亂說兩邊騙錢你們兩邊的人真是可憐睡在夢裏頭受他的騙送錢給他們等到你們兩邊的錢都用完了他就不來管你們了因爲他沒有好處可想了你們喫了大大的虧他倒在中間快活佔了大大的便宜所以來勸你們打官司的人決不是好人你們千萬不要去相信他弄到後來懊悔也來不及這種人很多的不可以不防備他嘴上邊像蜜一樣的甜他心裏頭却像蛇一樣的毒你們碰到這樣的人必須要避開他纔好況且你們辛辛苦苦種田的種田做生

意的做生意掙來幾個錢也是很不容易的平常時候拿錢看得怎樣的重到了打起官司來就錢不當錢用我替你們想想實在犯不着拿這好好的錢這樣的用法你們拿錢去送給了挑簪你們打官司的惡人反弄到自己家裏的爺娘老婆兒子窮得要命喫也不穀穿也不穀心裏頭弄得來常常不安逸連你們的親戚朋友你們已經死了的祖宗都替你們不安心我替你們想想好好的日子不要過好好的人家不要做去做這種活人死人都不安心的事情不是天下第一等的笨人麼你們自己想想看上這樣的大當喫這樣的大虧打贏官司爭來的錢還抵不穀化掉的錢那打輸官司的他喫的虧更加不消說得了一定是像海一樣的深了不過你們還要說我是有理的不會輸的我勸你們想想天下打官司的人那一個不想自己是合理的自己是不會輸的呢天下那有自己想了沒有理要打輸的還去同人家打的道理呢兩邊都是想打贏的都是想自己有理的弄到後來總有一邊輸的弄得不好還可以兩邊都輸哩你們不要不相信我經過得多了兩邊都打輸官司的事情也多得很哩所以你們

自己想的有理是靠不住的總還是不打的好還有一種人喜歡打官司的看見了不論什麼事情同他自己一些不相干的也要高興出頭軋在裏頭自己算是有能幹去同人家打官司弄到後來白白的化去了錢不獨自己喫了虧人家還要怪你們多事還要落一個健訟的壞名聲那更是不合算了就算自己沒有化錢去軋在裏頭究竟有什麼好處呢講起道理來看見人家要打官司就應該勸人家不要打纔是一個好人若是看見人家要打官司不去勸開已經不算是一個熱心的人了若是還要去多事軋在裏頭那真是一個訟棍了做訟棍的人還可以算是一個好人麼不獨是不能殼算好人并且官曉得了也是要辦的所以同自己不相干的事情斷斷乎不可以去管他的我上邊所說還是爲了不明白道理打官司的還不犯什麼法若有誣告人家冤枉人家或是詐騙人家的或是硬要吞沒人家的或是串出人來做假見證的那就變成了有罪的刑事犯了我講給你們聽聽誣告人家同做假見證的最多要坐到十年的監牢詐騙人家的錢財同侵吞人家的財產最多也要坐到五年的監牢你們

想想看起初是很小的事情因爲想了法子要想害人家倒反弄到自己喫官司坐監牢了倒反弄到自己喫這樣的大虧了官司要輸的仍舊要輸還要受監牢裏說不完話不盡的苦你們想想看值得不值得呢冤枉不冤枉呢還有一種人同了自己的弟兄叔伯爲了爭奪田地錢財打官司的那更加不應該了伯叔是同自己的父親差不多的弟兄自古說的譬如手足你們曉得麼爲什麼兄弟叫手足呢因爲弟兄是大家相連的哥哥喫了虧弟弟沒有便宜弟弟喫了虧哥哥也沒有便宜譬如手受了傷脚就覺得不便當脚受了傷手也覺得不舒服你靠他他靠你大家分不開的所以叫做手足況且古人說得好家道和萬事興家不和外人欺人家看見你們弟兄不和氣那些壞人就要來挑撥你們了我還記得一件古典講給你們聽聽從前有一個老年人有十五個兒子他臨死的時候叫他十五個兒子一同到他睡的牀面前對他的十五個兒子說道我有十五枝箭在這裏你們大家來試試看拿這十五枝箭一同替我折斷他那十五個弟兄一個人也沒有本事去折斷這些箭那個老年人又叫他十五個

兒子拿這十五枝箭分開來一枝一枝的折斷那裏曉得這些箭分開了就容易折得很一枝一枝都折斷了那老年人就對他十五個兒子說道你們十五個弟兄就像這十五枝箭大家一心一意不分開來人家就不能殺來傷你們欺你們了若是各人各生一條心分散開來就容易被人欺侮了你們想想看做弟兄的應該怎樣的和氣怎樣的親近怎麼可以爲了幾個錢就翻轉面孔打起官司來呢你們想想看你們的爺娘沒有死的時候看待你們弟兄這樣的喜歡等到你們的爺娘死了沒有多少天你們就同冤家一樣你們的爺娘死在地下心裏頭安逸不安逸呢就是你們自己摸摸自己的良心覺得對得住你們的爺娘還是對不住呢況且你們的田產錢財都是你們的爺娘傳給你們的你們的爺娘因爲喜歡你們拿辛辛苦苦掙來的田地錢財傳給你們反弄到你們因爲有了這些田地錢財打起官司來好好的弟兄變成了冤家倒不如不傳給你們的好了你們想起來你們的爺娘覺得冤枉不冤枉呢我勸你們可以想開些大家讓一些就少得了一些譬如你們的爺娘少傳了一些給你們或

是你們多了一個弟兄多了一個人分了去你們也只能穀分得這一些大家肯這樣一心想就平了就情願喫些虧了就不會打起官司來了你們要曉得不肯體諒爺娘的心就叫不孝弟兄不肯退讓一些就叫不悌不孝不悌就不可以算是一個人所以你們同了他人已經不可以打官司同自己家裏的人更加不可以打官司了我常常做這種白話文苦苦的勸你們你們總要聽我的好話自然會有便宜的決不會上當的你們去想想若是這種打官司的事情不是一件極壞的事情我爲什麼要這樣費了心做這種白話文還要化了錢去印來送你們呢都是望你們大家聽了我的話自己可以不喫虧大家做好人你們看見這種白話文的人要大家勸勸我勸你你勸他識字的人看了去勸勸不識字的人一個勸十個十個勸一百個以後打官司的事情自然會慢慢的少了你們大家安安分分做好人種田的種田做工的做工做生意的做生意你們溫州同了處州做成功一個風俗極好的地方你們就不辜負我一片的熱心我也就很喜歡你們這裏的好百姓了

甌海觀政錄卷四目錄

司法類

郵獄

呈文二件 函呈二件 指令一件

募捐啓一件 附碑記二件

訴願類

訴願

決定書十三件 呈文附辨明書六件

防務類

防務

呈文四件 咨文一件 公函一件

批一件 函一件

學務類

學務

呈文二件 電呈二件 訓令一件

訓詞八件 告誡詞一件

實業類

農業

訓令五件 指令八件 布告一件

甌海觀政錄卷四

司法類

郵獄

呈文二件 函呈二件 指令一件 代電一件 批一件 函五件

募捐啓一件 附碑記二件

呈省長齊重建永嘉監獄看守所房屋圖樣及捐款銜名清摺文 七年十一月一日

呈爲呈報集捐修築永嘉縣監獄暨看守所房屋繪具圖樣並捐款收支清摺仰祈鑒核事竊維獄舍之良窳關係罪犯之生命近來各處都設有模範監獄所以恤刑餘而重衛生也永嘉本爲甌括總匯之區設立高等審檢分廳後舊溫處兩屬上訴案件尤羣集於此判決人犯卽暫禁於永嘉監獄上訴待判者卽留於永嘉看守所兩處羈押人數常各有二三百人而屋舍僅十餘楹且均失修已久勢將傾圮看守所爲舊永嘉縣署班房尤卑濕無狀肩背摩擊擁擠不堪穢濁薰蒸空氣窒塞每至夏秋之交往往

發生疫癘染傳極速死亡相繼道尹曾親往履視目擊情形諺所謂地獄變相者殆不逾此不爲設法改良不特防護難周亦乖人道主義顧建築之費所需甚鉅公儲奇絀無款可籌忍焉置之意良不忍爰卽捐俸五百元以爲之倡一面募集捐款相度基址繪圖估價擴充改建永嘉地方檢察長徐繼騏首先捐助銀三百元並准高等檢察廳撥款銀二百元永嘉警察局提撥罰款銀一百元在甌政法各界暨各縣知事亦羣相贊助集有成數乃招匠投標照最低價格於本年五月間先後開工監獄委永嘉管獄員項式邦督工看守所卽由地方檢察長徐繼騏督工現已一律落成新建監獄房屋有女監事務所警鐘樓病室浴室閘室廁所行刑場等共計樓平房大小三十七間工料銀二千五十二元看守所房屋添築高大圍牆及事務所看守所樓病室廁所等共計樓平房大小十六間工料銀二千三百元工竣之後道尹復親往勘驗工料均尙堅實所有捐集之款以看守所爲各屬上訴人拘留之地故凡由各縣知事捐廉或經募者悉歸諸該所其餘則兩處分撥收支相抵先以不敷尙鉅經道尹於本年八月間呈奉

鈞長核准將胡萬盛漏海米案內罰款銀四百餘元儘數撥補現在前項捐款又陸續增收足敷開支米案罰款擬另案呈請移撥育嬰堂建築之用所有改建永嘉監獄看守所房屋落成緣由理合繪具圖樣連同捐款收支清摺備文呈請 鈞長察核備案實爲公便謹呈

呈省長齊請撥公款修建永嘉女看守所文 八年十二月三十一日

呈爲呈報集捐修築永嘉女看守所房屋繪具圖樣並估價細賬仰祈鑒核事竊查永嘉監獄暨看守所上年因年久失修房屋既將傾圮地勢尤極低窪曾經 道尹倡議捐俸並在甌各機關及各縣知事公同捐資改建曾於七年十一月一日專文呈報並奉令分別獎勵在案查該監獄及看守所自改建以後一切設施均各完善是以本年夏秋之交溫州城廂各處發生瘟疫該監獄及看守所內人犯毫無傳染是改建之成效於此可見茲准永嘉地方檢察廳公函開逕啟者敝廳看守所上年承道尹倡捐新建之後防範衛生均甚便利感荷仁施固非僅押犯已也茲以女羈押室尙係因陋就簡

病室亦未特設復承道尹關念許予籌捐添建力求完備仰見維持獄政之至意感佩
莫名爰擬就所內右邊原有女室舊址新建女羈押室病室各二間診室一間男女看
守住室各一間女浴室一間中心築牆一綫以資隔別業已飭工估計實需工料共洋
六百五十三元卽日開工興建期早觀成用副盛意相應連同圖式及估定工料細賬
承攬字各一份函請察核施行等因准此除分函上年未曾捐資修建監獄及看守所
之各縣知事酌量捐助外其餘不敷銀一百七十三元可否准予在職署餘存充公米
款項下如數撥補之處出自 鈞裁除冊報漏海米案時指定於何案米款項下撥給
外據函前情理合檢同原送圖樣一份估價細賬一本各縣知事捐款清摺一扣備文
呈報仰祈 鈞長鑒核令遵再此次捐資各縣知事可否仍照上年成案分別酌予獎
勵之處並乞 鑒核施行實爲公便謹呈

函呈督軍盧

八年十二月十六日

督軍鈞座敬稟者竊查溫州軍械分局有存儲舊軍衣一千四百件內四百件已經破

爛不堪其餘一千件稍加修補尙屬可用 查永嘉監獄內罪犯共有三百餘人半皆衣不蔽體冬令雖由官廳給予棉衣春夏遂多裸體竊思軍械分局所存舊軍衣似無他用且存局已久任令堆積不久亦卽破爛擬請撥交永嘉監獄改作罪囚蔽體之用期滿出獄由管獄員收回不准帶出免滋流弊似亦廢物利用之道是否可行 慶瀾不敢擅專謹肅函稟伏乞 核示遵行

函呈督軍盧 九年一月二日

督軍鈞座敬肅者竊前因温州軍械分局存有舊軍衣可否撥交永嘉監獄作罪囚蔽體之用曾函呈 鑒核在案頃准軍需科函稱轉奉 鈞座飭温州軍械分局撥交舊軍衣四百件等因奉此仰見泣罪仁心無微不至捧讀之下鼓舞莫名遵卽轉飭永嘉地方廳管獄員具領去後茲據該管獄員呈稱奉發舊軍衣四百件業經具領惟有衣無褲仍欠完全等因竊思前次函呈四百件原擬兼衣褲而言茲奉發舊軍衣四百件則餘存之舊軍褲四百件仍係無用特此復懇 鈞座可否將四百件舊軍褲一併發

交該監獄以宏仁德是否有當 不敢擅專伏乞 鑒核施行

指令玉環縣知事呈爲補送修理監獄圖說及預算表由 八年六月十七日

呈及圖表均悉按照圖樣修理費用不必一千五百餘元之多試觀永嘉新建之監獄看守所即可斷定且舊料亦應作價抵補何以表內並未聲明又監獄內應有獨居暗室一間至三間以備監犯中不知改過者之用仰再另行規畫切實復估繪圖列表報候核轉此令圖表姑存

代電永嘉縣知事處置監獄病犯文 七年一月十四日

永嘉縣鄭知事覽元日代電已悉該監獄內既有傳染病發生應由該知事迅速督同管獄員按照傳染病預防條例實施清潔及消毒方法以弭疫患毋稍疎忽至獄中輕罪病犯令取保後仍送醫院醫治其重罪病犯如有殷實舖保亦可送醫院醫治否則另設病舍督同醫官妥爲診視以免疎虞仍候 省長暨高檢廳指令遵行道尹黃寒

印

批鄭培祥等爲虧累過巨求免扣工費由 七年十一月六日

該匠等承造永嘉監獄房屋前經令行永嘉縣知事蒞驗據覆女監浴池號房等處工程以基地縮小並未照圖建築從寬扣除工價洋四十元並經指令照准在案所請免扣工價應毋庸議至稱尅扣工費一節如果確有證據着逕向法庭起訴可也此批

致瑞安等十五縣知事函 七年三月十九日

逕啟者查永嘉地方看守所本溫處兩屬人犯羈押總所各縣上訴人犯悉寄拘於此人數恒逾二百而屋舍祇有十椽且卑濕朽陋以致拘留人犯肩背相摩極形擁擠空氣窒塞疾病叢生暑濕交乘傳染尤易目下已發生疫氣因而斃命者已有五六人將來入夏以後天氣炎熱疫癘更甚勢必死亡相繼自非趕緊改築屋舍斷不足以爲先事之防去春成立之時本係權宜草創欲期持久自待擴充奈際此庫儲奇絀之時竟無公款可撥若再因循如舊殊非所以惜民命而重衛生乃不得已而爲此集腋成裘之舉茲由弟捐俸五百元並商由地方檢察廳長慨允捐俸三百元以爲之倡竊思善

與人同時不我若執事熱心公益必能慷慨贊成並希作登高之呼冀積沙而成塔如蒙金諾尙望迅賜玉音俾便卽日興工曷勝企禱之至

致永嘉地方檢察廳檢察長徐函

七年四月八日

谷虛仁兄大人閣下逕啟者查永嘉地方看守所爲溫處十六縣拘犯寄留之所人多屋少腐敗不堪以致前月天氣稍熱已發見疫氣一經入夏濕熱蒸蒸勢更不堪設想自非改良擴充不足以重生命惟現在公家難於籌款擬爲募款改建承閣下慨助三百元弟當先捐五百元如將來實在不敷弟或再捐若干以成茲事現已由弟通函各屬知事勸募本城各機關亦經由弟隨時募集惟貴廳原估之看守所工料一切須費二千八百餘元實恐無此財力擬請尊處設法酌減先就腐敗之處剋日動工早成一日拘犯卽少受一日之苦惟看守所隸屬於高檢廳弟不過爲拘犯可憐起見越俎代籌似仍應報明高檢廳方合手續請由執事酌奪可也

致高等檢察廳檢察長陶函

七年四月十三日

叔惠仁兄大人閣下逕啟者查永嘉地方看守所本屬草創且腐敗不堪房屋既少押犯又多前日天氣稍熱已有疫氣非擴充改造殊與罪犯生命有關當此財政困難公家無款可籌不得已倡率僚屬釀捐集事現已得二千餘元就看守所先行興工已由永地廳正式呈報在案惟監獄更不如看守所亦急須改造今款尙不敷仍在勸募總擬達到目的事屬貴廳主政除令永嘉縣知事正式呈請核示外特再專函奉聞務希先賜示覆俾便尅日進行爲禱

致十六縣知事通函

七年五月三十一日

逕啟者查曩例夏令監犯應按名發給草蓆蒲扇以禦溽暑民國以來踵行不廢俾監犯稍減薰蒸之炎熱亦可藉輕疫癘之叢生惟查從前往往往虛行故事或所給蓆扇不敷所用其故都由委權獄卒不復過問所致務望閣下稍加注意監犯之受惠當不淺也再監犯中如有疾疫發見希卽詳示疾病情狀以便照寄藥品是亦恤刑餘而重衛生之道也

致 樂清 麗水 雲和 松陽 青田 景寧 龍泉

七縣知事函 八年十一月十八日

逕啟者永嘉看守所為甌海十六屬拘留未決犯之所原有房屋狹小破壞低窪潮濕以致拘留人犯患病者極多病斃者亦時有所聞夫犯罪而死死於法因拘留所房屋之不良而死則死於人 弟 目擊心傷去年曾倡捐鉅款將男看守所重行修造房屋既見軒爽地基亦見增高自經改造雖本年夏秋之交疫症流行而所內人犯竟無一人被染者此實改良之效果也惟男所雖加修葺而女所仍是破漏置之不理未免偏枯依樣重修無此財力國帑既未敢動用地方又無可騰挪 弟 再三籌畫欲求此仁愛之舉不能不作將伯之呼況去歲捐款均由各同寅量力解囊多者百元少亦三五十元不等事後經 弟 呈請 省長酌記大功一次前例可援後事自易爰特專函代為呼籲務希執事慷慨樂助多寡原不拘數集腋自可成裘功成之後 弟 當仍照前呈省請獎既得榮名復結善果豈不美哉函到十日內務望見覆至為盼禱

添造永嘉監獄看守所募捐啟 七年三月

夫見罪而泣斯人應有同心好善爲懷監犯豈容歧視憶自民國改元新政迭舉早有模範監獄之制原所以恤刑餘而昭曠典也永嘉爲甌括總匯之地僻居濱海未能得風氣之先監獄既偏窄沮洳看守所亦卑濕無狀被羈罪犯既各逾二百而所有屋舍皆不過十楹肩背相摩不堪擁擠濁氣蒸騰空氣爲之窒塞是以發生傳染疫症互見死亡夏令一交勢更不堪設想非趕緊設法重建屋舍畧予擴充斷不足以求衛生而消隱患第當此公儲奇絀無款可籌又未便坐視因循罔恤生命不得不募捐建築權顧目前竊思善與人同誰不我若除由 慶淵 自捐俸銀五百元倡導外復商蒙地方檢察長徐君谷虛捐洋三百元明知杯水莫救與薪用呼將伯期在聚沙而資成塔攸賴諸公尙祈慨潤廉泉廣茲公益不勝企禱之至謹啟

附王豫恂君撰建築永嘉地方看守所記

建築永嘉地方檢察廳看守所記 七年七月

永嘉地方檢察廳看守所舊爲永嘉縣署羈押被告人之班房自舊府制廢止永嘉

知事公署移置於舊溫州府署民國五年十一月間於舊縣署設浙江第一高等審判檢察分廳永嘉地方審判檢察廳共設四廳就舊縣署班房改爲看守所而舊溫處所屬十六縣之被告人萃於一所司法經費支絀未及改造熾昌於民國六年四月奉司法部派署第一高等檢察分廳監督檢察官就職後卽以所房狹隘羈押上訴被告人漸多管理不便有礙衛生情形詳陳於高等檢察廳奉令妥商辦法當與前代理永嘉地方檢察長何君炳吉計畫以永嘉監獄在廳前偏西與看守所接近擬商允永嘉縣知事將監獄輕罪人犯移置於警察局之拘留所就監獄餘房分配羈押被告人縣知事鄭君彤雯備述困難情形其議遂寢甌海道尹黃公涵之名慶
海人蒞任協助法院尤具熱誠熾昌與現任永嘉地方檢察長徐君繼騏號谷虛往謁曾道及監所現狀道尹卽親來閱視慨然曰今財政奇窘監所急須改良若待庫款修理將俟何時不若捐俸籌款舍舊圖新爲便徐君請曰如承提倡繼騏願捐俸三百圓以盡棉力道尹詢悉建築所房需款二千數百圓首先倡捐五百圓作勸募公

啟集議軍警徵收商會各機關復通知管轄各屬縣皆捐輸恐後同級審判分廳監

督推事祝君果忱名諫 賤人 永嘉地方審判廳長袁君仲濂名希濂 賤山人 均捐俸百圓四廳

諸員及所長亦各捐款有差高等檢察長陶公叔惠名思 會安化人 復與道尹各別籌公款

除建築永嘉監獄外以二千三百圓為看守所建築費徐君即飭鳩工庀材親為監

督適時聞多雨閱三月而告成計仍舊址並加入所北曠地共積方二十七丈東西

相距六丈南北相距九丈配置四棟分房十六間有事務所看守所病室炊場等處

咸依成式墻垣堅峻空氣較多復疏通溝水以洩其穢舊所無牀板席地而坐有木

柵無窗戶不能禦風去年冬間羈押者多無衣被不免號寒檢察官周璟號光庭 高郵人 執

行人犯訊悉情形請設法救濟緣未決監例不給與衣被昌 曾商同徐君及四廳

諸君捐俸為製衣被雖稍減嚴寒痛苦而風雪尚能侵入今新建所房於木柵外添

設窗戶炎夏可啟寒冬可閉房置牀板加以簾簾復隔以墻垣使共案人犯分別管

收可免教唆串供之弊而看守所之管理及衛生無不便利矣夫在所羈押者未必

皆犯重罪或屬嫌疑人祇以國庫支絀之故難以改良沮洳場所藏污蔽垢釀爲瘟疫醫藥治療設不完備易致死亡揆諸人道主義在職者豈能無疚於心徐君爲斯所監督長官既能盡其職務而道尹以行政長官不分畛域慨然毅然誠心協助不數月而使所房煥然一新求之時賢中具此公德者何可多覩此後之羈押被告人得以全活無算皆道尹之賜也願自今任此所長者誠心管理毋愧厥職尤願羈押之被告人得此待遇激發其良心悔悟遷善則創建斯所者功不益鉅哉所既落成因誌其緣起並刻樂捐諸君姓名及其捐數於左中華民國七年七月署浙江第一高等檢察分廳監督檢察官王熾昌謹撰

附陶叔惠君撰重建永嘉監獄記

重建永嘉監獄記

七年十月

監獄制度影響於司法前途者至重且鉅獄政不良雖刑法革新內之不能收刑期無刑之效外之無以爲撤回領事裁判權之備今中央及各省會或通商大埠採用

西法建築新監規模粗具而各縣舊有監獄以財力支絀之故議改建動需巨款是以部令於舊監但以勵行清潔勿沿舊習相督責而各縣能自籌款建築者罕聞焉永嘉自設法院以來於今三年監獄猶仍舊貫園土湫隘赭衣圍溢至以警察局之拘留所爲囚禁輕罪人犯之地衛生管理之不便蓋未有甚於此者甌海道尹黃函之先生見而憫之因首倡捐俸五百元爲改建永嘉監獄暨永嘉地方檢察廳看守所之費前永嘉縣知事鄭君彤雯今知事張君濂均捐俸二百元永嘉各級法院及軍警徵收諸官長咸相贊成樂爲捐助思曾復籌款二百元除改建看守所外以二千零五十二元爲永嘉監獄改建費就舊址推廣其東偏計南至北十八丈二尺東至西中間十丈四尺迤南迤北稍狹分房三十四間迤北三間爲女監有事務所看守樓工場病監浴室炊場閤室行刑場廁所分別配置始工於五月十三日落成於九月二十日管理及衛生咸形便利非道尹之力安能不日成之哉惟監獄之職責不僅在建築之完固也尤在典守者之得人不第須防疏脫也尤須注重於感化稽

諸今日監獄之法令有教誨師之官職焉有工場之設置焉今在職者既得此完固之監以少減其管理之困難則教誨工作二者皆感化所應有事宜本其意而斷其效免出獄者再干法紀庶不負道尹暨諸君協助之熱忱歟而思有志未逮之業今得羣力爲之匡贊以底於成其感媿欣幸又何如也因記其顛末於石以表彰善舉希望將來中華民國七年十月穀旦浙江高等檢察廳檢察長陶思曾撰

甌海觀政錄卷四

訴願類

訴願

決定書十三件 呈文附辯明書六件 批九件

決定麗水縣民人葉柳章不服麗水縣公署處分渡租渡田一案提起訴願文 七年三

月二十二日

訴願人 葉柳章 年四十一歲 麗水縣人 住箬溪地方

右訴願人因不服麗水縣公署處分侵佔渡租渡田一案提起訴願經本公署審查決定如左

主文

本件訴願駁回

理由

此案訴願人不服原處分之理由大致有二第一點謂原縣處分渡租一節不依事實證據偏信李宗庚等一面之詞判繳出銀洋等語本公署審查原卷內該訴願人所呈歷年收支清單一紙既無他人證明其確係當時對衆清算則該項賬目爲訴願人一人所開已無疑義此等證據當然不能盡信爲真原縣因簿據不足恃而以接近之義舟喻義兩渡開支數目爲比例並格外加增黃葉渡之特別支出酌令訴願人交出銀洋二百四十元其他准予免議自係按照事實折衷處分尙無不合第二點謂原縣處分渡田一節不查戶冊混將歷管祖遺祭產判歸渡田項下等語本公署審查原呈老簿內葉亨修名下載有土名黃前山橋頭五坵租三石五斗並註有前年跋水碓頭今向會面換回故此田仍照前跋等字樣核與李宗庚等稟稱各節並無不符是該田之確爲渡田自可證實該訴願人對於該田既不能提出祖遺契據又不申告遺失僅憑關載土名不同及穀石不同之田出而混爭實屬無理取鬧綜上論斷應認本件訴願爲無理由爰爲決定如主文

決定鄒錫川吳阿浦等不服永嘉縣公署處分漏米提起訴願文 七年五月二十五日

訴願人 鄒錫川 年二十八歲 永嘉縣人

吳阿浦 年二十八歲 同

吳慶福 年三十歲 同

吳光和 年二十三歲 同

葉水錦 同

葉水雲 同

何釧高 同

何浩春 同

朱永陞 同

右訴願人等因不服永嘉縣公署處分漏米充公一案提起訴願經本公署審查決定

如左

正文

本件永嘉縣公署之原處分撤銷之

鄒錫川吳阿浦吳慶福吳光和葉水錦葉水雲何釧高何浩春朱永陞等各人所帶之米麥由原縣分別發還具領

理由

查私運米麥出海按照向例自應罰辦此案由永嘉警察局查獲解送縣署時其咨文內有此項米麥是否出漏或入城尙在疑似之間等語是警察當時卽不能認定其有漏海事實縣署兩次傳訊各訴願人均稱運入城中出售及自用並不承認漏海迨後由縣函請警局復查其覆函中所叙警察查覆情形仍屬含混其詞不能確切證實且閱原卷內鄒錫川僅帶米六袋半吳光和二袋吳阿浦一袋半朱永陞二袋麥一小籬何釧高米三袋何浩春麥二袋葉水雲葉水錦吳慶福等均係米一袋以多數之人帶此零星少數之米麥其爲運入城中求售希圖微利自屬恆情原縣因其查獲地點接

近海濱遽認其有漏海情事一律予以充公之處分殊欠允當爰爲決定如主文

決定楊春馥不服樂清縣處分開溝一案提起訴願文 七年八月二十四日

訴願人 楊春馥 年四十七歲 樂清縣人 住樂清蒲灣 業儒

右訴願人因不服樂清縣公署處分開鑿水溝一案提起訴願經本公署審查決定如左

主文

訴願人所開彈塗畚支溝除已竣工者免予填塞外不得再行開掘餘均照樂清縣公署原處分辦理

理由

查此案訴願人對於原處分雖提出種種不服之點然核其所謂依訴願法第八條縣知事不應受理楊煥永等之呈訴又謂依訴願法第二條樂清縣署無管轄權等語均屬誤解法文無理由之可言其所稱違法逮捕一節查該訴願人當開溝時既有損壞

他人水井及蠟灰窖等行爲被盧熙等告發實已牽涉刑事範圍該縣知事兼理司法當然有拘傳究追之權自不得遽謂爲違法又原處分書所指該訴願人意圖朦混自私自利及舞弊各節因該訴願人於開溝之前應報官廳一切手續並不完全開溝之時又復任意填塞水井以井欄爲砌溝之用不顧他人損失且所掘之田上闌下狹不照平面面積丈量尺寸償還田價此皆足以貽人口實之事本公署審核原卷事均實在何得據以爲不服原處分之理由該訴願人又謂歸還楊炳祥等穀子蠟灰價洋一節並未承認惟查閱筆錄該訴願人有當然還的一語可見於原縣集訊時已認歸還且此係債務糾葛屬於司法範圍毋庸於本案內牽涉至彈塗吞之支溝原處分書認爲尙未開浚然據該訴願人聲稱於上年舊曆十一月間完全告成核與盧祥明等二十五人於本年六月二十六日來道呈稱各節尙屬相符如果於該處農田並無妨害則已成之溝自應免予填塞惟不得再行開掘致滋事端其餘原縣處分各節並無不合該訴願人又不能提出反對之理由自可悉照原處分辦理爰爲決定如主文

決定曹中兆等不服永嘉縣公署處分戲捐一案提起訴願文 七年十月二十六日

訴願人 曹中兆 年五十八歲 瑞安縣人 住戲業公會 伶業

李延青 年六十二歲 永嘉縣人 同 伶業

季步升 年三十五歲 瑞安縣人 伶業

右訴願人等因不服永嘉縣公署處分戲捐一案提起訴願經本公署審查決定如左

主文

本件訴願駁回

理由

此案據訴願人等之主張大致謂該項戲捐係報效性質並非捐輸縣知事不應改委他人經收等語查閱永嘉縣公署呈送原卷該訴願人等因戲班欠捐歷年稟請追繳之原稟內明明有戲捐局職員孫玉琳局董李延青曹仲桃季步升等字樣其所開應行追繳各班名單內亦註有欠捐字樣是該項捐款實係戲捐並非報效在該訴願人

等早已認定又查該訴願人等於本年一月四日呈縣署文內有伏思戲捐本係行政範圍自是鈞署受理等語是該項戲捐之應由官廳主持該訴願人等亦已公認既名戲捐既應由官廳主持則此次永嘉縣署因池福綬等認捐較多改委接辦以維公益自是正當辦理該訴願人等何得藉報效等詞希圖把持核其主張理由實非正當爰為決定如主文

決定姚陳坤等不服縉雲縣公署處分互爭水利一案提起訴願文 七年十一月二日

訴願人 姚陳坤 縉雲縣人 住縉雲姚莊

姚叶慶 同 同

姚啟福 同 同

朱永成 同 住縉雲山前莊

朱成禮 同 同

朱金銓 同 同

朱水清 同 同

右列各訴願人因不服緝雲縣公署處分互爭水利一案雙方提起訴願經本公署審查決定如左

主文

本案姚莊於十日內得注水灌田四日半朱莊於十日內得注水灌田五日半惟應間日一輪先由姚莊輪起凡輪至第九日姚莊與朱莊各注水半日所有築堰工穀姚莊負擔四成半朱莊負擔五成半

理由

此案據姚陳坤等之主張大致謂向例兩莊輪流用水灌田以奇偶日爲二莊分定期原縣處分不應不均勻據朱永水等之主張大致謂朱莊田多姚莊田少卽堰穀亦分多寡故向例五日內朱莊用水三日姚莊用水二日等語然審查原卷雙方所舉之慣例均未有確切之證明自不能認爲真實惟朱姓之田較姚姓爲多在姚姓亦已承

認田畝既多則雙方注水之日自應酌量分配方足以昭平允原縣因姚莊田畝在上須人力取水灌溉者多朱莊田畝在下地勢低平注水不須人力而以四成五五成五分配姚朱兩莊用水之日自係斟酌情形折中辦理尙無不合惟主文殊欠詳晰實行不免困難自應畧予變更使日後不至多所爭執至築堰工穀應依用水之多寡而定姚莊既於十日內注水四日半自應出四成半工穀朱莊既於十日內注水五日半自應出五成半工穀方足以昭平允爰特決定如主文

決定毛其昇等不服景審縣公署處分玉林庵租一案提起訴願文

八年三月八日

訴願人 毛其昇 景審縣人

葉永昌 景審縣人

右訴願人等因不服景審縣公署處分玉林庵租一案提起訴願經本公署審查決定如左

主文

本案訴願駁回

理由

此案檢閱景甯縣公署所呈原卷玉林菴之田產係由毛柳葉三姓所捐助共計田租四百六十三秤二觔有道光十一年僧戒成及毛明喬等所呈光緒十三年僧月成等

領字可證該庵之久無住持僧人亦有毛明喬等原呈可證

原呈內有光緒三十年以前庵固有僧住持等語

至該庵租穀撥充學款一節係由柳象望等於民國四年四月首先稟縣請求繼又有葉根盤等稟請提撥庵租籌辦學校是年八月毛明喬葉士安等原呈內亦有民等毛葉二姓商議將該寺田產除完糧供齋香燈修理費用外所有盈餘分撥上沙灣及大地兩處小學經費等語是玉林庵租之撥充學款不獨柳姓主張卽毛葉二姓亦早同意該縣秦前知事因該庵久無住持僧人並因毛柳葉三姓均請撥款興學遂於查明後照葉鏡雲等之原擬將該庵田租除酌留香火用度外餘租分撥縣立第二高等小學校及宣德鄉兩初等小學校核與管理寺廟條例尙無違背如果毛葉二姓當時認

爲該項庵租不應分配並不應提撥二都學校或餘存租穀實係僅有九十六秤不能分配則於處分之後即可列舉理由提起訴願何以該縣迭次追租並無異詞其爲早經承認卽此可見此次該縣陳知事照原案畧爲變通於香火用度有增無減尙無不合乃該訴願人等當時並無不服茲忽以庵租所存無幾並不應分配等詞自居代表聯名訴願無非意圖推翻原案藉以把持庵產核其所舉理由不能認爲正當爰爲決定如主文

決定胡慶元不服永嘉縣公署處分佔河一案提起訴願文 八年四月十六日

訴願人 胡慶元 年四十一歲 永嘉縣人 住永嘉小南門外

右訴願人因不服永嘉縣公署處分侵占官河一案提起訴願經本公署審查決定如左

主文

本案訴願駁回

理由

查訴願法第八條第一項載有訴願自行政官署之處分書或決定書達到之次日起六十日內提起之又同條第二項載有前項規定之期限內遇有事變或故障致逾限者訴願人應向受理訴願之行政官署聲明理由受行政官署之許可各等語此案審查永嘉縣公署原卷係於民國七年六月五日處分並於六日將處分情形宣示在卷該訴願人斷無不知之理當時並未於法定期間內提起訴願又未聲明故障直至本年一月二十九日始行來道訴願核與訴願法第八條第一項及同條第二項之規定不符本公署當然不能受理爰爲決定如主文

決定何祝才不服宣平縣公署處分寺產糾葛一案提起訴願文 八年六月十四日

訴願人 何祝才 年五十五歲 宣平縣人

僧能法 即輪法 年四十五歲 安徽人

右列訴願人等因不服宣平縣公署處分定清庵產一案提起訴願經本公署審查決

定如左

主文

宣平縣公署之原處分維持之

理由

解決本案之要點當以定清庵有無住持僧人爲斷今閱宣平縣公署原卷該庵之無住持僧人有該縣民人周克儉等二十餘人及聚德鄉學務委員陳逢甘等具呈聲明卽委員祝興唐及法警王華廷等調查報告亦均稱該庵並無僧人至自稱住持該庵之能法據該縣知事查明向充看守所役卒因不守規則爲管獄員開除於民國六年冬間始往江山道院剃度爲僧又查該縣原卷內並無一人出而證明能法有住持該庵之事實是該訴願人何祝才等所呈民國五年之請帖及能法庭呈之議約其爲因涉訟後捏造搪塞自無疑義該庵既無住持僧人屋宇又甚破壞按照管理寺廟條例第十三條其財產本可由官廳處分況提撥該庵田租四成充小學經費已於民國二

年經聚德鄉議事會集議後呈報縣署有案卽何祝才訴願書中亦承認有此議案當時何姓並未反對此次該縣知事初准何姓請求將提出庵產四成歸何姓自辦小學嗣因何姓於上年九月一日呈內聲明現已開學由該知事於十月六日親往查察校內並無一人遂將提出之四成庵產改撥陶邦洲所辦之小學尙有庵產六成恐爲何姓浪用斷歸區董收存以備修理該庵之用核其處分尙無不合今閱該訴願人等所舉不服各點都係片面之詞並無人證出而證明自不能認爲有理由爰特決定如右決定吳得龍不服慶元縣公署處分飯飯碧杉樹一案提起訴願文 八年七月十六日

訴願人 吳得龍 慶元縣人 年 住四都山溪村 飯飯碧茶亭董事

吳金聲 同 住城東后田村

余夢龍 同 同

右列訴願人因控爭飯飯碧杉樹爲茶亭公有一案不服中華民國八年一月七日慶元縣公署之處分提起訴願經本公署審查決定如左

主文

本案訴願駁回

事實

緣慶元縣屬之飯飯礮山坳及嶺兩旁有杉樹數十株飯飯礮茶亭董事吳得龍等因同治八年地方公約禁止砍伐樹木認爲杉樹亦在禁內周思林等認爲族衆公產立約捐助上庄國民學校經費兩造爭執訴由該縣知事決定爲周姓財產并將樹價作四成分配上庄國民學校及茶亭各得其一縣圖書館及同善堂共得其二吳得龍等不服提起訴願原處分縣知事亦依法添附辯明書檢卷呈送前來

理由

查此案發生原因係由吳得龍等控爭該嶺杉樹爲茶亭公有而起并非爭奪私產審決關鍵須先就吳得龍等所呈證據詳加審查杉樹是否爲茶亭公有一經解決則其他問題均可置之本案範圍以外卷查吳得龍等所呈證據有二一爲同治八年上庄

焦坑山溪高際四村首士周思學周必旺周思豐余光通周思成吳有銓葉世照等七人公立禁約（立加嚴禁約上庄焦坑山溪高際等村原此處有飯飯壩嶺茶亭并及觀音堂其嶺上通龍邑景霽下達慶元福建本是一源之要路但其嶺沿樹木荒敗已久皆因不法之徒爲一己利任意砍伐放火是故不能蓄蘇茂盛往來至此皆有傷心之嘆是以各村緣首提捐重修茶亭剗剗火路上下三丈六尺蓄蘇雜木遮蔭來往士農工商亭上路後三丈六尺路下合水上至均頭爲界亭下路後三丈六尺路下三丈六尺植下嶺尾洋源爲界又并及焦坑欄路後二丈路下二丈若有杉樹竹原住舊管餘外雜木蓄蘇遮蔭成涼其嶺四至界內雜木等處斷不許採柴砍伐亦不許放火焚燒自禁之後各當戒其子教其弟不敢冒稱冒犯倘若仍蹈前轍或看見或查知輕則罰錢入衆重則鳴官究治決不徇情任憑首士亭邊觀音堂永遠蓄蘇遮蔭永執存照一爲光緒二十五年前縣何令所出告示（爲出示嚴禁事據山溪焦坑后田等村監生吳應創吳應餘余夢祥葉榮照武生余惟昌吳得龍余夢麟等呈稱四都飯飯壩嶺

先人捐建茶亭及造觀音堂嗣因嶺路崩壞光緒十一年生等邀同吳金聲吳元章吳思典捐修嶺路本年又捐資添產及修茶堂惟該嶺沿樹木荒蕪已久於同治八年山溪及高際村會集衆議每年八月十三日在嶺旁剗利火路蓄蘓杉松雜木遮涼行人迄今成林詎有附近上庄焦坑兩村貪得漁利登山盜砍聯名公叩示禁等情到縣據此除批示外合行出示嚴禁爲此示仰上庄焦坑山溪等處附近居民及地保人等知悉爾等須知該嶺沿杉松雜木蓄蘓成林實爲行人之益自應照舊留養不得砍伐自示之後如有覬覦該嶺雜木仍前登山砍伐一經紳民地保人等指令稟控定卽提案究懲決不稍寬其各凜遵毋違特示）禁約爲周思學等七人所公立請縣加蓋印信告示爲吳應創等七人所稟請效力本屬相同惟禁約內聲明杉樹原住舊管告示禁止砍伐杉松兩項既相牴觸不得不先從審查入手查吳應創等之原稟既以同治八年禁約爲根據禁約單言雜木而稟內加入杉松二字稟詞與禁約不符則因朦稟而發生之告示當然失其效力又禁約內既聲明原住舊管可見約內所劃出各丈尺均

一論點(即甲項)第三論點(丙項)第四論點(丁項)第五論點(即戊項)或爭論契據之真偽或斷斷於疆界之踏勘或言杉樹與嶺路之關係或言原縣處分樹價之不當核其主張均已越出範圍之外爰爲決定如主文

決定僧寶林不服縉雲縣公署處分寺產糾葛一案提起訴願文 八年八月四日

訴願人 僧寶林 年三十一歲 縉雲縣人 住十一都

鄭鍾英

沈錫彝

右列訴願人不服中華民國七年七月二十八日縉雲縣知事分撥古靈峰寺田產充正本高等小學校及崇文國民學校經費之處分提起訴願經本公署審查終結決定如左

主文

本案訴願駁回

事實

緣縉雲縣南鄉十一都地方有古靈峰寺寺內原有產業田七千餘畝（合七八十畝）地山共計四十餘畝前清光緒年間被寺僧典當殆盡控經前處州府趙守斷令自光緒二十四年起以租穀四成歸僧六成歸受主十年後沒價還產及三十三年寺僧逃亡產業仍未歸還地民麻琢章議撥辦學即將三十四年租穀收去宣統元年租穀又係聖壽寺僧兆基半嶺寺僧仁定分收以致紳僧交爭宣統二年清查官產紳董徐琛等據情稟縣照會鄭潤淮麻鴻章清理收租聽候撥用陸續將產業贖回民國六年陳纘琳等請撥六成充十三都區立正本兩等學校經費同時胡鳳儀胡槐卿沈式彝胡禮興沈錫彝等自命爲校長校董稟請撥該寺產創辦古峰順聽等學校七年四月鄭潤淮等又請以五成撥辦本都崇文國民學校後經原縣分別准駁酌量分配以五成撥歸正本以三成撥歸崇文其餘二成留供該寺香火沈錫彝等三十人提起訴願經本公署以手續不合批駁旋又易爲僧寶林等出名沈錫彝等二十一人列名從參加

厥後有時由僧寶林訴願沈錫彝參加有時由沈錫彝訴願僧寶林參加核其主張之點彼此相同茲既據原縣添附答辨檢卷呈送應即依法審查

理由

查此案訴願人陳述意旨拉雜語多不解本公署既經審查當就法理上觀察其有無不合之處約而舉之厥有三端一靈峰寺產應否由縣撥充學校經費查卷內管理寺產董事鄭汝賢等呈案之宣統二年前縣照會內聲明所收租穀除完糧及董事收租夫馬飯食雜用外餘剩存積歸公聽候撥用等語是該寺產業自宣統二年以後已經屬之地方公有此次撥歸正本崇文各校仍係根據聽候之處分事在民國三年十月三十日公布管理寺廟條例以前與現行法令毫無衝突二僧寶林是否為靈峰寺住持查僧寶林所以提起訴願者因自認為僧兆基之徒而僧兆基與靈峰寺之關係又以抄呈前清光緒二十六年前縣范令給僧兆基之諭單為根據卷查僧寶林上年七月十九日在原縣供稱諭單遺失訴願之初亦未提及事隔數月始行補抄又未將原

諭呈案抄件內兆基肇基前後互異是否確有此諭尙不可知卽或諭單屬實事在宣統二年紳僧交爭照會董事管理以前卽僧兆基住持之資格亦經撤銷何況寶林是否兆基之徒更無從證實且查宣統二年照會於應完錢糧及收租夫馬飯食雜用均已計及并未提及寺僧口糧可見當時并無僧人如果有僧當時何不出面主張又查勸學所長陳西呈文糧冊租簿均存新董鄭汝賢之手可見僧寶林并未管理寺產又據鄭汝賢等陳述鄭潤淮經手收租完糧贖產歷年均有簿據等語僧寶林縱持有七年前上忙糧券亦屬冒完此外更屬空言爭執毫無理由三鄭鍾英等是否爲該寺施主卷查自宣統二年董事接管以至原縣處分以前並無自命爲施主之鄭姓置喙既不原縣處分範圍以內本公署卽無審查之必要至原縣知事對於撥款辦學之准駁係屬另一問題與處分寺產一案無關分配寺產成數既經新舊董事承認亦無不合至沈錫彝前後呈詞互相矛盾訴願法亦無參加之規定所請更屬不合法理依上論結僧寶林并非靈峯寺僧無控爭之權原縣處分亦無不合沈錫彝參加於法

令又無依據應即決定如主文

決定鄭介儒不服樂清縣公署批示契買馮益三雲龍等字號洵田一案提起訴願文

八年八月二十八日

訴願人 鄭介儒 年二十八歲 樂清縣人 住老壩頭村 業儒

右列訴願人不服中華民國七年十二月十九日及八年一月三日樂清縣知事駁斥該訴願人呈訴契買馮益三雲龍等字號洵田之批示提起訴願經本公署審查決定如左

主文

本案訴願駁回

事實

緣樂清縣前徵收主任馮吉人虧欠民國元年南米抵補金一千二百石零共計洋五千餘元經該縣狄前知事查明馮吉人早經病故所遺財產均由其胞兄馮益三管理

呈經浙江財政廳核准先將馮益三新置馮儉積馮裕積鄭勤發等戶田地玖拾畝左右連同市房醬園一併發封備抵嗣因逾限款仍未繳卽由原縣於七年十月間布告標洵田二十九畝零係先於二月間契買等情兩次呈訴原縣經該縣以契未投稅等語先後批駁訴願人不服抗告司法衙門決定屬於行政範圍提起訴願前來又經原縣知事呈明原委檢卷呈送應卽依法審查

理由

查訴願人呈訴論點（一）謂受買馮益三之田憑中立契卽使投稅逾期照章祇應加罰斷不能以九個月未稅之契全失效力等語查現行稅契條例立契後經過六個月尙未投稅者加一倍罰金係規定投稅遲延之處罰至未稅之契訴訟時無憑證之效力係規定投稅之效力各有立法之本旨不容相混訴願人所持理由殊屬誤會（二）謂向架書推收過戶取有糧券不能以未向推收所正式推除指爲串捏等語查浙江推收戶糧規則凡業戶推收須由授受雙方帶同契據糧串呈驗查核無誤換給新戶

摺等語官廳以法律爲辦事依據一經發生糾葛更須以法律爲解決方法訴願人此次推收馮益三戶糧均未遵照法定手續辦理在法律上當然不能認爲有效至糧券乃稅契過戶等法律行爲之效果既無原因則其所發生之結果亦不能認爲正當是訴願第二理由亦不充分(三)謂在青田有事一接家函卽速回里原縣以不早聲明爲理由殊不甘服等語查訴願人既有事在外如果家無長丁對於狄前知事查封標賣種種宣示未能卽時知悉亦在情理之中惟查訴願人之父鄭集亨於本年一月三日原縣二次批駁之後卽於一月十四二十四兩次稟請承買似不得謂爲家無長丁再證以已革架書張哲夫二月二十一日辯呈謂馮益三雲龍等字號洵田係馮日昌轉託代爲立戶寄存並非買賣行爲等語可見原縣批示並無不合之處(四)謂張哲夫過戶固其心願因唐知事威逼遂致違背初衷等語查張哲夫雖於本年二月間經原縣票傳並未到案不得以張哲夫和盤托出卽指爲強迫況張哲夫辯狀在該訴願人之父鄭集亨兩次稟請承買之後辯訴大旨卽以該訴願人之父兩次具稟承買爲

攻擊資料該訴願人之父並未受原縣威逼何以該訴願人一面抗告該訴願人之父一面添價承買父子行爲兩歧若此是該訴願人所稱承買馮益三田畝一節其爲捏造情節顯然且以六百元契買之田情願再交價六百十元更出情理之外可見張哲夫攻擊之詞並非虛語依上論結訴願論點既無理由原縣七年十二月十九日及本年一月三日之批示於法律事實均無錯誤應卽決定如主文

決定張文星等不服慶元縣公署處分管理社公會一案提起訴願文

八年九月二十日

訴願代表人 張文星 慶元縣人 年 歲 住本縣丁源村

張鏡清 同 年 歲 同

右列訴願代表人不服中華民國八年六月九日慶元縣知事對於該訴願人等控丁紹文管理社公會一案所爲之處分提起訴願經本公署依法審查決定如左

主文

關於丁紹文經手社公會款項下支用合村家釀酒捐及因失香爐建醮兩款應由原

縣補充處分

關於訴願人呈訴丁紹文侵蝕張來光田價及與張聲廣涉訟用費並擇公正接理各部分均駁回

事實

緣慶元縣丁源村民人劉安湘丁惠恒張來煥等於光緒二十六年與村衆議立社公會將社竹出拚得價買受張來光丁魏氏等水田二份收租公用民國四年由劉安湘之子劉上卿交由丁紹文接管至六年冬間張文星張鏡清等迭赴原縣呈訴至本年六月九日始因原訴無理由以行政處分決定駁回張文星等不服提起訴願並據原縣添附辯明書檢卷呈送又經本公署以訴願人九人共同署名及張安湘請求參加均與法令不符分別飭令改正駁回並據選出張文星張鏡清等爲全權代表既與法定程序相符應卽依法審查

理由

查訴願人呈訴意旨畧謂(一)張來光之田原係活賣後經絕加一契均係劉上卿經手(二)家釀酒捐應照釀酒之家驗捐丁紹文將會款提出繳納未釀酒之家空擔酒捐(三)與張聲廣因樟樹涉訟用費未經公衆決算認定(四)因失磁香爐假迷信冒銷十餘元等語原縣辯明理由畧謂(一)自光緒二十六年公立契簿置產契稿及銀錢收支均載簿內簿自劉上卿移交結算歷年收支並無此款且訴願人自初次遞稟以至庭訊時越年餘並未提及找價絕賣之事(二)社公會款係合村公用提充酒捐免合村檢查之擾(三)張聲廣砍賣樟樹村民惑於風水涉訟當時具狀者張劉丁三姓均列名(四)丁紹文因失香爐設醮安神本來用途不當尙非純然爲私(五)原決定本有另舉公正妥爲接理之說等語

本公署檢查原卷詳核事實本案自民國六年十一月呈訴原縣至本年六月決定閱時一年有餘該訴願人等白稟七件訴狀一紙大致均以劉安湘之子劉上卿經理妥善請飭丁紹文交劉接管爲主旨對於張來光水田一節初則以爲私賣繼則以爲擅

區

自故

該詔

姓均

決空

理佐

認爲

公勢

未明

決空

詔

右刊

知

主文

本案訴願駁回

理由

此案訴願人提出不服之理由有三(一)謂已領執照不應無故吊銷(二)謂批訊不訊忽乘交卸前一日批示吊銷執照(三)謂縣署批示已經勘過實有妨害試問妨害何事等語查行政官署遇有妨害公衆衛生案件發生當然有處分之權該訴願人於報買之官地上建築坑廁不特附近商民認爲有礙衛生卽該縣知事親往查勘及本公署令飭永嘉警察局查覆均認爲有害公衆衛生該訴願人自稱改造貨棧一節無非以空言搪塞該縣因其不顧公益易致激成衆怒於地方治安有關批示函請事務所吊銷執照核其處分並無不合何得謂爲無故吊銷執照又查該縣原卷本年九月十二日於該訴願人呈內曾批有仰卽遵傳到案聽候訊明核辦等字樣該訴願人當時何以不投案候訊且此案究竟有無妨害非勘不明旣由該縣知事親往勘明確有

妨害自無傳訊之必要至第三點所稱各節一若該處建造坑厠於公衆衛生並無妨害此係該訴願人一面之詞何能憑信茲查本公署及縣公署原卷永嘉警察局長與永嘉縣知事均認爲有害公衆衛生該訴願人復何得飾詞強辯綜上論斷訴願人所舉不服之理由實不充分爰爲決定如主文

呈省長齊爲呈送陳德蘇控永嘉縣鄭前知事浮徵冒銷一案卷宗并依法添具辯明

書文 八年一月八日

呈爲呈送陳德蘇呈控前永嘉縣知事鄭彤雯浮徵一案卷宗及辯明書仰祈鑒核事竊查上年五月十一日據永嘉縣公民陳德蘇呈稱前任永嘉縣知事鄭彤雯重徵措發蝕費冒銷黏呈證據叩請查追並據該縣前徵收員林鼎新等呈控徵收主任李子良侵蝕公費各等情到道據經批令現任永嘉縣知事張濂併案逐款查明呈覆並無浮冒情事批示註銷在案嗣於上年十月二十六日復據陳德蘇具呈以不服批示處分聲明提起訴願呈請檢送卷宗當查陳德蘇所遞之呈並未聲明遵照訴願法第九

條規定將訴願書狀呈省僅叙電省一語未便遽准送卷是以批示駁詰茲據陳德蘇續呈前情並聲叙 鈞長批示呈請送卷前來除批示外理合依法添附辯明書連同原卷一併備文呈送仰祈 鈞長鑒核施行實爲公便謹呈

茲將對於陳德蘇呈控前永嘉縣知事鄭彤雯重徵冒銷不服批示處分提起訴願一案添具辯明書呈請 鑒核

一查原控重徵編查戶摺手數料一節據現任永嘉縣知事張濂呈覆是案前經地民陳世昌控奉財政廳派委傅鼎查明呈覆業經遵照廳令按戶發還手數料四千八百五十戶計銀元二百四十二元五角取有收據榜示報廳其餘尙未發還手數料二千九百六十五戶計銀元一百四十八元二角五分亦均咨交現任補發該前知事鄭彤雯對於是項誤收已還未還各款均已報廳有案不得謂之措發

一查原控冒銷徵收公費一節據現任永嘉縣知事張濂覆稱各縣徵收公費均經財政廳規定由各縣知事酌量分配前次徵收員林鼎新赴財政廳呈控鄭任徵收

主任李子良侵蝕公費奉令行查業經鄭前知事開具徵收公費收支數目覆廳有案似無侵蝕之可言

綜核陳德蘇原控以上兩端均經現任張知事查明呈覆並無浮徵冒銷情事是以批示註銷該訴願人猶以不服批示處分提起訴願實屬毫無理由自應依法辯明如右

呈省長齊爲呈送朱永水等互爭水利不服決定一案卷宗并依法添具辯明書文八年五月二十七日

呈爲呈送朱永水等不服決定提起訴願一案卷宗及辯明書仰祈鑒核事竊查民國七年十月據縉雲縣民人姚陳坤等以與朱永水等互爭水利一案不服縣署處分提起訴願前來一面由該縣知事送到原卷卽經審核決定將決定書發交該縣送達各訴願人於十一月十六日收執在案嗣於十二月三十一日據朱永水等聲請再提起訴願當以未合法定程序詳晰批示茲據聲明業已依法將訴願書正本呈送 鈞署

姚莊故朱莊注水之日亦較姚莊爲多至姚莊田畝在上取水較難朱莊田畝在下地勢低平注水較易早經原縣勘明有勘單附卷尤非該訴願人等可以空言爭執也

綜上以觀該訴願人等所舉各節並無充分理由惟既據提起再訴願自應依法辯明如右

呈省長齊爲添具縉雲縣朱永水等與姚莊爭執木堰水利訴願案答辯書連同卷宗

送請鑒核文

八年五月二十七日

呈爲遵令添具答辯書連同卷宗呈請鑒核事本年五月十七日奉 鈞署第九五三號訓令內開案查縉雲縣朱永水等與姚莊爭執木堰水利訴願一案前據該道檢送卷宗暨答辯書在案茲據朱彰書等以被推代表來署呈訴附有代表委任書並據姚莊姚陳坤等呈請委查前來除分別批示外察閱朱彰書等及姚陳坤等來呈內所稱各事實理由尙有爲該道尹前送答辯書所未詳者應再由道逐一飭查分條答辯

送候核定合亟照抄朱彰書等及姚陳坤等兩呈連同前送是案卷宗令發該道仰卽遵照查明分條詳具答辯仍連同卷宗呈送來署以憑核辦事關訴願毋稍稽延切切此令等因並發抄件二紙奉此遵卽按照朱彰書及姚陳坤等所稱各事實理由查明縣卷逐條答辯理合將答辯書連同卷宗備文呈送仰祈 鈞長鑒核施行實爲公便謹呈

謹再將朱彰書等及姚陳坤等所稱各事實理由分條答辯呈請 鑒核

朱彰書等不服 署決定之理由不外承注日期輪注期間及負擔工穀三項查朱彰書等所稱五日成三之慣例已閱數百年如果確有其事何以不能提出證人證據何以該縣原卷內中人陳必成到案陳述並未言及有此慣例其爲空言爭執已無疑義至謂間日一輪期間太促此於上次答辯書中早已詳細辯明毋庸再辯又負擔工穀一層在朱姓主張因注水日期以四六分配故工穀亦分多寡而在姚姓主張因當時姚姓讓出確堰故朱姓多出工穀詞既各執縣署兩次派員調查無從

查得真相朱姚二姓又均未有確切之證明自應於決定時依用水之多寡將工穀分配以昭平允

姚陳坤等所舉不服之理由有七其第一點所稱朱姚二姓用水慣例數百年來均遵奇偶日平均分承等語亦係僅有空言並無實據至姚莊之田雖在上游車水不易然其田既較朱莊爲少（該縣原卷內有委員報告書可憑）所有兩莊注水之日自應稍有區別

第二點所稱築堰工穀因姚姓讓出確堰故較朱莊爲少等語既無人證足以證明斷不能信爲真實第三及第七兩點並無理由可言第四點所稱情形已於答辯第一點時將原因言及均毋庸置辯第五點謂姚莊於十日內承注五日故界畫五段如僅得四日半注水同族不免相爭等語查姚莊既係同族車水灌田儘可通力合作斷不至再分疆界況界畫五段之說姚陳坤迭次原呈內從未提及乎其言之不足憑信卽此可見第六點所稱姚莊注水十日之五毗村咸知可查可訪等語如果姚莊確於十日內承注五日則該縣兩次派員調查必可查明何以報告書中均未

提及此又可見其言之不足信也

呈省長齊爲呈送毛其昇不服決定提起再訴願一案卷宗并依法添具辯明書文八

年五月二十一日

呈爲呈送毛其昇葉永昌等不服決定提起再訴願一案卷宗暨辯明書仰祈鑒核事
竊查本年一月四日據景寧縣民人毛其昇等以不服縣署處分玉林庵田租一案提
起訴願前來批令依法將訴願書副本分報原縣俟送到卷宗再行核辦去後嗣於二
月二十八日據景寧縣知事陳景元將是案卷宗及辯明書呈送到道當於三月八日
審查決定並將決定書發交該縣送達訴願人於三月二十二日收執在案五月十五
日復據毛其昇葉永昌將再訴願副本分報前來除批示外理合依法添附辯明書連
同原卷三宗備文呈送仰祈 鈞長鑒核施行謹呈

謹將毛其昇等不服決定庵租爭執一案添具辯明書呈請 鑒核

查解決此案之要點當以玉林庵租分撥各小學校究係始於何年現任知事陳景

元變通分配辦法與原案有無牴觸爲斷至該庵田產是否由毛葉二姓捐助柳姓是否不能干涉四都庵租是否不應撥入二都辦學均爲本案之枝節在原縣未處分以前固可主張在受理訴願之行政官署當然毋庸根究今訴願人所舉理由仍不外玉林庵租爲毛葉二姓之私產柳姓無主張之權四都庵租不應分撥二都學校各等語殊不知此案既由該縣秦前知事於民國四年因毛柳葉三姓均請將庵租分撥辦學於查明後酌量分配又經迭次追租在卷當時毛葉二姓並未聲明不服提起訴願是對於縣署處分早經承認至此次陳知事照原處分畧爲變通於該庵香火用度有增無減與原案並不牴觸該訴願人等何以該庵爲其私產等詞爲推翻原案之張本核其理由實非正當茲既據再提起訴願理合依法辯明如右

呈省長齊爲呈送吳得龍等不服決定提起再訴願一案卷宗并依法添具辯明書文

八年九月二十九日

呈爲呈送吳得龍等不服決定提起再訴願一案卷宗暨辯明書仰祈鑒核事竊查民

國八年二月據慶元縣民人吳得龍等以不服縣署處分飯飯鷲嶺杉樹一案提起訴願前來卽經批示俟縣署送到卷宗暨辯明書再行核辦去後嗣於七月三日據慶元縣知事江宗濂將是案卷宗及辯明書呈送到道卽經審查決定並將決定書發由該縣送達訴願人於七月二十七日收執在案九月十九日又據吳得龍等聲請提起再訴願並送訴願書副本到道除批示外理合依法添附辯明書連同原卷三宗備文呈送仰祈 鈞長鑒核施行謹呈

謹將吳得龍等不服決定爭執嶺杉一案添具辯明書呈請 鑒核

查吳得龍等對於 職署決定所舉不服之理由有五茲分條辯明於後

(一)謂告示成立在禁約之後其效力以後立者爲優勝等語

查杉樹歸原住舊管既載在同治八年禁約內吳應創等於光緒二十五年請縣出示時應將禁約呈縣乃當時稟中既未提及立有禁約且朦請將杉樹一併禁止砍伐使與禁約牴觸此次既由周姓將禁約呈案則因朦稟而發生之告示當然失其

效力

(二)謂何前縣出示之後如果嶺沿山場爲周姓人所有何肯緘默數十年不請縣署取銷原示等語

查縣卷內吳得龍等所呈縣示本係書明實貼飯飯碧嶺茶亭曉諭等字樣茲驗告示紙張並無黏貼痕迹顯係當時吳應創等朦請出示之後將告示私藏爲訟爭杉樹地步並未黏貼茶亭該項告示既未黏貼周姓人何由得知又何能遽請縣署取銷

(三)謂同治八年禁約內並未載有業主係周姓字樣等語

查該項禁約內既載有若有杉樹竹原住舊管等語無論該項杉樹屬於何人一經訴爭自有官廳訊明處分在該訴願人當然不能干涉

(四)謂光緒二十五年間嶺董已全體變更並無周姓人爲董事不能因請縣出示時無周姓人列名卽失效力等語

查當時嶺董是否爲吳應創等七人並無周姓人爲董事係該訴願人一面之詞斷難憑信且即使當時嶺董無周姓人在內亦不應置禁約於不顧於禁砍雜木之外加入松杉二字其爲有意朦混情節顯然何能發生效力

(五)謂禁約內又字以下若有松杉原住舊管等八字專指焦坑欄路下而言嶺沿杉木並不包括在內等語

查約內又字以下加并及二字又有餘外雜木蓄蘗遮蔭成涼等語則所謂若有松杉竹原住舊管一節非專指焦坑欄路下而言文義甚爲明顯又何得強爲解釋

綜上以觀訴願人等所舉不服決定理由實不充分茲既據提起再訴願合行辯明如右

呈省長齊呈送鄭介儒不服決定提起再訴願一案卷宗並依法添附辯明書祈察核

文八年十一月十八日

呈爲呈送鄭介儒不服決定提起再訴願一案卷宗暨辯明書仰祈鑒核事竊查民國

八年七月據樂清縣民人鄭介儒以不服樂清縣署標賣民產處分一案提起訴願前來卽經批示俟原縣送到卷宗及辯明書再行核辦去後嗣於八月十六日據樂清縣知事唐永錫將是案卷宗及辯明書呈送到道卽經審查決定並將決定書發由原縣送達訴願人於九月七日收執在案十月三十日據鄭介儒聲明再訴願前來當以未將訴願副本分報到道未便送卷十一月一日復據送到訴願書副本除批示外理合添附辯明書連同原卷二宗備文呈送仰祈 鈞長鑒核施行謹呈

謹將鄭介儒不服決定受買馮益三田產一案添附辯明書呈請 鑒核

查鄭介儒對於 職署決定所舉不服之理由有六茲分條辯明於後

(一)謂契買馮田均有中證並不傳質等語

查此案當以造冊員張哲夫爲要證今查縣署原卷張哲夫之辯呈內明明謂馮益三雲龍等字號洵田係馮日昌轉託代爲立戶寄存並非賣買行爲等語是該訴願人所舉之中人馮成森佃戶陳爲燮等其爲串出情節顯然此等人證當然毋庸傳

質

(二)謂契未投稅照章祇應加罰其契據效用依然存在等語

查契稅逾限處罰係指未發生訴訟者而言至因涉訟而發現逾限未稅之契按照修正契稅條例施行細則第二十一條之規定當然認爲無效

(三)謂糧串爲業戶管業之憑證不應以未遵法定手續認爲不正當等語

查鄭介儒所呈冊串係鄭常興鄭永豐戶名早經張哲夫呈明係馮益三開單寄存之戶是不特不遵法定手續辦理且明係馮益三給與該訴願人呈驗爲影射張本安能認爲正當

(四)謂民父集享年老力衰尚不預聞外事對於標賣馮田確未知悉後經親屬告知始呈縣聲明等語

查該訴願人之父既能兩次具呈縣署則當標賣該田之時利權所在何至毫不得知其爲飾詞推諉毫無疑義

(五)謂民父具呈承買一因縣批決絕一因原契本可取贖故願添價買絕等語

查馮益三之田果有賣與該訴願人情事無論縣批如何是否絕賣斷不肯自認喫

虧添價請購其為遁詞尤屬顯而易見

(六)謂向架書推收者甚多不應認為不生效力等語

查該縣錢前知事既經布告凡已裁之架書推收無效該訴願人斷無不知之理既

知縣署布告在前猶復私向推收何能有效況張哲夫聲明係由馮益三開單寄存

並非由該訴願人囑託推收乎

綜上以觀訴願人所舉不服決定之理由實不充分茲既據提起再訴願合行辯

明如右

批葉柳章呈為不服決定渡租渡田一案提起再訴願由 七年四月二十六日

呈悉該民對於本署決定果有不服理由應依訴願法第二條第二項逕向 省長公

署提起再訴願並依同法第五條第三項同時繕具訴願書副本分報本署方為合法

來呈所請轉呈一節核與法定手續不符未便准行仰卽遵照辦理切勿自誤此批

批徐楨祥等呈爲違法處分提起訴願由 七年五月一日

呈及附件均悉查訴願法第八條載有訴願自行政官署之處分書或決定書達到之次日起六十日內提起之等語此案自麗水縣公署處分後該民等向司法官廳提起控告經第一高等審判分廳以原縣認爲行政裁判於民國六年十二月三十一日決定駁回控告該民等接到決定書後既不於六十日之期間內依訴願手續來署聲訴迄今已逾四月之久始行提起訴願且未聲明逾限理由核與訴願法第八條之規定不符本公署當然不便受理宗譜二本應即發還此批

批薛可廬呈爲奉批辯明由 七年十月二十六日

查行政事宜自有官廳主持非一二少數人民所能妄行干涉此案前據該局李前局長呈覆車輛未便減少並擬酌加等情當以此時不宜增車令飭該局將橋梁道路先行修平並勸令沿街攤戶及店櫃一律收進再行酌辦此係正當辦法如果橋路修平

街道放寬之後車輛仍不宜增加自有地方團體出而陳請爾何人斯竟於本署迭次詳晰批示後不明事理不審權限嘵嘵置辯試問爾有代表地方人民之權乎爾有強制官廳爲一定處分之權乎察核呈詞荒謬已極且此次來呈僅爾一人具名盡抑可見第一次來呈內所列他人姓名均由爾一人捏造其平日之不安本分尤可概見本應澈究姑予從寬先行申斥如再嘗試定當加以相當之制裁以遏刁風勿謂言之不預也切切此批

批陳德蘇呈爲不服道令照章訴願由

七年十月二十八日

呈悉該公民呈控前永嘉縣知事鄭彤形變違法重徵一案不服本公署批示處分提起訴願曾否遵照訴願法第九條規定將訴願書狀呈省來呈並未聲明僅叙電省一語未便遽准送卷仰卽知照此批

批朱永水等爲不服決定提起訴願由

八年一月六日

該民等既不服本署決定應逕向 省長公署提起再訴願前經明白批示在案茲將

訴願書正本呈送本署核與法定手續不合應即發還仰仍逕呈 省署並將呈送日期來署聲明以憑依法送卷此批

批林照樓呈爲非法處分懇恩按法懲辦由 八年五月五日

查地方官署之行政處分果有不當按照訴願法應於六十日內提起訴願此案既由該縣於上年十一月處分當時如有不服理由何不依法訴願迄今法定期間早已經過所請應毋庸議此批

批林照樓呈爲聲明故障請求准予受理由 八年五月十三日

查爾第一次來呈內叙明上年十一月十一日忽遇縣署拘提並令勸學所不得延爲教員因即脫逃託父林杏輝到縣呈請開罪復權旋沐縣批各等語是該縣已於上年十一月將處分情形於爾父呈內明白批示該項批示即係處分之證據且既經批示當然毋庸送達此稍明法理者當無不知爾當時於批示後並不依照法定期間提起訴願至本年五月三日逾限已久忽來署呈請令縣恢復公權既非正式訴願又未聲

區公所 卷一
明故障迨本公署批示後始以事實不確無由訴願等詞聲明故障試問當時既有縣批尙得謂事實不確乎核其理由實非正當未便准理此批

批張文星等不服慶元縣公署決定與丁紹文因金壇會產爭執一案提起訴願由八

年七月二十四日

訴願書悉查訴願法第十條多數人共同訴願者須由訴願人中選出三人以下之代表並須提出委任書證明事實茲閱來書該訴願人九人共同署名與法定程序不合又訴願法第五條第三項須以訴願書副本分報原處分官署書內未據聲明曾否分報亦屬無從核辦未便遽准受理此批

批鄭介儒呈請飭縣送卷由 八年八月十四日

呈悉查訴願法第十二條原處分或原決定之行政官署收到訴願書副本後添附辯明書及必要書狀陳送於受理訴願之行政官署並無候批示到縣之辦法仰仍錄批呈請原縣照章辦理所請吊卷之處與法定手續不合礙難照准仰卽知照此批

甌海觀政錄卷四

防務類

防務

呈文四件 咨文一件 公函一件 訓令四件 指令二件 代電三件

批一件 函一件

呈省長齊陳報玉環縣土匪猖獗請分飭警隊嚴密巡防文 七年四月十三日

呈爲據情轉報土匪猖獗請予分飭水陸警隊嚴密梭巡共除盜患事本年四月十一

日據玉環縣知事李景枚魚代電稱知事於微日辰刻帶同警隊馳赴營田等處會勦

台匪適抵距城二十餘里之深浦渡正登彼岸忽據代理署務政務主任張壽仁以附

郭塘埕西潭一帶積匪柳子林聯合溫匪來城搶擄劫獄之謠密派縣警隊長劉金

標飛報前來知事查縣城爲根本重地設有疏虞關係匪輕遂卽折回於午刻抵署隨

卽添派警隊嚴護監獄一面立傳哨長鮑宗亭西青衢衛護航管駕陳文寅縣警隊長

劉金標司法警長王貴等到署面授機宜分道查緝又以江北土匪猖獗飛函知照六區三營管帶呂建標會同溫嶺縣營警暨水警第十一隊隊長張兆龍進剿台匪梁兩雙半王老興等務獲解辦去後魚日午前據鮑哨長等回報積匪柳子林黨羽甚衆亦有探報聞哨長等會隊查緝早已下海潛逃塘埕西潭一帶查無匪跡該地居民驚慌異常當由哨長等傳集紳耆輾轉勸慰一面率隊晝夜放哨購線密拿等語現查三月三十夜二時搶劫江南離城三十里桐安坑事主陳細知家彈斃其妻陳沈氏鎗傷事主一案確係柳子林爲首江北現有呂管帶駐守楚門連日訪聞迭出盜案數起未據事主來縣狀報擬卽前往補勘分呈通緝再玉邑地處海中盜匪均係乘潮進退陸路營警破獲不易全賴水警添撥巡船擇隘防守除電呈 省長外伏乞鈞尹俯念職縣孤縣海島匪風甚熾地方危急迅賜咨行外海水警廳添撥巡船來玉擇隘駐防輔助陸營共除盜患以安閭閻正發電聞據城鄉士紳陳保釐等一百一十人公稟以前駐楚門警備隊哨官田鶴明緝捕奮勇迄今地民感戴該哨官現在調駐仙居縣仍充哨

官職務相當如能與駐楚哨官蕭明亮對調實於防務上大有裨益僉請轉呈前來除批示外合併電稟仰祈轉呈鑒核等情據此查玉邑孤縣海島盜匪素多邇來台匪梁兩雙半王老興等及積匪柳子林等猖獗異常該縣又兵力單薄若不從嚴勦辦何以安閭閻而保地方除由道尹函請外海水警第三區查照轉飭所屬協助嚴勦外理合備文轉呈仰祈 鈞長鑒核俯賜分飭水陸警隊嚴密梭巡一面會同從嚴勦捕以靖地方而安閭閻實爲公便至所請將蕭哨官與田哨官對調之處是否可行併祈 核示祇遵謹呈

呈省長齊爲防禦玉環盜匪文

七年五月三日

呈爲據情轉呈事竊查玉環縣盜匪猖獗情形前據該縣知事李景枚呈報後卽經據情轉呈 鈞長鑒核並請令飭水陸警隊協同該縣知事防勦在案茲由玉環縣紳耆陳士模陳保釐林耀東邱超海等來道請見當經道尹詳詢盜匪出沒處所僉稱玉環與樂清溫嶺黃岩永嘉等各縣交界海陸巡防往往此拿彼竄以致匪首梁兩雙半迄

未就獲自非台溫二處水陸軍隊大舉會勦不足以寒匪膽而安民生等語並據面呈防禦節畧一紙審核該節畧內列舉各條尙多切要除咨請會嵇道尹轉令溫嶺黃岩等縣隨時防緝並令樂清永嘉縣知事一體嚴密梭巡外理合照抄節畧一份備文轉呈仰祈 鈞長鑒核可否分飭水陸警隊酌添兵士巡船擇要分駐以資防禦并令駐甌兵輪暫行移駐玉環隨時梭巡洋面俾匪船難於聚集之處伏候指令祇遵實爲公便謹呈

呈

督軍楊省長齊

陳報籌畫防務情形文

七年十二月三十一日

呈爲呈報甌屬籌畫防務情形仰祈鑒核事案奉

督軍第七五九號訓令內開案省長第一九六

九號訓令內開案

照近來閩疆不靖謠誣繁興難保無暴徒奸宄乘隙思逞擾亂治安故對於偵查匪類綏靖地方必須加意防維方可有備無患乃查各屬地方官警近日對於轄境不聞有何籌備亦不聞有何諜報豈皆安堵無警確有把握乎抑漫無覺察苟且自安乎除另派密探分赴各處嚴密偵報外合行令飭仰該道尹即便轉飭所屬一體遵照自文到

日起振刷精神力圖奮勉如何聯合軍警以策防維如何嚴密偵查以清奸惡察酌地方情形妥畫因應務期殫精竭力勉固我圉一面將所籌辦法詳晰呈報察奪倘有拿獲不法奸徒意圖擾亂者一經訊實准以軍法從重處治其有值得亂黨陰謀確有憑證者並准隨時密報兩署以憑辦理果能消患未萌所有出力員役悉予優賞以昭獎勵如有密探已報該地方官警尙無知覺致滋貽誤者其爲顛預怠忽百喙奚辭惟有執法以繩以爲玩視地方者戒凜之切切此令等因奉此

道尹 遵查甌屬各縣中如慶元平陽泰順均與閩省交界該省土匪時時思逞防務最關緊要慶元雖本有警隊駐紮仍恐不敷調遣因商統部將駐紮龍泉之警隊一棚移駐該縣以實邊防一面嚴令該知事擇險要各處設法堵塞以資守禦平陽地處邊隅轄境遼闊其西南與閩省之福鼎縣接壤防務尤爲喫緊因商統部酌派警隊前往駐紮一而令由該知事設法另添巡緝隊隨時至邊界巡緝以期消息靈通可以相機守禦泰順一縣與閩省之壽甯福安福鼎各縣均係毗連壽安兩邑又均有匪警竄擾堪虞該縣僅有警察二十餘名

斷不敷用因令添募警隊一面咨商統部撥派第六營第二哨哨官率兵兩棚前往駐紮以資扼守並嚴令該知事於各鄰界擇其重要地點與鄰縣合力防範隨時會哨藉免疏虞至永瑞交界之大羅山一帶高山峻嶺向爲匪徒出沒之區已分飭永瑞兩知事及永嘉警察局密派長警不時偵查會哨以清匪源玉環本多海盜僅恃陸警防範難周當商水警第三區長加派巡船在各口岸常川梭巡並由區長不時親自出巡以期周密緝雲與台屬之永康仙居等縣均係接壤時有謠傳亦經商由統部加派警隊前往並令該知事會督營警與鄰縣嚴密查防永嘉爲舊府屬首縣人民雜處地方最爲重要所駐軍警雖較他縣爲多防範仍不可不密道尹隨時分別商令各機關相機布置並於輪埠電局郵局加意檢查務使弭患無形此外各縣雖與閩省距離較遠然當此時局未靖防範亦不容稍疏已分令各該知事每五日諜報一次並令選派得力警探於城鄉各處隨時嚴密查防各在案奉令前因遵又分令各縣將籌防詳晰情形分別逕呈 察核以免稽延幸自入冬以來上託 鈞威地方尙稱安謐各機關亦皆

和衷共濟足紓 屢注除仍督飭所屬加意防維並將甌屬籌畫防務情形分呈

省長 督軍 外理合備文呈報仰祈 督軍 省長 鑒核施行實爲公便謹呈

密呈省長齊請將玉環縣原駐巡船移駐靈門以弭匪患文 八年二月十三日

呈爲密呈事竊查玉環一縣孤懸海中向多盜匪民不得安必須將水陸各警布置得宜方可弭患 道尹 查該縣原有水警所駐地點尙非扼要因飭該縣知事將應行移駐情形詳細查覆去後茲據該知事江恢閱覆稱查原駐大鹿一船據水警十一隊隊長張兆龍單開兼管小陸雙排山東白口筐前山東郎檔至披山南雞冠山東等處但查大鹿乃一孤嶼居民不及十戶均係赤貧無業之人暫移該處搭蓋茅廠竭人力以開得小地栽種蕃茹藉以度日匪盜搶劫當不至此至於小陸雙排山海島查無居民東白口筐雖有煙戶不滿百家均係捕魚度日無重大財產關係且查各該海島四壁巉巖水深浪大不能下棹卽島之岸邊亦無埠頭不獨不能容大船甚至最小之舢板船亦不便久泊並自觀音礁海島之西均歸第九隊管轄此大陸一船可抽之理由也至

原駐箬裡一船查箬裡卽石塘亦係海島前隸玉環後改隸溫嶺居民強半爲閩人風氣強悍有船有械自能抵禦盜匪前清迄今並無水師駐防彼等亦可不藉水師之力考其區域及民間形狀如玉環之雞冠山然雞冠山如鈎舳舂等處有船械地方亦無匪劫情事況石塘與箬裡相隔不遠如以一孤島而駐防兩船則玉環江南之海島林立卽添置多數巡船亦覺不敷分配且查十一隊隊長單開停駐箬裡一船兼管靈門查靈門距箬裡水道計有十餘里箬裡至石塘水道無五里之遙此箬裡一船應抽之理由也就目前形勢觀之惟靈門一隅最關緊要蓋靈門離治遙遠與溫嶺縣屬之營田地方首尾啣接台匪梁兩雙半及王老興等均奶掩莊人以營田爲巢穴由營田直趨靈門最爲便捷且靈門沿海一帶捕蝦小船最多盜匪叢集於此得一踏船卽可揚帆至玉屬江南北海邊村吞拔人肆劫俟報警備隊督兵往勦各匪已落船遠去勞而無功卽就洋面而論亦關係匪淺上通石塘下連寨頭爲商船來往停泊之海埠素爲盜匪所垂涎查聞民國二三年間著匪趙章浪小辯四等在靈門糾夥百餘人先至于

江鹽盤等處明火肆劫拔人勒贖連續兩晝夜當被警備隊追捕下海不數日又泊船於寨頭上山行劫恰遇師船在洋兜捕獲匪十餘名解案槍決此靈門素爲匪藪洋面更加緊要若駐一船兵力恐嫌單薄必常駐兩船始得保障縣之東北等語並據繪圖呈送前來道尹覆核該知事所稱原駐大鹿及箬裡之兩巡船應移駐靈門各節自係相度形勢移無用爲有用起見頗爲切要爲此檢同原圖備文密呈可否准予令飭移駐並飭超武兵艦常川游弋藉弭匪患之處仰祈 鈞長鑒核俯賜指令遵行實爲公便謹呈

咨溫處戒嚴司令官王爲柘溪土匪橫行請飭屬協緝文

八年十一月四日

爲咨行事案據永嘉警察局局長曹鑄呈稱本年十月十八日奉鈞署第一九五號代電內開聞永嘉柘溪近有土匪聚集數百人意圖搶劫等情如果屬實殊屬目無法紀合亟密電該局長即日偵查實情密覆候核毋稍延誤等因奉此遵卽錄電轉飭該管第六區所警佐趙雙慶偵查密覆以憑核轉去後茲據覆稱警佐奉令前因遵經派警

分途偵查旋據去警報稱警等改穿便服至岩峯村密查據該地老人云陰曆八月初旬本地有土匪謝大奶妹等糾集上埠黨夥趙齊波世康等三十餘兇同赴樂清大荊井山村搶劫陳先泉家並拔其子成遜及幼孩忠保二人不知藏在何處後被楓林金哨官來此搜查無着即將農民謝國松五妹二人帶去嗣由地紳謝松崖周仲元着謝大奶妹親屬交出被擄之人送至營內始將該農民放回云云巡警再赴上埠密查情節相符查該處距警所百里左右向無警隊駐紮是以聚則爲匪散則爲民等語轉由該警佐密覆前來除指令該警佐會同就近駐防警隊相機勦辦以維治安外合將查明情形據情備文覆乞鈞尹鑒核施行實爲公便等情前來據此查西柵兩溪時有土匪橫行近據永嘉公民葉壽桐等呈稱有前經通緝未獲之匪首趙得元餘黨趙世康趙世安趙昌茂等於十月上旬糾黨百餘人將下岙地民周啓葵拉至上埠敲去洋二百元請加兵駐紮等情亦經咨請第六區統部查辦在案據呈前情除指令外相應備文咨請查照卽希飭屬嚴緝各匪到案究辦以彰國法實緝公誼此咨

公函水警第三區區長盧爲移駐靈門巡船如因夏令南風不妨暫改靈門相近等處

駐泊文 八年七月十二日

逕啓者查大鹿箬裏巡船移駐靈門一案前據面稱頗有爲難各情茲訪查得盤門山嘴有山可以避風似無危險當此夏令南風甚大聞坎門停泊之船往往亦多移避里吞相近坎門等處以免危險如該巡船果因夏令南風泊船不便不妨援此辦法於靈門附近暫擇一相宜地點停駐一俟秋深風轉冬防緊要再行實駐靈門以資防護尙希斟酌辦理爲荷此致

訓令玉環樂清永嘉縣知事防禦玉環盜匪文 七年五月三日

查玉環一縣孤懸海島盜匪素多本年四月間有台匪梁兩雙半王老興等在該縣肆意劫掠民間受害頗多本道尹據該縣知事李景枚呈報前來卽經呈請 省長分飭水陸警隊嚴密梭巡並會同勦捕在案茲由玉環縣紳耆陳士模等來道請見當經詳詢盜匪出沒處所僉稱玉環與樂清溫嶺黃岩永嘉等各縣交界海陸巡防往往此拿

彼竄等情並據面呈節畧一紙察核該節畧內列舉各條尙多切要除轉呈 省長鑒核並咨請會稽道尹令飭溫嶺等縣協同防緝外合行抄發節畧一件令仰該知事迅卽按照節畧內所指各地隨時督警梭巡毋稍疎忽是爲至要此令

訓令

永嘉瑞安

縣知事會商大羅山地方約期會哨文

七年十一月二十二日

照得永嘉瑞安縣知事會商大羅山地方山脉袤長離城窺遠往往有不法匪徒混迹其間藉圖結會集黨情事現值戒嚴時期亟應加意防範爲此令仰該知事即便會同商定地點日期隨時會哨並 各警局 常川 派警 梭巡藉弭匪患而靖地方仍將遵辦情形具報候核切切此令

訓令外海水警第三區區長迅速遵令移駐巡船文

八年六月二十二日

本年六月五日奉 省長公署第四三二六號指令本公署呈爲派員勘明大鹿箬裡巡船移駐靈門港口較爲扼要由內開呈悉既據查明靈門港口盤門山嘴水勢尙深可以停泊巡船大鹿箬裡兩船移駐該處較爲扼要應准照行仰候令飭外海水警廳

轉令移駐可也此令等因奉此當卽轉令玉環縣知照在案茲據該縣知事江恢閱呈稱據楚門警佐報稱連日馳抵靈門未見有船隻停泊且詢之地民僉云水警巡船游緝均罕覩焉同日又據坎門警佐報稱警佐親往水警署詢問張隊長移駐巡船何時實行據張隊長面稱移駐靈門雖已奉有訓令究竟移駐與否尙須區長決定然後實行等情前來據此查該巡船既奉 省令移駐何以尙未實行除指令外合行令仰該區長卽便查案轉令該隊長迅速移駐勿再延誤並將移駐日期具報備查切切此令

通令

十六縣知事
永嘉警察局

會營督警切實辦理冬防文

八年十一月二日

查冬防期內往往有不逞之徒潛踪匿迹希圖乘機搶劫本道屬濱海連山幅員遼廓防範尤不可不嚴且兩縣交界之處離城遠者或數十里或百餘里匪盜視爲鞭長莫及最易發生事故若非加意巡防不足以保治安該 知事身任
局長保護 地方責無旁貸值此冬防期內應咨商鄰縣擇定交界要地預約時日帶警會哨數次庶足以寒匪膽其駐有警備隊各縣應會同管帶哨官等辦理除分令並咨第六區統部轉令所屬協助外合

行令仰該_{知事局長}會營督警切實辦理並將與鄰縣商定會哨日期地點先行呈報候核毋得視為具文切切此令

指令平陽縣知事呈請於南兜竹嶼兩島創辦漁團保衛島民擬具章程並籌款方法

請核轉由 七年五月二十二日

呈件均悉查漁團如果辦理得宜實足以防禦海盜補助水警亟應力予提倡惟查所擬章程第三條刊用木質圖記一節應即改爲由縣刊發以昭慎重又第十四條亦應修改以免與縣警權限有所牴觸合將章程發還仰該知事轉令修改至清招所開籌集經費方法是否兩島漁民全體允服有無苛細勒派情事並仰詳細查明併案呈覆以憑核轉摺暫存此令

指令慶元縣知事呈報查察防務情形准將黃坑均隘加垣築臺改名爲關由 七年十

二月十一日

呈悉該知事籌畫防務不遺餘力深堪嘉尚所擬改築黃坑關一節係爲一勞永逸起

見自是正當辦法既據聲稱各殷戶踴躍捐助經費有著仰速督飭興築以固邊防仍候 省令祇遵此令

代電泰順縣知事迅將聚匪設法解散並拏究匪首文 七年二月二十二日

泰順縣陳知事覽該縣開泰官鹽行被夏姓聚衆毀劫一案業經咨請第六區警備隊統部撥隊前往協助並指令該知事在案茲又據該鹽行商人劉積威呈以夏匪等勢益梟張聚集不散大備砲火聲言再劫商等再三呈請縣署設法解散詎縣知事有意袒護置若罔聞迫叩飛飭警隊勦拏等情前來據此除再咨請統部迅派警隊前往協助外合亟電仰該知事迅即設法解散並拏爲首之人究辦具報如果意存推諉致又釀成巨禍該知事能否當此重咎道尹黃養印

代電玉環縣知事切實舉行保衛團以資防禦盜匪文 七年四月十六日

玉環縣李知事覽佳日代電悉該縣土匪猖獗情形業經轉呈並電請 省長分飭撥駐水陸警隊嚴密梭巡一面會同從嚴勦捕在案惟查該縣孤懸海島海盜出沒無常

水陸警隊斷難常駐爲久遠計必須妥籌守望相助之法方足以資防禦仰該知事迅卽召集城鄉紳商領袖按照地方保衛團條例及施行細則妥爲籌畫實力進行務使人民盡互相守望之責則盜匪自不敢生覬覦之心事關地方治安該知事毋得一誤再誤致干咎戾仍將遵辦情形及此次被害各戶一併具報候核切切道尹黃銑印

代電瑞安縣知事嚴防匪徒文

七年十二月二十八日

瑞安縣沈知事覽本月二十八日據平陽縣知事感日代電稱頃據紳士周錫光報告北港水頭街近兩日來盛傳瑞安五十三四五三都有名無錢會土匪專事結集黨羽希圖擾亂並謠言要以劫搶水頭街鹽行入手人心因之恐慌請撥隊駐紮水頭街以資巡範等語查職邑五十都之穹嶺地方與瑞安五十三等都交界穹嶺距水頭街六十里水頭街距城七十里業經遴派幹警星夜馳往嚴密查探飛速報告在案除再一面知照瑞安縣知事外合亟電稟再可否請將駐紮之警備隊二棚暫由張哨長移駐水頭街駐紮一時以資鎮攝等情據此除函商統部外合亟電仰該知事迅卽派警馳

往該縣五十二三四五三都地方會同平陽縣所派各警嚴密查探如果確有土匪結集黨羽希圖擾亂情事應卽拏案究辦毋稍延縱仍將遵辦情形具報候核切切道尹黃儉印

批永嘉縣自治委員蔡盛治呈請冬防借款未能歸還由 七年十二月十八日

查是案鄭前知事原呈內稱當日辦理冬防由該員借撥公帑訂明籌款歸還以後迭次令催而該員總以收不敷支尙待另籌等語藉口延宕呈請轉令現任知事飭催歸墊等情到道並未叙及有歸還該員墊洋七十元零九分亦未聲明有呈請核銷之說如果該員實有核銷之請自必奉有該縣准銷指令當此催繳之際該員儘可檢呈指令赴縣呈明何以竟不此出仍以一紙浮詞嘵嘵辯殊屬荒謬仰仍遵照前批迅速籌繳毋再違延切切此批

致督軍署參謀長范函 八年十月四日

憫黔仁兄大人閣下(上畧)薛參謀尙未回省譚及駐兵地點吳卿輔營長擬在舊鎮

署現吳營本部及監督署均在鎮署之內若添造房屋五六十間約需洋五六千元不獨一營可駐紮一處如講堂宿舍飯堂操場等處均有着落惟操場不能過大此外又有舊道署現駐統部地基亦大惟原有房屋不大合用添造之外尙須改造所費較多幸此間土木工料均尙便宜兩處地方本有房屋可留者留否則改造亦頗相宜想總不能超過萬元以上至此外官產既無成片空地且多卑濕不堪借住廟宇不特兵民兩不相宜且亦無可駐兩連之地終不若就兩處添造之爲愈也弟今日曾會同薛參謀親往履勘薛意亦頗謂然惟現在至關緊要者軍隊必須早來耳誠以軍隊早到不特建築工程有人監督且勞動事項軍隊可以幫忙費省成速殊形便利且於此間大局裨益匪淺若恐無地駐紮只好暫行分駐營房造成卽行遷入至平陽則既無大屋又少空地只好分駐數處矣弟意如此尊意以爲如何卽乞酌陳 督座爲盼

甌海觀政錄卷四

學務類

學務

呈文二件 電呈二件 訓令一件 指令六件 批五件 函六件

訓詞八件 告誡詞一件

呈省長齊擬將永嘉縣立蠶桑學校改設單簡講習所請令行教育廳核議辦法文七年十月七日

呈爲擬請將永嘉縣立蠶桑學校改設單簡講習所仰祈鑒核令應核議事竊維社會經濟恐慌已極欲圖補救亟應注重民生主義是實業教育實爲目今切要之圖而設施方法尤貴循名核實因地制宜方足以培人材而收實效永嘉學校關於實業教育者計蠶桑商業各一所平民習藝所亦畧具工業性質皆因經費支絀設備未周蠶桑學校創設最早歷經清季官紳極力提倡所聘教職各員亦不無專門學術熱心教育

之人然迄今垂二十年而成效殊鮮蓋以該校設於永嘉城中就學者大半商家子弟並不注意農桑所習學科非其所用故往往半途中止或轉入他種學校本地士紳僉以校址不宜虛糜學款資爲詬病自不得不亟求實際設法改良庶此萌芽之方生或有輪困之可覩道尹察酌地方情狀並參以士紳之輿論擬依照 部頒農政綱要第二十二條之規定將原有之蠶桑學校暫行停辦於鄉鎮繁盛之處改設蠶桑單簡講習所招收鄉農子弟入所肄業一年畢業注重實地練習以養成適於實用之人材一處辦有成績再行移設他處如西柵兩溪上下湖鄉等處巡迴教授俾一般鄉農於蠶桑事業都受有普通知識所費較省而收效實宏應需經費仍動支蠶桑學校舊款計有盈餘可以分助商校及習藝所至騰出之校址亦擬撥歸商校蓋商校現賃民屋年需三百餘金而該校與習藝所經費均甚踴躍難於支持得此挹注實交相爲利至蠶桑學校現有學生甲乙兩組共計四十餘人甲組二十三人又因程度不齊分兩組教授畢業之期一在民國八年一在九年乙組二十一人係本年新招民國十年方可畢

業蠶桑學校停辦之後此項學生擬一律併入商校凡屬普通科學按照年級與商校學生合班教授另添設蠶桑專科教員俾併入各生有志蠶業者仍得照舊畢業無虞中輟似此一轉移間在蠶桑教育得以漸收實效不致仍擁虛名而商校及習藝所沾潤餘款亦可賴以維持漸謀進步實爲兩便之道惟事關學校變置擬請 鈞長令行教育廳詳加核議釐定辦法俾永嘉實業前途漸臻發達愚昧之見是否可行理合備文呈請 鈞長鑒核施行謹呈

呈省長齊辦理第十中校學生罷課案並呈送調查報告清摺文 七年十月三十一日
呈爲遵辦第十中校全體學生罷課及經過詳情並附調查報告仰祈察核事本年十月二十三日第十中學校全體學生藉端罷課一案當於敬有等日將辦理大致情形次第電奉 鈞長沁艷兩電遵經親往分別勸懲無效復又馳往該校督同校長劉紹寬將全體學生暫爲解散出校一面責成該校長認真淘汰教職各員重行組織以重學務而復舊觀亦於儉陷兩日先後電陳各在案查該校學生起事之時該校長曾於

事先回里道尹於次日聞報即派本署第二科科長章詰會同永嘉縣知事張濂前往開導該科長等馳抵該校適校長由籍回校當與磋商辦法並查詢起釁原因內容至爲複雜即擬和平了結該科長等遂召全體學生齊至講堂先詢以起事原因繼勸以照常上課如果校內有一切不善之處祇要理由充分似可要求校長改良反覆開導曉以利害幾至舌敝唇焦而各生等默無一語繼由該校長親自誥誡始則罪己辦理無能繼責各教職員管理不善終言多數有志學生不可受少數之脅迫犧牲寶貴光陰層層演說語極沉痛而各生等仍復默然最後攜出全校名冊諭令各生有願照常上課者各於名下簽一願字如有不願上課者聽其自退語猶未已而各生等一聞而散其時該科長等復召各班班長數人重與勸導始據四年級甲組班長蘇希文等面稱學監鄭濟品行不端須將該學監先行斥退始各上課等語該科長等僉以學監不端果有確證校長自有處分爾等各勸各班先行上課於是各該班長等均回宿舍振鈴開會有樂清學生張侯衡首先發言以鄭學監一日不斥退我等一日不能上課各

生一齊鼓掌嘈雜之聲幾如雷動該科長見事無濟回署稟覆此二十四日派員前往
開導經過之實在情形也二十五日據該校職員瞿陳鴻等報告各生在校益無忌憚
公然分發油印通告有自舉校長分設各部并舉臨時警察三四十人把守校門檢查
來往信件不許教職員等出入時復鳴鐘開會聲如鼎沸等語道尹卽令該職員等仍
各回校靜候 鈞示辦理一面仍令妥爲防範勿使學生出校滋事二十六日接准教
育廳發電道尹復親往剴切曉諭勸以先行上課校中一切如有不合宜處當請教育
廳整頓處分因先從第一年級學生點名上課詎甫經點名卽有一生口吹警笛號令
學生闐然星散道尹復念各生擔簦負笈入校讀書大都出於士紳之子弟其間雖有
害羣之馬究屬少數因復就學生羣集於操場之時前往以仁至義盡之言爲最後之
開導希望回復秩序曲全優級各生之課程詎各生等恃結團體始終不悟此二十五
六等日經過之實在情形也二十八日奉遵 鈞長沁電復帶同知事張濂警察局長
曹鐸隨往傳諭勸懲兼施該校長先已查取爲首學生十一人懸牌開除嗣又勸令格

外從寬降留四人僅斥七人詎被斥者均不出校未斥者依然滋鬧時各學生反對之鄭學監早經告退而各生仍堅不上課且學生之父兄紛紛到校亦由學生所舉之警察攔阻不准見面口稱學生不能斥退一名而教職員非先行懸牌斥退不可羣情洶洶幾有毆辱職教員之勢以致舍監學監相率潛避如是情形實難理喻不料似此野蠻舉動乃發見於文明學校之中誠屬駭人聽聞此二十八日親往目覩經過之實在情形也二十九日遵照艷電督同縣警將全校學生一律暫爲解散出校並面諭該校長將原有教職各員核其品行之優劣嚴格去留一面重行組織迅速召集學生復行開課庶使莘莘學子不致輟業於半途似於取締嚴厲之中仍寓 鈞長振興教育之旨此二十九日結辦是案之實在情形也至於該校各級學生分爲八班約計共有四百餘人此次風潮事後查詢始悉內部醞釀已非一日究厥原因其間教職各員或品行不端或各逞私見甚或暗中搆煽衆矢所的實屬咎有攸歸應否令行教育廳查明嚴予示懲以維教育之處出自 鈞裁除將該校釀成風潮內部詳因另具報告附呈

王復及舍監朱黼等查勘得禮堂樓上東牆外失去之磚約有三四塊委員卽詢據舍監朱黼面稱此次風潮由此而起惟究竟何人所毀及因何毀壞此時尙未查出嗣到校長室查勘查得住室之門及前面板壁均已活動牀板亦有塌壞處又到職員住室查得牀架有損壞處問其帳被何在據云當日被學生撕破現已浣洗不在校內等語委員當向舍監詢以住室及物件究係何人搗毀據云係吳陳法沈作乾葉銳葉華等數人所爲等語委員又於各自修室查見學生回校上課者約有六七十人次日復往詢學生代表吳陳法等據云並非伊等數人所爲委員又迭向各處探詢僉云校內詳細情形殊難得悉故亦無從查出現在學生回籍者約有二百餘人已由校長會同縣署致函各學生家屬並咨請各縣就近勸令來校上課合並陳明等情據此查該校校長王復據道尹平日訪查辦事尙能認真管理學生亦主嚴厲學生挾平時之積憤借端滋事復爲外界所利用遂致一發而不可收拾應請鈞長嚴令舊處屬各縣知事傳知各生父兄勒令各該子弟剋日回校不准受人煽惑自荒學業一面仍責成該校

校長秉公查明爲首滋事之學生分別斥革或記過亦不得多所株連俾得早日回復原狀是否有當理合電請 鈞長鑒核道尹黃慶瀾叩真印

代電省長齊陳辦理第十師校罷課案經過情形文 八年十二月二十七日

省長鈞鑒溫州第十師範學校罷課情形業經於漾日敬日宥日先後電呈在案查該校此次罷課風潮事前絕無消息二十二日夜二鐘左右忽有該校學生余昌舜朱明等突將教職員寢室盡行鎖閉當卽由余昌舜朱明等爲首搖鈴開會宣言反對校長教員非目的達到不止至二十三晨仍將校門關閉校長教職員不准出入並脅迫其他學生不得出校致各學生家屬前往勸諭者亦被拒絕道尹據該校校長王鎮雄來署面報立即委永嘉縣知事景崧馳往該校再三開導余昌舜朱明等堅持不允又詰以反對王校長及各教員是何理由彼等亦無詞可答迨景知事出校後校門又復關閉團聚不散二十四日續據報告該校仍未回復學生在校內時開會議內有已開除學生章釗先於二十二日夜越牆入校挾被校長革除之嫌與余昌舜朱明等勾煽其

他學生宣言反對校長以閉門罷課爲要挾現仍盤踞校內並主使自舉校長教職員謂學生現擬自治等情當經續電呈奉 鈞長有電令將已革生章釗飭縣會警拿辦一面督飭縣知事警局長前往該校將余昌舜等各爲首人開除勒令出校並嚴諭其他學生立即照常上課等因正核辦間同時又准教育廳夏廳長電稱十師校長辦理不善聽候查辦校務先由尊處派員暫攝等由當經分令遵辦並以派員暫攝一時無相當人員當據陳視學面稱蔡學監宏植係北京師範畢業與學生亦無惡感因舉以暫攝當即照准派代去後復據暫代校長蔡宏植面稱遵令往校視事學生閉門不納聲稱須聽朱明命令并據景知事往校後覆稱章釗朱明余昌舜均不在校而王校長又來報告謂章釗等確仍盤踞校內自稱爲代表朱明自稱爲總司令等情除令景知事曹局長覆查章釗余昌舜朱明等究竟已否出校覆候察奪外合將此案辦理經過情形謹先電聞再查余昌舜即夏間罷市之前一夜在大街散發傳單脅迫商舖罷市之人合併陳明道尹黃慶瀾叩沁印

通令十六縣知事調查該縣男女大小學生人數文 七年七月二十三日

照得國家教育之盛衰恒視學生人數之多寡泰東西文明先進諸國幾至於無人不讀書不識字殊足矜式查舊溫處各屬興學有年而教育尙在幼稚時代不得謂非官斯土者之責也顧欲覘各縣教育之狀況須先調查學生之人數該縣男女大小學生現在本地各校肄業者各若干人務須調查實在名數分別具報來道除分行外合亟令仰該縣知事迅卽遵照辦理勿延切切此令

指令樂清縣知事呈覆荊溪高小與第四高小互控一案情形由 七年七月二十七日
呈悉荊溪高小學校認定之款既非的款且大荆一區設有縣立高小學校距離不及一里又設同等學校實屬有違部章且於招收學生亦多窒礙該知事細心體察擬將荊溪高小學生歸併縣立第四高小學校自屬正當辦法仰卽善爲調停俾雙方各泯意見不再爭執是爲至要此令

指令永嘉縣知事呈送圖書館建築清冊由 七年十月十日

呈册均悉查該館房屋無多何以支款至三千一百五十餘元之鉅究竟開支是否核實工程是否堅固所有購置器具書籍一切現存何處其常年收入經費共有幾種數目若干仰該知事卽行親往勘驗檢點並遵照本公署迭次訓令詳細查明據實具覆以憑察奪勿僅以承轉了事是爲至要仍候教育廳令遵此令册姑存

指令慶元縣知事呈報創設圖書館情形由 八年一月十五日

呈圖均悉圖書館之設原以萃歷代之文獻資羣儒之考據意美法良莫過於此該縣地方素稱瘠苦驟捐鉅資創設是館尤爲人所難能本道尹披閱之餘良深佩服仰卽督飭次第進行是爲至要仍候 省長暨教育廳令遵圖存此令

指令泰順縣知事呈報舉行教育會議情形由 八年一月二十八日

呈件均悉該縣僻處山陬所陳辦學困難狀況自是實情核其議決進行方法尙屬切實該知事以籌款維艱每年捐俸補助具見熱心教育深堪嘉尙至推廣學校係屬應爲之事惟一切管教方法須格外注意務使注重德育勿稍染浮囂惡習是爲至要仍

候教育財政兩廳指令祇遵件存此令

指令慶元縣知事呈報開辦區立模範國民學校由八年二月十日

呈圖均悉創設模範學校乃整頓教育之良法該知事熱心毅力一再籌設此項學校於該縣教育前途大有裨益惟辦學不在形式宜重精神管教之方尤宜格外注意仰卽知照仍候教育廳指令祇遵圖存此令

指令慶元縣知事呈報建築縣立模範國民學校並設置校具一切由八年六月二十

九日

呈及圖冊均悉該知事募捐建築縣立模範國民學校並設置校具一切察核辦理情形尙屬完善從此立教育之基礎樹小學之模型本道尹實深嘉慰應卽准予備案仍仰分報 省長暨教育廳核示祇遵此令清冊圖模均存

批平陽公民余葆等呈爲校長王鼎恆兼職蝕款由七年三月十九日

呈悉各學校教職等員不得兼任他項職務會奉 部令通行在案該縣葛溪學校校

長王鼎恆既任是職又兼第一高等小學校教員一身兩職縱使才具兼人對於職務難保不顧此失彼況與部章相背乎至稱該校長侵蝕公款破壞公產各節如果確實亦應澈底清查以重捐款而保公產惟事隸教育行政範圍該公民等既經分呈應候教育廳批示祇遵此批

批龍泉縣畢業生周家寶等呈請令縣派入學校分擔教課由八年二月二十四日該生等畢業師範講習所如果品學俱優自必爭相延聘不患無位所稱現均賦閒擬請派入各校分擔功課鐘點藉以均沾利益實屬匪夷所思無此辦法且閱來呈訛字屢見是該生等之學識亦可想見矣所請令縣之處應毋庸議此批

批麗水縣教育會長傅廷奎呈控劉廷煊辦學不力等情由八年三月五日

查接管卷內該會長前因接充教育會長時曾經呈控劉廷煊抗交圖記等情嗣經前道尹飭縣查覆據稱該會長與劉廷煊素不融洽互相傾軋等語是彼此早已各有意見據呈前情難保非挾嫌攻訐究竟該縣原有學校共計若干現在停閉若干以及學

款共有幾何如何分配仰卽詳細分別列表由縣轉呈核奪毋得率爾越竇切切此批
批麗水縣勸學所所長劉廷煊呈控教育會會長傅廷奎越職欺朦由 八年三月二十

二日

學界互相攻訐最爲惡習該縣教育會長傅廷奎前經具呈到道以該所長受賄舞弊
並送縣立第三高小學校學生表概況書前來當查傅廷奎以會長名義行使知事職
權令行麗水縣知事傅案申斥並飭查覆在卷茲據該所長呈稱傅廷奎越職欺朦叩
請撤辦等情是傅廷奎之越職前已令縣申斥有案至控該所長受賄一節亦應俟縣
呈覆核辦惟查接管卷內該所長與傅廷奎曩因交替教育會時互存意見是以雙方
攻訐至再至三尙復成何事體嗣後該所長與傅廷奎如再互爲越竇本道尹惟有令
縣一併撤換以爲學界攻訐者戒凜之切切此批

批永嘉縣公民朱鳳祺等呈爲改辦女子職業傳習所一案擬增設教科更定校名請

核轉由 八年六月二十六日

呈及章程均悉該公民等擬將是項倉穀經費改辦女子職業傳習所注重蠶桑事業並擬於秋冬閑曠之時添設織布縫紉及製造肥皂絨巾等工爲補充科辦法尙是惟查此案前據永嘉縣知事據情分呈前來卽經令候 省長暨實業廳長令遵並令仍將前飭查明是否出於人民公意一節剋日具覆在案該公民等現擬增設教科亦應呈由縣署分呈核示本署未便准予核轉致涉兩歧仰卽知照此批章程姑存

致教育廳長伍函

七年十月二十五日

逕啟者昨上一電諒早察及第十中校全體罷課原因有三一有人覬覦該校校長暗中鼓動學生已非一日二則某生投考中學程度太低該校校長未允取錄亦遂鼓動學生鬧學三學生曾要求至某處旅行校長未允以上係實在原因其藉口苛待病生及攻擊監學皆虛語也陳監學在該校已久平日管理學生頗嚴其不能見好於學生亦是實在二十三日第四課忽然不上問其原因無一肯說罷課後卽自舉校長公推臨時警察把守校門教職員及學生出入信件均須由臨時警察檢查恃謬至此可嘆

可嘆弟於二十四日得該校報告後即派知事及做署科長前往再三開導均置不理并聞另有通告印刷擬分送各處弟已飭警局通知各印刷所不准代印惟學生如此荒唐似非嚴予懲戒不足以遏囂張之燄事屬貴廳主政特據所知奉聞乞力為學校前途維持之劉校長雖已呈請辭職然當此之際似可稍緩准許恐學生不知底蘊以為因此去職愈長澆風耳卓見以為何如

致十中校校長劉函

七年十一月

逕啓者本年十一月五日奉 省長歌電開十中校事前據卅電已於東日電覆照准現在該校已否遵辦案關教育務飭速行開課所有教職各員尤應認真淘汰另聘安員萬不准稍涉瞻徇並不得以一時課授乏人稍有牽就總以切實整頓為要校內如有遺失物件並即飭縣速追仍將辦理情形及飭查事項速報候奪等因奉此現在貴校長辦理如何學生悔過結似應分別辦理不必一概填具此次風潮如有實在並未與聞者查明後更應酌加獎進奉電前因相應函致貴校長查照辦理仍希見覆以便

轉報此致

覆教育廳長伍函 七年十二月二十四日

仲文仁兄大人閣下奉示祇悉一切弟之所以欲改蠶桑學校爲單簡講習所者以其開辦多年毫無成績且地方輿論亦以改變爲然果能如弟所請就經費而論以一化二而有餘且係活動性質今年設於甲縣明年或移至乙縣數年之間或可普及於溫屬各縣希冀蠶桑可以發達變貧瘠爲富饒竊寓振興實業之意弟爲實事求是起見故有此改革之議也至尊處執行自不能不顧及 部令應如何斟酌盡善之處卽由貴廳主持弟不過就聞見所及謹具條陳以供採擇而已仍請執事核定施行可也

致十六縣知事通函 八年十月 日

逕啓者此次晉省之便得參觀中華職業學校於滬上觀其教授之適宜訓練之合法成品既有美必備銷路復供不應求成績斐然洵足尙焉卽以鈕扣一科論十三四齡學生已優爲之應用廣而獲利尤厚此項機器該校已能自行仿製每全副僅需銀九

十餘元各省均紛紛訂購法瑯卽俗稱鍍磁者其出品與洋貨無異各處定貨竟有應接不暇之勢該校辦理甫及一年其成績已如此將來之發達可操左券要之中國工價低廉原料豐富爲東西列邦所莫及果能因物產之美利求工業之進步事半功倍成效自宏蓋原料博則取材無待他求工本輕則售價自不昂貴不獨可暢銷於國內卽西洋各國亦無不歡迎者爲特檢同職業學校章程二冊函送執事查照卽希分發勸學所及其他學務機關共同研究廣爲勸導或設立此種學校或派生赴滬學習卽由各縣參酌就地出產應需科目分別酌量辦理一面可先選有工業知識人員前赴滬校參觀俾資模範苟吾甌屬十六縣縣有職業學校一所則工業之發達人民之富足胥基於是矣不勝企望祝禱之至

覆呂紳渭英等函

八年十二月二十日

逕覆者接准大函以舊溫屬縣立甲種商業學校每年經費不敷甚鉅擬擴充範圍添籌經費請爲提倡等由事關商業教育前途苟力所能爲自無不樂予維持惟該校每

年經費收入若干除中師舊款及省款補助外有無別款又每年支出不敷若干所有虧欠之款從何年起將來如何歸墊未准來函詳叙無以着手應請將以上各節詳晰聲覆再行酌辦

覆呂紳涓英等函 八年十二月二十七日

逕覆者接准來函並送舊溫屬縣立甲種商校預算書到署查該校歲入預算計銀五千元以上經費不爲不鉅何以全校學生僅有五十一人而出入尙多不敷此五十人何以又分爲三班致該校教職員薪修一項竟占全年歲入額六成以上應請將此項預算分別酌減先行維持現狀至班數能否合組一併妥議見覆以憑察辦專覆

浙江省立第十中學校畢業訓詞 七年暑假

人生之事業無窮學業亦無窮業固無所謂畢也畢業云者畢此學級之業更進而求彼較高學級之業故今日爲諸生畢業中學之日亦卽爲諸生始業高等與大學之日也顧_鄙人於此竊有感者歐風東漸有志之士痛國勢之凌夷思有以改絃而更張之

參酌東西學制興辦學校原欲造就人才以振興國
垂二十年特異之人才既不經見國勢且益委靡而
毛不求實際致真才不可得見此猶非探本之論也
張倡爲自由平等之說誣蔑聖賢滅絕倫紀幾將數
逞其自私自利之心機械變詐相習成風而世道人
之毒者亦所不免不知三育鼎峙德育實居其先德
於身則身修行之於家則家齊推而行之於國則國
實鮮道德之爲患諸生肄業中學已閱四年飫受劉
育之旨當已深加體會無庸部人之過慮但使服膺
成出而問世於文章事功之外尤以道德著聞俾社
有責部人有厚望焉

浙江省立第十師範學校畢業訓詞 七年暑假

前星期中校舉行畢業師人曾以道德二字爲中校諸生勗今日又值貴校舉行第七次畢業師人得與盛會欣快之餘誼不能默爾而息師人以爲今日諸生於道德之關係尤爲切要蓋諸生之所畢業者爲師範學校曰師曰範顧名思義是不徒在各種科學之優長尤當敦品修行以身作則爲後進所矜式形端而後表正苟於道德問題不能切實領會身體而力行將何據以爲師亦何資以爲範屬望之者既厚自待正不可薄且中等師範爲小學教員取材之地小學教育爲國家造就人才之基礎德之勝法俾士麥歸功於小學小學之所以能強國者端在教育之得人蓋當蒙養時代習聞師說輒深入腦筋雖至衰老而不能忘如令教育得人親炙其師之立身行誼耳濡目染之既久自有潛移默化而不自覺者學校之影響及於社會社會之影響及於國家實有速於置郵而傳命之勢欲人人富於自治之能力人人富於愛國之思想要非有道德之範圍以涵育而薰陶之其效必不至此曩者師人在滬辦學見夫爲教員者大都視教育爲營業但知爭論鐘點計較薪金而自身之表率如何諸生之品行若何俱漠

不注意在學生學識未充摭拾一二自由平等之謬說遂不知綱常倫紀爲何物致使子弟入校之後反不若在家之馴謹而爲父兄者每視子弟入學校爲畏途遂有令子弟出學校而入私塾者誤人家之子弟阻學務之進步弊害何可勝言而推其害之所由莫非因不知注重於道德之故諸生在校肄業有年學行優美成績燦然異日出爲人師自必循循善誘足資模範斷不致如鄙人之所見特望之深者不自覺其言之切諸生能曲諒吾意而勿視爲迂緩之談則教育前途幸福無極矣

永嘉縣立女子高等小學校第二次畢業訓詞

七年暑假

小學爲大學之基礎女學尤爲小學之基礎蓋人自呱呱墮地迄成孩童其間未入小學時期所藉以涵養德性增益智能者全恃乎家庭教育而家庭教育之完善與否尤視母教以爲轉移母教能納之於軌物斯子弟自臻於善良其機甚微而其效甚著是故女學之興實爲造就母教之地此稍有教育知識者類能知之顧自清季以迄於今垂二十年女校之設遍於舊日郡縣宜其成效大著矣乃觀於近日社會之心理爲父

母者咸不願其女之肄業於學校而視爲畏途致女子教育終不獲日就發達者何哉
女子本以服從爲天職乃一入學校遂高自位置競倡平權等夷其親庸視其夫家庭
之間動演革命其弊一也吾國女子雖無職業而中饋之司分所當爲學校女子井臼
操作皆所不屑富厚之家猶不能坐食以嬉況中人以下者乎其弊二也尤其甚者假
託通脫踰越防閑以驕奢淫佚之所安遂不覺其喪失身名之爲辱實亦事之所恆見
而要非鄙人之所忍言綜此原因社會心理不得不因噎而廢食女學前途遂受無窮
之障礙矣今日畢業諸生品性貞靜學業優長觀於全班之成績想見平時之師說異
日資爲母教自必有完美之效果萬不致如鄙人所言之甚者然使聞吾言而引以爲
鑒交相勸勉俾得矯正惡習修明壹儀則鄙人今日之針砭亦未嘗無壞流之助焉
永嘉私立大同女子高等小學校畢業訓詞 七年暑假

學問之道以高深爲貴而女子求學與男子不同有不必求其高深者蓋女子無致身
社會之必要其所應盡之天職爲家政爲家庭教育故祇須有普通之知識足以教育

其子女整理其家政足矣若從事於高深之學就使深造有得能出所學以貢諸社會而對於其子女家政勢必不能兼顧是因致力於不必要之業務而反放棄其所必應盡之天職矣不獨此也每一科學欲求精進非寬以歲月不可不知女子求學之時間實較男子爲短故光陰尤極寶貴蓋其在室時或託父母之庇蔭免予操作得以負笈從師專心研究迨于歸而後則家政累之子女累之米鹽瑣屑襁褓提攜萬無餘力再談學問故與其求高深之學問致中止於半途曷若具普通之知識較完全而適用非以女子爲不足與言高深也地勢使然也抑鄙人猶有進者男子先德行而後文藝女子之德尤重於才今者女校之設亦已有年而曠觀社會之對於家政對於家庭教育之進步猶有未易言者何也蓋各女校能偏重於德育者尙未多見也鄙人前在滬上創設女校對於家政應有各科如國文縫紉烹飪等外首重修身往昔之嘉言懿行可資爲閨訓母教者必詳爲演講不敢以陳腐薄之蓋過於開通之弊或至踰越防閑不如稍就迂腐猶有範圍可守也前星期永嘉縣立女子高等小學畢業亦曾以此意爲

諸生昂今觀貴校諸生學行俱優實賴賢師教導之功鄙人初到此間卽已聞之是於鄙人今日所言當不以迂腐見誚故敢盡其辭

浙江省立第十師範學校童子軍成立訓詞 七年十一月

中國今日衰弱已極論者僉謂歷來重文輕武之弊故學校之中創爲童子軍所以寓尙武精神也雖然曰童子則爲未成年時代曰軍則當以軍人自居是二者必先知有服從之天職童子能服從而後能受父兄之保護師長之訓誨軍人能服從而後平時能受訓練臨事能受指揮如僅發揚踔厲糾糾爭雄惟動武是恃流弊所極學校之中迭起風潮軍旅之間威令不行偃蹇驕橫而不復可制是猶不如不武之爲愈願諸生勉之

永嘉縣立高等小學校第十四次畢業訓詞 七年寒假

教育人才譬諸建築當先求其基礎小學爲教育之基礎基礎固而後層累而上可無覆墜之虞小學所受之教育旨趣歸於純正斯拾級而登由中學而大學所造就之人

才亦必純正而國家亦收人才教育之益形端則表正也所謂小學教育之基礎者何德育是也無道德而徒增進其知能適以長其虛矯之心無道德而僅強壯其體力適以張其暴厲之氣諸生今方由小學畢業是尙在建設基礎時代欲求此基礎之良好穩固要非注重道德不爲功道德之心富而後學業既成將來爲國家任事必能精白乃心爲民生謀福利之效爲社會任事必能熱心公益爲地方盡興革之功天下興亡匹夫有責願諸生曲體此言益加奮勉鄙人有厚望焉

溫屬乙種蠶業學校畢業訓詞

八年暑假

蠶業爲致富之源我國古時青袁兩州均極發達後乃推江浙爲最故其富庶亦甲於全國互市以來蠶絲爲出口大宗獲利甚鉅外人遂爭相仿效作商業之競爭比年歐戰影響注意蠶業漸形消阻唯東瀛三島乘機經營不遺餘力駸駸乎有駕我國而上之之勢若不力謀改進推廣蠶桑坐視鄰邦獨擅利權寧非可惜本道尹下車以來對於蠶業尤極注意限令各縣購辦桑秧發給鄉民俾廣種植以樹育蠶之基礎復恐愚

民無識或仍淡漠視之更編成勸種桑養蠶白話文刷印分送廣爲勸導區區之意誠以蠶桑事業關係於國計民生至重且大有急不容緩者在也奈各屬每以地方缺乏蠶業人才相推諉遂致此項利用厚生之事業未克推行無阻此本道尹所引爲深憾者今諸生均屆畢業之期平日承諸師之訓誨啟導舉凡育蠶之方植桑之法以及蠶桑之利益當已試驗有素洞悉無遺矣自此以後將各出其所學倡導梓鄉庶幾愚民咸曉然於蠶桑事業爲大利之所在爭事植育日形發達宏我國固有之利阻強鄰攘奪之心胥於是乎在本道尹於諸生實有厚望焉至蠶桑之利之溥則已詳所編白話文中茲不復贅

永嘉縣屬各小校學生成績展覽會行閉幕禮訓詞

八年暑假

小學乃根本之教育如樹木然根本既固枝葉自茂枝葉之強茂與否固非可以臆度得之衆樹並列榮悴立見考察教育其道亦然我國興學垂二十年考其成績尙在幼稚時代永嘉古稱文獻之區近來學校林立教育亦甚發達而終未臻於完善者豈風

會使然良以教育或未盡合法耳願欲論定各校教育之合法與否非集各校成績品於一堂相觀相較不足以別其程度之高下然則此次展覽會之開設其裨益於永嘉教育前途匪淺鮮也各校成績既經展覽之後紀其分數定其殿最於是某校優某校劣某校某科優某科劣明於觀火朗若列眉庶幾求學之士相觀相感相漸相摩善者益求其善未善者力謀改進冀同臻於善是則此次之展覽會又爲促進教育之方針也然鄙人更有進者各校學科如文字數理手工圖繪等均有成績品可列足以定優劣而資觀感唯道德爲教育之根本非若各科之有成績品可供衆覽者然則欲謀教育之完善首宜注重道德而欲注重道德又非辦學者以身作則循循善誘不可此今日鄙人所極願與諸君商榷者也

第十中校學生罷課告誡詞 七年十月二十六日

學生之身分何等高尙學生對於求學之光陰何等寶貴今學生在學校中罷學不上課是廢光陰也在校喧鬧自由行動是失其身分也試問學生入校何爲乎求學問乎

爲司教育行政乎教職員有不盡職處自有校長處分校長有不盡職處自有教育廳處分豈求學問之學生可拋棄其學問荒廢其光陰而干涉及於教育行政之事乎學生既失其爲學生之身分即可取消其爲學生之資格而不以高尚之身分對待之本道尹有監督一切行政之責豈容坐視不問第念諸生中有誤於一時之不明者有誤於他人之脅誘者不能不先爲開導諸生須知上課以求學問益在何人罷課而廢光陰損在何人學問無窮光陰易逝急起直追猶恐不及諸生名曰學生天職全在求學學問之外無一事爲學生所應爲者今乃發通告把守校門攻擊教職員此豈學生所應爲之事學生應有之課乎今與諸生約除校內學務一切由校長遵廳電辦理外須一律照常上課倘再違抗是不知自愛也是已失高尚之身分也本道尹亦斷不能再予姑息以養成囂張之陋習諸生其熟思而有悟之

甌海觀政錄卷四

實業類

農業

訓令五件 指令八件 布告一件

通令

十六縣知事
永嘉警察局

農民來溫採辦耕牛須領給該縣護照文

七年三月七日

查宰賣耕牛向干例禁甌屬爲產穀之區牛種尤宜保全業經本道尹通令并布告禁止私販宰殺在案惟每值春耕各縣農民時有來溫採辦耕牛以資犁種誠未便概行禁止然運往之後是否用作耕牛難於稽考想奸商販運牟利勢亦不免自不能不加取締嗣後各縣農民來溫採辦耕牛須先報由該管縣署查驗確實給發護照沿途呈驗後始准放行如無護照一概扣留嚴辦藉維農業而杜奸販除咨請會稽道尹轉飭各屬一體遵照並分行外合行令仰該局知事長即便遵照出示布告切切此令

訓令永嘉警察局飭查販運耕牛文 七年四月一日

查私販牛隻向干例禁迭經一再通令布告嚴行禁止其各縣農民來甌採辦耕牛須先報由原縣領給護照沿途呈驗始准放行如無護照一概扣留嚴辦並由本公署一二二號通令飭遵在案茲經訪得永嘉縣小和鄉潘橋地方有大批耕牛將次販運出口是否私販自應澈查合亟令仰該局長飛飭該管警區立即前往嚴密查究如無原縣護照即行拿解究辦仍具報候核倘該警區等有私縱情弊一經察出定予嚴懲不貸切切此令

通令十六縣知事及警察局長查禁鄉民捕食田雞文 七年五月十四日

照得田雞一物多生於田旁溝洫中專食害苗之蟲又名護穀蟲故凡捕食之者例禁禁嚴茲訪聞各縣貪利之徒不知田雞之有益於農田仍有任意捕捉私行出售情事實屬故違禁令須知護穀之蟲日少害穀之蟲日多於秋收豐歉大有關係自應嚴為查禁除分令外合行令仰該 知事 迅即出示嚴禁如敢故違立予拘辦勿稍寬縱仍將遵辦情形具報備查切切此令

通令十六縣知事改良及仿種農作物文 七年六月六日

照得爲治之道足民爲先中國本以農爲本如於農作物產加意研求則於興利之方尤屬事半功倍甌海各屬氣候溫和土壤肥沃志乘所載農產之物五穀而外竹木花果無一不備農民無識襲故蹈常於種植之理不知講求致出產漸少財源日絀野有遺利可勝歎惜經不云乎有土此有財可知有一地卽有一生財之用米麥雜糧爲農產大宗力田之民固無不注意然而水旱不常豐歉無定非有人事之隄防何以爲天時之補救此外甌屬原有之物產若茶葉若柑子若藥材若棉花之爲紗料靛青之爲染品甘蔗柏子之可以製糖造燭皆爲日用必需之物以及向無生產而察其氣候土質可以適宜播種者均應詳細講究竭力提倡物土之宜而布其利是固爲有司者應盡之職務除分行外合行令仰該知事相度土宜會詢紳民於該縣農作各物應行切實改良及斟酌仿種之處剴切曉諭並編成種植淺說頒發宣講所隨時演講俾農民咸曉然於地力之無盡藏而力作之有厚利庶幾無曠土無游民致治之效計無有先

於此者仍將遵辦情形具報候核毋以空言塞責切切此令

訓令永嘉縣知事警察局長嚴行取締私宰耕牛文 七年十一月三十一日

據永嘉屠宰稅徵收主任徐銘勳呈稱禁宰耕牛前經部省通令免稅禁宰迭經鈞尹暨縣知事布告嚴密查禁在卷何以溫郡屠行每日私宰大街市上牛肉高懸巡警絕不顧問不知是何辦法現敝所調查員查明同豐牛行賊證報警緝獲想警所仍以數元處罰了事但屠行所宰之牛半係賄買鄉間偷竊之牛既無重本又無報稅宰殺愈多獲利愈厚罰金數元非伊所懼故農家所養之牛日形減少實於農業前途大受損害此項禁令究竟是否實行犯禁者應照何種法律懲辦非蒙鈞尹再賜布告並飭警局隨時查緝恐私宰之行不閉即竊牛之風不絕上何以維禁令下何以保農產爲此備文呈請鈞尹核准施行等情據此查私宰耕牛迭經令禁有案據呈前情各商舖等故違禁令亟應嚴加取締除分令外爲此令仰該知事迅即會同警察局長遵照迭次令開切實申禁嚴行究罰毋稍寬縱仍將遵辦情形具報備查切切此令

指令永嘉縣知事呈覆農業改良情形由 七年六月二十八日

呈摺均悉所陳農業改良各節均尙可採其間惟以利用植物的殘根說樹下隙地之餘利種油桐樹的利益三端持論尤爲精細足見該知事平日對於農學一科確有經驗迥與空言寒責者不同仰卽按照摺開各節督同農會會長詳加研究積極改良務使植物繁興農皆樂利本道尹有厚望焉清摺存此令

指令景甯縣知事呈覆勸諭農民種植農作物情形由 七年七月二十六日

呈悉創立苗圃試種最易發育之日本櫻并分種茶樹爲興辦森林之基礎具見熱心實業深堪嘉尙仰仍隨時廣爲勸導毋得始勤終怠俾農民咸知栽植之利森林日見發達本道尹有厚望焉此令

指令麗水縣知事呈報勸諭種植農作物情形由 七年七月二十九日

呈悉該縣既山多田少應興辦森林茶葉藥材靛青竹木桐茶柏各油等無一非大利之所在出口不多由於出產不多該知事應悉心體察因地之宜而布其利俾得出產

日多農民無知難於圖始尤宜隨時勸導勿得以一覆了事是爲至要此令

指令宣平縣知事呈覆遵令興辦農業情形由 七年七月二十九日

呈悉靛青銷路甚廣應竭力勸導改良茶麻蓮種逐件整頓均屬獲利之品蠶桑利益尤鉅第人民知識淺陋不知其利應編成白話文廣爲勸誘以期盡曉至稱購辦桑秧須在冬末春初籌備果利亦復不薄該知事對於靛青茶麻等類既知整頓改良種桑種果復能次第提倡熱心公益深堪嘉慰惟禁止放火燒山保護樹木實爲興創森林根本計畫整頓水利尤爲種植學必要之圖來呈言之綦詳益見留心農政特是言之匪艱行之惟艱尙望切實力行俾一般農民均受實惠本道尹有厚望焉此令

指令樂清縣知事呈報提倡振興農產物情形由 七年八月十日

呈悉茶葉藥材靛青均係大利所在應卽設法勸導擴充改良俾日臻於發達至該縣出口茶葉訪聞攪雜偽貨甚多以致銷路大滯該知事應卽嚴查罰辦以儆效尤是爲至要此令

指令縉雲縣知事呈覆遵令勸導改良農作物情形由 七年十二月七日

呈摺均悉茶桑竹木其利甚鉅該知事擬加改良於公私荒地先行調查振興林業計無逾於此者但坐言尤貴起行務望切實施行是爲至要摺存此令

指令平陽縣知事呈覆籌辦改良農作物并具說畧由 七年十二月二十三日

呈件均悉該縣金鎮鄉自治委員所擬改良農作物說畧尙屬妥洽惟事實實行應由該知事實力提倡勿以空言了事至各鄉土宜或有不同當不致相差過遠仍仰彙集合縣意見妥議改良以期推行盡利並具報候核此令件存

指令樂清縣知事呈覆遵令調查荒廢土地由 八年六月二十九日

呈表均悉該縣既有如許荒山又知土性之所宜應卽分別官有民有官有者趕緊招人開墾種植民有者尤當勸導及時佈種務使野無曠土以盡地利仰卽遵辦此令表存

布告禁止屠宰耕牛並販運出口文 七年二月九日

爲禁止事照得甌屬各境本爲產穀之區耕種田畝人工而外惟賴牛耕春雨一犁夏
畦千畝既助農夫之力作豈容牙儉之居奇庖丁之技雖神仁人之心何忍乃訪聞甌
屬各地鄉愚無知驚近利而忘遠害甚且藉口西人衛生滋養之說致屠宰販運之事
日有所聞不知西人所食爲一種食牛並不用爲耕作甌地則祇有耕牛日日宰賣所
生之數勢不敵所殺之數牛種垂絕將來耕種田畝僅恃人力勢既不給購置機械無
此巨資雖有沃壤如獲石田甌屬數百萬之生民將何恃以爲食此風不戢爲害何底
除通令各屬隨時嚴禁外爲此布告閩屬商民人等一體知悉所有民間耕牛概不准
宰殺販運如有私宰及私販出口情事一經察出定卽重懲決不寬貸其各懷遵毋違
切切特此布告

甌海觀政錄卷五目錄

實業類

林業

呈文一件 訓令六件 指令二件 批一件 祝詞一件 演詞一件
白話文一件

蠶桑

訓令五件 指令九件 白話文一件

茶務

指令二件 批一件 布告一件

鑛務

訓令一件 函四件

習藝所

呈文三件 訓令二件 指令十件 訓詞一件

交通類

交通

訓令四件 指令二件 函二件

電務

呈文四件

祠祀類

祠祀

呈文三件 訓令九件 指令八件 批二件 函六件

公益慈善類

公益慈善

呈文一件 訓令七件 指令七件 代電三件 函一件

白話文一件

甌海觀政錄卷五

實業類

林業

呈文一件 訓令六件 指令二件 批一件 祝詞一件 演詞一件

白話文一件

呈省長齊爲舊處屬林業日衰請行廳核議荒棄罰則文 七年三月十一日

呈爲舊處屬各縣林業日衰擬請行廳核議荒棄罰則以資振興事竊查甌海舊處屬各縣萬山環繞木植一項爲出產大宗每年採運來溫輸售各地一產一銷交相爲利近年以來處屬之木植來源日少溫州商業亦頓因減色究厥原因近來生齒益繁材木之用本有供不敵求之勢加以社會經濟之影響鄉民急於近利往往不待成材斧斤遽伐既伐之後又以木植之利極遲不加補種遂至有伐無生長此以往溫州之商業誠難於維持而牛山濯濯彌望皆是處屬生利之源其涸可待水旱偏災且相因而

至前年青田之水已見其端矣因查森林之法 農商部訂有專則於獎勵之方已極詳盡但樹木之效期諸十年小民難與圖始雖有造林之獎勵而無荒廢林業之罰則以繩其後恐不足以收懲勸兼施之效蓋放棄山林之利不加種植直接損害誠在個人然因是而絕生產之源致社會經濟日益恐慌甚且變更土壤釀召災害爲害前途實無窮極是雖嚴予懲罰似不爲過應請 鈞長令行實業廳詳加核議訂立荒廢原有森林之罰則或並列入各縣考成庶處屬之利源賴以挽回而溫州商務亦得藉資補救愚昧之見是否可行理合備文呈請鑒核施行實爲公便謹呈

訓令龍泉縣知事查禁放火燒草妨害森林文

七年四月五日

查農商部森林法第二十四條第二十五條放火燒燬森林者均應按律處罪誠以森林之利關係國計民生是宜加意保護俾遂生長之機茲訪聞該縣農民耕種山田往往放火燒草用作肥料野火燎原附近林木輒被焚毀變成焦土本道尹以處屬林業日就衰微方擬設法振興此種妨害森林之惡習亟應先予革除合行令仰該知事將

放火燒山害及森林之農民嚴行訪拿按律懲治並出示永垂厲禁以維林業仍將違辦情形隨時具報候核切切此令

訓令永嘉縣知事爲門前沙耆民林良普等請保護塘園文

七年七月十六日

本年七月十三日據永嘉門前沙耆民林良普等呈稱該處塘園係合地協力築成以捍潮流栽植森林保護塘脚隔江吟州黃耀星等挾私朦訴奉批惶恐叩請准予保護等情據此查此案前據該知事轉呈該地林業公會組織辦法到道並據該會報告成立當經本公署派員會同該知事等前往視察具覆旋據公民黃耀星等呈稱沿塘植樹妨礙滋多叩請察核等情前來節經分別批示取消前案並咨實業廳查核暨令該知事知照在案據呈前情除批呈悉該村林業公會有名無實業經批示撤消前案在卷惟該地塘園係爲捍禦江潮保衛村居田產而設凡屬就近居民以及隔江客民來地耕種者均應加意保護不得私掘塘脚填塞官河充作己田致妨公益至種植樹木原於塘園不無利益之處已經栽植成林者自應一體保護倘有挾私逞忿任意戕伐

者應予究辦據呈前情仰候令行永嘉縣知事一體出示保護可也繪圖附卷約據發還此批挂發外合亟檢同副呈令仰該知事迅予出示保護毋使雙方再有爭執是爲切要此令

訓令永嘉縣知事派警提究七都鄉農民拔棄林苗一案文 七年七月二十七日

案據永嘉七都鄉各村人民黃耀星黃紹玉等呈稱陳訓齊等託名林業栽種桃苗佔路妨農業將已植林苗拔棄無遺請求永遠禁止栽植等情前來據此查該村林業公會雖經撤消而塘圍已植林木自應加以保護業經令行該知事出示周知在案乃該民等擅加戕伐又復聯名投呈希圖聳聽殊屬刁蠻已極亟應嚴加懲治以警刁風據呈前情除批示外合亟檢發副呈令仰該知事即便查明提究具覆此令

訓令永嘉縣知事爲調查官荒地地點詳細具報文 七年八月十七日

照得永嘉縣境幅員遼闊官地荒山度必不少雖經省派清理官荒委員專司調查特恐百密一疏仍多遺漏現當振興林業之際凡有官荒山地或宜牧畜或可植林均須

逐一查報俾可設法籌款次第振興總以地無曠土野無游民爲宗旨本道尹對於地方興利各事無不悉力提倡茲擬從永嘉境內先行調查爲入手辦法合行令仰該知事即便遵照派員調查如果該縣境內尙有官荒地地點務將畝數若干是否近水坐落何處尅日詳細具覆以憑核奪切切此令

通令十六縣知事催辦林業籌備購種仍令具報備查文

七年十月三十日

照得興辦林業獲利至溥疊經通令各縣遵辦在案茲屆冬令草木將次凋萎農民亦值閒暇亟應先事籌備調查荒廢辨別土性之宜研究種植之類盡力勸導預備購種庶使轉瞬春季不致有臨時竭蹶之虞本道尹注重林政原爲地方闡利起見是以不憚煩瑣一再諄誥除分行外合再令催仰該知事遵照先令文迅將境內荒廢土地先期調查區別土性種類勸導鄉民籌備購種務使切實進行毋得再以空言塞責仍將籌備情形報查勿延切切此令

通令十六縣知事趕速購種桐柏以興林業文

八年三月三日

案查振興林業迭經令行各縣遵辦在案據各縣知事先後呈覆籌畫進行者有之因循敷衍視同具文者亦有之甚或藉口於土性之不宜成效之難冀殊不知林業大利盡人所知詎得因噎而廢食查桐柏等樹均屬易植之物土質氣候尤無不宜桐樹種植三年之後即可採子取油柏樹種植五年之後亦可取油製燭皆爲甌屬出口貨之大宗每年所得不下數萬金是已有成效可觀況荒山隙地隨處可植不必整畝田地獲利之速尤非別項林木可比各縣知事亟應竭力勸導爲民興利除分行外合卽令仰該知事先行出示曉諭人民提倡種植桐柏等樹暨飭宣講所編成勸種桐柏白話文派員分途切實講演俾農民咸知桐柏之利一面趕緊購辦桐子柏種分發各鄉農民俾得實行種植遵辦具報候核勿延切切此令

指令瑞安縣知事呈覆籌備辦理森林由

七年十二月二日

查本公署第八零五號訓令係催促推廣進行方法並非調查現狀來呈所述似屬誤會究竟該縣境內是否造林已經普及別無荒廢餘地至稱各鄉山麓人迹不到正可

免被毀壞何以不宜植林究係何故仰仍明白呈覆毋涉含混切切此令

指令瑞安縣知事呈覆勸種桐柏情形由

八年五月二十日

據呈轉令苗圃經理採購桐柏子種按期分發農民廣爲種植等語殊嫌含混究竟如何按期曾否實行未據明叙仍仰該知事迅將子種數目分發鄉區領種戶名栽植地點逐一開摺具報以憑查核案關振興林業務須切實遵辦此令

批永嘉縣民人林寶珩呈請收回後令仍准撤銷林會由

七年七月二十九日

呈悉查是案前經本公署派員會同縣警往勘以該林業公會有名無實批令行縣撤銷前案嗣據該村林良普等以黃耀星等私掘塘脚填塞官河充作己田且恐傷及護塘樹木繪圖呈請察核等情前來又經批示行縣出示保護各在卷是前批係撤銷林業公會之立案續批係保護塘脚及已種成林之樹木事屬兩端極易明瞭業經先後令行永嘉縣分別遵辦該民等何得顛預牽混率請收回後令所呈應毋庸議此批

永嘉膺符村林業公會開栽植成立會祝詞

七年六月

茫茫神州地大物博宜乎富強甲於世界矣乃覘我國之現象貧弱不振經濟恐慌水旱頻仍飢饉荐至小民失所生計日艱蓋由地利不闢游民無業有以致之也求富之道首在生利振興林業亦其一端永嘉膺符村諸君見及於此有林業公會之組織先就大園塘荒地栽植菓木桑木等以示提倡俾一般人民皆曉然於大利之所在羣相研求從事墾植將來地無棄利民無墮業未始非諸君啓導之功也我國荒山曠土何地蔑有倘地方人士俱能苦心經營集資興辦由村而邑而省而全國將見蔚鬱菁蔥盡爲產林之域不特林利收入可以充裕國計舉凡農工商路鑛諸業亦皆直接間接受莫大之利益此稍具林業知識者所共許也 鄙人攝篆甌海考察地勢下車伊始卽注意林政曾經呈請 省長通令各屬墾荒植林冀盡地力而裕民生今諸君先得吾心極力籌措得有今日之盛舉此鄙衷所深爲忻快而不能已於言也唯旣創辦於先尤宜維持於後經之營之推而廣之庶幾由富而強貧弱不振之國家一躍而與世界列強並駕齊驅安知不導線於是是爲祝

清明節植樹演詞 八年四月六日

昔管子有言曰一年之計在樹穀十年之計在樹木百年之計在樹人今政府法定每年清明舉行植樹典禮蓋卽本乎斯義也今日爲中華民國八年植樹節本道尹率同僚屬士紳共詣西郊省立第四苗圃遵照規定典禮敬謹舉行特貢一言爲邦人士告考諸我國先賢周官有樹藝之圖稱爲邦治衛文收務材之效得以興邦秦焚典籍尙不廢種植之書齊致富強亦賴有官山之策龔渤海廣栽榆木成績已徵王廬江多種桑苗規模可效證諸今日強隣日本東京之鎌倉長崎之周防各處山林莫不葱鬱蔚彌望無涯而筑後之竹陸奧之茶箱根熊岡之果品年來出產豐富實擅東亞之大利觀於此可知古今中外植樹之利不僅有益於人民之生計抑亦爲國家富強之基礎也甌括兩屬層巒嶂森林一項爲其天然之利自宜加意講求本道尹蒞任以後疊經文函各屬令於森林事業設法提倡並編成白話講稿飭由宣講員隨時演講俾一般人民咸曉然於種植之利如桐可取油柏可造燭桑可飼蠶竹可製紙松杉可資

製造雜樹可供燃料地無棄材厥利甚溥永嘉爲各屬領袖尤宜切實勸導相度土宜分別栽種俾山無曠廢地不荒蕪數年之後蔚爲茂林家給人足循圖教本如是則管子之三計可以並樹本道尹有厚望焉願我官紳共圖之

種樹可以發大財免大災白話文

種樹是很不稀奇的事情人人會做的我爲什麼說可以發大財免大災呢你們聽了都要覺得我的話說得很稀奇不肯相信了我來詳細的說給你們聽了你們就會明白了你們曉得木頭是什麼東西成功的外國人造很大的船很大的房屋這種很大的大木料是那裏來的就是我們中國造大房屋大廟宇做各種很精巧的傢具這種好木料是那裏來的都是種樹種大了成功的種樹是很容易的事情不過纔種下去的時候要費一些工夫要澆澆水要剪剪丫枝等到大了就不要人管了由他自己長大了并且種樹還不要什麼大本錢譬如一塊洋錢的種子不曉得要種成功多少的樹哩又不要好地方只要山上邊不能穀種米麥菜蔬的地方都可以種得的一

粒子值不了一二文小錢等到種了十年或二十年後一株樹就可以值到幾百文或竟然值到幾千文錢了若是到了三五十年後那就一株樹可以值到幾十千幾百千文錢了你們想想看一二文小錢的本錢可以得幾十千幾百千的利息這樣的重利息除掉了種樹還有什麼可以比這個更加大呢你們這裏的地方各處都是山若是你們曉得有這樣的好處拿出十塊錢來買各樣樹的種子可以種成功一千多株樹到了十年後若是每一株樹值五百文錢一千株樹就有五百千了到了二三十年後若是每株樹值五千文錢那一千株樹就要值到五千千了豈不是一個窮人就變成功了一個富人麼就算等不到幾十年等不到樹怎樣的大也可以砍他下來做些小的器具或是砍來做柴或是燒成功炭也就都可以賣錢了我聽見有人說道我們這裏人窮的多那裏能穀等到三五十年纔去砍下這種大木來賣錢等到三五十年我們不早要餓死了麼咳這種說話也是不差的我來教你們一個好法子你們種樹的時候可以多種一些譬如種了一千株樹先拿八百株樹不等到很大就砍下來或當

柴燒或燒炭賣或做些小小傢具拿來賣了錢靠他過活好在種樹不費許多工夫你們仍舊可以去做別的事情喫飯的留下那二百株等他慢慢的大起來今年種一千株新的小樹砍去舊的大樹八百株明年再種一千株新的小樹再砍去舊的大樹八百株這樣做法是每年留二百株舊的大樹到了二三十年後便年年有二百株二三十年的大樹可以砍下來賣錢了每株大樹算他值五千文錢就每年有一千千錢的好處了這豈不是大大的利息麼豈不是又安穩又不費力每年自然而有的好處麼況且到了二十年後樹一齊大了就年年有大樹可以賣錢了到了那個時候就不消砍小樹來賣了可以儘管由他長大了豈不是大樹更加一年多一年麼所以你們這裏的人若是山多的儘管可以多種或種三千株或種五千株或種一萬株種得越多財就發得越大若是種了一萬株照我上邊的算法到了三五十年就可以值到一百萬千了那不是大大的富人麼況且你們這裏的地土種樹是最相宜的不要說種得多就像我上邊所說的一年有二百株的大樹可以砍下來賣錢每年已經有一千

千文錢的出息了若是家家每年有一千千的出息那不要說比了我們江蘇同你們浙西地方的人家還要加幾倍的富就是比了外國人的錢恐怕也還要多哩你們聽了我的話你們的心動不動呢若是心動的就可以趕緊去種樹還有一種法子譬如你們性急等不到十年二十年你們還可以種些長得快的樹像那種桐樹柏樹都是生得很快的都只消三年桐樹柏樹就會生子取他的油了這種桐樹的油凡是造船造房屋都少他不得的柏樹的油就是做蠟燭用的銷路很大並且很值錢的能殼多種桐樹柏樹也可以發大財的并且這種桐樹柏樹也是很便當種的不管山上山下河邊田邊都可以隨便種的你們想想看有這種容易發財的事情爲什麼不去做呢我從前試驗過的種桐樹柏樹的利息若是種一畝地每年可以收得三四十塊洋錢你們若是有十畝地一年不就可以收得三四百塊洋錢麼況且不消要好的田地隨便什麼地方都可以種得的你們爲什麼不趕緊去種趕緊去發財呢這是說多種了樹可以發大財的法子我還說種樹可以免大災是免什麼災呢是這麼樣免法呢我

來慢慢的告訴你們你們青田地方民國元年的那一年不是發過極大的水把青田縣城裏頭的人家一齊沖沒麼那一回死掉了不曉得多少的人丟掉了不曉得多少的錢這種大苦頭是只能殼喫一回萬萬不能殼放他再有第二回的要免掉這種大禍除掉了多種樹還有什麼第二個法子呢我說種了樹可以免得水災的話你們不相信麼我拿這個道理來講給你們聽聽樹的葉子同了樹的根鬚是最會吸收水的山上邊種了許許多多的樹天上落下來的雨都給這些樹葉同了樹根鬚吸收去了所以水就不會多了就不會從山上直奔下來沖壞人家的房子了所以外國人凡是樹多的地方都沒有水災的外國人因為曉得這個道理所以極講究種樹的不但是這個道理山上多種了樹每年樹上脫落下來的葉子慢慢的爛了就變成泥一年積一年就一年多一年越積越厚這泥裏頭也就收得好多雨水若是光光一座山上的泥被雨沖一次少一次只剩了石頭那光光的石頭那裏會收吸水呢所以山上不種了樹沒有樹葉子同了樹根鬚泥土又少一些沒有收吸水呢東西自然一

下了大雨水便直沖下來拿人家的房屋東西連了人口一齊沖壞沖死了并且有了大樹自然大雨也會少的因爲雨是空中的濕氣同了地下的濕氣蒸起來碰着了空中的冷氣就變成功了水落到地下來就是雨了大樹多的地方那空中的濕氣早被樹葉子收吸去了地下的濕氣也早被樹根鬚收吸去了就不會常常變成功了水落下雨來了所以大樹多的地方自然雨不會多雨不會多那裏來的大水成功大水災呢你們不明白的人還有疑惑前回的水災不是因爲落了雨是因爲山水發了沖下來成功水災的咳這是不明白道理的話那山水是那裏來的呢就是雨落在山上山凹裏頭水積得多了齊沖下來就成功了水災了你們大家叫他山水實在仍舊是落了雨積成功的水那裏另外有什麼山水所以多種了樹水被樹收吸去了許多就不會多大雨大雨不多自然不會成功水災了不但是可以沒有水災并且樹多的地方還可以沒有旱災你們聽了這句話不是又要覺得稀奇麼咳其實仍舊是這個道理因爲樹葉同了樹根鬚不落雨的時候會收吸濕氣落了大雨又會收吸雨水他的

葉子裏頭根鬚裏頭收足了水所以多是潮濕的等到天氣晴了長久空中地下都旱了他就會拿葉子裏頭同根鬚裏頭所收吸的濕氣或是收吸的水一齊放出來了所以空中的氣同了地上的泥土就不會十分乾燥種的東西自然很覺得滋潤不會乾枯死了那自然不會成功旱災了所以大樹多的地方不但是不會有水災并且也不會有旱災的所以種樹這件事情不就可以免去大災的最好好法子麼這是說多種了樹可以免大災的好處所以我在這裏常常勸人家種樹就是這個意思又有些人同我說這裏山上的泥土少石頭多所以不好種的咳這是騙人的說話因爲你們不種樹所以泥土都被水沖掉了若是你們種了樹我上邊說過的泥就越積越多不會不穀的况且起初種的時候樹又不大不消要得許多泥等到樹慢慢的大起來那樹葉積成功的泥也就慢慢的多了不但是已經種的樹不會嫌泥土不穀并且後來種起樹來更覺得便當了況且樹葉爛了變成功的泥格外的肥種下去的樹格外的容易長大又有人說我們種了樹人家就要來偷去做柴燒或是人家的牛馬就要

來踏壞這種話也說得不差的不過你們真肯多種樹做官的自然會保護你們的外國地方專門設了許多警察保護樹木的就叫做什麼森林警察凡是有人來偷樹或是牛馬來踏壞這種警察就要來捉的你們真是種樹種多了我們也會用許多警察來保護你們的若是有人來偷牛馬來踏自然會來捉去辦的這個壞處你們可以放心的并且現在上頭的總統也很看重種樹的若是你們種樹種得多了還可以有好處哩或是給你們匾額或是賞你們獎章那不但是發了大財免了大災還可以很有體面哩你們去想想看還不要聽了我的話快快去預備種樹麼我還聽見有人說民國元年的大水不過青田有了災別處地方都沒有我們可以不去管他的咳怎種說話真是笨極了雨水是沒有情面的青田可以有這樣的大雨成功這樣的大水災怎麼保得住別處地方一定不會有呢況且青田沒有水災的時候青田的人也料不着到了民國元年要有這樣的大水災所以你們的地方現在沒有水災是你們的運氣好不過也不可以不防備的所以我勸你們趁現在沒有災的時候趕緊去種樹種得

多了大了就可以保得永遠不會有災了既經可以沒有水災旱災還可以發大財我
想起來你們大家聽了我的話大家一定趕緊去種樹了等到兩三年後這裏各處的
山上都種滿了樹好看得很我來看看也是很快活的望你們快快去種快快去種

蠶桑

訓令五件 指令九件 白話文一件

通令十六縣知事與辦蠶桑事業并將辦法具報文 七年十月四日

照得蠶桑事業實爲致富之源我國古時青兗兩州蠶桑均極發達後世乃推江浙爲
最故其富庶亦甲於全國互市以來蠶絲爲出口大宗獲利甚鉅外人遂爭相植育
駸日盛比年歐戰影響法意蠶業漸形消阻日本乘機經營一日千里我國若不急起
直追力謀進步坐視鄰邦獨專其利寧非可惜今浙省之富當推浙西誠以浙西兼擅
蠶桑之利而浙東僅恃田產物貧富遂判若霄壤是豈得諉諸地利之不同要於人事
實有未盡也查舊溫處各屬氣候溫和土地肥沃荒區隙地所在多有以之種桑育蠶
自屬相宜祇以提倡乏人民間不知其利以致從事蠶桑者寥寥無幾是不得謂非有

司倡導不力之故也然欲育蠶必先種桑桑木既盛蠶業自興故種桑尤爲先務之急而冬令又爲種桑之期爲民牧者對於此項蠶桑事業均有提倡勸導之責際此冬令將屆亟應作未雨之綢繆因土宜而布利籌措款項多購桑秧蠶種分發各區責令栽植育養以爲之倡俾知蠶桑爲大利之所在羣相仿效漸成習慣不出數年成績必著地方富庶自可預期爲此除分行外合亟令仰該知事召集士紳妥籌的款派員先向湖屬多購桑秧責成各區備資領取先就荒隙之地試行栽植并飭宣講所編成蠶桑淺說派員分途演講使一般人民咸曉然於育蠶種桑之法並將一切辦理情形限文到兩個月內詳細具報核奪毋得視爲具文切切此令

通令十六縣知事爲頒發種桑養蠶白話文

七年十二月十三日

案查蠶桑爲致富之源亟應設法提倡業經通令各縣遵照辦理在案唯恐農民對於蠶桑可以獲利之由與夫種育之道猶未詳悉茲特將桑蠶之利益以及種育之方法詳細說明編成白話文印訂成帙分發各縣務使一般農民咸知其利而有所取法況

溫處兩屬土質氣候均屬相宜遂昌宣平亦已辦有成效各縣知事亟宜詳加研究實行試種勿爲舊說所蔽除分行外合卽檢發種桑養蠶法白話文令仰該知事轉發各區人民參考並飭各自治委員及宣講員隨時講演俾衆周知是爲至要切切勿違此令

通令十六縣知事准實業廳咨爲擬設道區女子蠶業傳習所文

八年二月十三日

本年二月十三日准實業廳咨開竊查浙省蠶絲原爲出產大宗祇以故步自封固知精進致使我浙固有蠶業反居人後未克與世爭衡雖蠶業機關如蠶桑學校女子蠶業傳習所原蠶種製造場均已設立有年但機體未備風氣未開推行猶滯則改良擴張因勢而利導之誠不容緩茲據省立女子蠶業講習所所長吳家瑛擬呈推廣改良蠶絲事業意見書前來查核所陳各節尙稱切要除通令各縣知事體察就地情形妥籌辦理外相應檢同意見書咨請貴道尹查照希將該所長所稱各道區設立女子蠶業傳習所一節督飭所屬各縣知事籌議進行足級公誼等因過道准此查蠶桑事業

實爲致富之原亟應改良擴充曾經本公署再三通令各縣實行興辦在案茲准前由
除分令外合行令仰該知事查照省立女子蠶業講習所所長所稱各道區設立女子
蠶業傳習所一節體察地方情形籌議聯合進行方法切實具報以憑核奪勿延此令
訓令永嘉等十四縣知事（除樂清松陽）採購桑秧並呈報種桑成績文 八年十二月十日
案查上年通令購辦桑秧一案分發布種之後已屆一年究竟成績如何並未據該縣
呈報到署現在時屆冬令又值採購桑秧之期亟應將上年給發民間收回成本之款
續行採辦以資推廣爲此除分令外合行令仰該知事即便遵照辦理具報一面將上
年種桑成績呈候察核均毋稽延切切此令

訓令樂清松陽縣知事及時購種桑秧文 八年十二月十日

案查上年通令購辦桑秧一案各縣均早經呈報遵辦惟該縣及樂清兩縣爲前任知
事延誤以致此項興利事業本道屬未能一律舉辦現在時屆冬令又值採辦桑秧之
期亟應及時購運以免再誤除分令外合亟令仰該知事迅即查案遵辦專文具報勿

延切切此令

指令永嘉縣知事呈擬整頓甌綢辦法由 七年六月三日

據呈整頓甌綢辦法亦有可採仰卽邀集商人斟酌施行惟甌商往往驚於目前近利於信用初不注意此爲普通弊病甌綢衰敗原因由於每年絲品所產無多幾於供不敵求故根本解決應從振興蠶桑入手併卽知照此令

指令永嘉縣知事呈爲奉令振興蠶桑并擬辦法由 七年十一月九日

呈摺均悉所陳桑樹栽培簡便法四條尙屬切實可行應改成白話文俾農民易於索解至請撥領漏海米案罰款洋二百元以資購運等情查此項罰款撥充育嬰堂建築之需不敷尙鉅來呈爲地方振興蠶桑起見又未便視爲緩圖茲姑准撥洋一百元仰卽具領呈候核給其餘一百元卽由該知事另行籌備至期購運轉發仍將領款支用造冊呈報是爲切要原摺發還此令

指令瑞安縣知事呈覆推廣植桑辦法由 七年十二月二日

所呈推廣植桑辦法尙屬可採惟於高小校內添設蠶桑功課一門收效恐緩至稱豐積倉舊址設立模範桑園約計八十畝有零而生活存在者僅祇二百七十株左右該縣經理人員不加培養任令萎槁一至於斯深爲可恨仰卽迅將蠶桑講習所簡章及經費預算各表呈候核奪切切此令

指令慶元縣知事呈覆該縣土性不宜種桑由 七年十二月十四日

查處屬人民向有土性不宜種桑之說今聞宣平松陽兩縣前已試種頗見成效該兩縣人民始恍然於舊說之非以彼例此所呈情形未必盡然仰仍剴切勸導實地調查毋爲舊說所蔽切切此令

指令縉雲縣知事呈覆遵令購買桑秧試種並請准支給經費由 七年十二月二十七日

據呈於蠶桑事業已開會研究並擇定地點購秧試種應卽切實進行並酌擬獎勵方法以資勸誘至購桑及川資洋二百四十元請在公益費項下開支一節仍候 省長暨財政實業兩廳令遵此令

指令樂清縣知事呈覆道區設立女子蠶業傳習所聯合方法並陳購桑等情由 八年

二月二十八日

呈悉所擬道區設立女子蠶業傳習所聯合進行方法似尙可採應俟各縣覆齊到道再行核奪另文令遵惟呈尾所稱購運桑秧爲時已過一節查本公署通令各縣購桑發種早經提前通行在案該知事抵任將及三閱月何不早爲辦理及至境過時遷乃以本年秋末冬初再擬辦法一語爲推延之計因循巧滑於斯可見至稱熟田改植桑株獲利不及稻禾之速等語尤爲謬妄之談該縣全縣轄境熟田而外豈無隙地可以樹桑耶該縣人民不知蠶桑之利遠過於雜糧該知事自應詳細勸導俾大利可指日而興豈容藉此推託以一覆爲了事乎仰於此次奉令後仍卽趕速進行亦斷不至於過時並將延誤情由據實呈核倘再延宕則是該知事自取其咎也凜之切切此令指令遂昌縣知事呈覆設立女子蠶業傳習所情形由 八年四月二十二日

呈悉種桑爲振興蠶業先務理應竭力提倡迭經本道尹令飭遵辦在案唯培植蠶業

人材亦是刻不容緩之舉來呈所稱設立女子蠶業傳習所可從緩議似屬誤會不知所設係屬道區名義應由各縣聯合進行豈得以該縣蠶桑不甚發達遂致因噎廢食仍仰擬具聯合方法呈覆候核毋再諉延切切此令

指令松陽縣知事呈爲桑苗不及購運報請鑒核由 八年四月二十九日

呈悉蠶桑爲致富之源提倡不容再緩乃該縣於購運桑秧一案前知事空言委托辦事自欠切實視學員既任代購之責何得輾轉因循遂致延誤現在事過時遷補救無術祇能緩至冬季再行購種視學員應卽傳諭申斥仍候實業廳指令祇遵此令

指令宣平縣知事呈報本年種桑成績及明春計劃由 八年十二月二十三日

呈悉既據稱上屆領種頗有成績自應照案續購以資推廣惟明春始行購運往返恐致失時應卽在冬令期內先行派員赴湖採購俾免遲誤至擬籌辦簡易蠶業傳習所附設養蠶場以便農民學習自是切要之圖並仰將籌辦情形隨時另文呈核此令
種桑養蠶最容易發財白話文

你們溫州同處州兩府的人自己想想看比了湖州府的人那一邊富那一邊窮你們自然也曉得湖州的人富溫州處州的人窮不過你們要曉得爲什麼一樣的在浙江省裏頭湖州府的人就富你們溫州處州的人就窮呢我曉得你們還沒有明白這個緣故因爲你們若是明白了就不會窮了就能殼像湖州人一樣的富了我來拿湖州人爲什麼富你們溫州處州人爲什麼窮的緣故詳細講給你們聽聽那湖州府裏頭最富是南潯地方那些有錢的人家裏頭有一千多萬或是幾百萬銀子的家產開銀行的也有開當舖的也有田地總有幾千幾萬畝房屋也有幾千幾百間一年收進來的錢用也用不完享福得了不得這種人湖州多得很哩就是我們江蘇省的無錫地方也多有錢的人你們曉得麼那幾處地方的人怎樣就會這樣的發財呢哈哈你們要像他們這樣的發財也容易得很只消你們肯聽我的話做一件很容易的事情包你們第一年就可以出得本第二年就可以發小財第三年就一定可以發大財了我說了半天究竟是什麼法子可以拿得穩發財呢就是那種桑養蠶的事情這

種桑養蠶是一件極容易的事情不要化多少本錢也不消費多少功夫的你們要曉得種桑的利息比了種隨便什麼東西要大幾十倍哩養蠶的利息比了養隨便什麼東西要快幾十倍哩并且婦人小孩都可以會養的我到你們這裏來了差不多一年了我細細的調查你們這裏的天氣是很和暖的養蠶是很對的我又細細的調查你們這裏的地土是很高很鬆的種桑也是很對的所以你們肯聽我的話種起桑來沒有不發得很快的養起蠶來也沒有不長得很好的不過你們又要想了你們這裏種桑的也有養蠶的也有沒有得到什麼大好處爲什麼你說得這樣的好呢咳這是因爲你們種桑的法子同了養蠶的法子都很不講究所以桑葉不大生也生得不多桑葉的性子也變成不糯不嫩了蠶喫的桑葉已經不好并且養蠶的法子也種種不對所以蠶吐出來的絲是很細的沒有光彩的絲的質地也很硬的你們的絲已經這樣的不好自然織出來的東西不會好了況且我曉得你們溫州這裏一年所出的絲不過幾百擔那自然不會發財了我自己也種過桑樹養過蠶的我先拿種桑養蠶的出

息細細的告訴你們你們曉得有這樣的好出息你們自然大家情願種桑養蠶了大約一畝地的大小種桑能穀種來得法可以收到二十多擔桑葉每擔桑葉可賣一元四角洋錢光景貴的時候還可多賣些你們算算看不要說一畝地可以有二十多擔的桑葉就算二十擔也已經可以賣到二十八塊洋錢了不是比種別的東西好得多麼就算自己不養蠶只要專門種桑樹賣桑葉那利息也就很好了若是能穀養蠶那利息就還要大得了不得譬如一張蠶種的紙大概都是二十八個蠶蛾所散的種剛出的小蠶大約有一錢的重差不多有一萬隻蠶從起初出的時候一直到上山大約要喫三擔桑葉的光景可以收到二十五斤繭子每一斤繭子可以做到一兩八錢的好絲二十五斤繭子就可以做到四十五兩的好絲每一兩好絲可以賣到七角五分洋錢四十五兩好絲差不多就可以賣到三十四塊洋錢你們想想看化三擔桑葉的本錢不過四塊二角洋錢就可以有三十四塊洋錢的好處不是有八倍的利息麼三擔桑葉可以養了蠶賣到三十四塊洋錢若是你們自己種了一畝地的桑樹收到

二十一擔桑葉養起蠶來不就可以賣到二百四十塊洋錢麼所以我細細的替你們算算不管做什麼事情總沒有比種桑養蠶的利息還要好的了況且從起初出的時候算起一直到上山做繭子通共不過費三十天的工夫就可以完功的一個人的力量可以養到新出的蠶三錢的重若是有二個人就可以養到一兩重的小蠶你們要曉得一兩重的小蠶大起來吐了絲做成功了好絲就可以賣到三百四十塊洋錢所以你們想想看二個人化一個月的工夫費四十二塊洋錢的桑葉就可以賺到三百多塊洋錢天底下還有比這種利息厚工夫省的事情麼你們不要想我所說的是在江蘇的事情你們這裏種了桑每畝地不過收得十二三擔桑葉每斤繭子不過抽得一兩多一些的絲并且那一兩絲也賣不到七角多洋錢咳你們的話是不差的不過你們種桑的法子養蠶的法子多沒有講究所以利息不好不會發財你們只要看看湖州同我們江蘇的無錫就是養蠶可以發大財的憑據了上海是最容易掙錢的地方大家曉得的那些湖州的人無錫的人在上海做小生意的幫人家做工的他們到

了養蠶的時候一定都要回家去養蠶這就可以曉得養蠶的利息一定是比別種大所以他們情願丟下了別種賺錢的事情回家去養蠶這也就是養蠶可以發大財的憑據了所以你們要聽我的法子包你們可以有這樣的好利息你們聽了我教你們的法子譬如你們種了一畝地的桑樹養出來的蠶吐的絲可以賺二百四十塊洋錢若是你們種了十畝地的桑樹不就可以賺二千四百塊洋錢麼譬如你們一家人家種了桑養了蠶可以賺得二百四十塊洋錢若是你們有一千家人家種了桑養了蠶不就可以賺到二十四萬塊洋錢麼大家種桑大家養蠶不就大家都發了財麼再譬如你們第一年賺了二百四十塊洋錢那本錢就大了第二年就可以多買一畝田就可以賺到四百八十塊了第三年就可以多買二畝田就可以賺到九百六十塊了第四年就可以賺到一千九百二十塊了到了第十年不就可以像湖州的富人一樣大富了麼況且養蠶從出的那一天起到上山剝繭的時候總共不過一個月的工夫你們有別種事情的一年十二個月去掉了一個月的工夫還有十一個月可以去做的

就算你們家裏頭的人少不能穀多養蠶到了忙的時候還可以僱人來幫忙的就是種桑樹也不是難的事情不管男人女人多可以種得的況且種桑樹還有一樣用場到了冬天落下來的桑葉喂羊喫是最好的所以我勸你們趕緊大家去種桑大家去養蠶趕緊預備起來你們真是肯聽我的話那桑樹的種蠶的種我都可以去替你們買來并且我還可以給你們便宜譬如我化了二百文錢買來的我只要你們交一百文錢你們就可以得到二百文錢的桑樹你們真肯種桑養蠶你們可以約好了多少人去向自治委員說好了請自治委員告訴了知事上一件公事到我這裏來我就可以替你們去辦了包你們三五年後也像湖州的人一樣的富了你們想想看快活不快活呢望你們快快的去種桑快快的去養蠶大家都做很有錢的富翁我也替你們快活得了不得現在我拿種桑樹的法子同了養蠶的法子揀最便當的來告訴你們你們趕快去照樣的做過了三年就發了大財闢得了不得了哈哈我也快活種桑最容易的法子

種桑秧的法子 種桑的時候最好在立春節後雨水節前沒有種下去的時候先拿預備種桑的地方用鋤來把土翻鬆了越鬆越好越深越好土翻好了每離開五尺光景掘一個洞洞裏頭加一些豆餅或是人的糞或是柴的灰蓋上一些土就可以拿桑秧種下去了再用土來護住了用人的糞拿水沖淡了或是豆餅的水常常去澆澆他不要放他乾燥就很容易活很容易長大了

剪桑樹的法子 桑秧只有一枝要他長大起來必定要用極快的剪刀去剪他最好今年種了到明年第二年的春天拿上一年種的桑秧離開地大約二尺的光景拿來剪斷剪剩下來得像第一個圖的樣子只有二三個小枝到了第三年春天那第二年留住的小枝也已經長大了像第二個圖的樣子了就在那個桑枝上大約離開一尺三四寸光景再剪斷了每一個桑枝上也只留二三個小枝像第三個圖的樣子到了第四年就像第四個圖的樣子了從第四年起就可以年年照這個樣子不要常常剪了不過有受過傷的或是已經枯了的那種桑枝還是要一齊剪去只留好的桑枝讓

他年年生出新枝來不可以放他再高起來最高像人一樣的高再高了就應該要剪
 去年年剪掉老丫枝年年就會生出新丫枝來這種桑樹生出來的桑葉就很嫩很肥
 很多了并且有蒲扇這樣的大那蠶喫了是很有力的吐的絲也就很多很軟并且很
 有光彩了

第一圖




第二圖



第三圖



第四圖



保護桑樹的法子 剛剛種下去的桑樹用人的糞或是豆餅要用得稀薄不可以太濃太厚不過要常常用些到後來便一年只消用兩回了第一回在發芽的前第二回在採葉的後不管人的糞畜生的糞油餅蠶沙都可以用的不過樹下邊的草要常常去掉他不可以放他多起來長大起來若是樹身上有了各種顏色的蟲更加要緊捉去一個也不可以留的因爲有了蟲他就要喫桑樹的葉子咬桑樹的丫枝桑樹就要受傷了并且樹上有斑點的地方也要用快的刀來削掉他用洋油來擦過樹枝上有這樣的毛病就要把那樹枝剪下來燒掉免得傳開來這也是最要緊的

養蠶最容易的法子

蠶種的講究 種子放在紙面上一粒一粒排得很整齊的散在紙上邊黏得很牢的顏色很勻淨稍帶一些紫綠色并且有些光彩的子的中間凹下的地方深淺很均勻的這種樣的就是好種子若是東一粒西一粒子的形狀歪歪斜斜疎疎散散或是堆積起來的就是不好的種子就要挖掉他不要用他揀剩下來的好種用線把散子的

紙穿起來掛在屋裏頭通氣的地方不要震動他到了冬天揀天氣好的日子把散種的紙浸在清的冷水裏頭大約半天的光景拿出來陰乾了收在不通風的箱子裏頭不放他忽然受冷氣也不放他忽然受熱氣蠶種就不會變壞了等到春天到了清明節的時候只消看蠶子變了青藍色不過隔一二天的光景蠶就都要出來了起初出來的時候很不多的那些小蠶多要不得的等到有一大半一同出來了那就可以用乾淨的毛筆拿他輕輕的掃下來喂養了不過人家喜歡拿蠶種的紙擺在身邊或是棉被裏頭這個使不得的因爲太熱了蠶要受傷的起初出來的時候就受了傷將來喂大了也是不好的這一層講究你們也必須要記得的

房屋同傢伙的講究 養蠶的房裏頭不可以太暖天熱可以開開門通通風因爲太熱太悶了蠶就要病的不過太冷了蠶也要病的若是有大的風更加要避開吹不得的碰到天氣忽然很冷了可以用一個不十分大的火盆放在養蠶的房裏頭總要不得冷不暖蠶自然容易長大并且不會有病的譬如一個人穿了頂薄的棉襖在養蠶的

房裏頭不怕冷也不嫌熱就最好了蠶最怕的就是那香的氣味烟的氣味臭的氣味最要緊留心最要緊避開養蠶的傢伙最要潔淨因爲不潔淨的傢伙恐怕有毒氣蠶碰着了毒氣就會有病的這是最差不起的最要小心

喂養的講究 蠶起初出的時候桑葉要切成小方塊就容易鋪勻在籠裏頭了自起初出的那一天到頭眠的時候大約一日一夜通共要喂七回切小的桑葉半夜裏也要喂一次的不可以睡着了不肯起來喂他頭眠到三眠一日一夜喂六回三眠到四眠一日一夜喂五回四眠過後一日一夜喂四回不過濕的桑葉萬萬用不得的有人說到了上山的時候總要喂幾回濕桑葉將來蠶吐起絲來纔可以多并且光彩也可以好這種話靠不住的不可以聽他的不過在眠的時候斷斷乎不可以放桑葉進去并且那個時候房子裏頭不可以震動風更加吹不得的蠶沙要常常出得清楚不可以堆積在籠裏因爲蠶沙多了有潮濕氣蒸起來蠶最容易生病所以蠶起初出的時候每隔二天總要出一回蠶沙到差不多要眠的時候再出一回頭眠過後的一天一

夜又要出一回等到喫葉最多的時候再出一回差不多二眠的時候又出一回每眠一回大約要出蠶沙三回末一次眠了每天要出一回這也是最要緊的事情出蠶沙有一個最容易的法子從起初出的時候到二眠用篩淨的細碎礬糠二眠過後就用粗礬糠也不要緊了先拿礬糠撒在蠶身上再遮滿了桑葉蠶就爬到礬糠上來喫桑葉了再加桑葉一二次就可以把礬糠上的蠶連葉拿起攤勻在別個籠裏頭那原來籠裏頭的蠶沙壞葉就可以倒去了不過每只籠裏頭蠶不可放得太多太擠弄得他不舒服不容易長大若是有了一二只有病的蠶身體很細小的看上去像很軟弱的或是縮小的放大的像腫的樣子的不眠的或是眠得比別只蠶慢的吐壳吐得不快的那都是有病的蠶趕緊揀去不要害了好蠶因爲一只蠶有了病傳到別只好蠶身上是很快的不消多少工夫就可以把你們全家所養的蠶統統變成有病的蠶了這個是最要緊的一些不可以忽畧的

上山收繭的講究 等到蠶的身體畧畧縮小些前半身發透明了頭伸長了昂起來

了就是到了上山的時候了就要拿他捉出來放在稻草紮成功的山上了等他自己去結繭子那個時候房屋裏頭就要稍稍暖一些了等到過了五六天的時候就應該把繭子採下來採的時候就要揀掉不好的繭子只留好的繭子怎樣叫做好繭子呢就是大小厚薄都是均勻的樣子都是長圓的中間不束腰的顏色都是新鮮雪白沒有一些不乾淨的地方并且還有光彩看起來縐紋也是很均勻的捏在手裏頭覺得又細膩又堅硬拉起他的絲頭來又是很長不容易斷的這樣的就是好繭子拿來烘好了便可賣大價錢了若是能殼自己買了新式的絲車學會了做絲的新法子做出來的絲可以比上海絲廠裏的絲一樣那價錢就更加好了那做絲的新式車買他也不貴的做絲的新法子學他也不難的你們真要學麼我也可以慢慢的告訴你們的若是你們怕不便當只消賣繭子發財也已經發得不少了若是你們自己要留蠶種就可以在揀出來的好繭子裏頭再揀頂好的拿來讓他出了蠶蛾散子就是了

我上邊所說的種了桑養了蠶可以這樣的發大財你們不要不相信就算你們沒有

種慣桑養慣蠶恐怕不能穀十分得法我就再退一步同你們說照我本來所算的利息譬如你們家裏頭有三畝地有四個人就可以養到二兩重的小蠶養成功了就可以賣到六百八十塊洋錢現在我就照一半算也可以有三百四十塊洋錢這不是已經很好了麼況且一定不止這些數目麼所以我總望你們照我說的法子快快去做起來快快去發大財

茶務

指令一件 批一件 布告一件

指令慶元縣知事呈爲提倡種茶擬訂獎勵章程並請獎提倡士紳由 七年七月一日呈悉種茶亦農林要政該知事細心籌畫爲因地制宜之計仿植閩省政和縣銀針茶種步武該前縣毛任成規力行提倡實堪嘉許該紳吳溶辦模範茶場於前田慶淵倡導栽種於後兩紳留心實業同具熱忱自宜加獎以昭激勸惟所擬單行獎章既經另呈應候 省長暨實業廳核示祇遵一面先行傳諭嘉獎清摺及章程存此令

指令茶葉檢查處呈報燒燬假茶日期請派員監視由 七年七月十一日

呈及甘結均悉。甌屬茶葉近來銷路益滯，皆由奸商祇圖小利，不顧大局，攙雜假茶，所致該處長能破除情面，認真檢查，殊堪嘉尚。屆時自當派員監視，燒燬嗣後仍須切實檢查，俾甌茶名譽得以恢復，銷路亦得暢行。仰卽知照。此令。

批甌平茶業董事周際樞呈爲劃界保管請出示杜爭由。七年六月四日。

據呈該公所乃平陽茶商組織全體蓋章，凡平陽地界茶務一律歸該公所範圍等情。查本年四月間據茶商鄭同盛等呈稱組織公會公舉會長，經本公署飭據永嘉商會查覆平陽茶商實在贊成之列，是彼此界限並未劃清。請出示曉諭，應由該董事與公會雙方議妥會呈到署再行核辦。仰卽知照。此批。

布告茶商爲攙雜僞茶爲害極大出示嚴禁由。八年三月六日。

爲布告事。案據永嘉統捐局局長許翥鵬呈稱：案准永嘉茶葉檢查處長陸慶暉函開案照敝處前奉省長核定簡章內載，每遇茶葉開採時由檢查處稟請地方行政官廳於每年正月預先出示通告嚴禁攙雜僞茶等因。歷經遵辦在案。現屆陰曆春正轉

瞬茶市將近若非預先稟請地方行政官廳出示嚴禁恐各山戶僣販人等仍有貪圖小利於採摘之時或攙雜各種偽茶貽害茶業前途良非淺鮮況連年甌茶出口俱極滯銷現聞歐戰告終出口甌茶較前諒當暢旺尤應遵照定章繼續進行懇請官廳預先示禁以爲正本清源之計此係奉准定章辦理自當照舊循案請示嚴禁以維國產惟甌茶出產瑞樂平泰及青田各處尤爲大宗原不止永嘉一處當由敝處備函咨請貴局長轉呈道尹出示嚴禁一面令飭瑞樂平泰及青田各縣知事一律示禁俾各地茶販山戶咸凜攙雜偽茶禁令綦嚴自必望風生畏而偽茶雜質得以永久禁絕除函請縣公署示禁外相應備函敬請貴局長希煩查照轉呈核准出示至級公誼等由到局准此理合備文轉呈仰祈察核俯賜示禁發交檢查處張貼並令行各縣知事一體嚴禁以昭慎重而維實業深爲公便等情前來據此查茶商攙雜偽茶爲害極大迭經出示嚴禁在案據呈前情除指令並分行各縣一體查禁外合行布告各茶商知悉爾等須知茶葉爲甌屬出產大宗近自牟利奸徒祇貪目前之小利不顧大局以僞亂真

遂致名譽一落千丈自非力行整頓嚴杜偽茶不足以維國產而廣銷路倘銷路稀少不啻自絕生機利害相權孰輕孰重嗣後如有奸商牟利任意攙雜假茶希圖朦混一經查覺定即飭縣嚴懲不貸其各凜遵毋違特告

鑛務

訓令一件 函四件

通令十六縣知事調查鑛產並令勸導集資開採具覆核奪文 七年四月十七日

照得溫處兩屬萬山綿互鑛產之多甲於他處近聞各縣境內鉛鐵鋼錫煤銻等鑛發現甚夥惟銻質較鋼尤堅其鉛鑛中有可以爲鉛筆之原料者各鑛中亦間有略含銀質者且各種鑛質大半可以在山之浮面斲取無須深入開採溫處山川銜接交通便利一經勘定鑛苗集資開採必能獲利甚大本道尹爲足民弭盜起見對於各種實業無不悉力研究第當此倡議之初亟須將各縣鑛產先事調查一面勸導居民集資開採庶足以興實業而闢利源除分行外合行令仰該知事即便遵照派員詳細調查如果境內確有前項鑛產可以採取者務當親往勘驗剋日繪圖呈報一面廣爲出示勸

導居民并商由各該縣殷富紳商集資開辦仍將調查所得及辦理一切詳細情形剋日具報各該知事本有提倡實業之責毋得視爲具文空言呈覆切切此令

致實業廳廳長雲函 七年三月二十三日

逕啓者昨接上海同利製鐵公司沈仲禮朱葆三兩君來函擬在皖浙兩省產鐵之區淘取鐵沙教授各地土鐵爐坊略參西法鎔鑄製成生熟鐵坯運至滬廠仿西法製成方圓鐵條行銷內地抵制洋貨今擬派人來溫與永嘉青田等處爐坊訂約如法鎔鑄照章納稅裝滬等情查開採鐵鑛非呈准農商部給照註冊不可茲沈君所請係就山溪泥沙中淘取與開鑛實不相同弟在滬時曾據沈君面稱皖省早已開辦呈由官廳立案保護等語究竟此事應否准許開辦及應否先由尊處批准務希迅賜示覆以便轉致俾另具正式公文前赴尊處投遞曷勝盼切

致杭州林君同莊蔣君屏侯及上海張君雲雷黃君溯初徐君寄巖北京項君微塵函

七年四月十五日

逕啓者查溫處多山鑛產極富如鉛鐵銅錫煤銻等鑛發現甚夥未易縷指聞銻質較
銅爲尤堅其鉛鑛中有可以爲鉛筆之原料者甚多各鑛中間有含銀質者而各種鑛
質大率可以在山之浮面斲取無須深入開採且山川銜接交通便利其最近者距甌
城不過二三十里皆一水直達可以不費鉅資數十里之外出產尤豐前 湖 答訪此間
教士見其陳列各種鑛苗不下二十餘種詢厥由來皆遠邇土人送請指示者甌人之
希冀興此大利已非一日 弟 到此以後於公益善舉之事頗擬次第興行而數月以來
往往以籌款無着廢然中止推原其故實由地方之貧舉凡溺女典妻種種之陋習皆
職是故也其甚者則爲貧所迫流而爲賊爲盜非振興實業不足以救民貧而實業中
惟有貴處之鑛業皆半在山之浮面故不須多費歲月可求速利此先其所急之計也
各鑛中多有已經上海熟悉鑛務家前來調查者據云確有把握鑛利既興之後如保
節堂官醫局養老貧兒等院各種慈善事業舉辦均不患無資未知閣下能否在同鄉
會中提議發起組織公司 弟 爲足民弭盜起見當無不悉力贊助而樂爲成之也並希

迅賜示覆爲盼

致上海各資本家函 七年五月八日

逕啟者查甌括到處皆山多半產鑛遠邇迭驗鑛樣者絡繹不絕五金皆有前特函請家叔岳張逸槎到甌姑就近甌鑛山登臨履勘洵屬佳鑛雖爲日無多未能遍及而一斑窺見全豹可知藏富於地設使自然之利終於委棄未免可惜現擬就滬發起招集熱心實業者組織一探鑛團來甌實地調查親自到山察勘明確將來諸事均較有把握一經勘過便可商議進行方法弟爲地方興利起見特專函奉達所有一切細情請就近晤家叔岳一詢便知其詳並可閱看各種鑛樣永嘉山水甲於天下自古稱之更可藉此一遊雁宕諸名勝也

覆浙江水利委員會林蔣函 七年七月二十日

同莊屏候仁兄大人閣下奉讀手諭祇悉一一弟承乏甌江聊盡天職辱承嘉許愧悚交乘鑛質浮面既多內容必富此一定之理故真欲窺探非稍費資本打鑽深入不能得其

真相執事如有意於此或另樹一幟或加入滬團均無不可資本一層必宜寬籌窄用過少則必致失敗事關遠大之利斷非一蹴可幾吾國公司以短於資本而失敗者比比皆是可爲前車之鑒天下事慎於圖始乃克有終故開鑛尤非厚集資本不爲功先之以測探繼之以規畫終之以履行鮮有無良好之結果者門外漢所見如此未知有當萬一否弟爲地方興利起見實業中利之大者無過於鑛從事於此者利已利人一舉兩得尙望諸公亟起圖之此次滬團來甌正值天熱滬上適有疫氣致臨行中止者十居七八僅來四人大致已頗能滿意約秋涼後再結大伴來勘承詢併及潘鑑翁已下鄉尙未晤及容渠來城當與詳談也

習藝所

呈文三件 訓令二件 指令十件 訓詞一件

呈省長齊遵令查明各縣貧民習藝所擬具改良辦法並附清摺乞核示文

八年一月

二十八日

呈爲遵令派員調查各縣貧民習藝所辦理成績擬具整頓改良方法附呈清摺仰祈

鑒核事上年十一月二十八日奉 鈞署訓令第二三二二號內開案查各縣貧民習藝所迭經 前按署通飭該道前道尹派員調查前年 呂前省長又復繼續派員分赴各屬查報各在案現在各屬習藝所辦理情形若何究竟有無成績非由道派員調查不足以資考核除分令外爲此開具調查事項令仰該道尹迅卽遴派妥員分別馳赴所屬各縣習藝所按照調查事項切實澈查開具清摺復由該道尹核明如有應行整頓改良之處卽便妥擬辦法彙案呈奪此係爲考察成績力圖進行起見務須認真辦理毋忽勿延此令附單等因奉經分委劉知事鍾年專查舊溫屬各縣王知事實謙夏知事日璫狄知事紹青分查舊處屬各縣去後茲據各該委員等調查明確開具清摺先後呈覆前來 道尹 覆查習藝所之設原爲補救貧民生計起見必須各就本地出品原料分科延師選製銷路暢旺之品庶使輕而易舉各藝徒於畢業以後俱能自食其力如是辦理尙不背創設之本旨 職 屬各縣習藝所大都偏重於織布一科查其紗線染色原料又皆購自上海成本既重機具亦繁斷非藝徒一人所能獨辦且評其織

就之布類皆劣者多而優者少銷路不廣基金遂難流動倘非大加改革竊恐徒費資本仍無實益茲就各該委員調查各縣所開摺列情形由道尹酌擬改革辦法另摺附呈並將各委員原摺錄送外所有擬具改革各縣習藝所辦法理合開摺具文呈覆是
否有當仰祈 鈞長察核令遵實爲公便再查舊處屬各縣當因王委員奉差在處委
令便道調查嗣該委員業已經過之各縣未便再令前往因又分派夏委員往查青田
一縣狄委員往查麗水等六縣嗣後王委員又將調取各縣知事開列之清摺附呈前
來是以一併錄送合並呈明謹呈

謹將酌擬改革各縣習藝所科目情形開具清摺呈請 鑒核

計開

一 永嘉縣習藝所據原查委員劉鍾年摺開該所僅設有織染毛巾二科成品多銷
路亦廣惟縣境地屬商埠科目似嫌太少擬令該縣知事督同所長籌添木器籐
器兩科細石工一科以資擴充

一樂清縣習藝所據原查委員劉鍾年摺開該所現設方木圓木製鞋織蓆四科成品銷路均佳惟基金無多不敷周轉查該縣公益費較鉅擬再酌撥若干以劑其虛

一瑞安縣習藝所據原查委員劉鍾年摺開該所現設機織染色木工三科成品不多銷路亦滯該所長辦理不力已可想見惟查該縣錫器頗佳擬再添設錫工一科令行該縣知事責成該所長實力整頓以贖前愆

一平陽縣習藝所據原查委員劉鍾年摺開該所現設方木織蓆二科成品銷路甚旺經費亦裕擬令查明本地出品原料堪製之品增設一科稍事擴充其餘應行增革之處擬照劉委員所陳意見令行該縣知事督同所長漸次整頓俾臻完善

一泰順縣習藝所據原查委員劉鍾年摺開該所祇設織布一科成品僅銷本邑查該縣地處偏僻素稱瘠苦而本地又無出品原料可製他物擬令兼習織帶令行該縣知事督同所長積極整頓徐圖擴充

一玉環縣習藝所據原查委員劉鍾年摺開該所現設織布織巾雨傘三科成品銷路尙屬暢旺惟經費不敷周轉擬令該縣知事設法維持以垂久遠

一麗水縣習藝所據原查委員王寶謙狄紹青先後摺開該所現設毛筆篋箕織布織巾四科成品僅銷本邑獲利較薄查其經費不甚充裕辦事員亦欠認真擬令該縣知事督同所長先行整頓期收實效

一青田縣習藝所據原查委員夏日璈王寶謙先後摺開該所現設琢石染織籐竹三科夏委員則稱琢石工陋不知改良織布亦劣竹器粗而且笨並無製就籐器藝徒名數亦不足額袁知事甫經到任所長又係代理人員未能認真等語業經令行該縣知事另舉所長呈道轉請核委在卷茲據王委員所稱亦以代理所長陳志成常不到所無甚成績查該縣所出石品運銷他處近亦獲利漸薄推原其故皆因雕琢不精緻減舊價擬令該縣知事督同所長先就琢石一科加意研究庶可運銷漸遠獲利稍豐其餘各科亦當次第改革

一縉雲縣習藝所據原查委員王寶謙狄紹青先後摺開該所現設竹木棕三科成品粗笨僅銷本邑城鄉獲利甚微擬令該縣知事督同所長力求改良以期發達

一宣平縣習藝所據原查委員王寶謙狄紹青先後摺開該所祇有織布一科成品不精僅銷本縣境內查該縣地瘠民愚側重務農不習工作本地出產祇得宣蓮一種擬令該縣知事籌款增設木匣一科專製精巧木匣以備裝璜蓮子運銷他處之需

一松陽縣習藝所據原查委員王寶謙狄紹青先後摺開該所現設織布製鞋竹器三科成品極粗照本行銷無利可獲長此以往奚能持久擬令該縣知事督同所長力求精美總以銷路漸旺稍獲餘利爲要着

一遂昌縣習藝所據原查委員王寶謙狄紹青先後摺開該所現設織布織巾織襪印布四科成品均銷本邑獲利極菲擬令該縣知事督同所長設法改良藉興工

藝

一雲和縣習藝所據原查委員王寶謙狄紹青先後摺開該所僅設紙工一科內分印刷裝裱等目成本銷路均極平常惟須春季準備原料秋冬纔能開工製造以時計之每年祇有半年習藝似屬不合該縣產竹甚富擬令該縣知事籌款添設竹器一科稍事擴充

一景寧縣習藝所據原查委員王寶謙摺開該所祇設縫紉一科成衣無幾無利可獲查該縣向以竹木出產爲大宗擬令該縣知事督同所長改設竹木兩科似較縫紉稍增利益

一龍泉縣習藝所據原查委員王寶謙摺開該所現設織布織巾二科成品銷路均極平常查該縣產竹甚富擬令該縣知事設法增設造紙一科督同所長切實整頓俾廣裁成而求實益

一慶元縣習藝所據原查委員王寶謙摺開該所現設織布織巾二科成品銷路毫無起色查該縣出品惟竹最多舊有紙廠因製造不精所出之紙質鬆色黃難售

善價擬令該縣知事另延造紙良工增設造紙一科以
以上所陳均係各就其地改良之大概至各該所長之
業之名數各種科目之增減基本經常之比較以及種
摺內叙明茲不重贅合併登明

呈省長齊轉呈青田縣貧民習藝所整頓改良情形文

八年

呈爲據情轉呈青田縣貧民習藝所整頓改良情形並陳明
藝徒名額仰祈察核令遵事案查前奉 鈞長訓令以各屬
何究竟有無成績令飭派員調查由道核明有如應行整頓
彙案呈奪遵經派員分別馳往各縣查明參擬辦法開具清
四號指令並附單開等因奉此又經轉行各縣知事遵辦去
聲呈據新任習藝所所長周祐呈稱所長於本年五月一日
縣特產擬卽添派藝師多招藝徒加意教授以宏造就染織

地出產除青田石外以木爲大宗爰擬改設木科採取適用原料製造家常器皿成本較輕銷路亦廣將來造就有成似於貧民生計不無裨益其籐竹一科本應遵令裁撤惟思所中應用原料總以就地取材不假外求爲主籐竹亦屬本地特產從前辦理未能得法故尠成效若能加意改良成本究屬輕微似尙不至無利可獲是以擬仍設置至本所畢業藝徒或在家工作或出外任事其實在賦閒者數甚寥寥此次奉裁染織科之藝徒除陸續告退併因事開除外賦閒者亦僅十名現擬悉數留所轉撥別科學習所有工場一項似可免予設立等情呈請轉呈前來據此道尹覆查該知事轉呈整頓改良各節自係體察就地情形起見似屬可行添設工場亦非必要惟與 鈞長單開指示辦法不甚相符除指令外理合據情轉呈仰祈 鈞長察核俯賜指令俾可飭遵實爲公便再該所前所長陳志成於藝徒名額有無浮報舞弊亦經道尹令縣切實查明該前所長辦事廢弛所規過寬無可諱言藝徒或作或輟既乏一定期間勤惰荒嬉又不釐訂賞罰以致每日在所工作者時有缺乏而於原有名額尙無浮報舞弊情

事現在該前所長既已撤換應否免予置議出自 鈞裁謹呈

呈省長齊遵令派員查覆各縣習藝所辦理情形核明成績文 八年十二月三十一日

呈爲遵令派員查覆道屬各縣習藝所辦理情形並分別核明成績仰祈鑒核事竊於本年十一月十三日奉 鈞署第二二六二號訓令內開案查各縣貧民習藝所辦理成績業於上年分飭派員查覆在案現屆一年所有各該所藝徒是否足額工作是否精良以及餘利銷路有無起色職員藝師對於所務勤惰若何均應嚴予考核以憑督促進行除分令遵照外合行令仰該道尹迅卽委派委員分赴所屬各縣習藝所詳晰調查其有出品優美餘利豐厚藝徒在定額以上而管理教授諸臻整飭者應准調取藝徒成績物品開具事實清摺連同所長姓名履歷呈請從優嘉獎如果辦無成效不知振作亦應臚舉事實確切呈明由道逕予撤差飭縣遴員呈薦至各該知事負有主管之責考成所在併仰查照本公署第三百十四號訓令酌定功過併案覆候辦理以示勸懲毋任瞻徇爲要此令等因並黏發清單到道奉經令委夏知事日璇往查永嘉

青田王知事寶謙往查樂清玉環李知事崇儒往查瑞安平陽泰順錢知事沐華往查麗水縉雲松陽宣平遂昌劉知事鍾年往查景寧慶元龍泉雲和等縣去後茲據各該委員等遵照令指各節及單開辦法分晰調查先後具摺呈覆前來道尹覆核屬除雲和一縣本年已奉准改辦林場外查永嘉習藝所工作以織布染色二科爲精良布置亦井井有條惟藝徒請假應飭嚴加限制並據該所長面稱永邑抵補金附稅項下年收銀三千五百二十餘元曾經縣議會議決撥充該所經常費現每年實領數僅銀二千六百三十餘元擬請將此項存縣年餘之款准發該所爲復設籐竹科並添設草帽科之用等情此項計畫係爲推廣起見似尙可採青田習藝所琢石科出品尙優竹籐木工亦較上年漸有進步惟琢石係該縣特產似宜飭該所加意擴充力求精良樂清習藝所木工織席二科出品尙屬合用惟製鞋科藝徒無多銷路又滯似應飭裁玉環習藝所毛巾出品較優惟各科原料均係他購並無餘利似宜飭該所長查明本地出產酌議裁改瑞安習藝所自該所長胡超任事後疏銷積存布疋並擬添辦提花機

頗能逐漸整頓惟出品及餘利無多似應飭該所切實改良平陽習藝所木工出品爲
優銷路亦暢惟現在添設漆科並未同時將蓆科裁撤核與該縣呈報原案不符似應
照案飭裁至藝徒查有缺額既與報縣額數不符是否舞弊似應另行調查并飭招補
足額麗水習藝所出品以織布製筆二科爲較優惟筆科學成畢業後未必易於謀生
似應飭該所酌議裁改縉雲習藝所出品以軟蓆爲優惟各科出數不旺似應責成該
所長嚴督工作以增產額松陽習藝所各科出品尙無停滯惟出貨欠旺餘利因以過
少且分設四科亦屬太多似可飭所酌議裁併一面嚴課勤惰以期發達遂昌縣習藝
所各科出品餘利均較麗松等縣爲多惟藝徒不及定額似應飭該所照案招補宣平
習藝所織布科細布銷路較滯自宜增製藍白粗布似應飭所注意推銷景壽習藝所
出品餘利均屬無多基本金並較上年減少似應飭所力圖整頓慶元習藝所出品餘
利尙有起色惟藝徒未足似應飭所遵章招補龍泉習藝所各科成品既優銷路亦暢
核其成績實爲處屬各縣之冠惟藝徒尙未及額似應飭卽招補

道尹綜核屬各縣

成績自以永嘉龍泉二縣爲最其所送成績物品亦均確係優美該所長周繼恩李賢珍二員既屬辦有成效似應呈請 鈞署准予分別核獎以昭激勸並擬將督察得力之張前知事濂王前知事施海各酌予記功一次其餘青田樂清玉環瑞安平陽泰順麗水縉雲松陽遂昌景寧慶元等十二縣各該所長或任事未久或限於經費雖皆無特著成績而據查辦理情形尙屬認真至宣平縣藝徒請假既多工作亦有懈弛辦理不甚整飭惟該所長甫經接辦擬請嚴飭整頓並令縣厲行督察以俟後效除將各委員原摺錄報暨取具永嘉龍泉二縣成績品及各該所長履歷一併附送外所有核明各縣習藝所成績暨酌擬請獎緣由是否有當理合具文呈請 鈞長察核令遵謹呈訓令青田縣知事奉省令調查習藝所成績令飭整頓文 八年一月四日

上年十一月二十八日奉 省長公署訓令第二三三二號內開案查各縣貧民習藝所迭經 前按署通飭該道前道尹派員調查前年 呂前省長又復繼續派員分赴各屬查報各在案現在各屬習藝所辦理情形若何究竟有無成績非由道就近派員

調查不足以資考核除分令外爲此開具調查事項令仰該道尹迅卽遴派委員分別馳赴所屬各縣習藝所按照調查事項切實澈查開具清摺復由該道尹核明如有應行整頓改良之處卽便妥擬辦法彙案呈奪此係爲考察成績力圖進行起見務須認真辦理毋忽勿延此令附單等因奉經分別派員調查去後茲據該委員開摺呈覆前來查該縣習藝所長王志成經該前縣知事呈由本公署轉呈委任當奉 省長指令以該員履歷尙與定章相符惟兼任錢莊經理安有餘力兼顧所務令飭另選合格人員呈轉候委等因奉經轉行迄未據覆且查該所分設琢石染織竹籐各科藝徒名額類多浮報不實所織布疋又皆惡劣竹籐一科並無製就籐器僅存粗笨竹器數件琢石一科雖較優勝然亦狃於故常未能改良種種辦法俱欠完善亟應力爲整頓以期款不虛靡奉令前因除俟查竣彙呈外合先令仰該知事遵照務將該所缺點切實整頓具報並將所長一職速選合格人員呈候核轉均毋違延切切此令

訓令瑞安縣知事撤選貧民習藝所所長文

八年六月十七日

查本年六月十五日據委員王寶謙呈稱六月七日奉道尹訓令內開六月五日奉省長艷日代電內開瑞安貧民習藝所所長李洸前於考核成績案內業經指令先予記過一次限於三個月內將所務設法整頓屆期由道派員澈查在案現已屆期仰該道尹迅卽照案遴派妥員馳往該所切實考查如果仍前疏玩卽由該道尹逕飭撤差遵章另選呈薦毋稍徇誤切切等因奉此合亟令委該員尅日馳往瑞邑切實考查該所長李洸對於所務是否仍前疏玩務得實情據實具覆候核毋稍徇延切切此令等因奉此遵卽馳往詳細考查查得該所藝徒四十二名分木工織巾織布三科前以木工織巾二科藝既不精銷亦不廣奉令裁撤改辦錫科該所長以木工一科原料產之本地藝徒畢業易謀生計織巾一科出品尙無積滯呈請緩裁此固體察地方情形起見然既呈請緩裁理宜設法整頓力求工藝精良銷路方可暢旺乃查察該二科成績出品銷路均無起色織布一科出品不佳積存甚夥綜核全所實無成績可言該所長充任數年詢其所中縷細情形語多模糊對於所務可謂異常疏忽恐難期其振作奉

令前因理合將考查實情據實呈覆仰祈察核施行等情前來查該所長李洸既於考核成績案內記過在先猶覆仍前疏玩不加整頓實屬放棄職務咎由自取據呈前情除指令外合亟令仰該知事迅將該所長李洸卽行撤差一面遵照定章趕緊遴選相當人員薦候轉請核委毋稍違延切切此令

指令景寧縣知事呈請停辦習藝所以原款轉給學藝者之理由 七年七月二十九日
呈悉暫停習藝所而以原有款項移作培植技師之用亦是一法惟停辦易創立難今日停辦後能否必他日之復創該知事亦應悉心斟酌毋徒以暫停爲請而不計及復設也案既分呈仰仍候 省長核示祇遵此令

指令遂昌縣知事呈報習藝所添設印布科並派員先行習練請撥公款由 七年十月七日

呈悉該所長能改良習藝殊堪嘉許仰卽傳令嘉獎以資激勸至稱派遣藝徒先赴建德監獄工場學習印布科擬於本年六成盈餘基金項下開支火食似屬可行但案關

動支公款應由該知事呈請 省長核示祇遵此令

指令麗水縣知事呈覆整頓習藝所情形由 八年五月十三日

呈悉該縣習藝所賦閑藝徒既據查明寥寥無幾設置工場自非必要應准查照遂昌辦法招充織工至添設科目是在隨時隨地應變制宜總以取材就地供應需要為主該所長擬增設肥皂一科果有利益可圖自可准予試辦惟查該所原有基本金爲數太微前奉 省長單開指示應如何遵照籌撥來呈未據叙及今若再添一科需費自必更鉅究竟能否兼籌仰速具覆核奪此令

指令景寧縣知事呈覆習藝所改設竹工情形由 八年五月十九日

查該縣習藝所前奉 省長單開指示辦法應先設木工科如辦有成效再添設竹工科是以木工爲要竹工次之該知事前呈亦以展緩兩月俟縫紉原料用罄再改設木工爲請茲據來呈竟擬改設竹工於木工並未提及究竟木工一科是否遵辦抑有爲難情形仰卽詳查原卷切實妥議另文呈核毋再延誤切切此令

指令平陽縣知事呈覆整頓習藝所情形由 八年五月二十一日

查 省令增科並非必要不過於裁撤織蓆科後之第二層辦法今該所長既將該科加織軟蓆且又購田種草是正在改良進行之中何又稱擬於下學期蓆科停辦後卽改漆科未免矛盾仰速查照 省令另文呈覆核奪毋延切切此令

指令瑞安縣知事呈覆整頓習藝所情形由 八年五月二十一日

據呈該縣習藝所原設木工織巾兩科悉仍其舊並請暫緩添設錫科等情自爲體察地方情形起見似屬可行惟查該所長原呈以織布科成本既鉅於貧民謀生最爲不合學成之後亦無地求備擬請裁撤改設漆工科該知事覆查則云工本既鉅不如就原有機作加意改良語意似有扞格之處究竟織布一科是裁是留仰再切實聲覆一面並仰遵令嚴迫前因利局欠款照案給領具報以憑轉呈察核再行飭遵毋稍延誤切切此令

指令雲和縣知事呈爲習藝所虛糜公款請騰款改辦林場由 八年五月二十八日

據呈該縣辦理習藝所困難情形尙屬實在惟事關通案斷難遽議變更至減撥經費一節前次既奉 省令未便移作他用現奉單開指示尙須責縣籌撥所請轉呈一節未便准行仰該知事勉爲其難仍遵迭次令飭辦理並切實整頓總期功歸實際款不虛糜是爲至要此令

指令龍泉縣知事呈報整頓習藝所情形由 八年五月三十日

據呈該縣習藝所改設棉紙科並緩裁織布織巾兩科係爲察酌地方情形起見似屬可行所送紙樣亦尙細韌適用惟核與 省令不符且藝徒名額已否照章招足賦閒藝徒招充織工會否妥籌辦法來呈均未叙及未便遽予轉呈應俟該知事迅速遵照 省令辦妥覆到再行併案核轉事關教養貧民要政均毋延誤切切此令

指令景寧縣知事呈覆習藝所改設竹工情形由 八年六月五日

呈悉該縣習藝所改設竹工需款較多當時豈未計及案經呈省核示忽請專辦竹工未便遽予轉呈致遭駁詰又查該所藝徒僅有十名前奉 省長公署單開指示應速

設法招補足額所有應支各款並奉准予另案追加該知事自應招足藝徒將竹木兩科並設方與 省令不致違背而於該所籌設竹工亦不致功敗垂成一舉兩得莫善於此究竟能否遵辦如何籌款仰再妥籌辦法另文呈覆以憑核轉毋延切切此令
指令雲和縣知事呈覆習藝所添設竹器科準備情形由 八年六月二十四日
呈悉該縣習藝所添設竹器一科既於奉令時準備一切何以相隔兩月有餘始據呈覆實屬辦事玩延案關教養貧民要政本道尹當隨時派員查考以覘成績該知事務須振作精神切實整頓毋得一味敷衍貽誤干咎切切此令

永嘉縣立平民習藝所第八次畢業訓詞

七年寒假

工藝爲實業之要素亦救貧之良法我國地大物博平民生計乃極困難蓋以工藝未能發達農林產物之需要少而農困於野製造品類之輸出少而商滯於途農商交病國隨以貧貧民工藝實當今之要務而關係於平民尤爲至要至鉅永嘉平民習藝所開辦有年諸生來此學習藝術既經各藝師循循善誘對於各種工藝製造之法改良

之方所以合社會之心理而自足其生計者自必研究有素無待贅辭雖然本道尹竊
有一言以爲諸生告者勤勞是也語有之曰民生在勤勤則不匱又曰民勞則思思則
善心生是知業以勤而愈精心以勞而益智工藝之道不出乎此諸生果能曲體吾言
而益求精進必能擴張國產精良物品邀社會之歡迎裕民生之經濟收效之宏正未
可量跂予望之

甌海觀政錄卷五

交通類

交通

訓令四件 指令二件 函二件

訓令永嘉警察局勒令舖戶居民及攤戶將堆置之物一律收進文 七年五月二十五日
照得永邑城內街道本不甚寬各處店舖居民往往不顧公益將一切雜物堆置道旁
甚或將櫃檯搭佔官路小販之人又復任意沿街設攤以致街道愈形狹窄於交通大
有妨礙實屬不顧公益宜從嚴取締勒令收進以利行人爲此令仰該局長先行按
戶知照限定日期令店舖居民將侵占官路之物自行收進不准再堆其沿街所設之
攤亦應勒令一律遷移以除阻礙如屆期尙不遵行是有意違抗命令當卽強制執行
斷不能任各該商民任意侵占文到卽便施行倘該局長徇情延緩卽惟該局長是問
仍將辦理情形剋日具覆切切此令

訓令永嘉警察局將城門石檻及橋腳設法填平以免翻車傷人文

七年五月二十九

日

查永邑城廂內外通行人力車原爲便利交通起見該局既收取車捐自應將凹凸不平之路設法舖平方可免翻車傷人之事茲聞各城門石檻依然凸出人力車夫於進城及出城時偶不經心將車翻倒乘車者往往跌出致受重傷聞曾有孕婦乘車因而墮胎致命者殊堪憫惻爲此令仰該局長迅即將各城門石檻或鑿軌道或舖木板或卽移去務須相度情形剋日妥爲設法其各處橋腳有不平者亦一律填平務使車行無礙不至再有傷人之事是爲至要仍將辦理情形具報備查切切此令

訓令永嘉縣知事查覆通濟公司開浚河道有無妨礙文

七年九月十七日

案據通濟輪船公司協理黃淵呈稱竊公司現以白象梧田地段內河水淺涸不日當可施工開浚曾於七月二十三日呈請出示曉諭並令行警察局派警保護在案未悉此項呈文已否收到迄今未沐令遵實深焦急但開工在即而河水淺涸機會又萬不

可失懇請迅行出示曉諭所有大小船隻往來務使一律迂道行駛並令行警局隨時派警保護以維要公事關開浚河道爲此備文呈請察核施行再公司總理項湘藻因病身故暫由協理代行職務合并聲明等情前來據此查此案前據該公司具呈前來卽經詳晰批示並令該知事迅速查明該公司開浚河道有無妨礙其輪船往來繞道何處該處紳民是否允協據實呈覆以憑核奪嗣據呈覆已令委該區自治委員確查等情又經第一五七八號指令迅催查覆在案茲據前情除批示外合再令仰該知事剋日與該公司商妥並將查明輪船繞道處所有無妨礙情形據實呈覆以憑核辦勿再稽延切切此令

訓令永嘉縣知事查辦甯溫台船商代表施宗範等爭執船隻停泊地點一案文
八年八月十三日

案據甯溫台船商代表施宗範等呈稱遵章停泊勢難改變祈查照關章駁斥等情據此除批呈悉停泊船隻須有行列若參差錯落致令他人船隻往來不便亦非情理之

平巨艦梭船同屬營業易地皆然當不難彼此相諒該代表等既知江心屬於國有當更知非寧溫台三幫所得獨享權利何能固執己見不爲他人稍留餘地現已令縣召集兩方協議仰卽赴縣聽候秉公辦理勿違此批掛發外合亟檢發副呈令仰該知事查照辦結具覆勿延此令

指令永嘉縣商會呈王柏森等請飭警察局發給車照以資營業由 七年五月十三日呈悉通行人力車本爲便利交通起見但查永邑城廂內外店舖攤戶侵佔官路太多如果該商會能盡勸導之責使各舖戶遵章收進街道放寬自可增加車輛以利交通現在街道尙未放寬究竟該商人等定購之車能否放行並有無阻礙應由該商人等逕請警察局酌量辦理仰卽轉飭遵照此令

指令永嘉縣知事呈覆查明葉百川等呈訴輕船重載一案情形由 八年六月十二日呈悉菰溪地方雖無添設渡船之必要然亦應隨時取締方可以便行旅茲將平陽縣所訂義渡規約抄發一紙仰該知事卽便參酌情形擬訂取締規則呈候核定實行再

除臨江鄉外如甌江及其他設有渡船各處並仰一併分別各地情形擬訂規則送候
察奪勿稍違延切切此令

致十六縣知事通函 七年三月二十日

逕啟者准瑞安項紳驥以接滬電招商堅不換船交涉已窮頃商虞洽卿囑集三十萬
元與鴻安合辦船已有着請約各業力籌股款機不可失等語茲事體大甌人財力棉
薄三十萬之數爲額頗鉅非得官廳提倡未易集事擬請先設籌辦處並函告溫處十
六縣每縣推出籌辦員一人定期到處認招股分若干一俟籌足解存溫州中國銀行
推舉董事複選經理購船設局並商京省同鄉請卽協助等情函商前來查甌海航路
如能以甌人財力集款設局自購輪船實爲根本解決之法准函前因除函永嘉商會
與項紳驥接洽議設籌備處並分函各縣外合行函達希卽轉告各紳商認真集股并
推舉籌辦員一人隨時到處接洽合力進行爲荷

致甌海關監督徐函 八年二月二十五日

叔蓀仁兄大人閣下敬啟者查東門之永寧永川寶華三公司輪船每過坎門大抵時在中夜且該處既無碼頭尤多風浪而各該公司在彼處停輪時間又較各處爲獨短以致乘客急於上下往往心慌意亂加以輪船與划船高下相去又遠偶一疏忽危險實甚該處行旅均稱不便有時竟乘客划船尙未停輪輪船已經開去或划船雖攏近輪船而輪船不候乘客全上卽先鼓輪而去以上種種不便行旅之處亟應設法更改以免意外除面諭各該公司經理人外特再函請查照轉飭該處分關就近諭知該三公司嗣後輪船進出經過坎門務須多停時間俾乘客得以從容上下不致有危險發生不勝盼禱之至

電務

呈文四件

呈省長齊呈明由永嘉至海門接通電線利益情形請鑒核轉咨文

七年三月三十日

呈爲呈明由永嘉至台屬海門接通電線便利情形仰祈鑒核轉咨事竊查電線之設所以便利商民之交通而於軍事防務影響尤鉅稍有阻礙卽全局皆滯杭州省垣通

接舊溫台兩處之電分設東西二線通台之線由省經紹興而東經餘姚鄞縣寧海而至海門爲止通溫之線由省經紹興而西經蘭溪金華縉雲而至永嘉爲止溫屬各縣與省垣通電須專差至永嘉電局處屬各縣則或至永嘉或至縉雲均須專差送往始能拍發設永嘉至紹興之線偶有阻斷則溫處兩屬卽無發電之處卽寧台一帶如紹興至海門之線有阻亦復無法投遞道尹到甌海未及三月而由溫至省之電因桿線中斷而不能遞發者已有數次蓋自永嘉以上山谷多而平地少所設桿線時被大風吹折鄉民偷竊亦所不免雖經遵奉 鈞令嚴飭各縣切實防範然一經中斷崎嶇山路修復需時不獨交通障礙信息難通愚民無知且因而羣起恐慌現當軍事緊急之際不可不預爲慮及因查永嘉至海門相距祇二百餘里如能接通此路之線則寧台溫處各屬有東西二路廻環周轉脈絡貫通由甌遞省之電如永嘉至紹興之西線有阻礙可由海門東線投遞海門至紹興之東線有阻礙可轉由永嘉之西線投遞不致再有阻隔之虞且台溫接界之處謠言未息時有黨人窺伺之說消息通靈則防禦易

密卽就商務而言海門口岸近來輪舶交通商事貿易正在方興之際與甌密運貨物往來如有電線則市面尤靈是於軍事商業實有種種利益而兩地距離初不甚遠則裝設之費亦尙無多道尹管見所及擬懇 鈞長轉咨 大部勘接桿線以期裨益交通是否可行理合備文呈請 鑒核施行實爲公便謹呈

呈省長齊請咨部早日接設永嘉至海門電線文 八年五月二十五日

呈爲永嘉至海門電線擬請轉咨早予接設仰祈鑒核事竊道尹擬請由永嘉至海門接通電線一案於上年四月二十四日呈奉 鈞署第三七〇四號指令內開呈悉仰

候據情咨部核辦可也此令又於五月二十三日奉 鈞署第一〇三六號訓令內開

案准 交通部咨覆內開准咨據甌海道道尹以永嘉至紹興西線時有阻礙請接設永嘉至海門電線使各報可由東西路隨時擇便接轉期於防務商務均有裨益轉咨核辦見覆等因到部查該兩處接設電線係爲防務商務均獲便利起見自應照惟辦查閱輿圖永嘉至海門線路須經過甌江口該處河身較寬恐非安設水線不可而此

項水線歷來均向外洋訂購現因歐戰未息訂購爲難一時無從興辦應由部先行備案俟將來購料有期再行籌設除飭浙江電政監督嚴令巡線總管及轄線各局將線路加意維持勿使再有阻礙外相應咨覆卽希查照辦理等因准此查此案前據該道尹呈請前來當經分別咨令在案准咨前因合就令仰該道尹知照此令各等因奉此查永嘉至海門中阻甌江自須裝設水線方能交通惟甌江江面尙不過寬工程似不甚難且自上年以來處州一路桿線中斷電信不通仍時有所聞現當多事之秋全恃消息靈通俾便施行計畫甌屬商民亦以電線時斷滬杭市面呆滯不靈屢次請求呈催竊念永嘉至海門路線旣奉 大部核准照辦可否懇請 鈞長察核轉咨早予接設俾於防務商務交資便益之處伏候 鈞裁爲此備文具呈仰祈鑒核施行謹呈

呈省長齊轉呈楊振圻等請設東甌電話股份有限公司文 八年六月三十日

呈爲轉呈楊振圻等請設東甌電話公司並送文件註冊費仰祈鑒核轉咨事本年三月十八日據永嘉縣知事張濂呈稱本年三月十五日據東甌電話股份有限公司董

事吳鍾鎔黃羣等呈稱竊鍾鎔等於民國八年三月發起籌辦東甌電話股份有限公司定資本一萬五千元分爲一百五十股以一百元爲一整股所有股款卽由發起諸人認定依照公司條例第一百條之規定公司卽從此成立並依第一百一條之規定按股各繳至四分之一以上之股銀存儲溫州四明分銀行所有息金暫仿銀行存息計算俟股票給發後以八釐計息凡有五股以上之股東有被選舉爲董事之資格業由發起人選舉吳鍾鎔潘國綱黃羣楊振圻張成謙徐祖煜楊敬之七人爲董事於董事七人中互推楊振圻爲監查人擇定永嘉警察局內餘屋爲營業所理合訂立章程呈請註冊以憑準備開業但依公司註冊規則第三條之規定股份有限公司註冊費其資本在三萬元以下一萬元以上應繳註冊費銀圓二十元茲應遵章繳納查永嘉爲商埠之一而商業之發達獨蒙牛後之譏董事等爲便利交通振興實業起見籌辦此舉原期爲吾甌商業之一助爲此抄呈各項章程及營業概算書並公司註冊規則施行細則第十二條第二項應具各種文件仰祈鈞署准予註冊並詳省道長官咨

部核給執照以便準備開業誠爲公感等情據此知事查永嘉向無電話誠爲缺點該董等擬集資開辦係爲靈通消息起見核其所呈各項章程規則均無不合爲此檢同原送文件三份註冊費銀二十元備文轉呈仰祈鑒核俯賜轉呈實爲公便等情據此

道尹 覆核永嘉城廂內外地方遼闊無電話以傳達消息不獨商業上諸多不便卽政法軍警各機關往往遇有緊要事件發生因消息不靈每多貽誤自非急予設置不可茲該董等所擬各項章程規則尙無不合惟資本一萬五千元曾否招足未據聲明因指令該知事切實查覆去後茲據覆稱該項資本確已如數繳足存儲銀行等情前來

道尹 覆核無異除指令外理合檢同原送文件二份註冊費銀二十元備文轉呈仰祈鈞長鑒核俯賜轉咨實爲公便再該公司呈請開辦係在本年三月嗣因令縣查明資本至本月始據覆到以致遲延合併聲明謹呈

呈省長齊請將軍用電話經費撥購東甌電話公司股分文

八年十月十五日

呈爲呈報事案查接管卷內趙前道尹奉令重組甌海道尹公署成立之始准浙江警

備隊第六區統部咨交軍用電話經費銀一千一百四十七元五角八分曾經趙前道尹於六年三月二十六日呈奉 鈞署警字第二一一號指令並分令各縣廣續照解又據樂清青田麗水玉環等四縣續解銀三百五十元兩共合存銀一千四百九十七元五角八分前項電話未曾辦成趙前道尹奉令交卸當經咨交 道尹接收在案茲據東甌電話公司創辦人楊振炳等一再陳請將前項經費撥購該公司股份 道尹當以軍用電話原旨本在靈通消息現在商辦電話既可成立似可毋庸另辦軍用電話當經照准將前項軍用電話經費銀一千四百九十七元五角八分撥購該公司股份十五股每股一百元計銀一千五百元其不敷銀二元四角二分由 道尹捐俸補足以後按年收入利息擬請撥補甌海道育嬰堂常年經費理合備文呈報仰祈 鈞長鑒核俯賜備案實爲公便謹呈

甌海觀政錄卷五

祠祀類

祠祀

呈文三件 訓令九件 指令八件 批二件 函六件

呈省長齊呈請恢復名宦鄉賢忠義各祠祀典文 七年五月十八日

呈爲呈請事竊查各縣節孝祠宇業奉 鈞署第九七六號訓令應卽一體興復並舉行春秋二祭等因遵經轉令所屬各縣知事遵照在案惟查各縣除節孝祠外向有名宦鄉賢忠義等祠前清時每逢春秋二季亦由地方官親臨致祭蓋所以勵氣節而敦風化也自民國成立以來此典不行已久以致舊設各祠屋漏垣頽所在皆是當此道德墮落綱紀廢弛之際非將往昔有功名教者崇其典禮似不足勵後起而挽頽風現在節孝祠祀典旣奉恢復所有名宦鄉賢忠義等祠事同一律亦應援例興修致祭對死者隆馨香之報俾生者興觀感之資似於世道人心不無裨益爲此備文呈請可否

由 鈞長通令本省各縣將名宦鄉賢忠義各祠次第修復並於春秋二季致祭之處
伏候 俯賜鑒核指令遵行實爲公便謹呈

呈省長齊通令各縣將近來請准旌表婦女粟主補入節孝祠文 七年五月二十三日

呈爲呈請事竊查浙江各縣節孝祠宇暨春秋祀典前奉 鈞署第九七六號訓令恢

復仰見 鈞長維持名教挽救世風之至意欽佩莫名 道尹 遵卽轉令所屬各縣一體

遵照在案惟查各縣節孝祠內供奉之粟主均係前清時請准旌表之貞孝節烈各婦

女所有民國以來已經請准旌表者亦尙不乏其人均未列入殊不足以慰貞魂而彰

榮典爲此備文呈請 鈞長通令各縣查明前清時尙有未奉入祠及近年來已經請

准旌表之節孝婦女一併製就粟主補入祠內俾死者得享馨香之祀生者足與觀感

之資是否可行伏候 鑒核施行實爲公便謹呈

呈省長齊爲節孝祠祭費及補送粟主入祠費擬在公益費項下開支文 七年七月二

十九日

呈爲節孝祠春秋祭費及補送粟主入祠費應否酌定數目並在地方稅公益費項下
開支呈請鑒核令遵事案查前奉 鈞署第九七六號訓令 道尹轉令所屬各縣將節
孝祠宇暨春秋祀典隨時興復藉慰貞魂而敦風化等因奉經轉令各縣遵照並將擬
令各縣查明前清未經入祠及近年請准旌表之婦女製就粟主補入祠內情形呈奉
鈞署第六零九七號指令核准在案茲據所屬各縣將修復節孝祠及補製粟主情
形先後呈覆前來並據樂清縣知事狄紹青呈以節孝祠春秋二季祭費在前清時每
季由公署公款內撥給銀六元現在該項祭費擬請在地方公益費項下仍照舊數動
支又稱此次將查明前清請准旌表節婦周金氏補送粟主入祠共用銀六元九角八
分亦擬在公益費項下支銷請察核轉呈等情據此 道尹查節孝祠祀典既奉恢復所
有應製粟主急應補製送入祠內惟該項費用尙未奉規定爲此備文轉呈可否將節
孝祠祭費及補送粟主入祠費酌定數目並在地方稅公益費項下動支之處伏乞
鑒核令遵實爲公便謹呈

訓令縉雲縣知事將辦理寺產情形詳細具覆文

七年四月二十六日

案據縉雲縣靈峰寺僧寶林呈以破壞約法抗違命令提起訴願請求飭縣保護以維宗教等情前來據此查管理寺廟條例早經公布施行各縣知事對於寺廟財產自應妥爲保護茲據該僧寶林呈稱該知事將寺租撥歸學校究竟是否屬實際批示外合行檢發副呈一件令仰該知事將辦理是案情形詳細具覆以憑核奪毋稍隱延切切此令

訓令平陽縣知事召集紳耆將該縣先哲及節孝祠次第興修文

七年五月十五日

案據平陽縣紳士現任省立第十中學校校長劉紹寬函稱平陽縣學舊有林史二公祠錢倉有史公祠今皆圯壞林卽宋遺民景熙霽山以拾宋陵遺骨著名者史係元儒伯璿湛深朱學著有四書管窺管窺外編諸書與林霽山集皆著錄四庫其論月蝕地影與今西書闇合已探入圖書集成中二公清風亮節急應表章寬上年與邑人陳承紱等擬募重修因遷移地趾衆議未定而止又有陳高子上元季遺民風節不亞林史

著有不繫舟漁集亦錄四庫應與林史二公並爲立祠以資坊表又邑節孝祠毀壞已久上年移址倡修因經理擇人旋復中止爲此敢請令縣飭將所陳各節集議次第舉行是所翹盼等因據此查表章先哲激揚風義於世道人心大有裨益本道尹現在正於各屬縣地方從事調查如有忠節孝義應予表揚者亟欲籌修興舉據陳前因除函覆外合行令仰該知事迅卽召集紳耆按照所陳各節籌集款項次第興修仍將辦理情形隨時具報備查切切此令

通令十六縣知事不得再行違背條例將寺廟財產充公或指撥他用文

七年五月十

六日

案查管理寺廟條例早經公布施行並經本公署於上年四月二日奉 省長公署第一千一百七十六號訓令後卽行通令所屬各縣一體遵照在案茲聞各縣紳董仍有藉興學之名將寺廟財產任意侵佔情事實屬違背管理寺廟條例第十一條之規定亟應從嚴禁止以符定例除分令外合行令仰該知事卽便按照條例切實保護不得

再將寺廟財產任意充公或指撥他用如果寺廟住持有不守清規情事儘可依照該條例第二十三條及第二十四條辦理仰卽遵照勿違切切此令

通令十六縣知事查明境內節孝名宦鄉賢忠義各祠曾否毀棄及有無祠產文

七年

五月十八日

案查各縣舊有之節孝祠業奉 省長公署第九七六號訓令飭卽一體興復並舉行春秋二祭等因卽經本公署轉令各該知事等遵照在案惟查各縣境內除節孝祠外尙有名宦鄉賢忠義及其他先哲等專祠前清時每逢春秋二季亦由地方官親臨致祭蓋所以勵氣節而敦風化也現當綱紀廢弛道德墮落之際非將往昔有功名教之人隆其典禮不足以資觀感此項祀典目前雖未舉行然固有各祠斷不容任其毀壞廢棄爲此令仰該知事將該縣所有節孝名宦鄉賢忠義及有關名教之先哲各祠詳細查明曾否毀壞廢棄及有無祠產迅卽列表具覆候核勿延切切此令

訓令永嘉縣知事速修忠義節孝祠並補全粟主文

七年五月二十日

谷占居廟內任意糟蹋殊屬不成事體其廟門口雖有女子實業傳習所匾額查廟內並無此項傳習所之存在爲此令仰該知事遵照派員查明情形並飭警將占居之貧民婦女等勒令遷出並將該廟設法修理以復原狀仍將遵辦情形呈覆備查此令

訓令青田縣知事興修

武聖廟文

八年四月十七日

查 關岳廟春秋祭祀已列入民國祀典該縣 武聖廟自民國元年被大水冲毀後迄未規復每逢春秋祭祀借 城隍廟臨時設位供祭殊不足以昭誠敬爲此令仰該知事即便就原有地址設法籌款剋日興修以資觀瞻而隆祀典是爲至要仍將遵辦情形具報候核勿延切切此令

訓令永嘉縣知事查明陳壽銘等勸捐修理

東嶽廟一案文

八年四月二十六日

案據公民陳壽銘等呈以信教自由法律所許僉乞出示勸募等情前來據此除批信教自由載在約法本無禁止之理陳紳修理 東嶽廟並因戲臺前池未免危險將戲臺遷至廟外自係爲公益起見惟該項工程統計究需經費若干已經募得若干並支

用若干仰候令縣查明具覆核奪至乘 東嶽神出巡之際勸募捐款自無不可但須聽人民自行樂輸不得稍有抑勒倘再有人藉端滋事准其自赴警局訴請究辦所請出示勸募應毋庸議仰即知照此批掛發外合行檢發副呈一件令仰該知事即便查明詳情據實具覆以憑核奪勿延此令

指令宣平縣知事呈送節孝各祠字調查表由 七年六月二十一日

呈表均悉仰將節孝祠內應補粟主即行查明製就補送入祠並預籌款項以備致祭其餘名宦鄉賢忠義等祠亦應派員妥爲管理毋任毀壞是爲至要此令表存

指令縉雲縣知事呈爲遵令查明各祠列表呈請察核由 七年六月二十六日

呈表均悉查 關岳廟應春秋致祭早已實行節孝祠近亦奉到 省令恢復祀典無論經費如何爲難該知事職責所在斷不容不設法修復至 文昌宮 倉聖祠既經損壞不堪亦應逐漸修復毋任廢棄仰即遵照辦理並隨時具報備查此令表存

指令青田縣知事呈送節孝祠等調查表由 七年七月二日

呈表均悉查節孝祠已奉 省令舉行祀典急應尅日修復遵照辦理忠孝祠既係荒廢亦應趕緊設法興復至 劉誠意伯廟尙有祀田此次修築石門洞時一併規畫興修毋任毀廢該縣人才輩出勸募修祠經費當不甚難尙望該知事熱心提倡是爲至要此令表存

指令平陽縣知事呈報估修舊節孝祠情形由 七年八月二十日

據呈已悉該縣舊節孝祠既擬改作三賢祠則新節孝祠急宜先行建成現在秋祭期近究竟新祠曾否建築何日可以落成來呈均未詳晰聲明無從核奪仰卽查明呈覆勿稍稽延切切此令

指令慶元縣知事爲呈報查明貞孝節烈婦女製主入祠並編題總坊情形由 八年二

月二十日

呈册均悉該知事將境內貞孝節烈婦女查明姓氏捐俸分製栗主送祠致祭並將節孝總坊重加編題以資觀感具見辦事切實深堪嘉尙仰卽督飭將新修祠坊加意保

管毋任毀壞爲要此令册存

指令永嘉縣知事呈覆查明林浦南估踞 神農廟情形由 八年四月四日

呈悉該項建築等費是否值洋九千餘元支用各款有無證據該民所稱捐付洋一千元是否實在既未將簿據繳出一面之詞難以憑信總之 神農廟係地方公產捐募之款亦係地方公款斷不能以公產公款供該民一人之利用仰該知事查估明確據實具覆並令呈繳簿據以憑察核一面仍限令遷移毋任延宕切切此令

指令青田縣知事呈報籌修 關岳廟情形由 八年六月十三日

呈悉查是案前據該知事函稱估計興修 關岳廟縣署監獄三處經費共需銀三千二百元地方擔任二千元是地方擔任之數爲全數八分之五 關岳廟原估銀八百元則地方所認之款應攤五百元何以該知事堅稱爲四百元殊不可解且此事已將一月何以尙未估定仰速切實勘估繪具圖說呈候察核毋再稽延切切此令

指令樂清縣知事呈請核撥公益費修理 文廟由 八年七月八日

呈悉該縣 文廟年久失修梁柱蟻蝕自應估價籌款興修以崇祀典而壯觀瞻惟所
需經費七百五十餘元全恃公帑似嫌過鉅該知事如能捐俸提倡並邀集就地士紳
妥商各界捐助若干不敷之款再於公益項下逕呈 省長核撥補助較易辦理仰卽
遵照此令

批邵師孟呈請修復 陳文節公祠宇由 七年八月三十日

呈悉 陳文節公爲有宋名臣文章理學與張呂齊名自應修明祀事爲邦人矜式之
資惟原有祠宇是否毀圮無存基地若干應需工費若干應由該縣士紳踴躍捐募議
有頭緒呈由該縣知事察酌轉呈核奪自當力爲提倡也仰卽知照此批

批鄭毓芬等呈爲 神農廟修理將竣祈轉請褒揚由 八年五月二十四日

查林浦南藉修理 神農廟爲名募集款項兼營私產迭次令縣追查收支簿冊猶復
匿不交出其爲有意弊混情節顯然業奉 省令轉飭永嘉縣押選並認真清查款項
禁止復設茶業公所在案該民等不明是非竟敢代爲請獎殊屬冒昧所請應不准行

此批

致第四中學校校長劉函 七年六月二十二日

次饒仁兄大人閣下敬啟者頃據陸知事填送貴縣祠宇表中有樞密周侯祠在證真祠西侯守平有功後爲方明善所執不屈而死州人立祠祀之祠已久廢乾隆二十三年邑令徐恕復之今又廢又史先生祠在十九都錢倉祀元儒史公伯璿乾隆五十六年邑人趙玉巨陳楫等捐建今燬於火此兩祠若均欲修復誠恐一時無此財力而久廢易於湮沒又非所以崇德報功之意可否將周公栗主附入忠義孝悌祠內史公栗主附入鄉賢或其他祠內俾垂久遠卽請閣下與貴縣鄉先輩酌定施行並希便中見覆爲荷

致平陽縣知事陸函 七年七月十日

蓮蓀仁兄大人閣下逕啟者據浙江第十中學校劉校長次饒函稱奉諭詢及平陽周史兩祠久廢不修將附入忠義諸祠俾垂久遠仰見表彰鄉賢之至意惟查周史二公

於本邑鄉賢祠內均已奉有栗主（即忠義祠內恐已有周主）其證真寺傍之周祠乃周初死事時

州民感憤爲建專祠今寺已縮小如民屋傍地爲人墾佔難可規復矣史公生長錢倉其鄉設立專祠爲時已久邑人陳趙等亦曾爲重建今祠雖燬而遺址尙存規復較易又文廟之傍另有林史二賢祠於史公外兼祀宋遺民林景熙今亦圯毀晚前函請飭縣規復後旋經邑人相商以西門外節孝祠廢壞現有陳日華另獻城南基地爲之重建而節孝舊址改建林史二公祠較易爲力晚意將增入陳子上先生高爲三賢祠緣三賢爲宋元遺逸亮節清風足師百世尤可以式近俗之類靡容當遵諭與邑人妥商後稟縣呈覆至鄉賢忠義諸祠之舊有栗主應請令縣一整新之以崇祀典等語事關表揚先哲模範後來卽請閣下調查地址並與平邑紳商接洽分先後緩急次第進行其鄉賢忠義諸祠之舊有栗主并爲整新之所費不多當尙易辦也

覆平陽修志事務所周函

七年十一月三十日

幼康仁兄大人閣下頃奉手書聆悉一切修祠之舉弟意本爲表彰先哲起見前劉次

翁請將林史陳三公併入一祠弟細爲考覈甚屬允當今來示擬將鄭公附入適次翁來弟即將此層與之談及渠亦深以爲然請閣下卽與葉知事商辦可也

覆上海市經董辦事處陸函

八年三月二十一日

松侯先生閣下奉示並件讀竟祇悉浙省致祭節孝祠係由浙江節孝總祠發起呈請省長核准通行各道轉令各縣遵辦弟正以表揚節烈提倡孝義爲救人心風俗計奉文後立即通令所屬敬謹實行本未咨部立案蘇省援浙成例卽可照行乃商及內部使大好機會受無形之打擊豈不可惜至祭祀費用此間各縣節孝祠間有祭田田租其無祭田收入者每次所費不過數元率由官紳捐集應用惟修補粟主則准在地方公益費或準備金項下開支此浙省之大概也蘇省既歸紳士自行致祭則動用公款恐難辦到惟部咨既已如此部意似可由先生再行發起呈請省長將部咨通令各縣俾各縣紳士均照仿行亦闡揚道德之一助也先生以爲何如

致青田縣知事袁函

八年三月二十九日

樹臣仁兄大人閣下春秋致祭節孝祠去年五月奉到 省令後卽通行各縣望查 敝署三四七號訓令照行可也 關岳列入民國祀典無專立廟宇實不足昭誠敬貴縣有公產改造固佳如竟無有或另建殿屋三楹好在貴縣木料甚賤所費不多經費先宜勸募不足則酌撥公款亦無不可 劉文誠祀屋雖經重建其讀書處若不保存終必湮沒現時建屋固無此力量或卽在原處建一茅亭中豎一碑刻 劉文誠公讀書處七大字俾遺址長留資考古者之一證亦大佳事此外謝客堂及 觀音閣等亦希切實估計約費若干可以修竣因是處適當洞口開門見山不事修葺太不雅觀以上各節均宜切實籌畫隨時來函商辦 弟當力爲贊助義門索小兒科各藥備嬰堂施治之用茲酌配數種望轉交之用法均照仿單前日在商會索藥之兩孩藥已配就附寄亦交義門轉給爲盼

致青田縣知事袁函 八年四月二十一日

樹臣仁兄大人閣下兩函均悉商會事前已函催茲再去一函可也修建 關岳廟衙

署監獄三處共需三千二百元地方既認二千元平均支配 關岳廟修費八百元應攤得五百元閣下及韓管帶各認捐五十元再在公費請撥百元已得七百元尙差百元由弟擔認望卽趕速開工爲要至能否邀准全在呈文措辭得當蓋 關岳既列入民國祀典自應建築廟宇且八分之七已由各處認捐僅撥公款八分之一當然可望批准卽萬一被駁亦由弟認繳但望尅日興修爲盼惟呈文應分呈 省長耳至戲臺一節紳民要造亦無不可但一時無力或由紳民另行募到款項隨時添建亦無不可修理監獄一千四百元照比例算應攤得八百七十五元不敷之款擬在司法收入項下撥補之處須由高檢廳主持望將監獄歷史詳叙覆來弟當專函高檢廳請其贊助也 劉公祠建築費記得前曾談及約需洋一千元左右不知是否如果不差則照來示之數已可攤得四五百元大可連 觀音閣謝客堂一併修理吳翁必可贊助劉局長亦請其慨助若干弟當設法擔任二三百元所差不多必可成功亦希尅日動手至盼至託

甌海觀政錄卷五

公益慈善類

公益慈善

呈文一件 訓令七件 指令七件 代電三件 函一件

白話文一件

呈省長齊呈請在漏米罰款項下撥銀一百元充開整永嘉清水埠圓瓦礁經費文
八年八月三十日

呈爲呈請事案據永嘉紳士錢熊堦呈稱據賢宰鄉公民黃逢蘭面稱三十四都清水埠地方有礁一所名曰圓瓦礁廣約畝許來往船隻觸礁沉沒者時有所聞茲有石工李新洪朱存楊二人承辦當面斷定計工洋二百元時間預計四月掘斷此礁惟棉力微薄難荷鉅款茲已由地方籌措百元擬請補助百元以成善舉等情據此伏思開整海礁事關公益前次礁下港建築燈塔便利舟行業經鈞尹照准在案現在圓瓦礁如

蒙開鑿則地方受益不淺可否准予補助出自恩施爲此取具石工保切各結備文呈請察核示遵等情前來據此 道尹查前項礁石確於舟行甚有妨礙曾因誤觸溺斃人命自非開鑿不可當經照准於漏米充公項下撥給銀壹百元飭令該紳督同尅日開鑿以免危險倘該工匠能力薄弱不能開鑿仍責令該工匠繳還原銀各在案除俟冊報漏海米案時聲明於何案指撥外理合先行備文呈報仰祈 鈞長鑒核備案實爲公便謹呈

通令十六縣知事查報現辦慈善經董任事情形文 七年二月七日

查甌屬各縣歷經官紳商民籌集經費創辦各種慈善公益事業甚多現在接手經董其能潔已奉公認真辦事者固屬不少而假公肥私毫無實際者亦不乏其人窮苦無告之民直接受其損害猶在一時因是而使慈善公益之事失其信用無敢舉辦則貽害前途實無窮極各該縣知事既負有監督之責自應切實考察凡經辦員董如有藉端侵蝕及耗糜公款不能辦事者應卽分別懲儆立予撤換如有不辭勞瘁實心任事

及興辦各種慈善公益之事確有實惠者亦准舉列事實呈候察核代爲請獎俾資觀感總期款不虛糜事無不舉各該知事庶於應盡之職務與夫一己之道德交盡而無憾除分行外合行令仰該知事即便遵照仍將考察經辦情形并境內共有慈善公益機關若干處所經費之收入支出確數立表詳報勿稍徇延切切此令

訓令分道知事葉大澂調查平陽縣慈善成績及各董辦理情形文 七年四月十七日
據平陽縣知事陸維李呈稱該縣濟嬰局積嬰僅止百餘名自阮紳慕咸接辦局董心存保赤實心辦事嬰孩逐漸增加迄已達二百餘名之多均能撫養成人各得其所因利局主任兼貧兒院院長黃紳光貧民習藝所所長陳紳毓琦均能潔已奉公認真辦事可否轉呈給獎以資鼓勵等情並呈送成績表四紙據此查阮紳慕咸等果以熱心辦事著有成績自應請給獎勵以資觀感除指令外合行令仰該員前往該縣濟嬰局因利局貧兒院習藝所等處詳細調查有無實在成績局董阮紳慕咸等是否均能實心任事確有勞績切實具覆以憑核辦毋稍徇瞻切切此令

通令十六縣知事如有倡辦慈善事業者當優給獎勵文 七年五月二日

照得慈善事業所以謀地方之公益彌人民之缺憾造端甚細而收效甚宏顧官廳之力有限非由地方人士共同進行難期發達甌海各屬慈善事業前經通令飭查旋據各該縣知事陸續呈覆前來詳加察核大都限於經費具體而微其能熱心倡辦者尤不多觀此本出於個人道德之關係不能加以強迫之力自當施以獎誘之方無論官紳商民如能發起舉辦確爲地方公衆之利益或將舊有機關切實整頓著有成效經本道尹考查確實當予據情轉呈優給獎勵以資觀感而宏施濟除分行外合行令仰該知事布告周知仍隨時督飭各該經董切實經辦以謀實惠此令

通令十六縣知事查明辦理慈善公益各經董有無侵佔公款文 七年六月十九日

查各縣慈善公益機關財產收支各款向由地方經董管理本道尹詳加訪查其能實心整理潔身自愛者固不乏人而瘠公肥私任意侵佔者亦所不免此項財產基本或由公家指撥或由私人補助各該經董既不能仰繼前賢解囊捐助又復侵蝕自肥致

窮苦無告者無實惠可沾情法俱難容恕各該知事有監督之責自應切實清查以重公款豈能秦越相視漠不加察除分令外合亟令行該知事查明所屬慈善公益機關各經董如有前項情弊即便嚴行追查分別懲究倘有隱徇一經本道尹察出該知事定干未便令到仰卽詳細查核并由各該知事分別出具印結呈道備查切切此令

訓令永嘉縣知事查覆恤癘會牛痘局款產情形文 七年十一月二十一日

案查該知事呈報該縣各種慈善公益表內恤癘會牛痘局二處各有田屋基金究竟田有若干屋有若干基金有若干田屋交何人收租基金存放何處年收租及利息若干現在統由何人經管收支能否相抵再恤癘會收入之捐款爲何種機關牛痘局醫生何人仰該知事逐細查明詳晰具覆以憑察核勿延此令

訓令永嘉縣知事勘丈養濟院原有餘地文 七年十二月二十五日

查永嘉養濟院原有田地產業甚多歷年既久管理無人鄰近居戶任意侵佔該院牌頭又私自租售遂致湮沒殆盡茲據公民夏廷炎報告該院四旁尙有餘地二十餘畝

現由牌頭林新富等私自出租每年約收租費銀七八十元並經飭據繪具草圖前來爲此令仰該知事迅卽派員前往該處按照草圖所載各地逐一勘丈另繪細圖註明丈尺畝分并將附近之地草圖所未載者詳細訪查如果確有鄰戶侵佔證據一併勘丈附載另圖呈覆核奪勿稍遲延切切此令

訓令永嘉縣知事示禁漁民不得在放生池捕魚文

八年三月七日

照得縣城九山寺前一帶河道本係張姓私產因漁船夜捕肆行盜竊經高前縣令改爲放生公池捐廉納課永禁捕魚詳明立案弭盜好生一舉兩得歷久循辦已有年所後因積久玩生漁人私捕經郭前縣令拏辦究懲勒石示禁近聞該處河道又有漁民在劃定界線內私行捕魚不特有傷生命且屬故違禁令自應查案示禁查捕魚固人民營業之一種然隨處有河卽隨處有魚何處不可以捕捉而必於指定放生之處下鈎撒網人放之而我捕之在捕魚者具有良心撫躬自問當亦有所不忍爲此令仰該知事卽行出示禁止不准在此河道劃定界內私自捕捉魚類一面會同警察局派警

梭巡如有仍前瞻玩違令情事無論何人概行究辦即便遵照此令

指令松陽縣知事查覆該縣慈善公益各機關情形由 七年四月十八日

呈表均悉該縣古市保嬰局每年收入除津貼學款及完糧雜支外祇餘二十餘元烏能收育嬰孩亟應設法整理養濟院既有基址亦須早爲募款修葺潘葉二紳熱心公益深堪嘉尙前項保嬰局養濟院應如何整頓規復之處仰該知事商同該紳等邀集紳富籌畫進行呈覆候核本道尹當併案轉呈給予獎勵以資觀感此令表存

指令縉雲縣知事爲呈送公益慈善調查表由 七年四月二十四日

呈表均悉該縣育嬰局經費不多貧苦之民沾惠無幾能否量力擴充養濟院既有屋基亦應設法規復仰該知事邀集紳商切實籌議具覆候核盡吾力之所能以求吾心之所安想該知事亦同此心理焉此令表存

指令遂昌縣知事爲呈送公益慈善調查表由 七年四月二十五日

呈表均悉該縣慈善各機關具體而微貧苦之民沾惠無多應由該知事邀集紳商妥

爲籌議量力擴充博施濟衆事固難能但欲求吾心之所安則凡力所能爲者自應振作精神積極進行不容稍有漠視想該知事亦同此心理也所有籌議情形仍仰詳細具報以憑核奪此令表存

指令麗水縣知事呈爲遵電將頒助銀洋分別散賑由

七年五月六日

呈及發單均悉此次該縣小西門外地方突遇火災被難災民既有六百六十四人之多其災情不爲不重本道尹捐助銀五十元是否適足賑撫之用此外無須另行捐募賑撫仰該知事詳細聲明以憑察奪此令單存

指令玉環縣知事查覆善堂局董辦理情形由

七年七月十二日

呈表均悉該縣江南江北兩嬰堂各收養嬰額若干名同仁局發給溺斃救生之款每年約有若干人該堂局經董辦事是否切實收支款項是否實在養濟院屋存有九間基礎尙在能否籌募款項設法規復仰卽查明具覆仍將該堂局董等辦理情形隨時考察是爲至要此令表存

指令平陽縣知事呈報籌辦掩埋事宜並擬設痲痘傳習所請撥款補助由 七年十二

月三十一日

呈及章程預算表均悉察閱章程尙無不合仰將掩埋事宜趕緊進行惟本公署並無公款可撥茲由本道尹捐俸洋一百元以資補助務須及早辦竣具報候核毋得延宕至所擬於醫院附設痲痘專門傳習所一節係爲救濟嬰孩起見事屬可行除該縣存儲私米充公洋一百四元五角八分准予如數撥充外再由本道尹捐助洋五十元以全善舉仰卽切實辦理務收成效是爲至要此令附件均存

指令永嘉縣知事呈覆教養局辦理情形由 八年一月二十七日

呈件均悉教養局旣爲收容刑期已滿惡性未除之罪犯亟應顧名思義施以教誨俾化其頑該局分設裁縫等三科藝師共有幾人習藝而外所施何種教誨是否另設專師啟導抑由各科藝師兼任現存人數若干辦理能否切實來呈均未叙明該知事務須親往考察如有應行改良整頓以副名實之處仰卽妥議呈覆以憑核奪切切件存

此令

代電龍泉縣知事募助火災賑款文 七年四月四日

龍泉縣王知事覽據報該縣北鄉石馬鄭村失火延燒情形殊堪憫惻本道尹捐助洋五十元先由該知事墊發即日劃還一面仰再就地籌款妥爲賑撫毋使災民失所是爲至要道尹黃儉印

代電麗水縣知事募助火災賑款文 七年四月四日

麗水縣涂知事覽魚電悉該邑小西門外地方一帶居民突遭回祿災情甚重殊堪憫惻如能指撥款項賑濟災黎至爲妥當倘無款可撥則設法募捐尤不可緩本道尹當先助銀五十元以爲之倡望速墊發即行劃還仍仰妥爲賑撫毋任失所是爲至要道尹黃支印

代電永嘉等十三縣知事催報調查慈善公益機關情形並收支經費確數文 七年四

月四日

永嘉平陽瑞安泰順麗水青田雲和景寧縉雲松陽遂昌慶元龍泉縣知事覽查甌屬各縣各種慈善公益事業曾經本公署通令各該知事速將考察經辦情形並境內共有慈善公益機關若干處所收支經費確數立表詳報在案現查各該縣知事除樂清玉環宣平三縣業已呈報外迄今兩月之久尙未呈報到道試問此種慈善公益事業是否該知事分內應辦之事對於本道尹訓令延擱不覆是何意見併着明白呈覆倘再玩延定當詳請處分除分電外合亟電仰該知事遵照前令事理具報勿再玩延切切甌海道尹黃支

致十六縣知事函

八年十一月十八日

逕啓者竊謂天地之大德曰生聖賢之至德曰仁網開三面成湯所以體天心囿方七十文王所以布仁政孔子留敝蓋以埋狗子產使校人畜生魚凡諸典實具載經書非狃於釋氏輪迴之說世俗迷信之見也近世風競奢華人爭口腹山珍海錯搜求不饜殘殺物命大則有傷天和而招疹癘小亦貽害身體而召災殃天道人事感應昭然聖

語佛經明白可指言念及此弟實心傷爰乃本好生微忱編成放生白話言雖鄙俚理却真實茲特寄奉若干份務希執事善體鄙意幸勿笑爲不文尤望視爲善道或發自治團體講演或交慈善士紳流傳不惜堵口曉音總期家喻戶曉倘能使社會多一放生人卽社會多一良善士使人人皆知放生則人人皆爲善士矣一轉移間收效最大執事好善惡惡具有同心定應贊成此舉也

勸勿多殺生命白話文

地面上生出來的各種活的東西都叫做動物就是人也是動物中間的一種不過人比了各種動物更加聰明罷了不過人却因爲靠了自己的小聰明便想出種種的法子來把那各種的動物當做了喫的東西每天計算起來那殺死的性命不知道有幾千萬萬你們仔細想想看他也是一條性命你們也是一條性命怎麼你們就殺了他的性命來養你們的性命呢你們心上覺得過意得去麼譬如一個人的身上稍稍傷了一些就覺得十分的痛苦你想那動物也曉得痛苦的活活的把他刮毛剝皮削鱗

破殼還要滾湯裏頭煮熟油裏頭煎他的痛苦怎麼樣呢做了一個人喫魚喫肉就像
是應該的一般其實說穿了却叫做動物喫動物俗語說的好兔死狐悲物傷其類那
狐狸同兔子是兩樣的人同了動物也是兩樣的怎麼那狐狸還曉得愛惜兔子的性
命呢爲什麼人倒不曉愛惜畜生的性命呢難道人的心腸反比了狐狸的心腸更加
凶毒麼不是人還不如了畜生麼你們想譬如山裏的老虎喫了人不要說那個人的
自家人很恨那老虎就是同他向來不認識的人也一定很恨老虎了一定要想法子
把那老虎打死替這個人報讎了那老虎喫人人就曉得不應該的爲什麼人去喫那
豬羊鷄鴨種種東西就說是應該的呢有人說人家養豬羊鷄鴨原爲了要喫他所以
養的但是那養他的一條心是人的慈善心等到有了殺他的心却就變做了凶惡心
了若是養大了他仍舊要把他殺死的反不如不去養他的好了你們看看那豬羊鷄
鴨到了殺的時候他也想要逃脫性命把那身體拼命的跳嘴裏還極聲極氣的喊叫
像求人家去救他性命的一樣是豬羊鷄鴨的怕死也同人一樣的你們看了這種苦

的樣子覺得可憐不可憐呢孟子說君子人看見了活的畜生就沒這副硬心腸去看他死聽見了那畜生的聲音就沒有這副硬心腸去喫他的肉這就是人的良心了做了一個人爲什麼要喜歡殺生不學做君子人呢難道獨是君子人是有良心的你們這些人就沒有良心麼要曉得從上天看起來各種活的東西沒有什麼分別的都應該有良心去愛惜他的若是人能發愛惜活的東西的性命那就合了上天的心了上天一定會降福氣給他的你們想想看我們中國碰着了雨極多的時候要求晴了就要禁幾天的屠宰那雨也就會得停了有的時候雨長久不下了要求雨了也要禁幾天的屠宰那雨也就會下了這不是實在的憑據麼要曉得那禁屠宰能發感動天心化去災難就見得殺了生一定就要觸犯天心降下災難來的了況且一個人喫的東西就像那青菜豆腐沒有性命的東西也儘管可以養活性命爲什麼一定要殺一命養一命呢你們喜歡喫那魚肉的緣故就是貪他一點鮮味不過你們喫到了肚子裏去你們嘴裏頭還有什麼鮮味麼不是也就鮮過了麼你們這樣一想就不要貪一

時的嘴饞造成功這殺生的惡孽了況且我聽見有名的醫生考驗出來豬羊各種東西皮肉裏都有各種小蟲的喫的時候就算已經把他燒死但是這蟲到了人的肚裏得着了人的血氣却仍舊會活轉來的所以人喫血肉的東西往往容易生種種的病症醫治不好的竟要送掉性命所以現在外國人很講究慎食衛生的道理什麼叫做慎食衛生呢就是謹慎喫的東西保養自己身體的意思他們最講究的人現在都是專門喫素菜不喫葷腥了一則來可以少殺性命二則來免了小蟲的傳染病這個法子真是再好沒有的了大家都可以學得的你們曉得我們中國有一個大大的有名氣的人麼那個人在清朝做過外務部侍郎到了民國又做過外交部總長姓伍名字叫廷芳他是廣東人他就是最講究慎食衛生的人他常常對人說他因為常喫素菜所以能穀活到二百五十歲這句話就算不相信他但是就照眼前看起來他已經是八十歲的人了却還是精神很好一些沒有衰敗的樣子將來長壽是一定靠得住的了照他說起來那喫素菜的好處比了喫葷腥的好處真個是好得多哩就是有些人

不會喫素的也可以買些鹹魚鹹肉來當做飯菜爲什麼一定要殺活的呢況且那魚肉既經鹹過所有的小蟲着了鹽滷萬萬不會得再活了豈不是比喫鮮魚鮮肉好麼至於人家的殺生並不是專爲貪喫的緣故也有因爲家裏頭有了各種事情要辦起酒席來就不能殺不殺生了不過叫我想起來總沒有免不了殺生的道理你們想一個人家最大的事情就是替爺娘做壽或是祭死過的祖宗或是爲了自己的生日或是爲了生了兒子或是爲了娶媳婦或是爲了嫁女兒這樣的幾件事情罷了讓我來一件一件的把道理講給你們聽我先講那替爺娘做壽的一層那是做兒子的一點孝心自然是極應該的不過那兒子替爺娘做壽的意思不是要他的爺娘享福長壽麼要曉得福壽兩個字權柄都在上天的手裏人是做不來主的若是要向那上天去求福求壽總先要自己做的事情合着了上天的心思纔能殺求得上天歡喜降福給他延長他的壽數那上天的心思只是專門喜歡救命最不喜歡害命你們殺生不獨是不能殺求得上天的歡喜許他享福長壽一定還要觸犯上天降下各種災難來這

不是做兒子的沒有孝著爺娘倒反弄得害了爺娘麼照這樣看起來替爺娘做壽是不應該殺生的了再說那祭死過的祖宗一層也總要使得祖宗安心的受享一個人死了後來那靈魂却仍舊是上天管住的倘然爲了祭祖宗殺起生來這罪孽豈不要歸到祖宗身上去麼況且殺鷄殺鴨做祭菜同買了鹹魚鹹肉做祭菜有什麼分別呢所以祭祖宗也不應該殺生的講到自己的生日那更加不必說了凡是女人生產的時候性命最是危險所以說是生死關頭要曉得自己的生日那一天就是我娘的難日想了這一層不獨是不應該殺生做生日并且應該戒殺放生做種種的善事替爺娘求福報答爺娘養我出來的恩這纔是做兒子的道理再說那生了兒子的人家要預備了酒菜請客害殺了許多性命照道理上講起來却是大大的不應該了你們因爲生了兒子歡歡喜喜的請酒就把那豬羊鷄魚的子女殺了來做酒菜儘管說人同畜生是兩種的究竟一樣的也是性命心上頭不覺得可憐麼況且既然是歡喜兒子的就應該替兒子積些福保佑他容易長大怎麼反去殺害性命替他造孽呢倘然

因爲多殺了生造孽重了弄到減削兒子的壽數不能穀養大這就叫做不是歡喜兒子竟是害了兒子了若說那娶媳婦嫁女兒的兩層這是爲將來兩家傳宗接代最大的事情爲了辦喜事殺了許多性命你們想想看你們的兒女要夫妻完聚了却把這畜生的夫妻分散了你們望兒子女兒生出許多孫兒外孫來却把這畜生的許多子女殺死了照良心上說起來應該不應該呢我常常聽得人家說常常有爲了求子求女到各廟裏去燒香禱告許下了放生的願很有許多靈驗的可見得要子孫興發應該趕緊去放生怎麼反要殺生呢況且喜事裏辦酒請客原是一種不儉樸的風俗依我說起來很可以不必不獨是保全了許多性命還可以節省許多銀錢豈不是極好的呢我這一番說話勸你們愛惜各種的性命不過是要你們合着上天好生之心大家享受天降的福氣你們不要以爲我說的多是假話要曉得上天好生這句話是從前聖人說的並不是我造出來的難道聖人說的話都靠不住麼你們若然心裏還有些不相信聽我再把書上確確鑿鑿的事情講兩件出來給你們聽聽就可以相信我

的說話不是沒有憑據的了從前宋朝時候有姓宋的弟兄兩個哥哥叫做宋郊兄弟叫做宋祁一同到京裏去考有一個會相面的和尚看了宋郊的相貌說道你這個人像救過幾百萬性命的宋郊說我是窮讀書人那裏有這個力量呢那和尚說不是這樣講的凡是活的東西不管大小總是一樣的性命那宋郊就想起了一件事情來告訴那個和尚說有一日他看見有無數的螞蟻浸在水裏他就把一塊篋片去做了橋把這許多螞蟻一齊救到乾的地方那個和尚說就是這一件事情已經是很大的陰德了據我看來你的兄弟本來應當中狀元的但是你有了這件大陰德也應該中狀元了那宋郊弟兄想道考一回怎麼會有兩個狀元這個和尚的說話是靠不住的等到後來出榜的時候宋祁果然取中了狀元那皇帝因爲宋郊的名頭在後邊說是兄弟不能殼在哥哥前頭的就那宋郊拔做了狀元把那宋祁改了第十名這不是和尚的說話都沒有錯麼那宋郊的狀元不是因爲救了螞蟻得來的麼再說那明朝時候有一個包勤是寧波府鄞縣人到了四十歲還沒有兒子相面的算命的都說他命

裏不會有兒子的那一天包勤同他的老婆說道吾們沒有兒子覺得很苦怎麼還去殺那畜生的子孫喫他的肉呢從此他們夫妻兩個就戒了殺生喫素念佛隔了幾年他老婆受了胎一胎生下了兩個兒子來到了明年他的小老婆又生了一個兒子有一天是九月初二日那包勤忽然有了病做一個夢覺得自己的身子到了上天那邊去當時他伏在那階沿下面不敢擡頭只聽旁邊有一個人高聲的喝道包勤壽四十四歲無子又聽得殿上的人說道包勤從前積的罪孽很重本來應該絕嗣的因爲他近來戒殺放生救了畜生的性命不少還做了各種的善事所以加他四十年的壽數還許他有五個兒子那包勤夢醒轉來覺得身上的病痛登時好了後來果然又生了兩個兒子自己享着高壽你們想想看照我前邊所說的兩件古事看起來那戒殺放生的功德真個是很重大很要緊可以延年可以多子還可以做到大官那保全性命的既然能得這樣的福氣就見得殺害性命的一定要受各種的災禍了況且照那因果報應的說頭今世裏倘然多殺了生後世就要投做畜生被人家去殺這樣的還報

不是很可怕的麼有人說世界上活的東西是上天生他出來專門給人喫的若不殺他喫他恐怕世界上全是這種畜生了咳這種話很不通的你們看看人不喫的東西多得很哩馬同了貓人家都不喫的世界並不見得到處都是馬都是貓所以不殺了畜生畜生就會多的說話是靠不住的況且人會喫豬羊鷄鴨就說豬羊雞鴨本來生出來給人喫的我就問你們那老虎會喫人難道人就爲了供給老虎喫所以生出來的麼這種話講得通麼又有人說我勸人不要殺生是迷信是不開通咳我勸人不殺生是我的好意並不是迷信我們的孔夫子孟夫子大家曉得他們是聖人他們也勸人不要亂殺生命的唐朝的顏魯公做官的時候立過放生池八十一處宋朝的蘇文公也是專門講放生念佛的這二位不也是做過大官的人麼他們也都是迷信麼所以我勸你們不要多殺生命確不是迷信是真有這樣道理的你們若是能殼聽我的話大家都戒了殺生真是最好的一件好事了你們自己的福就享不盡了

甌海觀政錄卷六目錄

公益慈善類

路政

呈文一件 訓令一件 指令三件 函一件 碑記一件

育嬰

訓令七件 指令十二件 代電一件

醫藥

呈文一件 訓令二件 指令二件 批一件 函五件

牛痘

呈文一件 訓令一件 指令六件 白話文一件

掩埋

呈文二件 訓令十件 指令四件

專案類一

疏濬永嘉縣城河案

共二十九件

專案類二

處分胡萬盛漏米案

共八件

專案類三

廣濟輪船交涉案

共十八件

甌海觀政錄卷六

公益慈善類

路政

呈文一件 訓令一件 指令三件 函一件 碑記一件

呈省長齊請在漏米充公款項下撥修衆樂橋未竟路工文 八年十月二十日

呈爲呈報事案據永嘉縣知事張濂呈稱本年八月一日奉鈞尹第二五八四號指令知事呈爲查覆葉嘉來等呈修衆樂橋旁未竣路工由內開呈圖均悉既據查明橋南北路亟應興修自應將全路工價核實估計並將款項已募若干尙少若干一併調查清楚何以來呈均未提及仰再查明呈覆勿延此令圖存等因下縣奉此知事遵經委員復查去後茲據該委員葉壽桐顧家駿呈覆委員等遵卽邀同葉嘉來帶同原石匠夏邦淦將衆樂橋南北路未築工程核實估價查南路計長二十八丈計闊六尺折方合計十六丈八尺北路計長三十四丈計闊八尺五寸折方合計二十八丈九尺總共

方丈計四十五丈七尺每方丈計實估洋一元二角合計工料洋五十四元八角四分
從前已竣橋工除三百九十七元六角已由葉嘉來等分別募捐籌墊清訖此次應築
路工洋五十四元八角四分實難再募漏米充公項下如有餘款可否如數撥給俾竣
路工而便交通開具清單檢同石匠原單具文呈覆前來據此知事復查所估路工尙
屬核實可否准其撥給漏海米款藉竟善舉之處未敢擅便理合開具清單檢同石匠
原單據情轉呈仰祈察核令遵實爲公便等情前來據此 道尹當以衆樂橋南北路未
築路工既據該知事飭匠核實估計需洋五十四元八角四分卽經照准在漏米充公
項下如數撥給並飭令尅日督匠興築一俟工程告竣仍具報備查在案茲據該知事
呈報路工告竣請領撥款前來除在 職署呈報有案之新益順漏米案餘存充公價銀
二百七十三元九角五分八釐內撥給銀五十四元八角四分尙餘銀二百十九元一
角一分八釐俟另文呈請撥補他項公益用途外理合備文呈報仰祈 鈞長鑒核備
案實爲公便謹呈

訓令 松陽 遂昌 縣知事保護開鑿鉅谿灘工程文 八年十一月六日

案據公民徐則性呈以松陽境內界首地方有鉅谿灘七處妨礙交通擬請獨力出資開鑿等情前來據此除批示呈及清單均悉單開各處鉅石既係妨礙交通亟應開鑿該公民能獨力出資經營此事實屬熱心公益殊堪嘉尙仰候令行松陽遂昌兩縣知事隨時保護並給發採辦炸藥執照可也此批清單存掛發外合行抄發副呈一件仰該知事即便會同 松陽 遂昌 縣一體保護並發採辦炸藥執照一俟工竣仍具報候核毋稍違誤此令

指令宣平縣知事具報募修宣邑堤路情形並送圖表由 七年九月十一日
呈及圖表均悉該知事因該縣城外南北各路及北門堤埝前被洪水衝壞急須修築首先捐俸提倡各紳富又分別認捐勸募以成善舉具見熱心公益深堪嘉尙現在修築款項既經集有成數且已開始建築仰即督促進行及早告竣以免危險是爲至要此令圖表存

指令永嘉縣知事呈覆西溪濟嶺地方建築橋梁及道路損壞情形由八年六月六日呈悉查該橋長僅五丈現已築成所少者不過橋面之石板石欄何至非千餘金不辦仰即將橋面石板及石欄分別切實估計需費若干列表呈覆又所稱道路破壞難行究竟該路計長若干闊若干最少須修若干需費若干來呈均未聲叙並仰詳細勘明核實估價呈候併案核奪總之道路橋梁均爲地方要政何得據委員浮光掠影之談遽爾呈覆嗣後務宜切實辦理勿再疏忽切切此令

指令宣平縣知事呈報修築縣城外南北各路工竣由八年七月二十二日

呈摺均悉該縣紳民捐資一千九百餘元修築城南北堤路自治委員陳鶴書經理勸募建築始終其事均屬熱心公益該知事督率有方尤堪嘉許查核摺列各款較原估減少三分之一既據驗明工堅料實應准備案至修築路亭並印刷捐冊兩項工程仍仰督令樽節開支所有餘款能否撥歸該縣育嬰堂之用並仰酌議具覆此令摺存

覆龍泉縣知事王函 八年三月十二日

秋根仁兄大人閣下頃奉惠函備悉一是閣下發大願修橋使民無病涉儒家稱爲惠政佛氏謂之功德也弟聆悉之餘莫名欣幸惟吾人苟作一事必計久遠現在橋身用石抑用木用石則耐久而工程過鉅經費愈多或有不能辦到之勢若用木料費自較省唯須滿澆柏油以澆透深入爲度則水不易入可稍耐久望卽照行此亦甚有關係者至水大不能施工自是實情但天下事當臨時相機切勿拘定成見今夏水大固不必計倘水勢稍弱可以工作仍望早日成工或就上流築壩以阻弱水勢亦是一法惟弟未身歷其境不敢臆斷究應如何是在閣下裁酌行之耳經費募至三千元已不爲少倘有捐款較鉅者望卽正式呈明以便由弟酌獎以鼓勵之公益費存餘若干能否酌提亦希見覆認募一節弟可擔任四百元俟動工時派人來領可也貴處訴訟積案尙多尤望從速訊結勿任拖延使當事者受無窮之累亦大功德也

重修濟川橋碑記

九年一月

龍邑當閩浙咽喉之衝城南有溪名劍川疊石架木以通南北原名清化橋宋何執中

改號濟川實爲閩浙往來通衢要津元明以降屢經興廢載在縣志班班可考民國七年前知事王施海鑒於該橋年久失修柱樑朽蠹勢將傾圮危險萬狀倡議修整以利用行人爰會同自治委員暨熟諳工程者躬往勘明僉謂根本已傷自非卸除重建不可第工程浩大需費孔繁預算舊有橋款存典息金一千五百元不敷遠甚因集紳商會議公決由各區自治委員兼充勸募員並舉城紳聲望素隆者分區會同勸募復公推李紳鍾祥周紳篤光爲修理橋工董事設局經營以爲雙方並進之計首先由王知事捐助俸銀二百元以爲之倡余聞其事深爲嘉許因亦認籌四百元聊資補助旋於是秋九月鳩工庀材先治橋南率循舊貫採購大木澆浸柏油藉圖耐久南工既竣復從事於橋北未幾王知事奉省令交卸繼任者爲賴知事豐煦賡續進行並捐助俸銀百元疊與紳董會商募捐前後共募集得銀四千九百元加工趕修於八年陽曆歲終全橋工程始竣中間因山洪暴發輟工者約四月計工作之期將屆一載所費之款數達七千餘元旣成爰誌歲月以壽之石將使後人知役不易與功不易成庶幾隨時修葺

勿因吝小而失大也可已

育嬰

訓令七件 指令十二件 代電一件

訓令松陽縣知事設法擴充保嬰局文 七年五月二十五日

照得甌屬各縣溺女惡習隨在皆有忍心害理實爲本道尹所深惡前曾出示嚴禁並擬成白話文函發各縣廣爲勸戒在案惟此係治標之法欲求治本尤宜於收養嬰兒入手查該縣保嬰局共有三處苟能設法擴充既可挽溺女之頽風且可保嬰兒之性命該知事平日對於政務頗見認真則於慈善事業自必能格外注意爲此令仰該知事將現有保嬰局曾否滿額及能否再行擴充情形詳細查明並擬具辦法一并呈報以憑核奪倘能勸導本地富紳量力捐款俾得添加收養嬰孩之額數當卽優予獎勵該知事其勉爲之切切此令

訓令龍泉縣知事整頓育嬰堂以救濟溺女惡俗文 七年六月二十一日

查溺斃嬰女忍心害理最爲慘惡業經本道尹迭次通令嚴禁在案茲經派員訪查該

縣貧苦之家無力撫養者溺斃之風實所不免救濟之法自以整頓育嬰爲最要該縣育嬰公所款項無多迭經指令設法籌款擴充名額仰卽查照先令飭妥速具覆該縣各士紳如能捐募巨款襄成義舉並卽隨時具報以憑核給獎勵切切此令

訓令慶元縣知事整頓育嬰堂以救濟溺女惡俗文

七年六月二十一日

查溺斃嬰女忍心害理最爲慘惡業經本道尹迭次通令嚴禁在案茲經派員訪查該縣貧苦之家無力撫養者溺斃之風實所不免救濟之法自以整頓育嬰爲最要該縣育嬰堂前據該知事查覆委任正紳協同經理並擬訂規則以資遵守等語現在已否切實整頓且查該堂收入無多亟應集款擴充仰卽妥速設法具覆候核該縣各士紳如能募捐巨款襄成義舉並卽隨時具報以憑核給獎勵切切此令

訓令十五縣知事(除永嘉縣)考查原有嬰堂並設法創辦文

七年八月三日

查育嬰堂之設原爲收育貧苦遺棄嬰孩起見創辦之始用意至善惟辦理不得其人弊乃滋甚造福之地反爲造孽之區永嘉育嬰堂自改歸縣有以後官廳放棄不加考

察致辦事之腐敗經費之侵蝕幾有不可收拾之勢甚至寄養嬰孩因病因飢而斃命者月以數十計誰非人子同是生命忍坐視而不爲之拯救乎本道尹目擊心傷難安寢饋現經呈奉核准收歸道屬編訂章程派董接管切實改良一面將舊有款項逐一清理將來之成績如何誠亦未敢自信但在事一日必盡一日之心以期數百呱呱待哺之嬰孩少沾實惠因念各縣大都設有育嬰機關辦理是否妥善收支是否實在嬰孩疾病之有無死傷之多寡應如何實行整頓之處各該知事應卽親自前往詳細考查務期辦有實際款無糜濫爲他人之子女盡一分心卽爲自己之子女積一分德各該知事具有天良誠勿視爲具文其未有育嬰處所之縣能否集款興辦亦應妥速籌議以廣保赤之仁除分令外合行令仰該知事遵照辦理具覆候核切切此令

七年九月二十九日

案據錢自明等呈稱育嬰公所董事李棠接管六載並未會算一次亦不榜示並將該

所租穀三百石出賣一空侵蝕公款九百餘元請派員調查維持公款保全嬰命等情據此除批察核粘件該縣知事於西鄉育嬰公所支付公款先令董事李棠造報榜示復經將據造清冊駁斥另造並據另案呈明該董等報冊不實酌令賠償等情各在案是該知事並無任令該董侵蝕情事據呈前情毫無證據任意誣衊希圖聳聽情殊可惡惟事關慈善款項自應早日結束仰候令行該知事迅即澈查清結毋任再延該民等如再砌詞妄瀆亦定于未便此批黏件存掛發外合亟檢發副呈令仰該知事迅將前項公款限期清結榜示徵信以息人言如李棠果有侵蝕公款情事應即依法追辦仍將辦理情形具覆勿延切切此令

訓令麗水縣知事爲嬰堂腐敗已極亟宜考察整頓文

七年十二月四日

查甌海各屬溺嬰惡習未盡革除育嬰爲保赤善政本無者尙須設法籌辦原有者尤應加意維持該縣育嬰情形前據該知事查覆前來經以二二一七號指令將改良方法詳議呈核並隨時整頓在案迄未據覆茲復訪聞該縣育嬰機關腐敗達於極點居

民視同虐政相引爲戒該知事任其所爲並不顧問豈以慈善事業非知事分所當爲耶爲此令仰該知事迅卽遵照迭次令開親往考察妥議辦法實力整頓俾呱呱無告者得以沾受實惠並詳細具覆以憑察核如仍漫不加察及以空言搪塞定干未便切切此令

訓令瑞安縣知事查覆畧川育嬰堂辦理情形文

八年五月五日

據陳廣颺等呈稱爲設會救濟並擬簡章環求核准立案並乞迅令縣署整頓捐款俾成美舉而垂久遠等情據此除批呈及簡章規則均悉仰候令縣查覆核奪此批黏件姑存掛發外合行抄發原呈暨簡章規則令行該知事即便查明畧川育嬰堂辦理情形及經理員董是否妥善該慈善會成立以後是否按照簡章規則切實遵行有無成績所稱糧串附加稅及山貨捐是否呈准有案應如何設法整頓俾裕嬰糧仰卽詳晰具覆以憑察奪此令

指令龍泉縣知事呈送慈善公益調查表由

七年四月十八日

呈表均悉該知事於普濟堂定額外捐給十名熱心慈善殊堪嘉尚濟川披雲兩橋收入之款除橋工歲修外當年有存餘聞該縣弱女之風頗盛能否酌盈劑虛將橋工餘款撥補育嬰公所俾得擴充名額以資救濟在款項收入來源固各有指定而同爲慈善用途於彼於此當可不分畛域想該經董等應表贊同仰該知事會同妥議尅日具覆候核勿延切切此令表存

指令瑞安縣知事呈爲嬰糧積欠未發情形並請移借盈餘倉穀以濟嬰糧由

七年五

月二十七

日
呈悉據稱該縣嬰糧積欠至四個月之久未曾發給何該前知事對於慈善事業竟糊塗至此知事爲民之父母如此痛癢不相聞問將如保赤子之謂何言之實堪痛恨仰該知事嗣後於育嬰一事務須督率堂董認真辦理毋稍疏忽是爲至要所請移借盈餘倉之穀五萬觔以濟嬰糧自可照准惟如何籌還宜先定有辦法仰速議妥並由該知事出具借結呈報到道再行核奪一面將該育嬰堂積欠嬰糧原因及收支是否核

實每年收支實數究竟若干前司事王喆有何舞弊情事何以早不呈報積欠至四月之久糧歸何人經手有何隱匿詳細查明尅日具覆毋稍瞻徇切切此令

指令景寧縣知事呈報籌辦保嬰所並送簡章名單由 七年九月五日

呈及簡章名單均悉該知事籌辦保嬰所首先捐俸提倡並勸令各紳富量力捐助具見熱心慈善深堪嘉尙察核簡章第十七第十八兩條給費撫養自係事經創辦籌款爲難起見但具報之時是否實在鞠養情形是否適宜稽查恐有難周如果經費稍裕應留堂乳養庶尤得沾實惠第十一條提撥自治經費應卽議定確數第十條施棺收埋兩項年收田租若干並陸續捐起款項隨時具報候核一面切實進行俾得早日開辦是爲至要至單開陳守祺嚴用貞李光元鄭獻琮吳景璧陳德彪等各紳富踴躍捐輸實爲難得卽由該知事傳令嘉獎以資鼓勵仰卽遵照此令簡章名單存

指令松陽縣知事呈覆松邑保嬰局情形由 七年十月三日

呈悉該知事因舊有育嬰機關三處款絀嬰多不能普濟函商就地紳富募款擴充具

見熱心善舉仰卽廣爲勸募如有慨助巨款者應卽呈報核獎一面督飭各局董切實整頓務使款不虛糜嬰孩得沾實惠是爲至要此令

指令麗水縣知事呈報碧湖鎮育嬰堂改良辦法由 七年十一月六日

呈悉查清摺第四條應加修改恐有無力撫養而顏面攸關或爲私生之子未便於日間抱送者加以限制則速其溺矣第六條應卽刪去如送堂之嬰果有所列情事自應由堂代爲潔治若因其污穢疾病而遽棄之則寄養無所亦仍歸於斃仰卽轉飭更正仍具報備查此令

指令永嘉縣知事呈擬撥公益費舉辦接嬰所由 七年十一月十八日

據呈該縣柘溪地方溺嬰之風習不爲怪該知事擬分設接嬰所二處以資救濟自是一切要辦法所需經費本地士紳能否酌量捐助仰再轉飭該鄉自治委員妥爲籌勸並將擬具條呈一併呈覆再行核辦一面仍令該委員平時於各該鄉民切實勸導漸除惡習是爲至要此令

指令瑞安縣知事呈爲擬訂清丈嬰堂沙塗規則請核示由 七年十一月十九日

呈悉整頓塗稅先從清丈入手自是切要辦法所送清丈規程第五條清丈經費每畝祇提大洋五分尙屬輕而易舉但是否仍由育嬰堂與種戶各任其半第六條發給執照應否兼憑育嬰堂原有稅冊或他種有力之證據若僅憑種戶報告適啓冒認混爭之弊第九條失管業權者是否就育嬰堂所有之沙塗而言如本爲育嬰堂所有則不應撥作公款如非育嬰堂所有能否由地方支配再沙塗時有漲坍管理規則第二條永遠作爲根據能否認定仰再察酌情形妥議修正呈候核奪此令

指令泰順縣知事爲呈覆辦理育嬰堂情形由 七年十一月二十五日

據呈已悉該縣救嬰局現在育嬰若干定額三十名究嫌太少該縣地方瘠苦籌款不易固屬實情該知事仍應勉爲其難迅卽招集士紳竭力勸導設法籌款擴充名額是爲至要此令

指令玉環縣知事呈覆整頓育嬰堂情形由 七年十二月二十六日

呈悉該縣江南江北兩鄉嬰堂既經查係有名無實自應切實整頓於治人治法力圖進行爲民牧者但有一分之心力卽當爲地方謀一分之公益似未可以積弊稍除安然遽足願與賢者勉之卽卽遵照此令

指令永嘉縣知事呈修正構溪接嬰處簡章由 八年一月十五日

查接嬰所經費據該知事原呈擬於公益費項下撥款開辦茲閱所擬簡章沙頭楓林兩處開支每年需銀五百五十餘元爲數較鉅該縣公益費已一再動撥恐難爲繼惟事關育嬰既經動議未便遽爾中止可擇定適中地點將兩處併設一處每月暫由道育嬰堂津貼十元不敷之款仍由本地自籌再西溪溺嬰之風亦盛應令仿照舉辦育嬰堂津貼并准照撥仰卽召集該兩鄉士紳妥爲籌議具覆候核勿延此令簡章發還指令雲和縣知事呈覆整頓育嬰堂情形由 八年三月四日

據稱該知事每星期必親往各機關一次二次於其辦理情形知之最悉乃嬰堂乳婦歲給穀米若干及撫養周到與否均不得知殊屬矛盾各縣育嬰堂因限於經費均係

給領寄養乳婦住堂者絕無僅有然亦未嘗無整頓方法自應切實計畫何得任意敷衍仰仍遵照前令明白查覆毋再玩誤切切此令

指令麗水縣知事呈報查明育嬰堂收支各款及詳細內容由

八年七月二十四日

呈表均悉察閱表列每年收入租穀租銀共祇八百餘元何以納稅至二百餘元之多又僱船裝載租穀及收租局用常工等工食共需銀八十餘元亦未免過鉅仰再澈查裁減至該堂既無留養嬰孩住堂乳婦儘可酌減宣講善書一事果能實行講演未嘗無益倘有名無實應卽裁撤該知事捐俸增加嬰額十名具見熱心慈善但仍須籌定常費方可持久餘如收入租穀及支出嬰糧各項並仰清查明白竭力整頓具覆是爲至要此令表存

代電麗水縣知事查覆該縣育嬰堂董舞弊情形文

八年七月三日

麗水縣錢知事覽前因該縣城內育嬰堂辦理腐敗已達極點人民幾視該堂爲斃嬰之堂非育嬰之堂以致裹足不前怨聲載道會令行該知事切實整頓在案乃爲日已

久未見呈覆殊不可解現又訪聞該堂董事四人串通侵蝕嬰糧等情其中以黃姓董事爲最送堂嬰孩拒不收養等情如果屬實尙復成何事體該知事具有天良豈容徇情隱庇爲再電令該知事限十日內將該育嬰堂收支各款及詳細內容切實查覆不得稍有徇隱代人受過董事等果有舞弊情事輕則撤換重則究辦自經此次電令之後倘再玩延定予呈請處分勿謂言之不預也切切道尹黃冬印

醫藥

呈文一件 訓令二件 指令二件 批一件 函五件 牌示一件

呈省長齊轉呈景寧縣知事呈請酌撥公款補助醫局文 七年十一月十九日

呈爲轉呈景寧縣知事擬酌撥公益自治費補助醫局經費仰祈鑒核令遵事案查本年七月間據景寧縣知事陳景元呈稱竊查景邑地處山嶺瘴氣毒人每值夏秋輒生時疫去秋知事抵任適在時疫盛行時期十人而病者幾五本地素乏良醫遂致救濟無術目覩慘狀良堪憫惻現經入暑轉瞬屆秋知事思患預防擬自行捐廉延醫設局施診續據擬具規則呈請察核各等情前來經卽指令照准在案十月間據該縣公民

韓潮等呈稱該醫局本由知事捐廉爲暫設機關定於十一月分終止惟自開診以來頗有成效屆時停辦貧病小民無處求醫請於公益費項下每月提撥銀十五元以作醫局基金俾得常設施治等情復經令行該知事察酌具覆一面仍將該醫局重爲維持勿遽中止去後茲據呈稱查景邑開設施醫局原爲救濟夏秋時病起見因地方貧瘠公款支絀所有局中各項經費盡由知事捐俸支給開辦以來約計每月醫士薪金公役工食及局內雜費施藥費等約需三十元左右月來時疫流行又添聘臨時醫士一員較前支出尤鉅如該公民所請改爲常設月撥公益費十五元核計實屬不符惟查景邑地處山僻素多瘴氣時病幾於常年不絕將該醫局改爲常設亦屬必要之圖縣稅公益費項下歲收祇五百餘元貧民習藝所經費已占三分之二再月撥醫局經費十五元已無絲毫餘存倘有他項臨時支出竭蹶在所不免若永定爲知事捐廉則事屬慈善無強人勉爲之辦法知事爲維持該醫局永久起見擬從公益費項下月撥十元從自治項下月撥五元作爲該醫局經常費用餘如役食燈油紙筆茶水等各項

雜費由縣署月支行政公費內支給仿照育嬰堂規定辦理則經費不至竭蹶該醫局庶可維持永久縣署從公費內月給補助即令知事更換事有前例可援亦無辭斷而不與奉令前因所有遵擬維持施醫局辦法理合備文呈請察核轉請 省長核示祇遵實爲公便再該醫局現需各項經費仍由知事捐俸維持合併聲明等情據此 道尹覆查該縣地方瘠苦醫藥極不完備一遇疾病往往束手待斃本年秋冬之交時疫蔓延至今未已情尤可慘該醫局既經辦有成效似應力予維持惟事關動支公款 道尹未敢擅專除指令外理合備文並抄原送規則呈請 鈞長鑒核令遵實爲公便謹呈

訓令平陽縣知事規復施醫院文

七年八月四日

據該縣公民李宗浩等函稱平陽城廂及附近之萬全小南等區入夏以來疫病傳染醫生應接不遑赤貧之戶聽諸天命去年城紳游伯鸞等發起施醫院報縣有案以款絀停辦請令縣查案責成發起人規復醫院以資救濟等情查該縣城廂及附郭之區既經疫病流行無力者束手待斃尤堪憐憫上年施醫院辦有成效亟應設法規復爲

此令仰該知事迅卽邀集施醫院原發起人游伯鸞等重行組織如果疫勢不衰務於三日之內延醫開診能早一日規復卽多救若干人之生命該知事民瘼關心當亦不忍稍延也仍將遵辦情形迅覆候核切切此令

訓令平陽縣知事查照成案規復醫局文

八年七月二十九日

案據該縣公民陳紹舜等呈以貧民疾苦無力延治請飭縣繼續開辦醫局以保生命等情前來據此查該縣上年設立施醫局辦有成效並奉 省署核准自八年分上忙起每年在公益費項下撥銀一百元以資補助在案何以本年尙未開辦據呈前情除批示外合亟抄發原呈一件令仰該知事迅卽查照成案將醫局設法規復尅日開診如果經費實有不敷可於該縣在方良地方拿獲漏米充公項下酌量撥補事關救濟貧民勿稍延誤仍將辦理情形具報候核切切此令

指令景寧縣知事呈擬定施醫局辦法由

七年八月八日

呈及施醫局布告規則各一分均悉屬各縣山海瘴氣每至夏秋發生疫病傳染極

速往往醫治不及貧苦之家束手待斃尤堪憫惻該知事捐廉設局延醫施診所擬規則亦尙妥洽極屬難得良深嘉慰該知事能爲民盡一分之心卽爲己盡一分之職視民如傷本道尹竊有此志而未敢幾願與同僚共勉之至該局開診以後就診之多寡及成效如何或能設法擴充之處仍仰隨時具報此令布告規則存

指令遂昌縣知事呈時疫流行設局施診情形由

七年十一月一日

呈及布告稿均悉近來各屬疫癘盛行傳染極速亟應設法救濟該縣警佐鄭祖康願盡義務設局施治殊堪嘉許至與松陽交界地方派醫查驗自亦預防方法但遇有染疫之人就近須有醫院立爲診治方臻妥洽若僅遮斷不許入境必至輾轉中途無可棲止是速其死矣仰該知事迅卽會商松陽縣知事妥籌雙方兼顧之策具覆核奪仍候 省長指令祇遵此令布告稿存

批景寧縣公民韓潮等請提公益費補助醫院並獎勵知事由

七年十月三十一日

呈悉查該縣陳知事捐辦醫院本屬暫設以十月分爲止惟開診已久一朝停辦病苦

小民反形不便自是實情且近來各屬疫病盛行尤宜設法維持以資救濟但所需經費能否於該縣公益費項下照數提撥爲常設機關仰候令行該縣知事察酌具覆以憑核轉至請轉呈優獎該知事一節考核獎勵本道尹自有權衡非該民等所應請求仰卽知照此批

覆慶元縣知事江函

七年五月三十日

鄂生仁兄大人閣下頃接手書知執事於民間典妻一節能勸懲兼施或可挽回陋習又擬創立善堂施送醫藥並種牛痘兼施棺木具徵仁心仁術欽佩無量不獨爲地方造福亦積德於後人也如募款籌辦弟先認捐一百元執事有志於此必須籌定常年經費方可持久紳士中有能捐鉅款或出力倡助者可予以獎勵藥品弟可酌助俟覆到再行酌寄弟每事不肯假手於人託人辦事深恐不能切實故到此後施醫藥一切均在署中自行經理尙未訂有章程將來當將施醫藥局立定基礎尊處如訂定規則辦法望惠寄一份以爲參考之用

覆麗水縣知事涂函 七年七月二十四日

璞真仁兄大人閣下 一昨接誦手書藉悉貴縣患痢監犯業已醫愈足徵慎重刑餘為慰弟處所寄藥品專為廣濟貧病預防疫癘而設並非專為監犯意在普通施送此時正當伏暑人民感受時氣如霍亂吐瀉等症想必不少貴縣熱心慈善紳董定不乏人務希廣為分送以便施散各處周濟貧民藥如不敷尚可續取惟各藥一一皆有仿單必須依法照服不能任意增減痧藥水尤宜鄭重萬不可用熱水和服藥均靈效異常幸勿輕視也

致舊處屬各縣知事函 七年十月十八日

逕啟者今閱報載處屬各縣發現一種傳染急症初見之時身體倦怠頭痛欲嘔病發則吐瀉交作速則一日遲或數日而致命急宜思患預防以重民命務望閣下見信立即調查詳細情形隨時見覆一面飭派妥員前來 敝署領取藥品以便施救至勝至盼

覆玉環縣知事江函 七年十月三十日

暉午仁兄大人閣下頃接大函聆悉一切目下疫氣滯
現疫症尤宜早爲施救茲寄上午時茶三百包濟生丸
痢疾散一百瓶神白散方三百張卽祈察收病初起時
由吐瀉而起者則先以痧藥水治之止其吐瀉吐瀉止
則以午時茶濟生丸治之其最重者則用神白散方照
散方廣爲傳佈痧藥水用法每服照小瓶一格用冷開
用也至預防之法用降香貫衆白礬三味浸入飲水缸
此法極其簡便且易辦到務希廣爲勸導此亦一法也
一大原因務望執事迅查前令切實辦理亦屬治本之
再派人來領藥豈不多延時日又傷多人故特設法生
覆景寧縣知事陳函 八年四月二十一日

勛甫仁兄大人閣下函悉貴縣因濕氣太重致多病症

取瘡疾丸雖能見效但不知服後能否全愈不發倘愈後仍須復發尙要加服化濕藥
散處化濕丸亦甚見效也望詳細考查卽行見覆以便預先配製泗洲嶺路儘管動工
一面趕緊竭力勸募酌定獎勵處可捐助三百元望卽派人來領育嬰款能湊滿千
元最好或能代募一二百元亦未可知中國銀行又已商過可得年息九釐併以奉
聞

牛痘

呈文一件 訓令一件 指令六件 白話文一件

呈省長齊轉呈松陽縣知事擬於公益費內提撥種牛痘經費文

八年四月二十六日

呈爲轉呈松陽縣種牛痘經費擬動支公益費餘款附具預算表仰祈鑒核令遵事案
據松陽縣知事查錦樅呈稱竊松邑籌備施種牛痘一案業經知事遵照鈞署第八一
六號指令擬於城區原議一局之外另在北鄉古市西鄉玉巖兩處適中地點設局分
派醫生主持施種一俟奉到痘苗卽可實行開辦另文呈請訓示所有經費先由前知
事錢世昌預算需銀玖拾元請在縣稅公益費內動支列表呈奉鈞署指令以該縣公

益費款有無存餘可以動撥無憑核轉事關慈善需費無多能否就地另籌等因又經錢前知事擬將查獲私運米穀罰款銀壹拾四元五角撥充開始之用不敷容再另籌呈覆在案知事現查松邑造呈七年度歲入歲出預算書內公益費項下原餘銀肆百肆拾肆元於歲出預算書內列作特別費以備續有呈撥之需前項牛痘經費需用雖覺無多惟在山縣瘠壤籌募亦殊不易公益費內既有餘銀可撥似可指款請支茲經知事循照錢前知事原定玖拾元之數另列預算表除提撥禁米罰款銀壹拾肆元五角外餘款擬請鈞尹轉呈 省長察核准於七年度歲出預算書內所列公益特別費項下動撥銀柒拾伍元伍角以資應用仍由知事掙節開支事竣核實造銷是否有當理合具文呈請仰祈鑒核俯賜轉呈請支實爲公便等情並呈送預算表二紙據此查此案 道尹前以甌海各屬每逢春令天花盛行嬰孩之因而殘廢斃命者甚多當經通令各縣知事選派痘醫分赴各鄉巡環施種應需痘苗概由 道尹 捐給領用旋據該縣錢前知事呈請將種牛痘經費於縣稅公益費內動支前來當以應需種痘經費該縣

公益費有無餘款可撥並能否就地另籌指令在案茲據呈覆前情除指令外理合檢同原送預算表一紙備文呈請 鈞長鑒核令遵實爲公便謹呈

通令十六縣知事爲設局佈種牛痘文

八年一月八日

照得佈種牛痘手續簡單功效迅速既無痛苦又免避忌種種利便實已盡人皆知舊溫處各屬人民狃於故常但知用舊法下苗不知利用牛痘以致時有天花流行轉相傳染重者肢殘命喪輕亦目瞽面麻并有發生瘡癤及種種疾病以致不治者皆由胎毒不盡之故預救方法急須廣設種牛痘處所以期普及除分令外爲此令仰該知事分令各鄉紳董切實調查初生三個月以上可種牛痘之孩共有若干延醫設局或專在一處或周赴各鄉巡環施種該縣境內有無能種牛痘之醫生人數能否敷用或由該縣就近延請或須本署代延派往均須察酌情形妥爲辦理一面用白話文剴切布告總期境內人民咸使聞知爲要并限於文到一個月內將遵辦情形具覆察奪毋得遲延切切此令

指令麗水縣知事呈覆牛痘局早經擬具簡章呈准有案由 八年二月十四日

呈悉查施種牛痘時間應自夏曆正月下半月起至四月止該縣去年自四月起未免過遲至牛痘局設在城內僅近城嬰孩得以就種尙未能普及於鄉間應派痘醫巡廻各鄉施種排定日期由縣先行出示通告俾衆周知方免遺漏仰卽遵照辦理又該縣所延痘醫從前在何處學習究竟能否稱職上年成績如何併卽查明具覆事關孩提生命毋得稍事忽畧是爲至要此令

指令玉環縣知事呈送布種牛痘調查表由 八年二月二十一日

呈表均悉各處設局籌款不易應令各醫分鄉前往施種由縣排定日期先行布告俾衆週知至各該醫生是否足以勝任尙須詳加考察勿任庸醫誤人至牛痘苗本道尹已經辦到可以捐助仰隨時來道具領可也此令表存

指令松陽縣知事呈爲設局種痘擬具預算由 八年三月四日

據呈僅於城中設局一所四鄉居民未必抱嬰就種似非普及辦法應令該局醫生等

分赴各鄉輪流施種一面由縣排定日期先行布告俾衆周知至據擬預算費用該縣公益費款有無存餘可以動撥未據聲明無憑核轉事關慈善需費無多能否就地另行籌募應備痘苗由本道尹捐助需用若干可來道具領並將該縣可以種痘嬰孩調查約數具報仰卽遵照此令

指令龍泉縣知事呈報遵辦佈種牛痘情形由

八年三月十二日

呈及簡章均悉該縣佈種牛痘僅在城內設局離城較遠者必仍裹足不前各鄉遍設又無此鉅款可令城局醫生分赴各鄉巡迴施種較爲妥便一面預先排定日期出示佈告俾衆周知期限至舊曆五月三十日止亦嫌太遲彼時天氣過熱種痘不宜應提前二十天截止至應需痘苗可由本道尹捐助仰卽調查共有可以種痘孩童若干迅速呈報以便酌給苗量毋延切切此令簡章姑存

指令遂昌縣知事爲呈覆勸種牛痘情形由

八年三月十八日

呈及抄件均悉佈種牛痘自以新法爲妥但僅以文告勸諭貧戶嬰孩仍難普及應卽

由縣選派醫生排定日期周赴各鄉分頭施種一面先期布告令各貧戶抱孩就種需費有限而實惠較多應用痘苗可由本道尹捐給仰迅將該縣貧孩待種人數查明呈報以便酌給苗量時近清明毋再遲誤該知事對於辦理公益事項以後尙應切實注意并卽遵照此令

指令平陽縣知事呈覆調查種痘情形由 八年三月二十二日

近來佈種牛痘之法確已通行惟本道尹通令各屬設局施種係專爲貧苦居戶吝惜醫費不能普及起見來呈所稱尙多誤會仰仍遵照前令選派醫生排定日期分赴各鄉巡環施種并先期布告周知應需痘苗如果並未往購可由本道尹捐給迅卽妥籌覆奪毋再延誤切切此令

勸種牛痘白話文

我到你們這裏來了一年多了看見你們這裏的許多小孩子不管男的女的眼睛瞎的耳朵聾的面孔麻的手脚壞的還有生種種稀奇的病的各處多有我覺得奇怪得

很調查起來多是因爲有毒的緣故重的有一世不能殼好全的竟還有把命都送掉的也多得很并且小孩子們因爲出天花死的那更加多了不管什麼地方不管什麼時候都有爲了出天花冤枉死的我疑惑得很爲什麼你們這裏的小孩子都是這樣的毒呢我又細細的調查這個緣故我纔知道你們這裏的小孩子都不種牛痘的你們這裏的人都不曉得種牛痘的好處小孩子的胎毒都沒有去淨所以有這樣種種的毛病我現在要勸你們趕緊替你們的小孩子種牛痘還恐怕你們不曉得種牛痘的好處所以我又來做這一篇白話文拿不種牛痘的害處種了牛痘的好處牛痘同土痘的比較詳詳細細告訴你們你們須要曉得一個小孩子在娘肚子裏頭十個月的工夫所有爺的毒氣娘的毒氣都傳在小孩子的胎裏你們不要想爺娘那裏來的毒氣你們要曉得凡是一個人總有些毒在他身體裏頭的若是保養身體不曉得十二分的講究那毒氣就會多起來了譬如喫的東西不講究就有了毒氣到肚子裏去了你們這裏山又很多陰天時候山上發出來的氣也是有毒的你們吸了進去肚子

裏頭也就會有毒了你們這裏的地氣又是很濕的平常的時候受的濕毒也就不少況且一個人總有發火動氣的時候多發了火就變成功熱熱就變成功毒了像這樣種種的毒多要傳到小孩子身上的所以生出來的小孩子倘然不想一個法子替他拿這些毒氣去掉他就慢慢的生出各種病來了等到有了病請先生來替他醫也不過能殺去他外面的毒總不能殺拿他皮肉筋骨裏頭的毒拔淨要拿小孩子胎裏所受的毒連根拔盡只有這個種牛痘的法子是第一個最好最便當的法子了我們江蘇人同了你們浙江的杭州嘉興湖州等各處地方生了小孩子下來都種牛痘的所以出天花的一千個小孩子裏頭沒有一個那耳聾眼瞎面麻的也自然很少了你們要曉得這個種牛痘的法子最是容易從前我的父親在世的時候還在同治元年現在算起來已經有五十多年了那個時候我們中國還不曉得種牛痘的法子也不曉得種牛痘的好處是我的父親第一個傳出來的一年總要種到一萬多個小孩子所以我曉得種牛痘的好處是最明白的我們家裏的人大大小小都種過牛痘的沒有

一個人出過天花也沒有一個人耳聾眼瞎面麻的我現在先拿種牛痘的法子講給你們聽聽你們曉得麼爲什麼叫牛痘因爲種痘的苗是從牛身上取下來的牛是畜生沒有知識沒有七情六慾的并且挑選的好牛所以沒有毒的先牛身上種了痘等他發透了取他的痘漿下來就叫牛痘苗那苗很潔淨的一些沒有毒氣的所以用這種苗種在人的身上就不會生出種種的毛病來凡小孩子生到二個月後就可以種牛痘了在小孩子的臂上或是腿上用家伙拿他浮面的皮刮開一些並不見血所以一些不痛的刮開三處大約三分大小就拿牛痘苗點上去再在太陽裏晒乾了便算好了到了五六天的光景小孩子身體不很好的或者稍有一些些寒熱身體好些的連寒熱也可以沒有一些不覺得痛苦到了七天的光景牛痘已經發透過了十天就可以結成功痂了等到痂落了下來那就算完功了你們想想看不是便當得很麼那種土痘的不獨是沒有這樣的容易并且還有壞處你們曉得麼土痘有什麼壞處因爲種土痘是拿痘痂來做痘苗用的拿別個小孩子的痘痂研細了放在要種痘的

小孩子的鼻子裏頭你們想想看這個痘痂是有毒的拿毒的痘痂來種不就是拿了毒的東西種在小孩子的身上麼一種下去那毒就傳到全身去了弄得全身都有毒了所以種土痘的往往發得不好就出種種的毛病那眼睛耳聾面麻的還算是輕的重重的還要送掉性命所以這個種土痘的法子不獨是不能殺去小孩子的胎毒并且還拿別個小孩子的毒氣傳到這個小孩子的身上來所以種土痘的法子是萬萬要不得的況且要種了多少天纔能發發出來還有許多的避忌許多的苦惱所以我替你們想想土痘是萬萬種不得的一定要種牛痘的并且種過牛痘的小孩子不獨是一生一世不會出天花不會生種種的毒病就是同出天花的人住在一處地方也一定不要緊了若是不種牛痘就會出天花并且一個小孩子出了天花近處人家的小孩子就多要傳染開來一個傳十個十個傳一百個傳染多了就一定有死的了你們想想看可憐不可憐呢就算不死變成功了麻子瞎子聾子或是成功了殘疾你們想想看好好的一個小孩子可惜不可惜呢現在我已經有公事發到各縣知事那裏

區、沈、羅、正、金、
卷二
去了要他們預備替你們的小孩子種牛痘我還恐怕你們不曉得種牛痘的好處比
了種土痘又容易又不喫苦又少日子所以我又做這一篇白話文詳細告訴你們
們你們要曉得替你們設了種牛痘的地方替你們請了種牛痘的先生不要你們一
個錢你們做爺娘的沒有一個不寶貝自己小孩子的望你們趕緊抱了小孩子去種
牛痘將來你們的小孩子就不會麻子瞎子聾子了你們快快不要錯過了好機會對
你們小孩子不起快快的去快快的去

掩埋

呈文二件 訓令十件 指令四件

呈省長齊請撥公款以充購辦小棺埋葬殤孩用費文

八年七月二十三日

呈爲呈請事案據永嘉掩埋局董事錢熊勳呈請於漏米充公項下撥給銀壹千元存
典生息每月息金銀拾元歸掩埋局購置小棺以便埋葬殤子於澤殤園免得再有野
狗拖食殤子餘骸等情前來據此 道尹查永嘉縣原有澤殤園一處在三角門外僻靜
地方歷年以來城廂內外殤子均送至該園掩埋但此項送埋孩屍向無棺木是以屍

骸往往於夜晚被野狗入園拖食此種情事確係實在今該董事呈請撥款存典生息以充購棺掩埋之用免得再有野狗拖食骸骨等事係屬地方善舉尙無不合當經照准於 職署所存漏米充公項下撥給銀壹千元在案除俟冊報漏米各案時聲明於何案指撥並飭該董事按月造具收支清冊報道核銷外理合備文呈報仰祈 鈞長鑒核備案實爲公便謹呈

呈省長齊請撥充公米款以充掩埋暴棺經費文 八年十月三十日

呈爲轉呈事案據瑞安縣知事沈嚴呈報拏獲漏米判處充公造冊請予核轉並請將此項米款撥補苗圃保衛團講演所豐湖德巽東南宣文等女校東北東南南堤責善西南復初外東南等國民學校以及掩埋費前來據此除指令外查甌屬各縣停棺不葬之風各處皆然而以瑞安爲尤甚幾於遍地暴棺上年曾由 道尹及該知事各捐俸銀查明無主暴棺代爲埋葬卒以費少棺多仍難普遍該知事請以充公漏米變價餘存之款撥充掩埋暴棺之用擬請 鈞長准予照撥理合檢同原送清冊一本備文轉

呈仰祈 鈞長鑒核俯賜令遵實爲公便謹呈

訓令永嘉縣知事會同警察局長勒辦西郊停柩文 七年三月十九日

案據該縣西郊公民陳竟成等稟以西郊集雲廂一帶停柩太多請予示令屍屬趕緊厝葬以安幽魂而便衛生等情前來據此除批候行縣酌辦外合亟檢發副稟一件令仰該知事迅即會同永嘉警察局長查明情形傳諭該廠主迅催屍屬趕緊埋葬倘有無主屍棺亦應諭令地方公益機關設法掩埋一面禁止停柩廠外以重衛生仍將遵辦情形具報備查此令

通令十六縣知事及永嘉警察局勸禁停棺不葬文 七年五月二十三日

照得停棺不葬向干例禁茲聞甌屬各縣人民仍多惑於風水之說將屍棺暴露於外以致盜取遺骨遺髮及殮物之案時有發生不知形魄歸地入土爲安生事死葬禮不可缺況爲日既久棺木腐爛穢氣薰蒸易釀疫癘於居民衛生尤多妨害有地方之責者對於此種惡俗亟宜設法革除以安幽魂而免疫氣除分令外合行令仰該知事即

便出示嚴禁一面剴切勸導將未葬之棺從速埋葬毋任再有前項情事是爲至要仍將遵辦情形具報備查切切此令

訓令永嘉

縣知事
警察局長

飭警查明暴露棺木文

七年六月二十七日

查停棺日久最易發生疫癘業經通令安速分別掩埋在案茲聞城廂內外久停棺木竟有數千具之多內中無主者亦復不少拋露郊野腐朽不全現屆暑令於衛生大有妨礙仰卽會同警察局長分飭警士督同鄉警限令卽日起將暴露棺木地段數目有無柩屬或係無力營葬分頭查明十日具覆一次以一個月爲度務須一律清報俾便設法掩埋以慰幽魂而免疫氣除分行外合亟令行該局知事即便遵照辦理并出通告俾衆周知毋得稍延切切此令

訓令掩埋局將無主棺木從速埋葬文

七年七月二十六日

案查永嘉城廂內外暴露棺木甚多前經本道尹令飭永嘉縣知事及警察局長查明有無屍屬列表呈報以憑核辦在案茲據警察局長將一二兩區查明情形先行呈報

前來除飭該局將有主並有力營葬者限令速葬有主而無力營葬者迅傳屍屬詢明願否代葬再行核辦外合行抄發無主棺木單一紙令仰該董等剋日妥爲掩埋所需費用據實開摺向本署具領毋稍違延切切此令

訓令掩埋局將無棺主木從速埋葬文

七年八月八日

案查永嘉城廂內外暴露棺木前據永嘉警察局查明列表呈報到署已將無主各棺抄單令發該局妥爲埋葬在案茲據永嘉縣知事將查明城區無主棺木列表送核前來察核該表所載地名及棺木數目與警局查報不甚相符除指令外合再抄發無主棺木單一紙令仰該局從速查明如果爲警局原報單內漏列者剋日妥爲代葬具報備查切切此令

訓令掩埋局速埋無主棺木並具領經費文

七年十月十七日

案查前據永嘉縣知事及警察局長將城鄉暴露棺木查明列表呈送前來迭經本道尹將無主並無力營葬者抄單令發該局查埋在案茲又據永嘉縣知事將各鄉暴露

棺木調查完竣冊報到署除令勒限有主並有力營葬者從速自行埋葬外合再抄發無主棺木單一紙令仰該局即便查明與警察局所報如無重複剋日妥爲埋葬現在縣署與警局均已查報完全該局亦應將無主各棺木一律掩埋完畢所需費用准予開具清冊來署具領勿稍違延是爲至要此令

訓令十五縣知事(除永嘉)調查暴露棺木分別派令自葬並代葬文

七年十月二十

二日

照得停棺不葬向干例禁並最易發生疫病前經本公署第三六九號訓令各縣示禁一面勸令速葬去後雖據各該知事具覆遵辦情形究竟尙未切實進行除永嘉一縣迭經本公署嚴飭該縣知事及警察局長先後將城鄉暴露棺木查報齊全分別限令自葬並代爲埋葬外現查甌屬各縣如宣平麗水等處已發生一種疫症傳染頗速死者甚衆究其原因皆由停棺不葬穢氣薰蒸有以致之爲政者安忍袖手坐視不爲治本之計爲此再行通令仰該知事趕緊將暴露棺木詳細查明其有主而有力營葬者

限令即葬有主而無力者代為設法補助至無主之各棺木亟應一律代為掩埋如果掩埋費用不敷可向本公署請領務使將暴露棺木限日掃清以除疫癘限文到一月內辦理完竣毋得稍延將仍遵辦詳情隨時具報候核切切此令

訓令永嘉縣知事警察局為有主暴棺仰即飭催依限埋葬文 七年十一月十五日

案查迭據永嘉警察局填送調查有主無力暴棺一覽表並填明限令一月內營葬經已指令在案現查表列各戶均經逾期曾否依限掩葬有無仍前暴露情事未據呈報

前來無憑查核為此隨發原表 紙令仰該知事遵照即便會同警察局迅速查明表

列各戶究竟已否葬訖如果逾期未葬仍勒限該柩屬趕速掩埋其實係無力營葬者願否代葬令具切結呈候令行掩埋局代為掩葬除分行外仰即遵照并將辦理情形尅日具報勿稍延緩表隨發仍繳切切此令

訓令瑞安縣知事設法埋葬暴露棺木文 七年十二月十二日

案據該知事面稱該縣城廂及北鄉一帶無主暴棺竟有一千六百具之多殊屬駭聞

並若加以東南西三鄉當在二千具以上亟應趕緊設法籌款一律代爲埋葬該知事願捐俸一月以爲之倡熱心公益深堪嘉尙惟款絀尙多本道尹亦捐俸一百元仰卽照領備用一面設法勸募想該縣士紳不乏熱心慈善之人當能踴躍輸將俾暴露之棺均得安葬亦所以慰幽魂也此令

訓令掩埋局董事准撥公款掩埋殤孩應按月造具收支清冊呈核文 八年七月二十

四日

案查前據該董事呈請於漏米充公項下撥給銀壹千元存典生息每月息金拾元歸該局購辦小棺以便埋葬孩屍於澤殤園免得再有野狗拖食殤子餘骸等情前來當經本公署第二二零四號指令照准並仰該董事出具領結呈候核發各在案查掩埋此項殤子事屬善舉惟既請領公款應由該局於開辦之日起按月造具收支清冊呈道核銷以昭核實爲此令仰該董事查照遵辦勿違此令

指令永嘉警察局呈報暴露棺木由 七年七月二十六日

呈表均悉表內所列無主各棺木應候另飭掩埋局卽行埋葬款由本署核給其有主而有力者由該局長限令速葬有主而無力者迅傳屍屬到局詢明如願代葬卽令具結限十日內由該局呈報本署候核如果不願代葬應催令趕緊自行埋葬至未經調查各區亦應迅飭剋日查明繼續列表呈報以憑核辦逾限已久毋再違延切切此令表存

指令永嘉警察局續送一二兩區調查暴棺表由

七年八月五日

呈表均悉表內所列有主各棺木既均有力應由該局長限令速葬潘亞金既無力葬棺如果代爲埋葬是否情愿迅卽查詢明白具報候核其餘無主棺木共七十一具候飭掩埋局剋日代葬一面將四鄉暴露棺木趕緊查明列表呈報限期早逾毋得再延切切此令表存

指令永嘉縣知事呈送調查暴棺表由

七年十月十七日

呈册均悉察閱來册有主並有力營葬者居多數仰速勒令埋葬其有主而實在無力

者亦應設法使之速葬爲要不得以一覆了事至無主並無力營葬之各棺木仍候令飭掩埋局掩埋又查來冊竟有於有主無主欄內填明無主而於有力無力欄內則填有力既係無主何以知其有力其爲任意填註顯而易見嗣後於奉查案件務須詳細檢點毋再草率從事切切此令

指令掩埋局速將無主棺木於冬至前葬齊由

七年十二月十二日

呈及表摺均悉查本公署迭次令發調查表內無主棺木爲數甚多現在既由樂善士商認助磚壙一百零六壙仰於冬至前一律從速葬齊如果經費不敷再由本道尹捐助三十壙一面將未經覆查各停柩趕緊按照令發各表逐一查明辦理勿稍延宕切切此令表摺存

甌海觀政錄卷六

專案類一

疏浚永嘉縣城河案

共二十九件

致水利委員會技士孫函

七年二月八日

公度仁兄大人閣下前晤雅教暢談爲快所有擬浚永嘉城河計畫書業已閱悉並經將城河圖借取一觀詳加參考瞭如指掌此間石工價廉工多費少極表贊同黃君溯初已回渠於此事提倡較易台從何妨來城與諸君子細爲商榷此不獨水利攸關於衛生一道實大有裨益再聞溯翁云青田地方易遭水患其故由山水下注時河流要隘積沙梗阻宣洩不及致有泛濫之虞若大舉疏通恐一時經費難籌着手不易未知有無簡便可行之法或擇要疏浚權濟目前閣下學富專門必多經驗想智珠在握無難兼代一籌也

致劉紳次饒函 七年二月十八日

次饒仁兄大人閣下逕啟者現黃湖初孫公度二君提議挑浚城河此事於甌人衛生極有關係弟下車伊始情形尙未熟諳事雖極表贊同宜如何着手之處非賴老成擘畫未敢率爾閣下鄉望素重品學並敦黃孫二君亦亟欲與閣下會商進行辦法尙希勿吝玉趾來城一行以便奉教一切不勝企盼

勸募修浚城河捐款啟 七年二月

敬啟者永嘉城內河道日久淤塞每遇乾旱交通阻滯穢臭難聞非特妨害衛生且居民稠密一遇火警不堪設想屢目覩斯狀惘然憂之茲幸閩地政學紳商各界發起開會議決築閘浚河事宜先從城內入手並規復三角門使水道流通衛生防害兩有裨益實係刻不容緩之舉惟茲事體大需款不貲雖請用公益費及加收警舖捐而爲數無幾非賴地方熱心君子協力輸捐不易集事素聞執事熱心公益用特函請捐助併祈廣爲勸募共成善舉地方幸甚

致財政廳廳長張函 七年二月二十五日

道生仁兄大人閣下逕啓者查甌江城區河道日久失挑積淤成淺蔽塞之處濁水不流春夏之交穢氣上蒸人受感觸必至發生疫癘非趕緊挑浚不足以弭人民之患已由地方紳商各界一再開會籌款等等已有把握現定於月之二十八日會議之後即須興工轉瞬春水發源車涸維艱挑浚不易着手甌地人工價廉現在估計全工約需銀五千元擬於永嘉縣公益費內動用二千元餘三千元則捐之於商家惟查動用前項公益費必須報由尊處核准今待用孔亟屆時由縣先行電呈誠恐電報不能詳盡用先專函奉佈以便接洽

開會籌議浚河之報告 七年二月二十八日

今日開會專爲疏浚城區河道之事 鄙人到此以後見城區河道淤積已甚幾同溝澮再不設法疏浚不獨船隻通行不便且至春夏之際烈日蒸蒸穢氣上騰必致釀成疫病則凡我城區各戶莫不皆受其害況近來天氣亢旱火患時見雖有救火器具亦苦

於無水可汲種種弊害不可勝言部意以爲此種河道早應疏浚使之流通至今日而始行籌畫已覺太晚然至今日而果能實行疏浚尙可免後來之患是以部人對於此事期在必行在職一日必盡一日之心力以爲之務觀厥成第疏浚河道第一緊要之點端在籌款據水利委員會第一測量隊長陳君勉頤所預算者約計

元惟實

行開辦之後往往有臨時發生溢出預算之外者今擬分四種籌款之法一爲提用從前浚河餘存公款二爲動用縣署公益費三爲擬辦浚河普通捐四則擬勸殷富捐至於此四種款項籌集之法應由鄭知事再爲詳細報告第二爲工程上之計畫此事已由陳君勉頤詳細測勘並擬有計畫書應即請陳君報告第三爲疏浚時之防護橋柵不致傾陷以及彈壓夫工不滋事端並疏浚後保護河道勿使臨河舖戶居民傾棄垃圾等種種方法在警察範圍之內應由李局長報告尙有對於實行動工以前最要之一事則急須成立委員會是也委員會成立後舉凡浚河一切事宜應如何籌議及對於地方有所諮詢之處均可由委員會議決施行委員會之員額擬定九人由今日到

會諸君互推五人道署統部縣署警局各指定一人共同組織因現在已屆雨水節恐春雨連綿春水驟漲有礙進行非趕緊開工不可故擬請今日卽行推定以便剋期成立卽日實行至關於工程上便利之法據陳君計畫以開通三角門爲最好但聞開三角門一事多有執與風水有關之說者在今日開通時代雖不免視爲迷信之一種但事關全縣不得不公諸輿論還希到會諸君公決之

致水利委員會技正林函

七年三月二日

同莊仁兄大人閣下逕啟者甌江城區河道年久失挑積淤成淺蔽塞之處穢濁不流春夏之交地氣上騰必釀疫癘今已一再開會議決挑濬貴會之孫君公度陳君勉廬暨第一測量全隊擬請一概留甌以蔽茲事全隊不能或留半隊約期一月便可竣工又瑞安之飛雲江可否暫緩測量俾先所急蓋恐春水一漲車潯費力便有事倍功半之虞此間卽日興工公牘容隨後補具先行泐函奉懇務望俯諾

呈省長齊呈報修浚永嘉縣城河情形文

七年三月十八日

呈爲呈報籌辦修浚永嘉城區河道情形並送簡章名單仰祈鑒核備查事竊道尹自本年一月接任後見永嘉城區河道淤積已甚幾同溝澮若不設法疏浚不獨船隻通行不便飲水無從汲取且至春夏之際烈日薰蒸穢氣上騰必致釀成疫癘因將去年由浙江水利委員會第一測量隊陳隊長所測城區各河道及所擬浚河計畫圖說預算工程經費詳細研究並督同永嘉縣知事鄭彤雲邀集地方紳耆開會議決將永嘉城區河道實行修浚由地方公議設立永嘉修浚城區河道委員會額定九人不支薪水由行政各機關就本地士紳中選派四人地方公推五人於三月一日將委員會先行成立擬定委員會簡章並由道刊發木質圖記一顆文曰永嘉修浚城河委員會之圖記以資應用業已依據陳隊長所具浚河計畫於本月十四日動工其所需經費除由本地紳耆就地設法勸募外並由道尹首先捐俸提倡復據鄭知事呈稱擬請先將從前余紳朝紳浚河餘存洋四百八十餘元由縣全數撥用再於縣署現存公益費五千元項下撥給三千元以資補助等情前來當以從前余紳朝紳繳存該縣之款既係

浚河餘存自可全數撥用至所擬於現存之公益費五千元內撥給三千元以資補助核與名義雖無不符惟能否照數撥給既據該知事分呈道尹未便擅擬已指令該知事靜候 鈞長令遵在案所有督飭籌辦修浚永嘉城區河道情形暨委員會簡章各委員名單理合一併備文呈報仰祈 鈞長鑒核備查實爲公便謹呈

呈省長齊請令行水利委員會將技士孫量及測量隊留甌主持浚河工程文 七年三

月十八日

呈爲呈請事竊查永嘉修浚城區河道情形業由道尹另文呈報在案現正動工開浚如果天晴無雨約一月即可告竣惟此項工程全賴測量隊之協助及浚河委員會之督促方不至有所遲誤查永嘉修浚城河委員會之委員長由委員會公推浙江水利委員會技士孫量充任浚河一切工程均由該委員長主持茲聞浙江水利委員會擬將該委員長孫量調回省會竊恐於浚河事宜多所不便爲特備文呈請 鈞長鑒核可否令行浙江水利委員會將主持永嘉修浚城河委員會之孫量及測量隊全隊暫

留在甌侯河工完竣再行調回之處伏候 指令祇遵實爲公便謹呈

訓令浚河委員會再議來福門旁可否開鑿水門文 七年四月五日

查修浚河道開鑿水門一案前據林祝三等具呈到署當經令交該會議覆在案嗣據鄭惠東等呈請勿開水門等情前來當以此案業經該會議決執行未予置理茲復據陳壽喬等稟同前情雖所稱風水星象多係迷信之談而形勢關係既據該民人等一再請求事關公益討論不厭求詳合行檢同陳壽喬等及鄭惠東等副呈一併令發仰再採集輿論妥議辦法卽行具覆此令

訓令永嘉浚河委員會議覆木植等呈爲否認添設水門文 七年四月六日

本年四月五日據民人木植等呈爲否認添設水門等情到道查添設水門原爲地方水利起見既據該民人一致呈請合再令發副呈仰該會長詳採輿論連同前發各稟妥議具覆候核切切此令

致浚河委員會函 七年四月七日

逕啟者查修浚城河議開水門一事前已屢據公呈交貴會採集輿論妥議辦法見覆在案竊思此次浚河之舉實以鄙人到此以後見城內河道淤塞穢濁之氣令人掩鼻而過春夏之交地氣上騰必至釀成疫癘是以一經提議便踴躍贊同得成事實此與全城生命有關與鄙人毫無得失至開闢水門一節前聞諸君之議係相度地勢吸取來源使城內河道似血絡之流通不至仍前壅滯自是一勞永逸之計不使數千緡之鉅費擲等虛牝規畫周詳理由充足而說者謂議開水門之處內清外濁等情已經親往勘明並無關係惟是風鑑之說近來開通大埠尠不認爲迷信之一端甌邦民智未盡開通其狃於舊聞原亦無足爲怪證今援古堪輿家亦往往談言微中應驗適符不可謂全不足恃惟查城池之方向以府縣公署大堂爲中心點確有通理可循甌城之中心點自當以舊府署卽今縣署之大堂爲主按圖索驥則今議開闢水門之處在癸山丁向線中本年旣屬空向與所謂寅午戌煞在亥子丑及壬丙兼子午向之凶方在未申酉均屬毫無關係今遽開則勢近執拗易滋誤會而不開則猶之療病僅等治標

不得不極深研幾以杜迷信家之口實部人權衡輕重似宜將水門改作涵洞加以開板俾資隨時啟閉之需船隻既不能通行風水便無關出入對於此次浚河之舉同一疏通水利亦不至勞費空拋一得之愚未敢云是其於年歲方向是否尙有窒礙之處甌邦不乏精通風鑑之人尙希諸君子博訪周諮期於折衷至當爲禱並希公同籌議見覆施行是盼

致浚河委員會函

七年四月八日

逕啟者查此次浚河前經議決開闢水門本地人民迭次具稟到署請勿開闢節經發交貴會核議在案察核各該稟詞大都囿於風水之說惟人民心理迷信既驟難破除則執行方面但有可以變通之法而仍於事實無礙者不妨量予更改查永嘉城形勢南面高而北面低城內河道南由溪河之水入永甯瑞安兩門北行出奉恩門而洩於江惟永瑞兩門俱偏於東城而西城之河水無來源分支又多致易淤塞故擬開闢水門以資灌瀉誠爲根本解決但本道尹親往履勘水門地點正當三溪之衝水勢甚急

而城內新河河身極狹若竟開水門則城外三溪之水直衝而入新河能否容納實未敢必且加之永瑞二門入城之水計有三路而出水之路祇有奉恩一門溪水暴漲之時誠亦不可不慮在開闢水門之初意原爲疏導西城河道使城外之水得以灌輸入城俾城內新河一帶濁水不致停積是開水門本爲水流之便利而非爲交通航路起見則改闢涵洞仍附設閘板以資啓閉祇通潮水不行船隻於流通城內水道之目的仍可貫澈而水之來源亦有所收束則城河旣得灌瀉之益溪水復無氾溢之虞而城外當衝之民房亦可不必要遷拆似此雙方兼顧當不致再有窒礙卽就迷信家之說現在指定開闢之處依通理而論城中自當以舊府署卽今縣署之大堂爲主點今議開闢水門之處在癸山丁向並非坤位在本年本屬空向與所謂寅午戌煞在亥子丑及壬丙兼子午向之凶方在未申酉者均屬毫無關係該民人等所稟各節尙屬誤會自未便再予更易本道尹權衡輕重似宜將水門改作涵洞最爲方便惟事關公益討論不厭求詳仍希諸君子博採輿論折衷核議具覆爲盼此致

訓令浚河委員會長按照朱鈞等所呈各節集議具覆文 七年四月二十九日

案查開闢水門一節前據該會長將併案集議情形及動工日期呈報前來業經分別指令在案茲據永嘉縣公民陳壽喬等開具節畧並朱鈞等備具呈詞以創設水門妨害飲水請求飭會停闢以順輿情等情前來據此除批示外合行抄發節畧並檢發副呈各一件令仰該會長迅遵前令召集紳商學各界按照該民等所稱各節從長計議呈覆核奪勿延切切此令

指令浚河委員會呈報開闢水門動工日期文 七年四月二十九日

呈悉查開闢水門一節雖據該會呈覆業經集議僉謂可收一勞永逸之功然此係地方公共之事必須輿論一致方不至多所窒礙日來本地紳民以創設水門妨害飲料等情具呈前來核其呈詞亦具理由自未便遽爾興工致拂輿情仰該會長迅即飭匠先行停工按照另令發交副稟及節畧所稱各節再行召集紳商學各界從長計議呈候核奪令遵此令

致永嘉縣商會爲開闢水門速與永嘉縣知事接洽集議函 七年五月二日

逕啟者此次浚河本道尹對於開闢水門一節並無成見要以興利爲主現在輿論既不一致自應從長計議以免爭執除已令浚河委員會暫行停工並令永嘉縣知事召集紳商學各界及委員會各委員將開闢水門利害關係雙方詳細研究折中議決外相應函請貴會長迅與縣知事接洽集議早日解決是所至盼此致

指令浚河委員會呈覆開闢水門一案由

七年五月二日

呈悉查此次浚河本道尹對於開闢水門一節本無成見要以興利爲主惟地方輿論亦應顧及現在本地紳商既多反對苟非鄭重將事將來難免不授人以口實仰該會長仍遵前令飭匠暫行停工候令永嘉縣知事召集紳商學各界將開闢水門之利害詳細研究折中議決具覆到道再行察奪此令

訓令永嘉縣知事召集紳商學各界研究開闢水門利害文

七年五月二日

案查永嘉修浚城河前經議決開闢水門嗣據本地人民迭次具稟反對節經發交委

員會核議並令暫行停工在案茲據該會呈覆以反對之人均無正當理由仍主開闢在本道尹並無成見要以興利爲主但此係地方公共之事必須輿論一致方不至授人以口實否則開闢之後如果利未見而害先著勢必至主張開闢者將爲集矢之的是爲地方謀公益之事反使地方開爭論之端現當着手之初苟非格外鄭重或貽後悔實爲本道尹所不取也爲此令仰該知事迅卽邀集地方紳商學各界中贊成反對兩派將開闢水門利害關係雙方詳細研究折中議決卽行具覆以憑察奪勿稍延誤是爲至要切切此令

訓令永嘉縣知事奉

省電將查阻開闢水門情形具覆文

七年五月四日

案查永嘉開闢水門一節業經本公署第二八六號訓令該知事迅卽邀集地方紳商學各界中贊成及反對兩派將開闢水門利害關係雙方詳細研究折中議決卽行具覆在案茲於本月三日奉 省長江電內開永嘉議開水門一案前據縣民朱鈞等電稱有礙居民飲料已令該道尹督飭查核毋任輕率動工仰速將查阻情形電呈候核

等因奉此除令委員會知照外合亟令仰該知事迅即邀集雙方詳細研究利害關係尅日具覆以憑轉呈毋稍延誤切切此令

訓令永嘉警察局照取締妨害河道規則不使積穢淤塞文 七年五月十八日

案據永嘉修浚城河委員會會長孫量呈稱竊職會奉官廳及地方紳民之委託修浚城河現在城區河道挑浚已及百分之九十四五奉恩陡門工程已竣日來正在排洩濁流河清可俟此後保護取締不容或緩蓋以河道淤塞汚臭原因或由居民傾棄垃圾汚穢及磚石雜物入河或由染坊在河洗滌染品如不訂定專條交由警察局執行聽其自然則浚河之功必有曇花一現之慨用特擬訂取締妨害河道規則九條呈請核定令交警察局實力奉行庶乎浚河之功可以持久再者城區人居稠密沿河各戶前當街後臨河內外不得隙地故垃圾磚瓦任意傾棄入河今既實行取締必須預備傾棄垃圾之處便其堆積查保護衛生責在警察議請令飭警察局於人居稠密處所設置垃圾木箱以便居民堆積汚物於衛生水利交通均有裨益所有呈請核定取締妨

害河道規則發交警察局及呈請令飭警察局設置垃圾木箱各緣由理合備文呈請核准施行等情據此察核該會所擬辦法自係爲保護河道起見除指令外合亟抄發規則令仰該局長查照實行其染坊在河內漂染最易使清水變濁尤宜隨時注意禁止一面將應設垃圾木箱迅速備齊以便居民堆積污物仍將遵辦情形具報備查切切此令

呈省長齊呈覆集議開闢水門情形並附陳意見文

七年五月二十七日

呈爲呈覆事竊查永嘉議開水門一案道尹因本地人民多數具呈反對曾迭令浚河委員會先行停工一面詳細研究嗣據該會呈覆仍主開闢正在核辦間適奉 鈞長

江電暨 鈞署第四二八三號又第四六八二號迭次指令由道尹督飭經辦人員詳細查明核飭遵照毋任輕率動工各等因奉此遵經令行永嘉縣知事邀集紳商學各界中贊成反對兩派將開闢水門利害關係雙方詳細研究折中議決覆候核轉去後茲據該縣知事張濂呈稱知事遵於本月十六日假座商會邀集奉發單開從違兩派

林祝三葉璋等共同研究是日知事原欲討論利弊權衡輕重以決從違無如兩派意見齟齬感情用事不能祛偏私而從公論就利害而定是非聚訟紛呶出言不遜知事深恐人多口雜致啟爭端故令兩派各舉代表六人於翌日來署繼續討論是日反對方面代表徐翰青陳綏亭陳香濤鄭劍秋林佛倫朱景涵六人齊到贊成方面之方曉香葉翰然呂維周陳百川徐赤文五人到署惟陳禹門缺席此外復邀縣城自治委員暨商會教育會等紳商學各界鉅擘劉次饒陳俠羣楊雨農吳益三蔡日欽顧性石江蓬仙蔡竹溪等數人以備諮詢並以盛席相款滿擬以盃酒釋兩派之嫌俾意見既除而真理可得詎知事與心違贊成方面之代表六人除陳禹門缺席外到場代表五人中之葉翰然初本贊成而到場則主中立即邀備諮詢之楊雨農亦復如此其無始終不撓之決心可知惟劉次饒陳俠羣吳益三蔡日欽顧性石蔡竹溪皆主贊成江蓬仙主張開闢涵洞以八英尺爲度惟反對派一致主停堅持到底論及利弊各執一是是日自下午五時討論起至十一時散討論至六時之久仍無足以解決此事之真理築

室道謀終無結果此當日知事遵令邀集討論之情形也當未經討論之先並經知事會同城區浚河委員會孫技士親歷奉恩水門察看該門自經鑿深三尺後城內陡門之水高於城外勢若建瓴洩水甚速惟三角門城內外水之深淺因水漲相等無可測量知事伏查永邑城內地勢低窪水易泛濫近自入夏以來連朝霖雨河水暴漲浚河工程似難着手惟綜核雙方爭點主停者蓋恐既開之後大水進城及妨害飲料主開者謂沿江多數陡門但能按照水則實行啓閉則潮水不能進城飲料何致妨害而主停者仍謂陡門雖閉難遏潮水兩說相持不下非有證明難資折服現在浚河委員會主張水門工程暫行停頓先將沿江陡門實行啓閉自實行之日起經過一二月後如無潮水進城即可證明規復水門之無妨即可繼續開工西郭城河可得通暢之利等語知事到任未久對於雙方主張未敢武斷奉令前因理合先將知事遵令邀集研究情形備文呈覆等情前來據此查永邑城內地勢較城外爲低近日連朝霖雨河水暴漲地形低下處河水幾與岸平如果開闢水門城外河道適爲三溪山水之下流山洪

暴發時雖有支河分殺其勢而水性向下難免不直衝城內查城內是處之河名新河者河道適極狹窄山水驟來竟有實不能容之勢況城內進水之處已有瑞安永甯兩水門而出水之處僅祇奉恩一門若再加闢一門水大時恐不獨新河一處一時無從宣洩難保無泛濫之虞卽他處河水亦不能保其無決溢之患雖云山洪係偶有之事然道尹愚昧未敢保其必無民國元年處屬水患實前車可鑒也且此次浚河原爲使河水清潔起見現在城中各河道自疏浚之後河水已清浚河之效已著現已令浚河委員會擬訂取締居民糟蹋河道單行法令行永嘉警察局嚴行禁止但使隨時認真保護不准居民傾倒垃圾則河水可以常清自無開闢水門之必要今贊成與反對兩派既各執一見而於將來之利害關係均未能確切證明與其輕率開門或使將來受河水泛濫之害不如一仍舊貫免致地方開互爭意見之端茲既據永嘉縣知事將集議仍無結果情形呈報前來理合附陳意見備文呈覆一面令行浚河委員會將浚城內河道工竣後卽行結束是否有當仰祈 鈞長鑒核指令遵行實爲公便謹呈

覆黃紳溯初函 五年七月二十七日

溯初仁兄大人閣下函電均敬悉因水門事未定無可答覆故遲遲至今乞諒之弟當時提倡係開浚城內河道至添闢水門一節開會之日閣下曾與弟言此事關係地方須由地方公決故弟始終抱定此宗旨開與不開兩方面弟皆未便過於拘執近來反對者日多一日其主張之理由大抵爲山水及江湖兩層究竟是否無礙委員會亦無可證明卽不足以杜反對者之口弟誠愚昧實不敢擔保反對之說必不見諸事實現由孫君公度來說姑暫擱置看城內河水如何情形再作道理此亦是一法城內河道經開浚後倘水流清潔似亦可省此一舉姑俟之馮君地造熱心任事固所欽佩弟前在舟中承囑爲滕公橋事當卽照行詎均不爲之動祇好不罷而罷馮君訟事已囑勸解矣地方遇公益事往往易生意見良用喟然聞執事不日旋甌極快極盼尙望早日言歸俾可叙談一切

訓令永嘉縣知事轉令發還已收未用之浚河捐款文 七年七月十九日

案據永嘉修浚城河委員會呈報浚河工程結束情形並據聲稱職會前據議決案徵收普通浚河捐比照警舖捐全年徵數加捐二成以作浚河經費早經職會設備收條函請縣公署轉飭警舖捐徵收主任帶收此項捐款已收者僅二百餘元當存縣署徵收處並未提用現當結束除將由縣送回之存根及未收之收條呈繳鈞署註銷外所有存儲縣署已收之款二百二十八元九角五分八釐（五釐徵收費及少數未除）仰祈令永嘉縣知事轉飭警舖捐徵收主任按戶發還或扣作房警捐收回職會原收條由縣呈繳鈞署塗銷併祈令行永嘉縣知事暨警察局長示諭週知以昭信用等情前來據此查該項帶收之浚河捐二百二十八元九角五分八釐既未動用自應按戶發還除指令外合行令仰該知事即便轉令警舖捐徵收主任將前項已收未用之捐款按戶發還取回收條繳道塗銷一面會同警察局長布告商民一體知悉仰將遵辦情形具報備查此令

指令浚河委員會呈送報銷清冊由 七年七月二十日

呈及報銷冊均悉冊載乙丙兩項工程究竟是否辦竣其挑運土礫出城費竟達五百二十元之鉅應即切實核減該項土礫現堆何處亦未詳晰聲明無從察核且該項工程及銀洋既託呂紳經辦應將支出各款逐項取具收據以昭實在未便由呂紳一人出立筆據即予核銷又丁項開支陡門鎖鐵鏈等銀數戊項開支菜蔴紙箴及路費等銀數已項開支紙張筆墨及印刷廣告收條等銀數均與收據所列數目不符至已項開支測繪員津貼書記薪水公役工食以及測地夫津貼各委員伙食特別捐征收費商會號房茶水費雜支費等均無收據且丁項陡門鎖等及已項雜支兩款核對總清簿均不相符尤屬無從核銷又該會長另呈各段未完工程辦法所稱第一段內暫將壩脚僱工拆去計洋九元第二段內將壩脚拆去計洋二元第三四五段內挑浚蟾街河計洋四十四元另拆壩洋九元等情究竟該項工程現在曾否完竣工銀會否付清亦未明白聲叙應將報銷冊一本及未完工程辦法二紙一併發還仰速分別查覆更正並取具各項收據呈候核奪毋稍稽延切切此令

致呂紳維周函 七年七月二十六日

逕啟者查永嘉修浚城河爲時已久所有孫會長經辦各項工程業已結束造冊呈報尙有未浚支河及堆積之土礫等工程由孫君委託執事經辦並交付經費洋七百八十六元現在該項工程究竟曾否進行事關公益急應及早完竣免致貽人口實爲此函達執事查照迅將應浚支河尅日疏浚聞五馬街及第一橋兩處浚如未浚亦應責令原包工人再行切實開浚其堆積之土礫趕緊挑盡並隨時監察勿任草率一俟辦竣卽行詳細造報以便核銷是所至盼

致呂紳維周函 七年九月二十七日

逕啟者查永嘉修浚城河一案所有孫會長經辦各項工程前據呈報結束並送清冊請核前來卽經函請執事將孫君委託經辦之各項工程及早完竣造報以憑核銷在案究竟現在未浚支河曾否疏浚其堆積之土礫是否一律挑盡閱時已久未便再延爲此函催卽希執事將該項工程尅日辦竣並造具詳細清冊以憑核銷幸勿再稽是

所至盼

指令永嘉縣知事呈爲發還浚河經費並呈明沈華美赴平就職由 七年九月三十日
據呈發還已收未用浚河經費似不宜扣除公費致滋物議等語所見甚是查該縣前
知事任內帶收此款之房捐徵收員現已更易前項公費業經開支既未能如數追回
更未便責令賠墊權衡至當莫若將前項已收未用之浚河經費按戶發還移抵各該
舖戶未繳之房警等捐既可免費徵收手續即可騰出公費移抵帶收浚河公費爲數
甚微似尙易辦仰仍遵照前令按戶發還取回收條繳道核銷一面會同警察局長將
發還移抵辦法出示布告以昭徵信至該縣前知事會算交案之代表沈華美既就平
陽縣署職務卽由該知事訂定會算日期咨請平陽縣轉令沈華美如期馳赴監盤駐
在地點候算可也此令

致孫技士量函

七年十一月八日

逕啟者查永嘉修浚城河一案各項工程前據呈報結束並送清冊請核前來卽經函

請呂紳維周將執事委託經辦各項工程及早完竣造報以憑核銷在案迄今多日呂紳並未造報又迭次函催仍未結束此事閱時既久豈容再事宕延貽人口實爲此函請迅催呂紳剋日結束造報以憑核銷勿再稽延是爲至禱

呈省長齊呈報永嘉城區河工辦竣情形造送收支清冊文

八年三月七日

呈爲呈報修竣永嘉城區河道業已竣工造送清冊仰祈鑒核備查事竊

道尹於民國

七年三月因永嘉城區河道淤積已甚提議修浚曾將籌款及辦理各情形連同簡章呈報在案嗣奉 鈞署第二九三〇號指令內開迭呈及簡章名單均悉此案前據永

嘉縣知事及縣紳黃羣等呈電已指令財政廳核議覆奪並經電知該縣由財政廳電准先在公益費項下撥銀二千元各在案所請暫留孫技士在甌主持之處既據稱該工程約一月即可告竣應准照辦候令水利委員會知照仍責成該道尹督飭該技士積極進行一俟工竣卽行回會仰卽知照簡章名單存此令等因奉此

道尹遵卽督飭

孫技士積極進行至上年七月十六日據孫技士呈報因急於回省將大部分工程辦

竣並透收支清冊前來 道尹覆查無異准予核銷尙有小部分工程由孫技士委託永嘉紳士呂之翰代辦仍由 道尹屢次督催於本年二月二十七日始據該紳呈報結束察核摺開收支款項溢出預算銀二百二十八元一角六分一釐雖據該紳聲明該項溢出之款因各處河內瓦礫過多挑運工費甚大又補浚第二橋及晏公殿巷兩河以致不敷等情然事前未經呈明究有不合現在該項溢出之款既由該紳墊給應責令自行勸募彌補以符預算所有孫技士量及呂紳之翰經辦河工結束情形及收支款項理合併造清冊備文呈報仰祈 鈞長鑒核備查實爲公便謹呈

呈省長齊驗收城區河道工程並送清摺文 八年五月二十一日

呈爲呈覆事本年三月二十一日奉 鈞署第一九七六號指令 職署呈報永嘉城區修浚河道工竣並轉送收支冊由內開呈冊均悉惟查此案前據永嘉縣呈送之計畫書擬定開浚河道共計多處來冊僅列第一至第五段幹河及五馬街晏公殿蟬街各河工款究竟原定開浚各段工程是否一律照浚完工其寬深各丈尺與原定計畫是

否相符應先由道派員按照原定計畫書切實驗收詳細列摺具覆候核其收支各款俟覆到再行核示仰卽遵照來冊暫存此令等因奉此遵卽令委永嘉縣知事按照原定計畫書切實驗收詳細列摺具覆去後茲據該知事張濂覆稱知事遵卽督同職署委員金玉樺章庶懷親往將各段修浚工程按照原定計畫書次第勘驗惟洗馬橋西至小南橋一段河道因工費較鉅尙未修竣其餘各段工程已一律照浚完工其寬深丈尺核與原定計畫書亦均相符茲已驗收竣事理合開摺具文呈覆仰祈鑒核轉呈等情前來據此道尹覆查該項河工按照原計畫書內尙未修浚者僅有洗馬橋西至小南門一段該段河水較深需費較鉅且因在原計畫書以外之河如五馬街晏公殿巷第一橋第二橋等四段由該處居戶要求不得不先其所急一律開浚以致預算經費不敷未能將洗馬橋西至小南門一段河道完全開浚委係實在情形除另籌款項再令將洗馬橋西至小南門一段河道補浚外理合將派員驗收情形連同清摺備文呈覆仰祈 鈞長鑒核施行謹呈

專案類二

處分胡萬盛漏米案 共八件

訓令分道知事狄紹青速往樂清提取胡萬盛運米護照存根文 七年二月二十七日
案查此次樂清商民胡萬盛運米出口被水警截獲後始繳出樂清縣所給三十一號
護照一紙察閱該護照年月上所蓋印信其顏色筆畫與騎縫上印信有種種不符之
處且截獲之日在本月十七日護照上所蓋委員驗訖之日則在十八日尤屬情節可
疑爲此令仰該員卽日馳往樂清縣署提取該縣迭次所給運米護照存根及聯單速
卽回永呈道以憑核辦又近來該縣米價較上年十月以前增加若干其七里洋面梨
籠埠地方每米一石係若干斤一併查明具報毋稍片延此令

呈省長齊爲處分截獲胡萬盛運米漏海一案情形文 七年三月六日

呈爲呈明事竊查米糧漏海久已垂爲厲禁一經截獲應卽罰辦方可以維民食迭經
前道尹按照向例辦理並呈報有案本年二月二十日准外海水上警察第三區公函

內開本月十九日據做區第九隊隊長俞應堯呈稱本月十八日據第五分隊長何高呈本月十七日在七里洋面游巡查得閩船船戶金協春在該埠裝米八百餘石運往平陽船內帶有前膛槍四桿後膛槍二桿板槽砲二尊榜頭刀五把當經飭驗護照僅據呈出福建編查船局所給牌照一紙砲械照一紙運米護照堅不繳驗查所執砲械照係民國五年十一月所給不但所列砲械數目不符即發給日期至今已距兩載按照內所載規則第十三條之規定已屬不生效力即將人船米械檢同船照砲械照各一紙呈請核辦等情到區並據樂清商民胡萬盛稟稱本年二月十五日呈准樂清縣公署由樂清七里地方運米五百石赴平陽鎮霞關銷售給有樂清縣知事第三十一號護照本月十七日在該處裝米下船被何分隊長誤行扣留黏呈護照稟請釋放前來據經做區長派員查驗該米船中艙計闊一丈八尺有奇深七尺有奇滿裝食米約一千石左右查閱該商民所呈護照僅止五百石米與照數目不符顯係影射偷漏查其所帶槍械與砲照所填數目又復不同其私帶洋槍更可概見查米穀出口早奉禁

止此次樂清縣知事填給護照內稱呈奉甌海道尹轉奉省長指令照准等語究係何年呈准如何原案做區無卷可稽殊難懸揣事屬行政處分相應將人船米石連同該商民胡萬盛所呈護照一併備文送請貴道尹煩爲點收核辦並希尅日見覆再該商民私帶洋槍一層應由敝區將槍械留存按照浙江外海取締船舶規則第二十三條辦理合併聲明等因並函送米船一隻及護照一紙到道察閱該護照所載驗放日期竟在截獲之後其他疑點亦復不少因卽令行永嘉縣知事將人船及米石一併點收查訊一面電令樂清縣知事將會否發給護照及此次截獲在先驗放在後各情形據實具覆去後嗣據復稱本年二月十五日有商民胡萬盛請領護照一紙計米五百石運往平陽鎮霞關地方銷售護照填三十一號至驗放之期在十七日下午晚查驗完畢因天色已晚不及開船故於照上填明十八日驗訖等情然據水警第九隊隊長報告該米船係於二月十七日下午四句鐘截獲後當時卽令呈驗護照抗不交出並准外海水警第三區長函稱該米船於二月十七日擊獲十八日解送到區至十九日

上午十一時始據該商民胡萬盛來區呈驗護照各等情是與樂清縣知事所覆情形不相符合因又令該知事將驗放日期據實查覆去後嗣據驗放員陳沐曾報告原於二月十七日下午四時驗訖按照歷來辦法驗明卽予放行惟當時該商聲請是日潮候已過須待次日開駛故驗訖日期預填十八日水警截獲之米是否卽係驗訖之米抑或另一船隻該商有無一照兩用情事自以截獲時有無護照爲斷應請詳切查究以明虛實等情前來察核所覆各節仍屬含糊道尹查該縣知事於民國六年十一月因士民之請酌擬放運米穀五千石以運行鄰境爲限曾擬預防漏海辦法呈由署轉呈先後奉到 鈞署第一六一九七號指令後卽經轉飭遵照在案茲吊閱該知事所發運米護照存根及聯單其放運米穀已將八千石早逾定額此次發給胡萬盛五百石之護照實在五千石之外不獨事前並未呈明任意發放與呈准之原案不符且聯單亦並未照案送道此等護照當然不能認爲有效況查此次胡萬盛所裝之米被水警截獲在二月十七日午後四句鐘當時卽由水警監視該知事呈覆驗放之期亦

在二月十七日下午四時並據該知事來道面稱護照卽於驗放時交付等語然則驗放如在截獲之後何以驗放員並未遇見水警水警亦並未遇見驗放員設驗放在截獲之前則當水警截獲時向索護照卽應立時呈驗何以不能交出直至十九日該項米船已經獲解到區之後一日始行呈至水警第三區卽就該知事所稱驗放確係十七日而照上填十八日者係徇商人之請云云亦似詞近支吾驗放之日何必與開船之日相同驗放之員何以遽聽商人之請故察核此案種種情形非一照兩用卽係截獲後始行朦請該縣補發護照希圖搪塞且平陽本係產米之區該縣士紳方以穀賤傷農要求出口何以尙須樂清運米前往查鎮霞關爲平陽邊境與福建聯界其爲運往外省販售尤屬情節顯然無可遁飾如果任其朦蔽不予罰辦不獨輿論譁然且恐有妨民食除飭永嘉縣知事將截獲胡萬盛之船米按照漏海向例變價充公提成充賞另行造冊具報轉呈外所有處分截獲胡萬盛漏海食米情形理合備文呈明仰祈鈞長鑒核施行再樂清縣知事不遵呈准原案濫發運米護照雖據聲稱因陰歷年

關銀根奇緊紳商紛紛要求致逾原額然不先呈候核准擅自給照究有不合應否議處之處伏候 指令遵行實爲公便謹呈

呈省長齊查報辦理胡萬盛漏米一案詳細情形文 七年三月二十九日

呈爲呈報事本月二十二日奉 鈞署第二五五七號指令 道尹呈報處分截獲胡萬

盛漏海食米情形由內開呈悉樂清縣知事濫發運米護照處分已於蒸電飭遵餘如

所擬辦理仰卽知照仍將辦理情形速行詳晰呈報此令等因奉此遵查此案於本年

二月二十日准外海水警署第三區將米船及護照等函送到道卽經令行永嘉縣

知事一併管收一面查明胡萬盛實有影射私漏情事并據樂清縣知事呈覆亦稱該

商有無一照兩用情事自以截獲時有無護照呈驗爲斷等語因此卽照漏海向例處

分於三月六日訓令永嘉縣知事將截獲胡萬盛所運之米點明石數變價充公並將

處分詳情呈報 鈞署核示復經派員會同永嘉縣知事及水警區所派第九隊長俞

應堯於本月九十兩日將是項漏米逐一點驗過秤計毛重陸萬柒千柒百捌拾玖斤

除籬袋繩肆千肆百柒拾叁舫外淨收米陸萬叁千叁百拾陸舫分儲第一道倉劍號巨闕四廠一面並由永嘉縣知事將 職署 處分理由明白宣示嗣 道尹 聞胡萬盛有不
服處分之說故該項漏米現仍存儲道倉尙未變賣又於本月十六日奉 鈞長銑電
後即將辦理此案經過詳情明白宣布俾衆周知至該知事濫發護照及同泰行等所
訴水警巡官何高索詐說報各節均經 道尹 分別查明另文呈覆在案奉令前因理合
備文呈報仰祈 鈞長鑒核施行謹呈

呈省長齊爲呈送胡萬盛私運食米一案卷宗及辯明書文 七年三月二十九日

呈爲呈送胡萬盛私運食米一案卷宗及辯明書仰祈鑒核事竊查本年二月二十日
准外海水上海警察第三區函送截獲胡萬盛漏海食米及護照等到道即經詳細查明
按照向例處分並將處分及辦理經過詳情分別宣布呈報在案茲據胡萬盛等以不
服處分聲明提起訴願並呈遞訴願副本前來理合依法添附辯明書連同原卷一併
備文呈送仰祈 鈞長鑒核施行實爲公便謹呈

謹將胡萬盛不服處分漏米一案添具辯明書呈請 鑒核

查胡萬盛等私運食米一案業經查明處分並將辦理此案經過詳情明白宣布在案茲據呈遞訴願副本前來核其所舉不服之點大致有七特爲分別辨明如左

一謂此次運米報由縣署給發護照手續完全不應認爲私漏等語

查該護照不能認爲有效之理由已經詳晰宣示該訴願人既不能提出反對之證據僅以既領護照卽非私漏等詞支吾聲辯實屬毫無理由

一謂水警不應橫加干涉等語

查嚴禁私漏水警本有協助之責此次該訴願人私運食米先經該處民人曾廣澤等得悉報告水警第五分隊長該分隊長因其不能繳出運米護照卽將米船扣留解區核辦係屬應盡之責任且業經查明該分隊長當時並無索詐情事該訴願人自知無可置辯欲以橫加干涉等詞爲不服處分之張本亦無理由之可言

一謂道尹不應直接處分等語

查甌屬處分米麥私漏案件向由道尹主持有前任移交卷宗可稽此次截獲胡萬盛私漏食米既係牽涉樂清知事之不遵呈准原案濫發護照更應由道處分況此案處分情形已經呈奉 省長第二五五七號指令准如所擬辦理尤非該訴願人所能藉口

一謂議將米變價充公召賣認購等語

查此項漏米本可依據向來慣例卽予變價嗣聞該訴願人有異議故僅將該米發存道倉藏儲一則可保米不變壞二則可免船戶拖累本未變賣何庸該訴願人過慮

一謂運米在先領照在後係偏聽水警一面之詞等語

查此次截獲該米船在二月十七日解到水警區在二月十八日至胡萬盛將護照繳區則在二月十九日上午十一時是米與照何得謂未曾相離米船解區在十八日胡萬盛繳照到區在十九日何得謂出於該水警同時一手之解送況當截獲之

時該胡萬盛僅能繳出船照及炮械照各一紙並不能繳出運米護照現均有水警區長來函可證如果當時已領有運米護照何以僅繳船照砲械照而不繳米照且十七日截獲之船何以直至十九日始行繳到耶其爲理屈詞窮卽此可見至謂既獲米何不卽行解道等語查水警分隊係隸屬於水警區長自應呈解本管長官轉解此尤一定之理該訴願人以此爲藉口更無理由可言

一謂護照內既明明指定運銷平陽不應認爲運往福建等語

查護照內註明運往平陽鎮霞關平陽本係產米最多之區該縣紳民方以穀賤傷農要求出口該訴願人既係經營米業斷無不知之理既知其存米甚多而猶運米至該縣銷售自甘虧本天下安有如此之愚人且鎮霞關在平陽縣境之南卽爲福建分界處其爲運往福建並非運往平陽實屬毫無疑義尙復何辭可辯

一謂該米爲同泰慎裕兩號合辦前因情急發電具名不免互異等語并照抄樂清縣護照一紙爲證據等情

查前奉 省電有鄭解等電稱水警何高索詐誑報等情曾令行樂清縣知事查明鄭解係樂清勸學所長電訴水警巡官實未與聞是該訴願人捏名背列證據顯然至樂清縣護照該訴願人繳區後卽由區送道存卷該訴願人從何抄得如依該訴願人自稱照米未曾相離水警截獲時米與照卽同時解送則該照更從何處抄得豈該訴願人預知必被水警截獲而預抄一份乎其前後矛盾尤無價值

綜上以觀該訴願人所舉各點均無充分理由惟既據提起訴願自應依法辯明
如右

電呈省長齊起存胡萬盛漏米已發潮熱擬請先行變價文 七年六月八日

杭州省長鈞鑒胡萬盛漏海米本儲道倉現據永嘉縣知事面稱米已潮熱應否先行變價存款乞電示道尹慶瀾叩灰

呈省長齊轉報胡萬盛私運食米認罰情形文 七年六月二十四日

呈爲據情轉呈事竊查胡萬盛私運食米出海一案前經 署處分後該商業已提起

訴願所有存倉之米因據永嘉縣知事報告驗明已經蒸變當即電呈旋奉 鈞長銑電准將該項存米發交商會具領變價專款存儲等因遵即轉令永嘉縣知事及商會遵照去後茲據該商會會長葉維周副會長楊振炳等呈稱案奉鈞署訓令第四五二號內開案查胡萬盛私運食米出海一案前經本公署調查明確予以充公之處分所有起獲之漏米令縣點明數目暫存道倉在案現在胡萬盛已向 省長公署提起訴願其存倉之米據永嘉縣知事面稱驗明已經蒸變當即據情轉呈茲奉 省長銑電內開胡萬盛案存米既據驗明勢將霽變應准發交商會具領變價專款存儲仍候核辦等因奉此除令行永嘉縣知事遵照辦理外合行令仰該會即便知照此令等因奉此正擬具領變賣間旋據商民胡萬盛帖稱竊商在樂清縣七里地方開設豬行兼於開運米禁期內爲客商採辦穀米本年二月十七日商人辦米五百石僱船運往平陽鎮霞關請有護照正擬出口被水上警察查獲解送水警第三區轉解道尹公署奉示以獲米在先呈照在後照章應予充公等因在道尹公署維持地方民食商人何敢置

喙惟其中詳細情形不得向貴會陳明者查是項米照係二月十五日請領二月十七日驗放因恐是日潮汎不及故要求縣委照填十八日驗放當將米照交由船夥收執嗣因水警查無護照遍尋該船夥不見想係該船夥將照移抵別船希圖一照兩用商人實不知情第此項米食實無漏海情弊商人失於覺察咎由自取本無不服之言惟商人成本過重此項資本全係息借而來頃聞貴會奉道尹令開以是項存米恐將霉變應准發交商會具領變價專款存儲仍候核辦等因商人益覺恐慌伏請體念商人困難轉呈道尹格外鑒諒准將原米發還保全商本至商人失於覺察自願罰洋六百元等情前來據此查私運食米例禁綦嚴予以充公之處分本爲正當辦法茲據該商胡萬盛所稱各節其護照實被船夥貽誤該商並未知情較諸有心私運者應有區別況天時漸熱米易蒸變可否予以從輕處罰准將原米發還理合備文代爲呈請察核示遵等情前來據此查此案業由胡萬盛提起訴願自應靜候 鈞署決定惟既據該會長等代呈情形理合備文轉呈仰祈 鈞長俯賜鑒核實爲公便謹呈

批曾廣澤等呈爲發還變價未得其詳祈明白批示由 七年七月十六日

呈悉查此案前經本公署處分後據胡萬盛聲明提起訴願當將原卷呈送嗣因存倉之米已經蒸變呈奉 省長核准將該米發交商會具領變價存儲去後旋據該商會轉呈胡萬盛自願罰洋六百元請將原米發還等情姑准據情轉呈並批示在案茲奉 省長公署第六七五七號指令內開此案現經派委查明實在情形該商既願認罰銀六百元准將原米發還由道取結呈報銷案等因本公署自應遵照辦理仰卽知照此批

呈省長齊爲遵議胡萬盛私運食米罰款提賞及用途情形文 七年八月三日

呈爲呈報胡萬盛業已繳款領米並遵議罰款用途暨酌賞數目仰祈鑒核事本年七月十一日奉 鈞署第六七五七號指令 職署轉呈胡萬盛漏米一案據商會呈懇從輕處罰請示由內開呈悉此案現經派委查明實在情形該商既願認罰銀六百元准將原米發還由道取結呈報銷案其罰款應如何撥存及酌賞并仰妥議呈核至該道

前送是案卷宗俟呈到再行檢發仰即遵辦并令由商會轉知該商遵照此令等因奉此遵即令由商會轉知胡萬盛去後茲據商會轉繳胡萬盛認罰銀六百元並領米切結一紙請核收備查等情前來據此道尹查胡萬盛之漏米係由民人曾廣澤等報告經第九隊水警查獲其充賞一節向例提撥四成惟此次罰款較多擬酌提洋一百元以充賞金至該項漏米查獲後過秤存倉各項運費共用洋八十六元七角零二釐前由永嘉縣知事暫行墊付並據造冊報到有案亦應於罰款內如數提還尙餘罰款洋四百十三元二角九分八釐擬充地方公益之用查永嘉監獄看守所朽敗窄小春初即已發生疫癘道尹目擊情形殊深憫惻因即提倡勸募重行建造實計需洋四千三百五十元所勸募之款尙祇三千五百元不敷尙鉅擬請即將此項罰款盡數撥充建築監獄看守所之用除指令商會將米發還胡萬盛領回並將領結一紙留道備查暨俟監獄看守所工程完竣後另行呈報外所有胡萬盛繳款領米及遵議罰款用途酌提賞金各情形理合備文呈報仰祈 鈞長鑒核令遵實爲公便謹呈

專案類三

廣濟輪船交涉案

共十八件

覆上海溫州旅滬同鄉會函

七年一月二十六日

雲雷仁兄大人閣下昨接貴會來函讀悉頗末普濟之刼慘不忍聞到此以後即經與招商局總辦施子香君切實商議選換好船行駛甌申前已奉達清聽並請閣下就近再與子香接洽大約此層或可辦到至資助貴會經費一節深愧力棉茲勉認洋五十元特囑啟友送上此寥寥者實不足以言補助想閣下及貴會諸君智珠在握必當有以維持而善其後也

致溫州招商局長施函

七年三月二十五日

子香仁兄大人閣下逕啟者滬甌換輪行駛改用廣濟甌人大不滿意而貴局抽調又確有爲難居間調停之法惟有請閣下商懇貴局每月除廣濟外其他大船多開數班庶幾對貴局營業亦不至多所窒礙質之高見當以爲然尙望鼎力進言迅予示覆並

希大駕速返甌江爲盼

致上海招商總局陳君輝庭函 七年十一月二十一日

輝庭老伯大人閣下茲有懇者溫滬交通自撥同華往來頗爲利便惟將來究竟派定何船貴局尙未確定此間人心以小船不敷裝貨頗多疑慮各界再四要求函懇貴局務必另派大船來往以順輿情萬勿仍撥廣濟致生惡感務乞老伯竭力維持并懇轉商董事會諸公至爲感荷

電督軍省長文 七年十二月二十七日

杭州督軍省長鈞鑒廣濟已回聞滬局不再來輪電商無覆商業頓滯險象可虞乞電部飭局速換新輪來甌並結束普濟案以資維持慶淵叩沁印

公電督軍省長文 七年十二月二十八日

杭州督軍省長鈞鑒據永商會呈以廣濟開回後滬局有年內主張停輪之議商情惶悚因於二十七日集議僉以年內停輪各貨積滯金融恐慌險象環生再請各官廳聯

銜據情電省飭滬局年內輪期照常行駛輸運貨物弭患無形等情查該會議決理由頗爲正當現在溫屬貨物急待輸運滬局自應顧及公理共維商業照常派輪來往免致激成事端爲此據情電呈伏乞迅賜電部及滬局舊曆年內務派新輪往來以順輿情而免意外道尹黃慶瀾監督徐錫麒統帶梅占魁知事張濂警察局長曹鑄叩勘印
電上海招商總局文 七年十二月三十日

上海招商總局董事會鑒梗電未得覆茲奉 督軍省長電令迅商貴局照常派輪來溫等因年關將屆金融恐慌務望顧全商業航路主權迅卽照行並電覆盼切黃慶瀾卅印

代電永嘉縣商會奉 省電招商派輪來甌已電 部交涉文 七年十二月三十一日

永嘉縣商會會長覽頃奉 督軍省長 艷電內開儉電悉並據永嘉商會來電已據情再電

交通部飭局卽日派輪赴溫並設法改派新輪以慰衆望此案昨於勘電已申明普濟善後及派輪換輪各節皆爲官廳最爲注意之事自當竭力向 部交涉但與某案

應由法庭解決者界限亟須劃清不得牽涉誤會致生枝節至於防範地方保護行輪該道尹統帶等應負完全責任仰即遵照並轉行商會知照等因奉此合亟電仰該會長等知照道尹黃卅一印

電督軍省長文八年一月一日

杭州督軍省長鈞鑒普密奉勘電後即遵電滬局仍無覆現溫商會迭接滬同鄉會電以與局屢議無效商由日輪研究丸開溫商局乃擬放廣濟抵制等語研究丸果來有礙航路主權如已訂妥勢難阻止且須滬局確有輪來照常交通始能議阻日輪乞電部飭局力顧大局一面已飭商會電詢確實再聞慶淵叩卅一印

電督軍省長文八年一月一日

杭州督軍省長鈞鑒普密頃溫商會以滬同鄉會電確定研究來溫開會贊成已電覆照行滬會與該輪條件尙未詳在甌商急無能擇滬局態度迄不表示乞示辦法慶淵叩東印

代電永嘉縣商會文 八年一月二日

永嘉縣商會

葉

會長覽本月二日奉

督軍
省長

東電開卅一電商會先電均悉溫州滬同

鄉會自訂日輪有礙主權仰即轉飭商會切實禁阻現已分電院部並電滬局即日派輪如果該局仍持前議應由官廳妥籌辦法該商會不得輕率舉動轉礙大局並仰轉飭該商會遵照等因奉此合亟電達希即遵照切實禁阻並迅見覆道尹黃冬印

電

督軍
省長

文 八年一月五日

杭州督軍省長鈞鑒普密頃接滬局電俟有船到埠再酌派來溫又滬同鄉會電稱招商故意刁難商民憤激異常已商甬商暫租研究丸開溫貨已報關抵溫仍泊雙門埠乞俯順商情主持一切等情查租借研究迭經遵飭商會去電阻止茲據稱已報關裝貨招商又無確復時近年關商貨停滯市面恐慌但查馬關條約日船不能來溫事出兩難電信耽延隔膜深恐不及可否乞派委員往滬就近與局會交涉并電滬交涉員查明阻止妥定辦法伏候 鈞裁倘研究竟懸日旗來應如何辦法乞示遵道尹已電

詢滬會矣道尹慶瀾統帶占魁叩歌印

電督軍省長文八年一月六日

杭州督軍省長鈞鑒魚兩電敬悉現甌局接滬電已派同華庚日可到日間又逕電滬會阻止矣餘俟接洽再聞慶瀾麻印

代電永嘉縣商會文八年一月六日

永嘉縣商會葉唐會長覽頃奉督軍省長魚電開歌電悉又電催滬局速定日期派輪

赴溫並派員赴滬調查一切研究務須嚴阻如招商派輪無期商貨停滯擬即調派超武兵艦赴溫暫代輸運以資救濟仍傳諭商會知照等因又據招商甌局函稱接滬局電同華初七直甌望派領港等情合亟電達知照并希立電滬同鄉會切實阻止研究萬勿開放來溫致多事端道尹黃魚印

致甌海關徐監督函八年一月六日

叔蓀仁兄大人閣下敬啟者研究丸來溫一節關係至爲重大似應詳加研究所謂利

益均沾之說其界限如何倘謂一國有約他國即可同沾利益則一國訂約各國均可用之又何必各訂各約弟意所謂利益均沾者或是甲國訂一特別條約乙丙兩國亦得援利益均沾之說各訂一約如從前俄羅斯租旅順英即可援例租威海衛法即可援例租廣州灣之類似非俄租旅順後英法即可援例在旅順與俄同沾利益又所謂利益者或如上海爲公共通商口岸故各國得均沾同一之優待利益部見解釋如此不識閣下以爲然否尙祈有以教之且此事應否與稅務司先行接洽探明口氣之處務望酌行示覆爲盼

電江海關馮監督文 八年一月七日

急江海關馮監督鑒徵密請迅轉時事新報館張雲雷頃杭州兩峯來電以研究丸掛旂到溫務須嚴行拒絕以保航權如招商無船商貨停滯擬即派超武兵艦赴溫暫代輸運等因詞意固屬嚴切商情亦極顧全務乞迅商在滬甌商阻開以維大局黃慶淵
徐錫麒魚印

電督軍省長文 八年一月十五日

杭州督軍省長鈞鑒招商同華真日到溫預飭水陸隊警嚴密保護今晨平安出口特聞道尹黃慶瀾監督徐錫麒統帶梅占魁叩成印

致上海招商總局函 八年二月十日

逕啟者去臘承貴局派同華來往甌滬交通利便商民稱頌惟聞同華又須入塢修理今年另派何船尙未確定商民深恐廣濟又來船小不能多裝貨物因此又起恐慌僉來要求函商貴局除廣濟外無論何船均惟貴局之命濶等默察情形互相商榷亦以廣濟不再來甌爲安爰特公函奉商務希體察輿情另派他船來往至爲盼禱此致

電上海招商總局文 八年二月二十日

上海招商總局董事會鑒此次仍放廣濟來甌商民非常憤激拒絕裝貨以後請速換好船來甌免滋事端至禱慶瀾號印

甌海觀政錄卷七目錄

專案類四之一

改組甌海道育嬰堂案

經費 共六十五件

專案類四之二

改組甌海道育嬰堂案

追租 共十件

專案類四之三

改組甌海道育嬰堂案

建築 共五件

專案類四之四

改組甌海道育嬰堂案

管理 共二十一件

專案類五

創設舊溫屬廣濟院案

共十九件

專案類六

創設永嘉縣蒙養園案 共三件

專案類七

創設舊溫屬女子師範傳習所案 共六件

專案類八

議創道立清節堂案 共二件

甌海觀政錄卷七

專案類四之一

改組甌海道育嬰堂案

經費 共六十四件

訓令樂清縣知事查覆該縣向解育嬰堂田租款項何以停解文 七年四月八日

查永嘉育嬰堂經費向有該縣撥解塗田租款錢二百餘千該款現已停解多年是何原因有無提撥他用合亟令仰該知事迅即查明剋日具覆候核切切此令

代電平陽縣知事查楊慕汾捐助育嬰堂田租有無短欠文 七年四月九日

平陽縣葉知事覽查該縣楊姓捐助永嘉育嬰堂塗田租款是否向由該縣署經收轉解民國元年至本年止有無短欠仰即剋日具覆並檢元年起永嘉縣收款回文送候察核如由楊姓逕解亦仰該知事按照上開事理明白查覆毋得稍延切切道尹黃佳指令樂清縣知事查覆該縣向解永嘉育嬰堂塗租現充接嬰經費由 七年四月十七日

呈悉該縣向解永嘉育嬰堂塗租一款既經公議收回充助該縣接嬰所經費同一慈
善用途於彼於此本屬無分畛域但該縣育嬰堂及添設接嬰所辦法是否妥善各該
董司等能否實心經理仰該知事親往調查確實迅卽具覆候核毋稍徇隱此令

指令平陽縣知事查覆該縣塗租撥充育嬰堂經費情形由

七年四月二十七日

據呈已悉永嘉育嬰堂經費支絀現正逐款整理原有該縣塗租一款現充學校經費
既係聲明暫時借撥自應照舊收回仍歸堂用霞做等校由該知事另行籌款撥濟仰
卽具覆候核楊慕汾應繳六年分租息亦應早日解清不得延欠併卽轉飭遵照此令
收據兩紙揭還

訓令永嘉縣知事將育嬰墊款逐一詳細具覆文

七年五月二十三日

查據該縣前知事五月八日呈稱育嬰用款自四年十一月一日起截至本年五月六
日止所有經手該堂各款逐一稽查收支相抵計續墊銀三千二百九十一元四角六
分四釐接各任墊款共銀五千七百元四角三分三釐等語查文內既稱逐一稽查收

支相抵則育嬰收款之足相抵用不須虧墊可以想見所稱墊銀五千七百元有餘究竟從何項款目挪借是否公款抑係私款曾否呈准有案各前任轉輾相墊究有若干之數前任有無移請歸墊後任有無派員確算所墊各款有無完全確實之證明來呈均未分晰明白殊屬含混合行令仰該知事迅將上項指飭各節逐一分別確切查明尅日呈道以憑核辦毋稍混漏遲延切切此令

訓令清理育嬰堂委員清查嬰堂塗租文 七年五月二十七日

查溫郡育嬰堂之設立原爲保育嬰孩公益地方起見自經辦不得其方遂至諸務廢弛積弊叢生欲求改良辦法宜將根本清釐查堂內稻草沙白各地額徵冊向有定數究竟歷年陞漲若干畝倒坍若干畝其中有無弊混亟須澈底查明至各個戶租款所給糧串有無大頭小尾之弊繳租時有無仍收從前陋規私加串費之弊其租錢完繳不足之戶是否給與串票有無不給串票閱時卽報民欠或倒坍而冊書暗中依舊照收之弊本道尹將該堂收歸公署自辦務在積極整頓現刊就清理田租之程式冊籍

為經費上第一層之整理合行令仰該員按照所指各節督同堂內經手冊書尅日秉公清查據實呈覆核辦毋稍徇隱切切此令

致自治委員顧函 七年五月二十八日

逕啟者查永嘉育嬰堂積弊甚深業經由本公署呈准 省長收歸自辦以資整理欲求改良之辦法先貴經費之統籌查該堂常年收入除塗租等項外所有房租典息向歸執事經收繳縣此項屋租舖息各國多以人民生活程度之增加為比例現在各住戶有無拖欠租錢能否酌加幾許際此經費竭蹶之時欠戶未交者應速催繳原租太少似當酌增典息原定本微今昔時已不同能否議加此外更有何項妥善增加堂內收入之方法并希一併從長計議從速見覆以資進行而重公益此致

訓令清理育嬰堂委員督書填註塗租畝數文 七年五月三十日

查育嬰事項先從整理款目入手而款目重要尤以整理塗租為先本公署業經刊印清理畝數及田租兩項簿冊亟應分別填註以昭實在合行令發該員遵照迅即督同

冊書按照填註方式妥爲填註完畢呈道核辦如簿冊不敷應卽具文請領以憑續發并仰先將此次收到冊籍日期具報備查切切此令

擬改建永嘉育嬰堂募捐啟

七年六月

原夫二氣孕育萬物胚胎芸芸衆生獨秉靈秀幾希平旦判別人禽夫穀鯨之牛見猶不忍矧呱呱赤子義屬同胞忍聽其陷溺而不一援手乎古聖人體天地覆載之仁定轉相生養之法比使之保閭使之受黨使之救州使元明意至美也井田法壞古制澆微後聖有作師其意而變通之於是唐元和下育嬰之詔宋淳祐創慈幼之局迄於清初廣溥仁恩嚴禁溺女救濟之法首重育嬰公衆捐輸風行全國永嘉育嬰堂之建設肇於乾隆十二年斟酌今古法非不良無如積久弊生成規將替慶湖服務甌海補偏救弊義不容辭恤弱憐貧情豈得已擬擴育嬰之範圍附設貧兒之院落留堂哺乳較諸寄養於外款不虛糜立校課書兼爲無力之家扶其後起所望仁人君子矜卹羣生共發慈心襄成義舉或輸之粟或捐以金本惻隱之懷廣生成之化德侔父母福在子

孫敬代明兒掬誠請命

訓令育嬰堂董事等籌畫經費辦法文 七年六月三日

查育嬰關乎生命經費乃其本原欲求改良之方先資整理之術該董等熱心公益不辭勞怨本道尹夙所深知際此堂內常年經費支絀之時其顧慮盡籌情有同具原有收入應如何設法整頓額外開源應如何着手舉辦任事既歷多年諒不至漫無應付合行令仰該董等遵照迅即會同黃委員慶雲通盤妥籌擬具辦法呈道核辦勿延切切此令

訓令顧自治委員整頓嬰堂房租文 七年六月三日

查育嬰堂房捐一項爲經費收入之一宗茲查該堂經費出入不敷甚鉅亟須將原有收入厲行整理收支方能適合嬰堂乃可保全各戶所定租金尙係從前數目其有開設舖戶房屋較爲完美者應即比照市面通例加增租錢更有輾轉換租如某甲原租若干轉租某乙暗增若干對於堂內仍用某甲出名似此弊竇迅應查明合行令仰該

員遵照通知各該住戶分別加增租項并嚴查其輾轉易租之弊毋使再爲隱匿是爲至要並將辦理情形具覆候核切切此令

布告各鋪戶繳納育嬰堂月捐文 七年六月四日

爲布告事查育嬰關乎生命公益在所宜先欲辦法之改良貴經費之敷用本道尹目擊堂事腐敗急須易轍改絃各項款目正在清釐綜核收支不敷甚鉅查本城內外各鋪戶向有月捐一項當初既因樂輸認定事後豈可違反不交年來各鋪相率拖延赤子嬰孩大受影響如謂樂輸即可自便解釋已屬錯誤從前早經認繳按時應當履行本道尹爲保育生命起見自此布告以後除各鋪倒閉者當然取銷外其照常營業者以前陳欠既須補繳以後新收應卽照納在各鋪則出錢有限在嬰堂則受惠無窮各該鋪民誼屬梓桑事關慈善赴公踴躍不讓人先其有仍前抗延卽令該縣差追亦非本道尹之過舉合仰各該鋪戶一體遵照毋違特此布告

指令永嘉縣知事仍遵前令撥補育嬰堂經費由 七年六月十日

呈悉查永嘉育嬰堂本道尹收回自辦不過暫爲整頓起見該知事爲親民之官痛癢相關自屬責無旁貸現在清查各款稍見端緒前由商校移去之款從該縣公益費內撥補係 省長批定之案不能變更至以本道範圍令行各屬於地方公益項下提款撥用更屬窒礙難行且從前府制時代平陽樂清等屬雖有嬰堂租項係個人自願樂輸認繳並未有各縣分擔之舉遑論今日仰該知事仍遵前令妥籌撥補尅日呈道核辦毋再違延致礙育務切切此令

指令顧自治委員將育嬰堂經費查案具覆由 七年六月十二日

查嬰堂房租其貧戶及房屋破損者自應分別辦理至府前街一帶市店房屋尙多完整聞比照普通市面房價仍屬便宜按照市值加租亦爲公允正當其中有無輾轉租賃私自加增等弊該員並未遵照前令詳細聲復經此次清理之後延欠各戶如有仍前疲玩租錢欠至三個月者應押令搬遷仍嚴追所欠租金並先開具清單呈候察核典息按月既有一分五釐未便增加應無庸議至鹽捐一項從前每年約收四百元左

右民國二年鹽稅總局局長余鏡清以鹽捐停止呈准附加公費一成以充稟准有案之各費分配各機關之需用嗣迭經劉郭兩前知事咨局照領而代理鹽稅總局局長曹鑄咨縣文內忽稱附加一成公費所有應撥款目並未列有育嬰堂經費礙難追撥現本道尹正在澈查設法規復並仰該員併卽查案詳細具覆呈道核辦切切此令

致溫處督銷局函 七年六月十四日

逕啟者案查舊溫屬育嬰堂向有貴局每節帶收七釐之經費計算每年洋四百九十元之譜年分二期由府署備文領取民國二年四月十八日溫處鹽稅總局局長余鏡清咨覆永嘉縣馮前知事文開敝局於行銷鹽斤每節帶收嬰捐七文三成解省七成解府早經范前局長一律停止敝局長因恐各機關勢將停止關係於溫處兩屬者甚鉅故呈請附加公費一成以充稟准有案各費本年二月間方始實行應自本年二月分起援照向章半年請領一次以資補助而昭覈實又三年二月二十五日兩浙鹽運使公函內開准貴公署文開查溫處鹽稅局向有鹽釐附捐每年補助永嘉城區自治

及學堂嬰堂等款請自三年一月起由縣署直接請領等因查此案前准 浙江民政長函同前由已令飭溫處總局遵照矣各等因此爲民國二年定案也嗣經劉郭兩前知事先後催解由二年二月分起連同自治學堂等款撥解過縣而民國三年十月二十七日代理鹽稅總局局長曹鑄咨覆永嘉縣郭前知事文內忽稱查附收一成公費所有應撥款目業經趙前局長開具清摺呈請運使咨 部核准在案檢查原摺並未列有育嬰堂經費一項礙難追撥云云查鹽務附收一成公費專係接濟自治學堂育嬰等項而設案據俱在趙前局長開具清摺時根據何項批令無端打消育嬰一款現查自治學堂款所有一成公費照常支領育嬰事同一律自應遵照原案辦理該堂現由 敝公署呈奉 省長指令收歸道管切實整理核計常年經費不敷甚鉅此項原有一成公費係屬該堂專款亟須領用除函達溫處收稅官外相應函請貴局查照所有育嬰堂原定附收一成公費由民國二年二月起迄六年下半年止悉數照解 敝公署轉發該堂應用以資救濟而符原案實級公誼此致

致兩浙鹽運使袁函 七年六月十八日

巽初仁兄大人閣下敬啟者查舊溫屬育嬰堂向有鹽釐總局鹽捐項下歷由每筭帶收嬰堂捐七釐補入該堂開支之需每年約計洋四百九十元之譜民國二年四月十八日溫處鹽稅總局局長余鏡清咨前永嘉縣馮知事文內稱行銷鹽斤每筭帶收嬰捐七文三成解省七成解府是項捐款早經范前局長一律停收敝局長因恐各機關勢將停止關係於溫處兩屬者甚鉅故呈請附加公費一成以充稟准有案各費本年二月間方始實行其自本年二月分起援照向章每半年請領一次自應照准以資補助而昭覈實又民國三年二月十九日兩浙鹽運使公函內開准貴公署文開查溫處鹽稅局向有鹽釐附捐每年補助永嘉城區自治及學堂嬰堂等款請自三年一月起由縣署直接請領等因到司查此案前准 浙江民政長函同前由已令飭溫處總局遵照矣各等因此民國二三年之定案也嗣經前永嘉縣劉郭兩前知事先後咨催照解三年十月二十七日代理鹽稅總局局長曹鑄咨覆文內忽稱查敝局附收一成公

費所有應撥款目業經趙前局長開具清摺呈請運使咨部核准在案檢查原摺並未列有育嬰堂經費一項礙難追撥云云不知趙前局長何所根據無端將定案打消且查自治學堂兩機關照常支撥嬰堂事同一律案據俱在自應查照辦理斷不能使定案率爾消滅至使嬰堂不能支持現永嘉育嬰堂業經_嚴署呈准省長收歸道屬核計該堂常年經費不敷甚鉅舊孩勢將待斃新孩陸續增加倘不收養溺斃更甚計每年乳孩殤者幾及二百名固屬從前撫養未甚得法亦實該堂支款之實在不充現在亟須將原有款項切實整理多增一文經費即得多活一名嬰孩棄兒赤子聽啼嗚之可憐仁粟義漿庶生靈之可保苦孩累累經費區區除另由_嚴署公函溫處督銷總局外相應函達台端查照設法以資救濟而符定案趙前局長既漏開於前不能不賴執事維持於後倘因停撥已經數年正稅未便動支則請於竈課項下按年撥助洋千元在公家則籌助尙易在嬰孩則受惠靡窮懇希尊處令知溫處督銷總局自民國二年二月起至六年十二月止應行追撥之款查案照撥每年擬分四季由該堂具領佩

緝公誼當爲該堂數百嬰孩拜仁人之德矣鶴候示覆

致永嘉縣商會函

七年六月二十一日

逕啟者地方事務以公益爲最先公益範圍惟慈善爲尤要姬文以窮苦無告居首各國以慈仁普愛爲高天理人心各所同具古今中外皆無稍殊查永嘉育嬰堂創建多年積久腐敗辦理多失當之處房舍有傾覆之虞慶湖忝治斯邦目擊情狀改良規畫端緒繁多堂宇興修此時難緩業經派員估計約須銀幣四千元倘得建築完整嬰孩實賴保全并擬於堂內附設貧兒院或保節局以期慈善事業同時並舉惟計畫雖經肇始而經費頗告困難除由慶湖先助洋三百元并募由呂文起先生慨允三百元外不敷尙鉅相應函達貴會還希諸君子垂念梓桑同情振助邀集商首擇期開會既婆心而苦口自集腋而成裘倘能早日庀材工程告竣庶孤苦得資拯救撫心藉以稍安不但慶湖一人之忻幸已也

呈省長齊籌畫撥補育嬰堂經費文

七年六月二十四日

呈爲籌畫撥補育嬰堂原有經費請予鑒核令遵事竊查永嘉縣育嬰堂自道尹呈奉鈞長令准收歸道辦當即派員切實整理育務既須整頓財政更宜通籌查該堂每年收入舊額原有九千元之譜上年祇收六千餘元額支實在須七千數百元不敷尙鉅又爲商業學校撥去每年錢一千二百串文育嬰堂更告竭蹶前經該堂董事等迭次陳請民國四年五月十八日陳前道尹奉 巡按使批該縣郭前知事詳覆商校學款撥還育嬰堂支用由奉批學款不得移作他用育嬰堂不敷之款應卽由該知事於該縣公益費內酌量撥補以資維持等因在案此次由道尹訓令永嘉縣知事張濂遵批照撥茲據該知事覆稱查永邑地方各款多皆指定用途移撥爲難現在育嬰堂經費如斯支絀以目前而論祇有於公益費項下酌量提撥藉以維持惟思永邑全年實徵地丁銀約三萬二千餘兩兩可收入公益費銀元約六千元之譜但縣屬之勸學所講演所卹整會以及孤貧口糧等經費均經呈奉 省署核定多以公益費爲挹注故每年收入之款除去各項用度所存已屬無多現在奉令編查戶口所需經費八千元

亦在公益費內動支存款尤形短絀知事對於育嬰堂經費應籌補助之方面對於公益費亦宜兼籌並顧庶不致有竭蹶之虞再四思維惟有每年酌撥一成之數以資彌補如蒙允准伏乞據情轉呈 省長核准動撥俾符定例等情據此 道尹查此項商校移去之款本爲育嬰堂原有收入既由 省令指撥自應照案劃還俾育嬰經費得以維持而該知事所稱地方各款用途指定亦屬實情現擬每年於公益費項下酌撥一成較諸商校原撥之數雖未能適符原額而相去尙屬無多除俟該堂整理完竣擬具詳細辦法另行呈請核示外所有永嘉縣知事籌擬撥補育嬰堂經費緣由理合據情備文呈請 鈞長鑒核令遵謹呈

指令育嬰堂董事將坑租繳署支撥由 七年七月二十六日

呈悉此項租洋九十六元既分作四季繳堂本年春夏兩季應收洋四十八元是否存堂抑尙未收未據聲明殊屬含混現在本道尹派員整理堂務擬訂新章公役工食另有規定無所謂歲米節費等名目所收此等款項應列入育嬰堂正項收支如數呈繳

本公署聽候支撥仰該董事等迅即遵照辦理勿延切切此令

致浙江清查官產處處長汪函 七年七月二十八日

曼鋒仁兄大人閣下敬啟者查永嘉育嬰堂向有塗田一項稻草沙田不下三萬餘畝其每年所收租項爲該堂收入之一大宗前該堂董事李金奎等聞塗田有繳價之說迭次陳請并云民國六年浙江省議會第一屆第二年第二次臨時會議時備文陳請免繳永嘉育嬰堂塗田買價理由三讀通過照原案咨請 省長公布（原文查官產處分條例第一條凡非私有公有財產均屬官產育嬰堂當然屬於公有性質自應免繳買價）該董等所陳理由尙屬正當 公署查永嘉育嬰堂承管之塗田係專充地方慈善之用自屬公有性質核與 部頒解釋公有第一條第二條文義確相昭合應在免予繳價之列近聞尊處有主張繳價擬每畝帶收幾成附價充作育嬰堂基本金如果屬實未免誤會且帶收附價作基本金一層按諸該堂現辦情形事業上種種窒礙萬難辦到將來尊處清理沙塗來甌設局不難商量適當之辦法 公署現正整理

育嬰堂此事關係於嬰孩生命甚大既聞此說不能不函達台端諒尊處並顧兼籌國計與民生決不至有所偏畸也並盼見覆

致溫處督銷局函 七年七月三十一日

逕啓者接兩浙鹽運使署函開溫處鹽稅項下帶收一成公益附捐溫屬自治學堂以及善舉各機關均已照常撥領惟育嬰堂經費漏未列入致使呱呱者獨抱向隅情殊可憫業已指令該局轉商自治機關於原領常年經費項下自本年酌量提撥若干或會商各場知事於本年徵收灶課項下能否每兩帶徵五釐以充經費等因查此項公益附捐育嬰堂每年可得四百餘元無故漏遺影響甚鉅究竟各場灶課項下每兩帶徵五釐能否抵及原額數目或轉商自治機關提撥應請台端加意維持俾數百垂斃嬰孩得有所賴實緝公誼並希見覆是荷此致

指令育嬰堂房租委員呈報租戶李鵬欠租脫逃由 七年七月三十一日

據呈育嬰堂租戶華怡照相館東李鵬乘夜全家外出情形顯係圖逃殊屬刁狡該委

員經收房租本負完全責任平時既不嚴催清繳致該租戶積欠至一百六十六元二角之鉅又不隨時查察任令脫逃尤屬玩忽萬分應責成該委員嚴究中保務將前項積欠租款掃數追清方能脫卸干係一面姑准令行警察局飭警查追仰卽知照此令

指令前育嬰堂董事坑租仍遵前令繳署由

七年八月二日

呈悉上年冬臘節費等項有冬季收款動支何以將本年春季之款移用既經支銷姑無庸議至夏季收入之二十四元該董等前此具文請示顯見尙未動支此次來呈忽稱業已支銷先後矛盾無足憑信仰仍遵前令迅將存款繳署核辦毋再掩飾干咎切切此令

訓令育嬰堂總董點收陳鳴鏘等遷出空屋文

七年八月八日

據育嬰堂房租委員顧家駿呈稱育嬰堂租戶陳錫龍子鳴鏘卽岩淦陳祉生子岩榮岩煌等積欠租款私自遷出已呈縣押追又查飛鵬卷租屋自兩戶搬出後其中地板門壁窗戶等無一完全修費頗鉅等情據此除指令呈悉該委員經收房租本負完全

責任先既不加催追後復漫不查察致積欠較巨之戶紛紛私自遷移公款絲毫爲重
謬玩至此尙復何言陳鳴鏘陳岩榮岩煌積欠租款既經呈縣押追姑候令飭嚴催一
面仍由該委員根究各該中保設法追清不得以已請追究便圖塞責至該兩處空屋
內地板門壁窗戶等是否向不完全並候令行新董事查究點收此令並令行永嘉縣
知事將各該租戶等積欠租款嚴追清繳外合行令仰該總董即便會同該委員將該
兩處空屋先行點收並根究地板門窗等是否向不完全有無任意毀壞隱匿情弊現
應酌加修理需費若干切實查明具覆候核原呈抄發此令

訓令永嘉縣知事查覆戲捐指撥年分及何人經手管理文

七年八月十三日

案據舊溫屬六邑公民錢熊壩等呈以舊溫屬六邑每年所收戲捐有一千二百元今
年增加五百元合計有一千七百元之數除撥充蠶業學校用款二百元餘均撥作公
立藏書樓之經費惟現在藏書樓尙未開辦請將該款暫撥育嬰堂建築費等情前來
據此除批示外合行抄發原呈一件令仰該知事即便查明該項捐款指撥藏書樓之

經費究係何年撥起歸何人經收建造用費若干現在藏書樓由何人管理曾否購有書籍逐一據實具覆以憑核奪毋稍徇延切切此令

致黃君溯初函 七年八月十三日

溯初仁兄大人閣下頃奉手示誦悉顛末承慨助育嬰堂建築費深爲感謝人非草木未免有情詎肯輕棄已生委同溝壑竊念無告窮黎有待於休養生息者何可勝計今

弟僅聚此數百嬰孩撫而育之已是齊末之謀非揣本之計也猶蒙贊許深覺汗顏現擬就堂內另闢屋舍附設貧兒院期於教養兼施俾孩提可至成人以免參蠹之訕閣下其亦許之乎建築一節現已投標約須費六千元加以床舖褥被衣履什物等恐又非兩竿以上不辦現預計款項不敷尙鉅能仗大力再爲勸募尤所感盼弟不遑後顧決計進行林君佐新所認二百元及蔣君季哲續認一百五十元均約到京卽匯尙望代爲催之刻日興工急待款用愈速愈妙我公明達有仁心將來開會後尙望預約同志對於國計民生寬籌培本之策愷切建言臻於事實此則弟所馨香頂祝於兩院諸

公者也

指令黃委員呈覆塗租未能澈底清查由 七年八月十七日

呈及附件均悉查該委員奉令澈查將逾兩月本道尹以爲必能遵照指飭各節詳悉查明以資整頓乃察核來呈除將租穀佃種一二戶由鄉警具結塞責外其餘多未能切實澈底調查串票大頭小尾業經於清算帳項時查出多戶該委員呈內亦係含糊其詞僅以清摺所開不實希圖諉卸未免有負委任夫馬費應於本月停止不發仰卽知照此令

指令葉自治委員確查育嬰堂存典生息基本金額由 七年八月二十九日

呈及表冊均悉查該員前此呈送各典領狀所存基本金額與此次呈表核對周大贊項鼎盛兩典數尙相符其德豐典存錢一千九百八十三千三百二十三文洋二百二十九元四角四分四釐乃來表所列祇有錢一千零七十五千七百六十七文洋三十三元三角三分三釐又周善賢典存銀一千三百零五兩五錢五分五釐四毫八絲錢一

千八百八十八千八百六十七文洋二百十九元四角四分五釐乃來表所列祇有錢
二千一百零三千八百十四文洋三十三元三角三分三釐又通濟典存錢三千零十
一千三百六十七文洋二百十九元四角四分四釐乃來表所列祇有錢二千一百零
三千八百十四文洋三十三元三角三分三釐數目不符甚鉅合行令仰該員迅卽會
同育嬰堂董事郭鍾崧前赴各典確實查明限三日內呈覆核辦毋再含混除分令外
仰卽遵照切切此令

布告各舖戶改月筒捐曰育嬰捐並勸增益捐款文

七年八月三十日

爲布告事照得育嬰爲公益之急務經費乃辦事之先端本公署整理育嬰堂建築房
舍改良祛弊積極進行預算收支款項不敷甚鉅原有收入之款亟應逐一整理查各
舖戶向有月筒捐一項應改名育嬰捐名稱既正善業斯彰各該舖戶見義勇爲熱心
同具惟從前各戶所認爲數過微欲求生命之保全全賴額收之增益營業過小者或
予酌量停收其商業較宏者自當輸助勿吝除由該堂董事分途切實敦勸外合仰各

該舖戶一體遵照出其涓涓之錢以襄慈善之舉本公署有厚望焉特此布告

指令黃委員呈報塗田情形由 七年九月二日

呈及各件俱悉該員此次查出黃白沙塗及草塗升稻等地共四百餘畝並附佃戶鄉
警切結前來辦事尙屬認真本道尹聞各都尙有匿隱育嬰堂塗田不少該員仍應隨
時查報完竣此事方能結束至稱楊府山等處倒坍塗田免欠除名等情其中是否確
實應再另行派查除訓令嬰堂董事將所報塗田分別入冊外仰卽知照此令

指令顧自治委員擔任賠繳育嬰堂房屋欠逃租款由 七年九月三日

呈冊均悉查冊列欠租各戶應由該委員完全負責分別追清其逃匿無着者卽由該
委員擔任賠繳除將清冊發交該堂董事詳細核對並督同該委員將冊列前欠租款
剋日掃數追繳外仰卽遵照勿再誤延致干未便切切此令

指令育嬰堂董事將串票徵冊等項另查詳覆由 七年九月九日

呈及清冊均悉查塗租串冊一項關係育嬰堂常年經費之收入其串票錢數與徵冊

區、...
額數內容是否一一相符有無其他弊竇全恃該董等切實清查不避嫌怨堂務方能改良嬰孩乃沾實惠僅爲表面上敷衍之接收殊非本道尹整頓該堂之本旨林桂馨爲育嬰堂僱用司事該董等飭令核算呈文內既不應叙入作爲根據清冊上率爾署名蓋章尤屬荒謬總之該堂一切事項應由該董等完全負責除冊籍物件准予接收外其餘串票與徵冊等項仰該董等迅卽另行澈查確實詳晰呈覆原冊發還此令

指令黃委員澈查塗田仍前廢續進行由 七年九月十四日

呈悉葉史參徐式珍吳茂興三戶報升稻田二十六畝餘此項育嬰堂原有田畝自何年隱匿起類此當亦不少呈內所稱其餘各戶隨後報升等情應將各戶姓名先令鄉警開具清單究竟匿隱若干不難澈底查出王允光既有假造收條應催令迅檢呈署仰該委員仍卽廢續進行一面詳細澈查隨時呈覆至吳德豐葉芳楷等報出草塗沙白等地共三百六十畝候令育嬰堂董事一併覆加勘查後再行入冊合仰知照結七紙存此令

訓令永嘉縣知事籌畫動撥自治費接濟育嬰堂常年經費文 七年九月二十五日

案據育嬰堂總董張成謙董事郭鍾崧呈稱竊查育嬰堂常年經費雖原有塗租店租典息等項預算一切所入不敷所出爲數頗巨值此改良整頓進行辦法時間若非熟爲謀畫急急籌款維持一經勢成竭蹶恐欲進不能欲止不可縱有巧婦亦難爲無米之炊其如此數百口呱呱待命何設欲各處勸募事屬非易卽就地籌畫羅掘已窮董等言念及此顧慮萬分第以責任所關不得不未雨綢繆預思補救辦法查永嘉縣錢糧每兩銀帶徵自治費二角以全年收入核計可得帶收洋八千八百餘元左右內除動撥縣自治委員四員每員月支公費十六元又辦公費三十元全年共一千一百二十八元又一城七鎮自治委員八員每員月支公費十元辦公費十六元全年共二千四百九十六元又八鄉自治委員八員每員月支公費十元辦公費十二元全年共二千一百一十二元又城鎮學務員八員每員月支公費六元全年共五百七十六元又八鄉學務員八員每員月支公費五元全年共四百八十元外以上總共六千七百九十

二元尚有盈餘帶收款二千餘元存在育嬰本屬自治範圍現值經費支絀理宜挹彼注此提撥維持以免向隅董等公同會商擬請於前項盈餘內就中酌盈劑虛每年動撥洋一千元歸作育嬰堂經常之費一面詳請立案永遵辦理庶於孩糧等費可免缺乏卽論自治章程亦不相背揆理度情本無不洽爲此呈請察核等情據此查育嬰堂常年經費不敷甚鉅慈善事業本在自治範圍之內以自治費之收入供地方公益之需用理由自屬正當據呈前情合行令仰該知事查明每年自治收費究有盈餘若干並籌畫動撥情形迅卽呈覆毋延切切此令

指令黃委員呈報查明塗田等情形由

七年九月二十五日

呈及各件均悉吳斌報升稻田二十一畝餘黃白沙塗一百六十畝餘稻田是否係原有堂內之草塗黃白沙塗是否係近年倒塌抑實係新漲吳培增黃沙二十畝報升草塗新漲白黃沙五十畝報升完租本屬原有租戶有無其他隱匿潘新元等十七戶報升稻田似此應升不升之草塗各個必不在少數仰候令行該堂董事一一澈底詳查

以裕經費王允光擅造假收據並匿藏育嬰堂印冊候令縣傳追既有隱匿之塗田該
委員迅卽查明具覆爲要切切此令

訓令永嘉縣知事爲帶徵契稅以助育嬰堂經費酌議具覆文

七年九月二十六日

案據育嬰堂總董張成謙董事郭鍾崧呈稱竊查育嬰堂經費雖原有塗租店租典息
等項收數以全年計算入不敷出尙屬甚巨若非急急設法籌畫極力維持勢必孩糧
定形竭蹶恐育務將來不堪設想董等言念及此焦灼萬分不得不預爲顧慮妥籌善
後之策一再思維惟查得永嘉原有契稅一項定則每銀一兩收稅洋九分茲擬於前
項每銀一兩加洋一分作爲帶收育嬰經常要費以永嘉契稅全邑約計有六萬餘兩
年可得帶收洋六百餘元在出費之殷戶爲數甚微而孩糧集腋成裘則裨益實在不
淺揆情度理諒無不樂爲也爲此具文陳請察核准卽立案一面飭縣出示自本年十
月一日起隨稅帶收永遠辦理等情據此查育嬰堂常年經費不敷甚巨亟宜設法維
持據呈前情合行令仰該知事妥爲籌畫酌議情形迅卽具覆候奪勿延切切此令

訓令永嘉瑞安平陽各縣知事將各典存款換立領狀折合一種銀幣文

七年九月二

十六日

查舊溫屬育嬰堂經費向有永嘉瑞安平陽等各縣典當存款其本息有銀洋錢三種參差不一各典領狀又併列他項存款易於牽混現在整理辦法此項存款應一律折合一種通用銀幣應繳利息亦折成一律換立新狀呈道存案其非育嬰堂之款無庸列入嗣後月息卽由該堂備具收據直接向各典收取合行令仰該知事派委委員會同育嬰堂董事前往各該典接洽遵辦具覆至書院掩埋等款亦應各清界限由該知事督同經營人員依照辦理除分令外合仰遵照切切此令

指令育嬰堂總董呈請給串徵收玉環縣山租由

七年九月二十六日

呈悉查玉環寬寬嶼喜兒頭兩山租錢雖由黃紳直民認繳歷辦有案惟無畝分租數等清册可查漫無稽考流弊恐多仰該董等轉知黃紳迅將地畝確數及佃戶交租數目分別開具清册呈驗後再行給發串據此令租串暫存

致黃楚卿君函 七年九月二十七日

楚卿先生閣下逕啟者 敝屬育嬰堂向有溫處鹽局每筭帶收七釐之經費計算每年約洋四百九十元之譜爲補助撫育嬰孩之資歷經辦理有案民國三年二月兩浙鹽運使公函前永嘉縣知事文開溫處鹽稅局向有鹽釐附捐每年補助永嘉城區自治及學堂育嬰堂等款請自三年一月起由縣署直洽請領此案前准 浙江民政長函同前由已令飭溫處總局遵辦此爲民國二年後之定案嗣經縣署先後催解而民國三年十月代理鹽稅局局長曹鑄忽稱鹽局附收一成公費所有應撥款目業經趙前局長開摺呈使報 部原摺並未列有育嬰堂經費一項礙難追撥等語是趙局長一時遺漏無端將成案變更以致款無着落影響於育嬰甚鉅本年由 弟呈請 省長將育嬰堂收歸道辦以資整理查知堂內經費竭蹶異常遂根據定案函商袁巽初離使嗣接覆函允於各場徵收灶課項下每兩帶收五釐以充經費核計每年收入僅得數十元不但相距過遠況現在重建房屋擴充嬰額添設孤兒院經費更形不足須比較

從前原額四百九十餘元增加若干方能有以維持此次弟在省垣接晤巽翁談及做屬育嬰堂經常費之不足頗爲動容素欽台端持挈鹽綱關懷慈善倘能設法於舊額原數恢復之外再加增助則甌東數百嬰孩永沐仁人之賜矣鵠候嘉答不勝翹跂

訓令平陽縣知事追解楊慕汾霞做學校應繳堂租文

七年九月二十七日

查平陽楊慕汾戶每年應繳道育嬰堂田租銀四百元六年分應繳租款迭經令由該前知事轉催迄未繳到現在新租又屆育嬰堂需款孔亟未便再任玩延仰該知事迅催楊慕汾將六七兩年應繳育嬰堂租銀八百元限日解送來道以憑支撥如仍延緩即便傳案追繳再該縣霞做學校本年起應繳育嬰堂塗租錢九十千文亦催迅即繳解嗣後均須年清年款不得拖延並分飭知照仍具覆候核切切此令

布告玉環縣寬嶼等處迅納育嬰堂山租文

七年十月二十六日

爲出示曉諭事案照甌海道育嬰堂項下應徵玉環縣寬嶼喜兒頭西山地方租錢歷經司事黃直民帶串往徵在案現屆開徵之際據該司事遵章預繳租錢一百八十千

文前來除照案給諭並派役催完外合亟出示曉諭爲此示仰寬嶼喜兒頭西山佃戶人等知悉爾等承種山田應交本年租息務照徵額輸完由該司事徵收歸墊不許絲毫減少並將陳欠一律照數備齊補完不准再行蒂欠倘敢抗延一經指稟定卽按名飭提送縣從嚴究追決不稍寬各宜凜遵勿違切切特示

指令平陽縣知事呈繳楊慕汾戶應繳六七兩年育嬰堂租款由

七年十一月五日

呈悉並據永嘉縣知事呈解楊慕汾繳到六年分育嬰堂租款銀三百三十三元四角六分五釐黏串四張前來查楊慕汾先人楊德音於清道光間捐助育嬰堂腴田四百畝額定每年由佃繳租錢四百八十千二百文有碑記可證此項田畝既經捐助育嬰堂卽不應仍由楊姓後人領回認租當時是何原因無卷可查領回之後認繳租款又何以短去八十餘千文種種辦法本不甚妥現在楊慕汾復於認繳款內扣除糧額坵租近來穀價日貴一日豈此四百畝腴田之收入於每年認繳之四百元尙有不敷乎抑楊慕汾未能曲體先志乎究竟此項田畝每年實收租穀若干折合銀元若干楊慕

汾領回之後以前姑不追究惟自民國以來元二三年完全收入及四年分起除去解到嬰堂認租外歷年所餘租款移抵何用關西學校經費年撥若干所稱坍去田畝究有若干仰該知事迅即逐一查明限文到十日內切實具覆候核至楊慕汾當時稟准將是項田畝領回認租必有府縣批諭存執並着檢齊呈驗毋稍徇延切切此令

致育嬰堂董事函 七年十一月十三日

逕啟者該堂每月報銷冊應將收支之款全行列入前據呈送八九兩月報冊於塗租大宗之收款全未列入殊不完全應即另造送核且該堂每月收有整款解存本署至兩期散給薪糧時來署領款支放一解一領祇此一款在流水簿不能不有此收付之登記在月報冊萬無一款兩列之辦法此項轉賬另造時應即刪去所收租塗應註明新陳房租等項應註明年月再本署前發表式四分迄未填送并希迅填候核萬勿稍延此致

指令平陽縣知事呈育嬰堂存典款折合銀幣情形並夏季息銀已交永嘉縣公署由

七年十一月二十一日

呈悉制錢折合銀幣自有時價何謂向例款屬善舉典商爲大資本家尤應力顧公益豈能視爲尋常貿易意爲高下仰卽按照時價折算迅令該典商換狀呈核毋得再延至應繳息銀前經令知由該堂備具收據直接向收該典商嗣後如自來繳解亦應逕交該堂毋庸再交永嘉縣公署多所周折其夏季息款現經面詢張知事據稱並未據該商繳解到署究竟因何錯誤並仰迅行查覆並轉飭知照此令

呈省長齊請將漏米充公款項撥充道育嬰堂建築經費文 七年十一月二十九日

呈爲呈報漏海米石充公款項撥充道育嬰堂建築經費造具清冊仰祈鑒核事竊查舊溫屬永嘉及瑞平樂玉等縣均係出產米麥之區閩船往來時有夾帶偷漏情弊前經道尹呈奉 鈞長第三四八六號指令預定米價最高限度給發護照運濟內地查有弊端照例罰辦等因遵經刊發護照通令產米各縣遵照辦理並知照水警切實稽查在案惟少數奸商影射弊混仍復在所不免迭經水警查獲後飭縣訊明分別處分

所有變價及罰交充公款項係屬行政範圍自應撥作地方公益之用茲查道育嬰堂房屋由道尹發起捐款改建業已動工計標定工料價銀五千六百一十元又落成以後預計添置器具衣服一切改組各費約需銀二千餘元現在已經募集之款僅得半數不敷尙鉅擬將前項米案充公之款除去開支提賞等費實存銀一千七百八十五元二分二釐悉數撥充該堂建築工程款以資補助理合造具清冊備文呈請 鈞長鑒核備案並祈指令遵行實爲公便再育嬰堂工程及添置等收支各款擬俟工竣改組後專案呈報合併呈明謹呈

指令顧自治委員呈追收積欠房租情形由 七年十二月四日

查該員經收嬰堂房租積欠至四百餘元之多迭經令飭追繳又遲至五閱月之久連同各住戶扣抵修理房捐等款一併合算僅收有一百十四元三角八釐便圖脫卸干係萬難照准仍將現住各戶積欠銀八十五元五角九分五釐按戶嚴追掃數清繳華怡等逃匿各戶欠數尤多該員平日既不追催臨時又無覺察更屬咎無可辭如果查

追無着應由該員照數墊賠以重公款統限於半月內具覆候核毋再宕延致干未便此令清單收據存票二紙限字十一紙發還

布告育嬰堂舊有八都及二十都等處塗租速赴堂完納文 七年十二月五日

爲布告事照得永嘉育嬰堂業由本公署收歸道屬該堂舊有八都社田及二十都太平嶺三十五都箬岙等處塗租前被王允光隱匿私收茲經查出發縣訊辦並收該項田畝飭董清查編造冊串照額定租各該塗戶貪圖小利私相容隱不出首報本應照律究辦姑念無知受愚寬其既往不予深究其自本年分起所有前項塗租應逕赴該堂完納並各將本年分應完租錢趕速到堂掃數清繳不得分文拖欠如再玩延定卽飭差查拿令縣究追斷不稍寬其各凜遵毋違切切特此布告

呈省長齊請酌提自治餘款補助育嬰堂經費文 七年十二月七日

呈爲育嬰經費不敷擬酌提自治餘款以資補助仰祈鑒核事竊查永嘉育嬰堂前由道尹 呈奉 鈞長令准收歸道管後卽經遴選新董接管堂務該堂向無規定辦法腐

敗已極欲加整頓須先明定章程而房屋朽舊非經全部改造不能適用公款支絀無可籌撥因由道尹捐廉發起募集捐款業於九月間開工一經落成卽照草議章程實行改組惟預算經費建築開辦等臨時支出尙可勉力籌募常年開支不敷尙巨非先定有的款着手無從據該堂總董張成謙董事郭鍾崧等呈稱永邑自治經費年可收銀八千八百餘元額支僅六千七百九十餘元計盈餘二千餘元育嬰堂經費支絀請將此項自治餘款每年撥補銀一千元以維善舉等情當以育嬰堂爲慈善事業本屬自治範圍該董等所請酌盈劑虛理由亦屬正當迭經令行永嘉縣張知事濂核議去後茲據覆稱業經令由縣自治城鎮鄉自治各委員迭次開會集議據委員方壽康等聯名呈稱育嬰堂經費不敷尙鉅非有的款誠難爲繼但自治經費由議會籌定關係全縣如經常爲例固非委員等少數所可主張惟在自治會未回復之時議於自治經費串捐項下自本年分起每年撥銀一千元補助育嬰堂不拘期限等情轉呈前來道尹察核該自治委員等所議辦法於育嬰自治雙方兼顧且經開會公決自可照行除

指令並咨照財政廳外理合備文呈請 鈞長鑒核備案實爲公便謹呈

指令平陽縣知事呈查覆楊慕汾歷年經收育嬰堂田租收支冊件請核示由 七年十

二月九日

呈及清冊抄件縣卷均悉楊慕汾經收道育嬰堂田租既據該知事呈請自本年起每年實繳育嬰堂租銀四百元不再扣除完糧垌租等款姑予准照令將七年分租款迅速繳來嗣後按年於年內掃數清解不得延欠其關西學校經費如有不敷仍責令楊慕汾完全維持以期雙方兼顧仰卽轉飭遵照清冊抄件存縣卷發還此令

覆兩浙鹽運使袁函 七年十二月十七日

巽初仁兄大人閣下前奉手教祇悉一是此間育嬰堂鹽款承示以地方官廳名義勸令鹽行常年酌捐一節經卽飭令該堂董從長計議迄無端緒昨日鹽商胡少璇君來署談及此事據稱溫屬鹽業每年約十萬筭之譜如每筭認捐銀一分可得千元爲數不多渠極贊成各商亦不致爲難惟溫屬鹽業以黃楚卿君爲首領如能邀之來溫渠

當召集各商開會議定云云現在育嬰堂經費不敷尙巨弟意能每籌達到二分最妙黃君首肯各商亦決無異辭務懇閣下商令踴躍捐助如能於旋里時來溫一行會集各商當面通過尤爲妥貼聞周議長鹽務中亦極占勢力並乞轉囑黃君就近商妥一再煩瀆感竊無似並祈示覆

訓令育嬰堂董事自治經費餘款補助該堂抄案飭知文

七年十二月三十一日

案據該總董等呈稱育嬰堂經費支絀請於永邑自治經費項下每年撥補銀一千元以維善舉一案迭經令據永嘉縣張知事召集城鎮鄉各自治委員集議公決自治未經回復之前於自治經費串捐餘款項下自本年起每年撥銀一千元補助育嬰堂等情呈覆前來業經指令照准並呈奉 省長指令准予備案暨咨財政廳查照在案爲此抄錄原案令仰該總董等知照此令

代電平陽縣知事催楊慕汾戶霞做學校應繳七年分育嬰堂租銀文

八年一月九日

平陽縣葉知事覽查該縣楊慕汾戶應繳道育嬰堂七年度田租銀四百元前經令由

該知事轉限於上年底掃數解清迄今尙未繳到再該縣霞做學校自七年起應繳道育嬰堂塗租錢九十千文前稱園藝尙未收成展緩一月現亦逾限已久分文未繳育嬰堂需款孔亟未便再任玩延合亟電仰該知事分別嚴限將應繳租款尅日繳解來道以憑支撥勿任再延切切道尹黃佳印

致黃楚卿君函

八年二月七日

楚卿仁兄大人閣下去年曾奉一函未蒙賜覆至以爲悵茲啟者此間育嬰堂從前鹽務內本有補助民國肇興不知如何中止弟到任後目覩該堂內容腐敗實不勝言每月病斃小孩總在二十名以上良用惻然因此募款改建堂舍竭力整頓現房屋已將次工竣下月準可落成惟經常費尙苦不足竊念貴業爲商務中之巨擘執事又慈善大家擬懇每售鹽一箬酌提洋二分統計每年約可得一千餘元在貴業滄海一粟無損毫末在育嬰堂則得此挹注一般呱呱待哺者莫不戴鴻慈於無旣矣此事弟曾與胡君筱璇等談及均蒙允許惟以閣下爲領袖須得一言爲重昨周君仲明來台曾面

託轉陳想已達到倘得台從來溫一行登高一呼事即可定尙乞大發慈悲拯此千百
嬰孩不禁焚香禱祝也

訓令育嬰堂董事爲永嘉縣屠宰稅徵收員樂輸育嬰堂捐款按月繳解文

八年四月

二十七日

據永嘉縣知事張濂呈稱竊據職署屠宰稅徵收員徐銘勳呈稱竊育嬰堂原以收養
棄孩實爲人類上救濟要政自黃道尹竭力整頓後尙缺常年經費數千圓竊思地方
公益之事應由地方補助經費主任擬助育嬰堂常年經費英洋貳百圓按月分繳拾
圓臘月認繳玖拾圓以本年四月份爲始嗣後經收屠稅之人均應照例繳助但此係
屠稅徵收員自行樂助並非對於各屠戶有所加捐故無論何人經收屠稅除欠繳正
稅應行撤換外均每年終結算後始議更換而免賠累呈請轉呈立案等情前來查該
徵收員在認辦期內每年捐助育嬰堂常年經費銀貳百元嗣後無論何人接辦屠宰
稅事宜均應照例捐助等語既據該徵收員聲稱此項捐款係出自樂輸並不增加各

屠戶稅款似可准予照辦除指令飭即將此項樂捐按月繳由知事轉解鈞署撥用外理合據情備文轉呈仰祈察核准予備案並乞指令祇遵實爲公便等情據此除指令據呈該徵收員認捐育嬰堂常年經費銀貳百元按月分繳出自樂輸對於各屠戶並無加捐等情熱心公益殊堪嘉許仰卽轉飭將認定捐款自本月分起照數繳解至該徵收員承辦此項稅務是否妥善及有應行更換之時仍由該知事照章核奪併卽知照此令印發外合行令仰該總董等卽便知照此令

指令永嘉縣知事呈覆查明牛痘局經費由

八年五月十日

查牛痘局每年經費九十四元收支適合前據該知事呈報在案茲閱來單收入僅二十三元虧墊至一百餘元之鉅因何收少支多未據聲明無從懸揣現在施種牛痘將次告竣各項支款嬰堂待用孔亟據呈歸墊有餘再行撥解則本年之經費何着將令牛痘局以前之虧墊由育嬰堂擔負耶如果該局現仍由縣經辦該知事豈得以虧墊爲詞不再籌撥耶仰仍遵照前令迅速籌解毋再違延此令清單發還

指令郡廟管理員金玉樞呈送更正郡廟歲出入一覽表由 八年五月十四日

呈及表兩紙均悉查表列收支相較每年應盈餘銀八十九元九角九分八釐仰再於
修理費項下劃出十元零二釐合成一百元自本年爲始分季撥交育嬰堂收作常年
經費並錄令知照該堂備案其餘收支各款併仰按季核實造具報銷清冊粘同收據
呈候察核再表載管局名目所管何局何事此項工食能否節省并即聲覆勿延此令
表暫存

致溫處督銷局函 八年七月三日

逕啟者案查舊溫屬育嬰堂向由貴局每年補助經費自前清以迄民國歷經辦理有
案嗣因前後局長交替誤將此項遺漏遂使成案變更經費無着去歲由本署呈准
省長將育嬰堂收歸本署管理因擴充規模經費愈形支絀非亟呼將伯該堂終難持
久近復商之鹽業公會擬銷鹽一筭帶收大洋一分撥充該堂經費已據該公會召集
同業全體認可每月由該公會隨筭帶收逕解該堂撥用此次鹽業各商深明大義熱

心公益深堪嘉許爰特函達貴局卽予備案俾垂久遠一面并希行知該公會於本年七月份起按月帶收撥用實級公誼此致

致溫處督銷局函 八年八月十三日

逕啓者案查前准貴局函稱以各鹽行承認在淨收捐款項下提洋四百八十一元二角九分充作育嬰堂經費應由敝署逕令該代表等如數解繳以期簡捷而免周章等由准此除函覆外當由敝署逕函該代表等將承認之款如數解繳去後茲據東門鹽行總代表徐賢業函稱前項費洋因鹽行散漫收齊爲難懇乞體恤商艱准予豁免惟事關地方公益自應妥籌善後辦法以維將來茲邀集同業公議決定准自夏歷七月初一日起每籬帶收育嬰堂捐一分按月彙送育嬰堂以資彌補等情前來查前款既經該代表等承認何以又請豁免殊爲不解爲此函達貴局請煩查照迅飭該代表將前提款洋四百八十一元二角九分如數照繳並希見覆爲荷此致

致溫處督銷局函 八年八月十九日

逕啓者案查前因各鹽行承認在浮收捐款項下提洋四百八十一元二角充育嬰堂經費該代表等延宕不繳當由敝署公函第九三號請煩貴局轉飭該代表迅速照繳在案現據該代表等一再請求承認嗣後每節帶收育嬰堂捐一分按月彙繳所有前項提款四百八十一元二角無從收齊務求體恤等情爲再函請貴局查照將前項提款暫免追繳如果常捐款項將來不能照繳之時再行函請一併嚴追爲荷此致

布告催繳玉環縣霓嶼等處塗租文

八年十月十四日

爲出示曉諭事案照甌海道育嬰堂項下應徵玉環縣霓嶼喜兒頭西山地方租錢歷經司事黃直民帶串往徵在案現屆開徵之際據該司事遵章預繳租錢一百八十千文前來除照案給諭並派役催完外合亟出示曉諭爲此示仰霓嶼喜兒頭西山佃戶人等知悉爾等承種山田應交本年租息務照徵額輸完由該司事徵收歸墊不許絲毫減少並爲陳欠一律照數備齊補完不准再行蒂欠倘敢抗延一經指稟定即按名飭提送縣從嚴究追決不稍寬各宜凜遵勿違切切特示

訓令永嘉縣知事迅飭推收主任將育嬰堂田產編號造冊文 八年十月十六日

案據育嬰堂總董張成謙等呈稱竊育嬰堂原有產業民田約有二百餘畝城廂各房舖共有一百三十餘間查前董事移交卷內祇有收租名簿並無契據又無糧號細冊堂內各產業非惟絕賣及抵當兩種漫無分別究竟有無糧號并地址畝數是否相符均屬無從查悉似此囹圄混管現雖有管理權恐將來代遠年湮產權未免喪失擬請令縣卽飭推收主任及城廂全體推收員各將該管圖冊澈底詳查如有育嬰堂戶號卽逐一彙出送交推收主任一併彙齊分別編造細號清冊二份由縣轉呈鈞署察核以一份留署備案以一份發交育嬰堂存執以作管業憑證等情前來據此察核該董等所請各節係爲清理育嬰堂產業起見除指令外合行令仰該知事卽便轉飭推收主任迅速照辦並造詳細清冊二本送由該知事轉送到道以憑察核勿延切切此令訓令永嘉縣知事出示保護售賣甌柑以維善舉捐款文 八年十月二十一日

案據柑業董事楊庚身呈稱竊董事奉鈞尹面諭現因育嬰堂經費支絀籌款維艱擬

商將甌柑售賣酌量捐助勸令同業共襄贊成以維善舉等因仰見鈞尹誠心育嬰注重慈善之至意感頌莫名奉諭之下遵卽召集同業會議酌量捐助僉云甌柑雖稱大宗獲利究屬有限而繳納捐稅水脚等項開銷又鉅本難籌助惟事關地方慈善事業既奉官廳提倡於前凡屬經商自應贊成於後至再籌議擬將甌柑裝輪出售時每桶抽洋壹分於每次輪船開後向各號收取充作育嬰堂經費以資報效衆議僉同蓋章認可第事屬創始恐將來有無知之人出而營私破壞誠所難免須請立案一面出示保護俾衆周知方可垂諸久遠爲此僉叩鑒核示遵等情前來據此除批查育嬰堂經費預算尙屬入不敷出該董事勸導同業議定籌捐補助具見熱忱慈善深堪嘉尙除准予備案外並候令行永嘉縣知事出示保護可也此批掛發外合行令仰該知事卽便出示保護並將出示日期具報備查此令

甌海育嬰堂徵信錄弁言

八年十月

嬰堂原有經費甚爲支絀房屋又極破壞欲謀改建非另籌的款無以集事公款之可

撥者祇有漏海米變價充公一項其多寡又未能預計乃於上年商請地方士紳分別勸募黃君溯初呂君文起首先贊成慨捐巨金時適國會及省議會覆選各縣人士紛紛來道爭相解囊遂成鉅款連同漏海米款儘數撥支建築開辦等費尙不敷銀二百十九元三角一分二釐由部人捐俸補給今幸堂舍落成規模粗具所有支出之款凡建築房屋及購置衣被床帳枕席等均由道署支付其堂中應用器具物件及一切雜支則由育嬰堂董事經辦合將收支細數刊印徵信錄以供衆覽

呈省長齊爲育嬰堂董事呈請收還文成款項一千千文補充育嬰堂經費文

八年十

二月五日

呈爲據情轉呈事案據道育嬰堂總董張成謙呈稱竊育嬰堂自鈞尹改組後規模擴充教育完備預算堂內支出之款年需萬餘金現雖由鈞尹補籌經費出入畧足相抵將來嬰孩增多堂用必漸形支絀非添籌預備費恐不足以資挹注茲查得永嘉縣志庶政編內載文成會一項前清郡守黃維誥於同治十二年將育嬰堂餘款內提錢一

千千充作文成存典生息至今已四十餘年現在科舉停罷此項文成已存儲無用董事等業於十月十八日邀集自治委員勸學所所長及城鎮鄉紳學界各代表在育嬰堂開會議收回此項文成歸還育嬰堂充作常年預備費到會者共三十二人當由梅佐羹發議謂收回此項文成一千千應照舊存典育嬰堂每年祇准提息錢一百二十千母銀一千千不許動支分文衆皆贊同伏思此項文成一千千前既由育嬰堂提撥現議收回理由頗覺正當況文成存款共有一萬一千八十千今提回一千千不過減去十分之一於文成既無大礙於育嬰堂實不無小補請求鈞尹卽據情轉呈 省長請迅令永嘉縣知事分飭善賚德豐通濟三典卽將文成內提錢一千千歸還育嬰堂每年息錢一百二十千由育嬰堂直接具領惟所提本一千千應照舊分存各典由各典出具領結存案經費攸關理合備文呈請仰祈察核准予據情轉呈等情前來據此道尹查文成會款項從前既由育嬰堂餘款內提錢一千千文存典生息現在科舉早經停止該項經費僅由自治委員保管尙無確定用途且據該董等聲稱邀衆集議均

已贊同自應仍由育嬰堂收回於育嬰堂不無裨益除指令外理合備文轉呈仰祈
鈞長鑒核俯賜准予備案實爲公便謹呈

函天主堂送奉 省令發給法國仁愛會匾額文 八年十二月六日

逕啟者案查敝道尹前因捐助甌海育嬰堂銀款各戶呈請 省長察給獎勵在案茲
奉 省長指令內開呈悉應准將上海法國仁愛會獎給心誠保赤匾額題字一方仰
卽轉給該會收領以誌欽仰餘均由該道尹酌量核獎具報備查等因奉此茲特將
省署原發匾額題字一方備函送由貴司鐸收領轉給並希見覆以便呈報爲荷

專案類四之二

改組甌海道育嬰堂案 追租 共十件

訓令永嘉縣知事責令潘象疇交出塗租局冊據文 七年八月十四日

查永嘉育嬰堂現經本署收回辦理切實整頓自應先從清算賬目入手所有堂內原
有塗租亦已尅日開徵急須憑冊造串使育嬰要款得資接濟茲查前塗租局徵收主

任潘象疇歷年未收塗租積至九千餘千之多且將近年收租底冊措不交出以致本年租串無從查造迭次飭令交出冊據並將未收之租限期收齊呈繳又一味支吾抗不遵辦實有侵占公款嫌疑本應卽送檢察廳依法懲辦姑念一時或係受人之愚爲此先將該嫌疑人令發該縣卽追繳簿據並責令將歷年未收之租限期收齊呈繳以重公款毋任抗延切切此令

批潘象疇等稟求開釋文

七年八月十六日

查該徵收員辦理塗租計及六年頗滋物議現雖由該員將串簿結清尙待核算且查塗租處積弊如應升沙白不早報明租穀原額得錢減數所開清查佃戶住址姓名各摺指東話西多半失實他如過戶私得規費現穀大斗浮收種種弊端不勝枚舉經徵多年任令塗差拖欠積數至如是之鉅乃反稱徵欠祇及六年度試思二年至五年徵收係誰經理其爲荒謬已臻極點此時尙不思引咎自責設法以贖前愆實係自貽伊戚所請應不准行此批

訓令育嬰堂董事清查潘象疇呈繳款項清冊文 七年八月二十二日

查據前育嬰堂經收塗租員潘象疇呈稱竊前辦育嬰堂塗租事宜經收民國六年塗租暨租穀等項租錢現已造具徵收租項串票張數及支銷薪水局用等項詳細清冊並將串票張數剩存租錢冊籍一切交由育嬰堂司事接管盤查清楚以清手續外理合備文造冊呈請道尹俯賜核銷施行等情前來查該員經徵歷年塗租正在澈底清查此次繳款據稱係六年度收數其中是否相符除指令並將繳錢暫存外合行令仰該董事等迅將該員經收六年度以前租項秉公澈算尅日呈覆毋稍徇延切切此令指令前育嬰堂經收塗租員潘象疇請核銷六年度租項由 七年八月二十二日

呈及清冊俱悉該員經收歷年塗租正在澈查此次所交錢五百五十七千三百零一文據稱係六年度租項其中數目是否相符仰候本公署令發該堂董事確實清算呈覆後再行核辦所請核銷之處未便遽行照准清冊及錢暫存此令

訓令永嘉縣知事飭傳育嬰堂塗租助理連永銘文 七年八月三十一日

查前經徵育嬰堂塗租員潘象疇舞弊多端發交該縣追究積欠聞具結保釋後該員並不遵結到堂聽候備詢乃竟避匿不而實屬玩違查該員作弊種種業經本公署查明有據助理連永銘與潘象疇同負責任此時潘象疇既情虛遠颺連永銘助理多年情形熟悉合行令仰該知事迅即飭傳連永銘到案出具切結前赴育嬰堂聽候諮詢並追究歷年民欠着落毋稍疏懈切切此令

訓令永嘉縣知事傳潘象疇保人嚴富房押追文

七年九月二日

案查育嬰堂前經徵塗租員潘象疇於民國二年七月委充塗租書當時由董事李金奎吳懋欽舉保由嚴益記富房出具擔保結狀載明如有侵蝕虧空情事願甘擔保字樣則嚴富房實爲潘象疇完全擔負責任之人此時潘象疇情虛遠颺當然向保人提追合行令仰該知事迅即不動聲色慎選幹警務將嚴益記富房立即傳案追繳毋稍鬆懈并將辦理情形呈覆切切此令

指令永嘉縣知事呈報潘象疇等脫逃情形由

七年九月二十三日

呈悉查潘象疇爲本公署發押人犯其釋放時自應取具殷實妥保何得輕聽公役等查報違信爲確實可憑及至潘象疇情虛遠颺原保人金嘉如等相繼無着又助理之連永銘舊保之嚴富房亦任其聯翩脫逃無一獲案事前既經疏忽臨時尤欠慎密辦理殊屬非是合行令仰該知事迅卽遴派幹役分途躡緝務獲究辦切切此令

批潘葉氏呈爲被逼破家請收回成命文

七年九月二十四日

呈悉該氏夫潘象疇經收塗租租穀爲育嬰堂公款自應年收年清乃積欠至九千餘千之鉅且此項欠租中有承種佃戶已經繳清爲該氏夫隱匿未解者歷年册串額出與額租多所舛誤串票與底册核對尤有溢收不符之處並受佃賄託私減租額及匿不報升應造租册三年未造種種弊混均經澈查有據本道尹飭令補造租册到堂候算並限期追收欠租實已格外從寬該氏夫串同嚴旭初令鎰源莊夥朱錦濤改名金嘉如保釋後即便遠颺其情虛畏罪尤屬顯而易見公款私毫爲重豈容刁狡倖免業已令縣嚴緝該氏夫如迅卽投案算清賬目追繳欠租苟與公款無虧尙可免于深究

仰卽知照此批

批嚴王氏呈爲無據被累請求超雪文 七年九月二十四日

呈悉查此案據永嘉縣知事呈稱潘象疇交縣取保時該氏子嚴旭初令鎰源莊夥朱錦濤改名金嘉如朦混具保旋復遣令避匿由朱錦濤之父朱佑卿呈縣聲明在案該氏子嚴旭初顯與潘象疇有狡串情弊如果朱錦濤妄行攀誣何不逕自投縣請究且查潘象疇承充庫書時係該氏富房出結具保現在潘象疇情虛遠颺尤應着保交出何得謂無據被累恃適飾贖特斥此批

批徐善芳等呈請開釋潘象疇文 七年十月三十一日

呈悉潘象疇經手育嬰堂塗租弊混多端歷年民欠積至九千餘千之鉅本道尹僅令結清賬目追繳舊欠實已格外從寬潘象疇情虛遠颺實屬咎由自取如果自投到案另覓妥保趕將積欠塗租設法追清尙可免予深究否則一切弊端證據具在終不能逍遙倖免也仰卽知照此批

專案類四之三

改組甌海道育嬰堂案

建築 共五件

布告建改育嬰堂房屋投標辦法文

七年八月十八日

爲布告事本公署所經營之育嬰堂原有房屋既極窳敗且不適用亟應重行建築以圖改良現在工程將次開始估定價額定於陽歷八月二十六日即陰曆七月二十日上午九時起至十二時止在本公署投標投畢之後即於本日下午二時開標如有願意承包此項工程者屆時應即來署按照另開繪就圖式及施工細則與投標章程親身投標聽候當衆開標定奪仰各遵照特此布告

計開

投標章程

一此次道育嬰堂將原有基地新建樓房一座平房大小共計十三座估定標準價大洋六千元

一投標人須知是項工程應依現在所訂施工細則及建築圖式辦理

一投標價格祇得少於標準價不得溢出

一投標人須開具姓名年歲籍貫住址於投標時送交隨繳保證金大洋三十元不中標者即行發還中標者存候本工程辦有頭緒時給還並不起息如得標之後不願承包則所繳之保證金悉數沒收

一投標日期及開標日期另有布告指定

一開標之後選出最低價格之標候查實有經驗並有踐約信用者爲合格

一中標者須按照中標價格開具工料細賬限五日內訂定承攬字據

一訂立承攬字據時須有殷實商家擔保出具保證書其承攬字據須訂明保固十年
一承攬本工程者設有偷減材料不合施工細則者按照材料價三倍處罰若偷減工作致房屋有危險者勒令拆造

一是項工程自立字據之日起限四個月竣工倘逾限一日罰估價千分之一逐日推

算

一中標之價卽爲確定價值不得藉口增加亦不得無故折扣開工時驗明運到材料實數照給價值其餘須得工程過半方可核付不准預支

布告育嬰堂房屋工程投標承充人等由

七年九月四日

爲布告事照得育嬰堂建築工程業經本公署招工投標得標承辦者照標領價並無絲毫費用近聞圖攬是項工程之人有私自出費等情雖屬無據之言然亦不能不預爲誥誡如果有人在外借此需索等事准爾得標之人據實密告查有確實證據除追繳原款外並卽從嚴懲辦惟爾等亦不得憑空誣捏致蹈損害名譽虛僞告發等罪本公署爲杜漸防微起見爲此愷切曉諭其各懷遵特此布告

批泥木石匠楊瑞銀等呈送保證書細賬文

七年九月七日

呈件均悉查育嬰堂建築工程該木匠楊瑞銀等同標列名者五人首列之王岩三首先辭退已屬不合姑念該標價格最低因飭由該木匠等四人承辦來呈忽增張福銘

等四人原標無名何得無端加入且查核細賬支配工料價目並不適當先據其保之戴裕豐米舖續據覓具之悅來板棧兩舖保經本公署一再飭查均不殷實悅來亦並非板棧且據該兩舖云蓋戳之時未悉工程詳細現均不願擔保等情察核種種情形不合本公署投標章程第六條之規定應即將該標取銷保結二紙發還原繳保證金三十元姑准一併給領仰即遵照此批

呈省長齊呈送育嬰堂圖式預算表暨收支清冊章程文 八年七月二十四日

呈爲呈送育嬰堂圖式預算表暨收支清冊章程仰祈鑒核事竊查前奉 鈞署第六

九九九號指令 職署轉送育嬰堂章程暨委託修女管理嬰孩合同底稿由內開據擬

章程尙屬周妥應准連同合同底稿一併備案仍俟工竣後速將該堂房屋繪具圖式

並另造清冊預算書等件呈候察奪勿延章程暨合同底稿均存此令等因奉此遵查

育嬰堂房屋現已一律工竣驗收工料均尙堅實堂內設備亦已完全理合繪具圖式

並另造預算書連同收支清冊章程各一份備文呈送仰祈 鈞長鑒核施行再育嬰

堂章程前經呈報嗣因稍有望礙酌量修改合併呈明謹呈

重修育嬰堂碑記 八年七月

戊午嘉平月舊溫屬改建育嬰堂將次落成僉曰此舉至偉不可無文以記之考志乘堂建自乾隆時知府金洪銓太守當時捐廉俸爲之並委士紳梁春等勸募得銀二千數百兩擇地築堂巡撫方公觀承復發帑千兩存典生息嗣李公琬清理嬰堂復撥塗田遴選委員董理其事稽察積弊稍稍一清自是厥後逐漸怠弛讀張氏振喚論永嘉育嬰事務篇已慨乎言之越數十季弊遂加厲官斯土者之不常而躬任其事者尤如秦越人之漠不相關覆之不發由來久矣歲丁巳予觀政斯邦目擊堂規之腐且敗經徵員司之惟利是營嬰孩月殤且至三數十名之多惻然傷之呈准 省長齊公歸道辦理以資整頓塗租之牽混者澈理之堂司之不職者紕退之釐定新章俾有遵守規模宏起費益加鉅計畫收入及過半數設法籌增綜核支配經常費庶有着矣尤見堂室年久頽壞東西房舍幾不蔽風雨思有以改建之躬倡捐泉地方有力之薦紳與國

會省議會商會熱心慈善諸君子慨輸緡錢集成鉅資鳩工庀材四越月而竣事堂之中育室若干椽飯室病室若干椽儲藏辦事有定所盥洗炊爨有定舍貧兒一院亦附入之楹構秩秩頓易舊觀一草一木煥然增新矣顧慶淵此時更有不能已於言者慨自乾隆十二年建堂甫及一周弊已叢生予修此堂爲之整飭又不知更能閱幾載而弗改易今日道亡德喪人人皆攘爭私利不復知公益爲何事保赤恤孤之不講殆無足怪然人道主義日益發明不忍之心本所同具所願後之職司其事者返求良心恢張古道共矢慈仁之願永遂發育之機則匪獨慶淵一人之私幸也已是爲記

專案類四之四

改組甌海道育嬰堂案

管理 共二十一件

訓令調查員錢熊堉調查本城育嬰堂詳細情形文 七年二月五日

查育嬰堂收養民間貧苦嬰孩代爲撫乳保育生命實爲慈善要務本城育嬰堂設有年所辦法當臻妥善現在堂董共有幾人何人駐堂經理收養嬰孩如何手續現達若

干數有無額限乳母若干所收嬰孩是否悉數留堂或貼外乳養嬰孩漸長有無教育
每年有無死亡如願領繼有無制限收入經費是何來源能否充裕支出如何支配一
切辦法是否悉照章程有無應加改良之處爲此令仰該員即便前往該堂按照各節
逐一調查並檢具該堂章程及各董司等姓名籍貫年歲詳實具報勿稍徇隱切切此
令

呈省長齊呈請將永嘉縣育嬰堂收歸道管以資整頓文

七年四月十六日

呈爲請將永嘉育嬰堂由道收管以資整頓請予鑒核令遵事竊查永嘉育嬰堂設有
年所向由温州知府派董經管該堂經費除固有之塗租典息月筒捐等款外舊溫屬
各縣多有提撥協助之款故收支尙屬充裕辦事亦較認真自府制裁撤該堂改歸永
嘉縣知事經營各縣應解之款率多移撥他用或且任意欠解屢催不應該堂董事於
固有之款復不加整理辦事方面亦復因循敷衍毫無實際卽就表面觀之堂中收養
男女嬰孩多有年至十六七歲者既不爲之疎通出路復不教以讀書女工則不獨虛

靡有限之公款適以造成無數之廢材且溫州溺嬰之風甚盛雖經道尹出示並通令各屬一體嚴禁由非有育嬰堂收養則實係無力贍養之戶恐私溺仍所不免道尹抵任以後訪悉各種情形迭經派員前往育嬰堂一再調查擬加整頓頭緒紛繁積弊已久非經通盤籌畫無從着手惟思該堂既向爲溫州知府管理則現在規復道制自應收歸道署派董管理俾道尹得以直接指揮免於辦事手續多所轉折而催解各縣款項呼應亦復較靈實有事半功倍之效除俟擬就整頓辦法另行呈請核示外所有擬將永嘉育嬰堂收歸道管緣由理合備文呈請 鈞長鑒核令遵謹呈

牌示育嬰堂醫生應常川到堂診視文

七年六月十日

爲牌示事照得育嬰堂醫生與嬰孩疾病有生命上之關係何等重要乃查該堂醫生三名每月僅到兩次甚至病孩送堂待診醫生仍有託故不到者似此視同兒戲於心亦復何忍上年嬰孩殤去一百九十餘名殊屬駭人聽聞要知夫馬既經照領責任在所難寬爲此牌仰各該醫生知悉嗣後應常川到堂如仍前玩忽應由該堂司事呈請

撤換倘有徇情一併斥退以重生命而維育務其各遵照毋違切切此示

指令育嬰堂董事撫育嬰孩安置適婦情形由 七年六月十一日

據呈已悉該董等所稱瘠瘦嬰孩由稽查員常川巡視勸令該婦善爲撫養等情果然實心任事實足保全生命不少查聞上年該堂嬰孩殤折一百九十口之多職司稽查之人不能不負此責任嗣後當切實查視不得仍前敷衍塞責乳婦撫育得法者量予加賞失宜者設法另僱應責成稽查員每月報告兩次分別開單送核至堂內孩童除手攀足跛口啞及年在六歲以下之嬰孩一時祇得權爲撫養其七歲以上者亟應爲其籌畫生活出路年邁盲目之老婦果係在堂撫孩年久有功絕無依靠之人可商送恤發會仍給口糧一分仰該董事遵照辦理此令

覆呂君文起函 七年六月二十日

文起仁兄大人閣下奉披手翰感荷注存敬謬履祺楸介譽望光昭爲慰爲頌此間育嬰堂弊端太深以致歷年虧短甚鉅若不及早清釐恐後來伊於胡底現特親派專員

切實調查雖不敢云澈底澄清然能力所到之處必盡力革除以資挽救將來卽請張君益平主持其事已得彼之同意但堂內房屋破壞不堪擬募款重行建造弟自當稍盡棉力造成後或附保節局或附貧兒院屆時再行酌定一切尙乞指教爲感茲承慨助毛詩一部成此大舉不禁代赤嬰謝謝倘貴鄉諸紳皆如閣下何愁公益善舉不能普及也

批育嬰堂董事呈嬰孩病多請派醫診治並發救急藥品文

七年七月二十三日

呈單均悉嬰兒體質脆弱暑天尤易受病外育乳婦不知加意撫養致同時病者有二十八人之多殊堪憫念業已選派醫士二人今日到差分頭診治但該堂原有醫生所司何事如謂暑令病多一人不敷分診該董事久管堂務應悉情形何不早爲籌備且現祇尋常病症非有疫癘發生察閱呈詞已覺一籌莫展試問前數年之暑天豈竟無一病孩耶殆坐視其死而已近來該堂發給嬰糧本道尹派員驗視每月死孩輒有二十餘名本月恐尤加多該董等殆自問難堪聊以報告爲塞責計耳各處慈善機關每

屆夏秋往往附送方藥以資救濟該堂每年經費開支近萬不可謂少乃並自用之藥而不備將求給於本署卽此一端尤可見平時辦事無一實在來堂之孩求生而得死嬰孩無知不能自主該董等爲本地人士既任董事對於該堂經費之收支嬰孩之育養種種放棄漠不關心致前人辛苦經營造福之地轉爲造孽之地身死之慘不若心死之爲甚吾何暇爲嬰兒痛耶此批單存

指令育嬰堂董事

李金奎
吳懋欽

呈請辭職由

七年七月二十九日

據呈已悉該董等既請辭職應予照准仰候另派接替並俟新董到堂移交清楚方能脫卸責任至該堂整理以後將來成績如何本道尹亦不敢自信但在事一日必盡一日之良心期於無負神明者卽所以對此無告之嬰兒也並卽知照此令

訓令塗租局將舊有之助理司事及書記等一律令其銷差文

七年八月十日

照得本公署收管之育嬰堂業已令委新董張成謙等接辦所有該堂塗租徵收事務按照現定章程應統由董事等督同司事經營其原有之塗租局名義應卽裁撤該局

原設之主任助理及司事書記等應一律令其即日銷差一面將各項簿據串冊銀錢等移交新董清算查收該局舊主任潘象疇於各項賬目未經算清以前於歷年經收款項仍應負完全責任不得擅自離局致干咎戾仰即遵照勿違切切此令

致上海陸君伯鴻函 七年十二月四日

伯鴻仁兄大人閣下逕啓者日前葛君益甫回述前商延請修女管理育嬰堂事承允代爲延訂甚感甚感聞修女不支薪水月給零用五六元並供給衣服其伙食可隨衆一律中餐不知確否此間育嬰堂住堂不喫乳及喫乳之小孩各擬定百名餘則寄養堂外并在堂內附設一貧兒院現擬先請兩位一西一中乞即延安能訂定合同尤妙因此間人太守舊將來弟交卸後恐被辭退也房屋儘陰歷正月底完工修女擬請陰歷年底先來以便預先佈置一切來時可先借住天主堂也弟意堂內內部一切均須請修女主持談妥乞先示覆費神感謝不盡

指令育嬰堂造送收養嬰孩成績表由 七年十二月二十日

呈表均悉表內箕斗紋一格堂外寄乳各嬰亦應照填前已明白指令何以仍不遵辦
每月報銷已而催不知若干次仍以空言塞責尤不可解該堂現歸道管本道尹負規
畫監督之責分別執行惟該董等是賴乃必事事代爲之謀又復不聽督促致改組以
來已及五月一無成績可言視前董經辦時唯之與阿相去幾何本道尹督率無方良
深自愧要望該董等少加振作力圖進行勿貽前人以口實是所深盼表存此令

覆上海陸君伯鴻函

八年一月八日

伯鴻仁兄大人閣下昨接惠書并草合同稿諸荷盛情無任代感此間育嬰堂委托修
女管理事務以撫育嬰孩範圍爲限其收支款項可不過問以該堂經費全爲地方固
有公款並無臨時捐入按照章程應由董事督飭會計經管茲擬合同稿一紙卽乞鑒
察轉商仁愛會院長或須再加斟酌之處仍不妨從長計議也原稿所列疑點二節答
覆如下(一)孩童如有人領去外男孩撥入習藝所女則爲之擇配(二)堂中留養男
孩以十歲爲度女孩暫難限制(三)稍長之孩教以極粗淺之工藝并令識字因堂內

嬰孩無論男女遲至四五歲必有人領去其留堂而無人願領者必係五官四肢殘廢不全之故不能另設小學以教之以上三項并請轉覆見示以便定局再君揚陰歷年內須返滬當囑令走謁台端如有疑義或見商之處可以當面接洽也

覆上海陸君伯鴻函

八年三月十九日

伯鴻仁兄大人閣下前日奉覆書并中西文合同稿件均悉經即發交育嬰堂董事查照去後茲據另擬中文稿送來於第五第七兩條稍有更改並據面稱第五條以堂中經費不敷非假定一限數不能支配預算又西文總綱仁愛會之下核對中文少列某某兩修女五字故第七條加列俟期滿後即將合同取銷一語再第七條內期滿一年前關照該董等意擬改爲半年統祈轉商仁愛會改正寄下以便轉飭簽字但育嬰堂房屋業已落成即日開幕如待合同簽字之後兩修女方始來溫勢必不及能否請其即日前來以便管理一切好在該項合同雖有斟酌與原文無甚出入也種種煩勞感篆無似此覆

致育嬰堂張總董函 八年四月

逕啟者昨至育嬰堂四周巡視殊令人心灰意憤茲特爲執事分別言之

一工程本限四個月現已六個半月尙未據監工員報請驗收

一兩水池應加淘浚此說已一月有餘仍未辦好堂中人所司何事

一天井內出水之路再四催促修理前日始在北首挖水槽昨日往觀水槽又已填沒

且卽挖水槽東槽之水應流入東溝西槽之水應流入西溝乃中間之水槽兩頭均

有階石阻住水將從何流出堂中司事全不招呼

一遊人如織司事門房均不過問一若育嬰堂乃公共遊戲場

一塗租現已收數寥寥臨時書記已否裁減

以上各條均言其大者此外既說不盡亦不必多說惟此種慈善處所全恃各發天良同心協力辦理方見效果若盡如堂中各司事尸位素餐反躬自問亦覺未免有愧也

致吳君黃碧初函 八年六月

瓦子見文錄 卷二 專案類四之四

湖初
碧華

仁兄大人閣下疊奉函電祇悉一是育嬰堂延請修女在弟已覺漸見效果復承台囑決計訂定惟董事照章共有十人現除總董張君益平外復有楊君雨農陳君綏亭徐君端甫張君錫侯尙少五人有主張舊溫屬之平瑞樂泰玉各推一人者鄙意平樂玉年濟常款推舉董事一人尙有理由若瑞泰則與處屬相同不相聞問若瑞泰亦各推舉一人則處屬何以向隅堂名甌海似不能有溫而無處也倘處屬亦各舉一人一則人數太多每生異議二則路遠不能到堂與事實毫無裨益一時委決不下請公等會商杭滬貴同鄉示以決定辦法并乞公推五人能多推一二人尤妙恐有不就職者可以遞補計議有成卽速示下弟急欲定妥也

致育嬰堂張總董函

八年六月十七日

益平仁兄大人閣下逕啟者查育嬰堂服務各人對於堂中一切事務非獨不能自効且復不聽指揮錫侯不甚管事不知是否有不願任事之意茲將應行整頓各項列後煩貴董迅速一查爲盼

一後面兩水池現仍渾濁不堪前日面囑購辦黃沙炭屑迄今已八日何以尙未辦到
一新造廁所挑糞夫竟作屯積之所應勒令挑出以後每日掃除乾淨不准屯積如不
服從即可換人此種細事尙須鄙人責問堂中各人所司何事

一第四進後牆又裂應責令匠人拆下倒底重行改砌

一病孩經白醫開方後購藥應歸堂差不得由撫婦自去購藥致藉故久出不歸堂差
兩人不能專爲董事司事之用

一病孩飯菜有應禁忌者須另備可食之品此事經修女說過幾次亦不遵辦不解何
故

一撫婦有勤惰卽應有賞罰前曾面囑每月發薪工時應與修女接洽一次俾應賞者
賞應罰者罰說過一月有餘何以並未遵行

一病孩及不喫飯之嬰孩伙食應該照扣每日應分別記明喫飯大小人數與修女接
洽月終與廚房結賬

一報銷冊應改各條已於指令內明白指示請飭照辦

以上各條均關切要望即查明辦理見覆幸勿遲延至爲盼禱

呈省長齊繕送育嬰堂章程及延訂修女合同稿文

八年八月七日

呈爲呈送育嬰堂章程暨委託修女管理嬰孩合同稿仰祈鑒核備案事竊

道尹前以

永嘉育嬰堂積弊甚深擬收歸道署主管藉資整頓業於上年四月呈奉 鈞署第四

○三九號指令准將該縣育嬰堂改歸道署主管仍速將整頓辦法妥擬呈核勿延此

令等因在案伏查該堂創自前清乾隆之初二百年來雖屢有興革要皆由官廳爲之

監督經手員司尙有顧忌民國以後府制裁撤改歸縣管歷任知事又取放任主義弊

遂至於不可究詰

道尹

奉令後通盤籌畫並徵集地方公正士紳意見自非大加更張

難收實效因即將該堂原有塗租房租及月筒捐串捐典息等逐項清理並以該堂房

屋基址甚寬惟建自創辦之時朽舊固不待言形式又不適用因擬籌募捐款重爲建

造現在新屋行將落成所有該堂章程亟須編訂方足以資遵守

道尹

悉心籌畫參酌

輿論業已編訂完全至管理嬰孩必須婦女尤須擇婦女中之有慈悲心而無家累者方可專心撫育然求之中國婦女中此種人才殊不可得道尹自該堂改革後所派人員雖屢經更換終覺得人爲難因查各省慈善機關往往有延訂修女管理一切者卽如上海之新普育堂收養幼孩甚多皆由修女爲之教養成效大著蓋修女既無家累對於慈善事業尤爲熱心育嬰堂所收嬰孩非有此等婦女兼施教養不獨無成績可見徒滋糜費尤恐百弊叢生難於持久道尹因又與甌屬公正紳士黃羣吳鍾鎔及育嬰堂董事張成謙楊振炳等再三商酌僉以管理嬰孩之事委託修女最爲相宜若僅託堂董或另延有家累之婦女斷不能專心致志一掃從前腐敗之積習當卽函託上海新普育堂總理陸伯鴻代延修女四人法國人一人中國人三人業已來堂試辦二月有餘道尹隨時查察該修女等管理撫乳各婦寬嚴得宜愛惜嬰孩無微不至而於堂董權限內之事則絕不干涉惟各處延聘修女均須訂立合同現已將該項合同商定卽與訂立除俟育嬰堂房屋全工完竣再將一切經過詳情房屋圖樣收支清冊預

算書表董事名冊另文具報外所有育嬰堂章程及延訂修女合同稿理合先行備文
呈報仰祈 鈞長鑒核令遵實爲公便謹呈

浙江甌海道育嬰堂章程

第一章 組織

第一條 本堂設名譽董事五人由甌海道尹推選本地名望素著之士紳聘任之設
辦事總董一人董事四人均由甌海道尹選派本地公正熱心之士紳委任之

前項辦董事五人中由道尹派定一人常川駐堂監督育嬰及徵收塗租捐款一
切庶務

第二條 設女管理四人司事二人書記二人均常川駐堂女管理四人係向上海仁
愛會延訂每月由堂津貼零用衣食等費不支薪水每屆塗租租穀造串開徵時得
酌設臨時書記一二人

第三條 設稽查一人除出外稽查時間外亦須常川駐堂

第四條 設幼科醫生一人春秋兩季臨時添設種痘西醫一人兼施種堂外嬰孩

第五條 堂內乳婦三十名預備乳婦二名撫婦二十名堂外寄乳之婦無定額（按

堂內乳婦額定三十名但往往招不足額期以三十名爲最多數）

第六條 堂役三名催租役四名土夫一名

本章司事稽查乳婦堂役催租役等均應由總董等分別令具切實保結存堂方准

僱用

第七條 本堂附設貧兒院其章程另定之

第二章 職務

第八條 本堂一切用人行政事務各董事共同負責而以總董總其成

第九條 駐堂董事秉承總董執行一切事務並撰擬函牘文稿

第十條 各董事每月常會二次集議事項董事公議後由總董決議執行發生特別

事故時由駐堂董事商明總董召集臨時議會事關重大者呈明道尹核准施行

第十一條 每屆月終總董會同各董事到堂審查收支賬目及一切辦事成績賬目
查明總董須蓋章負責

第十二條 每月二次發給嬰糧各董事均須到堂察視育嬰成績

第十三條 本堂設女管理四人專司督察堂內各嬰孩起居飲食疾病及乳婦撫婦
一切育嬰方法並分派各婦每日輪值事務如各婦不遵約束得隨時知照董事斥
換堂外寄乳各嬰孩亦應隨時前往抽查

第十四條 本堂設司事二人一專司徵收塗租一專司庶務會計並收取房租
各司事職務較忙時均應通力合作由駐堂董事臨時指派互相幫助

第十五條 本堂設書記二人專司繕寫報告表冊簿籍往來文牘及收發事務

第十六條 本堂設稽查一人專司寄乳乳婦育養勤惰及嬰孩起居疾病情事隨時
報告駐堂董事或總董

稽查在堂時間應幫理堂內一切雜務

第十七條 醫生逐日到堂診治時間上午八時至十二時止如已過診治時間有急要病症隨時由堂延治

第十八條 撫婦乳婦除撫乳外伺察各嬰孩起居疾病並爲盥沐浣洗暨聽女管理之指派輪值洒掃屋舍及洗滌衣被等事

預備乳婦如無疾病或暫留之嬰孩哺乳時應由女管理勻給一嬰孩令其乳養

第十九條 本堂設堂役三名一名專管門政傳達啓閉二名專管雜務至每夜接嬰鈴桶由三人輪值催租役四名專任催租事簡時仍兼管堂內雜務

第三章 接嬰

第二十條 本堂門房設一轉桶繫以銅鈴桶經轉動鈴卽自鳴因有私生之子及棄嬰而顏面攸關者可於夜靜時抱兒置桶

第二十一條 輪值鈴桶之役聞聲起接報由司事通知女管理開啟號舍暫交預備乳婦給予乳養隨由駐堂董事查核現有嬰額發交堂乳或寄乳

第二十二條 嬰孩如係拋棄不拘何人遇見均可送堂留養其因母係初產或有疾病事故別無親屬投報亦得託人報候查明收養

第二十三條 接嬰留養原爲濟貧而設如送嬰之家可自養而亦冒混查出後酌量處罰此項罰款應歸育嬰堂專款存儲以備購置基本財產

第二十四條 由堂分諭穩婆見有產嬰欲溺者應加勸阻如並代報堂收養亦酌予給賞

如不聽勸而仍棄溺者經人告堂查實除給賞首告人外並將溺嬰之夫男呈道飭縣究辦

第二十五條 司事於接嬰時當先查明懷中或詢問抱送者該嬰出生年月日並驗明兩手箕斗五官四肢之完損傷痕疤痣之有無及衣服顏色詳細登入接嬰簿中并照填嬰牌

第二十六條 四鄉應分設接嬰處所由總董等察量情形隨時添設以資推廣

第四章 僱乳

第二十七條 堂乳乳婦由薦頭保薦或本夫親隣覓具妥保伴送來堂經女管理驗明性情平和乳足無孕者爲合格並令立約據至短以一年半爲期期內不得藉端告退

第二十八條 寄乳乳婦依前條之規定外育嬰司事隨將其姓名住址詳細登記前項乳婦以住居城內者爲限

第二十九條 堂乳乳婦每人乳養嬰孩二名應常川駐堂不准外出及回家住宿

第三十條 堂乳乳婦准其攜帶子女如尙需乳因而不能乳養堂嬰二名者應照扣

乳工已離乳者由堂代交撫婦仍酌貼飯資但至堂中嬰孩過多時得酌量限制之

第三十一條 寄乳乳婦每人乳養堂嬰一名由育嬰司事按照登記先後挨次發給

乳領

第三十二條 預備乳婦均依照堂乳乳婦之規定

第三十三條 乳婦年老乳乾或不能遵守堂規者應即撤換

第五章 育嬰

第三十四條 堂內嬰孩暫以百五十名爲額寄乳無定額

第三十五條 嬰孩到堂先儘堂乳乳婦撫乳交由女管理指派堂乳限滿指給寄乳

乳婦乳養

堂乳缺額應將寄乳嬰孩補足之

第三十六條 嬰孩初生質脆夏暑冬寒易於受病堂乳額滿時亦須由預備乳婦留

乳三日再行發交寄乳乳婦

第三十七條 凡留養嬰孩均應填給嬰牌註明年貌記識及發乳月日乳婦姓名堂乳者並填乳婦號數懸挂牀頭寄乳者並填乳婦住址發交收執

第三十八條 堂養及寄養各嬰孩均應留髮一叢男左女右以憑記認

第三十九條 嬰孩發乳時並發小衣二件抱裙一條毛衫二件大尿布二塊小尿布

四塊春秋換夾夏換單冬換棉各用符記爲識

第四十條 嬰孩乳期均以十八個月爲限離乳後由女管理指給撫婦撫養如嬰孩體質過弱或有疾病時由女管理或稽查報告董事酌量展期

第四十一條 城鄉貧苦之戶懷妊八九月時可由鄰右作保開具孕婦及夫男姓名年歲住址生業報堂派查確係赤貧無力撫養者准予登記分娩後填發保嬰聯單每月持單到堂領糧照寄乳減半亦以十八個月爲限（本條於經費未裕時得暫緩辦）

第四十二條 寄乳乳婦如有病故除將堂嬰收回外其自生子女如尙在乳中而夫男無力僱養者准其報堂代育離乳後仍交領回

第四十三條 離乳各嬰孩撫育至五周歲時應撥交本堂附設之貧兒院收養

第六章 察嬰

第四十四條 堂內撫乳各嬰孩由女管理於晨起夜息逐室查察二次外其乳婦撫

婦鞠育之勤惰嬰孩體之是否適宜仍應隨時抽查報告駐堂董事

第四十五條 寄乳嬰孩由稽查逐日分路挨查夏季三日周察一次春秋五日周察一次冬季七日周察一次

如嬰孩有疾病時應視病情輕重隨時稽查

第四十六條 稽查每次出查應向堂領給木戳於察嬰時在嬰牌上蓋印並帶手摺記明乳婦鞠養成績之等次報告駐堂董事

前項木戳由堂編就符號每次換給乳婦持牌領糧時應先驗明稽查戳記

第四十七條 乳婦撫婦鞠養嬰孩以肥壯潔淨者爲上等平常者爲中等萎瘦污穢及時帶病容或遊戲傷損者爲下等寄乳各嬰於乳婦領糧時由董事查驗嬰體核對稽查日記三次連列上等者獎給一次乳工五分之一其三次連列下等者除將嬰孩提回改發外並斟酌情形輕重呈道令縣懲處堂內撫乳各婦由女管理隨時報告駐堂董事依照上列之規定分別獎懲

第四十八條 乳婦撫婦如有怠於鞠養或偏愛自己子女及以他嬰冒頂領糧者查出後察酌情形輕則將該婦撤換重則並予處罰

第七章 嬰糧

第四十九條 本堂外乳嬰糧定每月陽曆一日十六日兩期發給風雨無愆

第五十條 每期發給嬰糧由道署遴派專員蒞堂驗發各董事均須協同監察應設備畫到簿署名鈐章備查

第五十一條 每期由各乳婦親自抱嬰來堂定自上午九時起按名發給

第五十二條 給糧時各乳婦須齊集大堂按照名冊挨次分坐點到時由護欄魚貫而入不得爭先擁擠

第五十三條 各乳婦如有疾病事故不能親到者准由該乳婦家屬抱嬰來堂說明緣由代爲具領由堂飭令稽查員前往查明

第五十四條 嬰兒如有疾病不能抱帶來堂者乳婦於領糧時詳細報告由堂飭令

稽查員前往查明

第五十五條 乳婦不親自來堂領糧并無家屬報告或不抱嬰孩同來者應飭稽查員迅往查明如有實在事故不能親自來堂或遇酷暑雨雪道遠不便不能攜嬰到驗者准予下期補給其兩期無故不到者將嬰收回並酌議懲罰

第五十六條 嬰兒如有疾病應於給糧之先或已給糧後就醫診治臨發時不准散入診治室

第五十七條 嬰孩如有疾病乳婦並不報明由堂察出者應將該乳婦酌量懲罰

第八章 醫藥

第五十八條 堂內撫乳各嬰如有疾病由女管理查知或據撫婦報告後女管理應卽知照育嬰司事登記掛號乳嬰交預備乳婦接乳移置病室由醫生診治如已過診治時間而病勢較重者應卽報告駐堂董事隨時延醫到堂施治已離乳之孩亦由預備乳婦暫代看護

第五十九條 寄乳各嬰如有疾病由稽查查知或據乳婦來堂報告後登簿掛號卽令乳婦抱送到堂交醫診治如病勢較重而診治時間已過或不能外出者應卽報告駐堂董事隨時延醫往治

第六十條 堂內外各嬰孩患病如乳婦撫婦匿不報告經女管理稽查查出者分別病情輕重立予處罰

第六十一條 寄乳各嬰如有病勢過重必須加意看護者由醫生或稽查報告駐堂董事暫行收回堂中安置病室交預備乳婦接乳病愈仍發還原乳婦乳養

第六十二條 病室各嬰一切哺乳醫藥由女管理依醫生之指示隨時督察調護

第六十三條 堂內撫婦乳婦如有疾病至不宜撫乳時由女管理報告駐堂董事移置病室延醫診治所遺嬰孩交他撫婦或預備乳婦暫代糊養免扣工資

第六十四條 寄乳乳婦如有疾病至不宜哺乳時由稽查或乳婦家屬之報告卽將嬰孩收回暫交預備乳婦俟愈後再給乳養亦准免扣工資

第六十五條 堂內嬰孩及撫乳各婦所需藥餌由堂給發寄乳嬰孩由堂填給藥舖
聯票交乳婦自向取購

第六十六條 寄乳乳婦亦准來堂掛號就診惟不發給藥餌以示區別

第六十七條 嬰孩暑令必備之藥應隨時購備以應不時之需

第六十八條 每年春秋兩季應令醫生查驗嬰體佈種牛痘

第九章 領嬰

第六十九條 無論已未離乳各嬰如有領作義男義女或養媳除原爲娼妓煙賭之家外均准給領

原爲撫乳之撫乳各婦亦准領繼

第七十條 領嬰人應先邀同隣右及切實舖保到堂將姓名住址生業夫婦年歲及領去之嬰認作義男義女或養媳報告明白由堂派查屬實並無受託圖販及充作僮僕婢妾情事通知具領人給領

如願作養媳應將其子名號年歲生業一併開明

第七十一條 領嬰人接到通知後應邀同鄰右舖保備具領狀保結到堂具領由堂填給領嬰執照俾資憑證

第七十二條 給領之嬰在五年內仍應照堂養寄養之例留髮一叢俾易識別由堂隨時派司事稽查如有虐待及押賣等事經堂查知或隣右告發查實後除將嬰收回外並呈道將領嬰人送縣究辦前項首告人查實後酌予給賞

第七十三條 如有冒認嬰孩親屬向領嬰之家圖詐滋擾者准由領嬰人憑帶原發執照到堂報告由堂呈道飭縣究辦

第十章 經費

第七十四條 本堂收入支出款項由駐堂董事按照預算應行收支時期督同主管司事分別收支

第七十五條 應收款項須逐月收清駐堂董事及主管司事同負完全責任如有無

法催取者應報告董事會呈道令行縣警押催如爲樂捐款項卽由董事會籌議勸諭方法

第七十六條 司事徵收租款及經手其他堂款如有侵挪等情由駐堂董事查明責令該主管司事之原保人如數負責賠償

第七十七條 各項支款均應遵章按期照發如有溢支借欠概由駐堂董事負責賠償

第七十八條 各項簿冊應由駐堂董事署名鈐章編列號數不得任意塗改抽換

第七十九條 逐日收支款項由駐堂董事督同主管司事隨時分別登記各簿每日結束後駐堂董事應覆核蓋章

第八十條 每屆月終由駐堂董事督同主管司事將收支各款分類登載月結總簿連同原簿報告董事會總董董事審核蓋章後造冊呈報道署備案

第八十一條 每月報銷一次於造送月結總分簿冊外造具四柱清冊呈道核銷

報銷除款冊外每月另造收養嬰孩名數清冊一份分別舊收新收堂養寄養死亡疾病各細數逐項詳載以憑查核

第八十二條 每屆年終由駐堂董事督同主管司事根據月結簿造具決算由董事會審核蓋章後報道備案並照刊徵信錄分送各官廳及捐款各戶

第八十三條 嬰孩衣被及關於嬰孩雜用物品均由女管理收發之

第八十四條 每屆一年度開始三個月前由駐堂董事督同各主管司事將收支款項分別支配議定草案交董事會決議呈道備案

前項預算如收入不敷支出時如嬰孩衣被藥物等無可裁減及有不得不擴充者應由董事會籌議臨時收入以求適合

第八十五條 每年議定預算外如有特別費用應開董事會審查決定數目過鉅者須呈道核准方得開支倘駐堂董事擅自動用超過預算責由駐堂董事如數賠補

第十一章 公費

第八十六條 本堂總董董事均爲名譽職不支薪水惟總董應每日到堂一次每年酌給夫馬銀六十元

第八十七條 駐堂董事須捐棄一切專辦堂務並兼任文牘事宜月支薪水銀十二元

第八十八條 女管理每人月給另用銀六元衣食銀六元

第八十九條 司事每人月給薪水銀十二元

第九十條 書記每人月給薪水銀六元

第九十一條 稽查一人月給薪水銀十元

第九十二條 醫士一人月給薪水銀十二元

第九十三條 撫婦每名照額定撫育四孩者月給工資銀一元乳婦每名照額定乳養二孩者月給工資銀三元均由堂備給伙食撫乳不及額者照數核減病房撫婦月給工資銀一元五角預備乳婦每名月給工資銀二元亦由堂備給伙食堂外寄

乳乳婦每名每月給工資銀一元二角

第九十四條 堂役二名門役一名每月各給工食銀五元催租役每名月給工食銀四元土夫每月工食銀三元

第十二章 附則

第九十五條 本堂住堂婦孺與他種公所不同無論何人不得假爲讎會或住宿之所

第九十六條 堂內辦事規則及各項細則由董事會協議定之呈道備案

第九十七條 本章程如有未盡事宜及應加修改之時由董事會提議後呈道核定頒行

附設貧兒院簡章

第一條 本院爲育嬰堂附屬機關定名爲甌海道育嬰堂附屬貧兒院

第二條 本院男女兼收暫定名額五十名俟經費寬裕時再加擴充

第三條 本院收入貧兒除由育嬰堂撥送外依照左列各項亦得一律收養

一 父母已死亡別無可任教養者

二 父母雖生存確無能力可任教養者

三 被匪徒迷拐或流落無歸者

第四條 貧兒年齡至十三歲以上者一概不收

第五條 本院貧兒參照職業學校辦法一律授以教育

第六條 院兒體質完全者男至十四歲時由嬰堂董事呈道發交原縣貧民習藝所學習工藝女至十六歲時由堂爲之擇配

第七條 院兒官肢不完者分別授以相當之工藝

第八條 本院除教員應另聘外其一切管理事宜由育嬰堂總董以下各員役兼任之

第九條 本院應需經費由育嬰堂董事於育嬰堂經費內斟酌分撥支配

布告革除育嬰堂收嬰發嬰雇婦收租私索陋規文 七年八月十二日

照得舊有府育嬰堂內容腐敗已達極點前經本公署收歸辦理以資整頓所有一切事宜業已次第改革茲查得以前該堂接收給領嬰孩以及雇用撫婦徵收塗租一切均有需索陋規情事實屬不法已極爲此布告闔境人民一體知悉嗣後該堂內各色人等如仍有需索陋規情事准予來署報告以憑究辦倘敢私自納賄一經發覺定卽一併究懲不稍寬貸其各凜遵特此布告

覆黃君溯初函 八年九月二日

溯初仁兄大人閣下前上一函計已邀覽茲奉惠示謬蒙獎許太甚慚愧愈深彼此知交幸勿再施增我罪過育嬰堂組織董事會極合 部意前函請公推董事七八人卽爲此也惟 部意以董事會之組織應以與育嬰堂經費有關係之官吏加入之如知事及督銷局長二人皆直接有經濟之關係者此外均取紳士惟道尹則不必加入因該堂既由道尹管理自負完全責任且董事由道尹延聘自居董事是以董聘董故未便再

加董事名目尊意亦應謂然至在堂辦事者應名爲司事由道尹委任取便指揮以上各端祈與貴同鄉諸公酌妥公函示下以便進行是所切盼修女訂立合同一節已呈省署察核奉到指令當卽奉聞

延聘呂文起吳碧華黃溯初張雲雷潘鑑宗諸君爲育嬰堂名譽董事函 八年十月七日

某某仁兄大人閣下自託粉榆頻親光霽宏才碩望夙切心儀茲以道育嬰堂正當厲行整理之際諸賴廣集思益之助素審惓懷公益必能共展蓋猷用特奉聘爲該堂名譽董事梓鄉要政所關幸勿以謙挹見却專此奉訂

覆吳君碧華函 八年十月九日

碧華仁兄大人閣下由省回甌得讀手示敬悉一切育嬰堂修女合同現經訂定已呈省備案此間得諸公來電亦無復有反對者諸公造福育嬰堂正自不淺弟唯有泥首叩謝而已茲又特懇者育嬰堂事體經弟兩年籌畫現幸一切就緒惟經理非人必生

弊端辦事有人監督無人亦難持久名譽董事採合議釀不採單獨制卽實行監督之權以維持育嬰堂於不弊者也現已擬就五位爲潘君鑑宗呂君文起黃君溯初張君雲雷及吾公另備專函聘請借重鴻名俾育嬰堂得以鞏固夙仰熱心公益務祈勿却至爲盼禱

通令十六縣知事保送合格貧兒由育嬰堂收養文 八年十二月二十五日

案照甌海道育嬰堂章程業經本公署擬定章程內有附設貧兒院簡章九條男女兼收暫定名額五十名各縣如有合格貧兒均可保送育嬰堂收養爲此除分令外合行檢發育嬰堂章程一份令仰該知事即便轉行各自治委員知照如有合於貧兒院簡章第三條所列各項之貧兒並有人保證者准由該縣保送道育嬰堂留養事關善舉切勿視爲具文此令

專案類五

創設舊溫屬廣濟院案

共十九件

呈省長齊擬遷讓習藝所房屋改設廣濟院請核示文 七年十二月五日

呈爲擬遷讓習藝所房屋改設廣濟院仰祈鑒核事竊查永嘉慈善機關本屬不多民國以後又將原撥經費紛紛停止益復無人顧問舊有養濟院一所亦先經停辦旋由永嘉鄭前知事呈奉 鈞署核定每年由縣稅公益費項下提撥孤貧口糧錢四百三十一千八百四十文規定名額分期發給每年每名大糧三千二百文小糧一千二百三十二文無論定額有限不能徧及卽給糧者亦得錢無幾仍不能不行乞以求生在公家徒糜公款在窮民毫無實益近來生計日艱老弱殘廢及貧苦不能自養者日見其多博施濟衆事固難能然坐視其轉輾待斃而不爲之所不獨地方之職責未盡卽反之於心亦復難安茲擬將該院重定辦法稍充名額分作男女兩所改名爲廣濟院其經費除永嘉縣署原有撥款外酌提各縣公款投院收養者以老弱殘廢貧苦爲限如非實在不能動作者均酌量教以淺易之工藝俾若輩將來尙有謀生之希望現在悉心籌畫着手進行惟養濟院本無房屋原有之孤貧男女百十餘人歷經住居三角

門外廢廟兩廊墻垣久圯僅免露宿本年春雹夏潦兩遭損失飄搖風雨尤棲止無由迭經派員履勘失修已久一經施工奉勅全局僅就舊有之屋略爲修葺至少已需二百餘元如加擴充費尤不貲現在改組之費尙待籌措建築之款更無所出乃擬撥用地方公產一再調查祇永嘉縣舊學宮一所尙空而未用縣學祀典雖已於舊府學舉行然舊屬聖居改作卑田之院實非尊禮所宜因查永嘉貧民習藝所爲舊温州衛衙署房屋朽舊本不甚適用縣學整齊完好於工場設置管理均屬相宜如將習藝所遷入縣學而以讓出之屋撥作改設廣濟院之用一轉移間各得其所似極兩便之道至應需遷移裝飾之費計亦無多卽由 地尹 設法籌撥不令動及本款於該所尤並無損失除將改設廣濟院辦法另行酌議呈核外所有擬將習藝所遷讓房屋緣由理合備文呈請 鈞長鑒核迅賜指令祇遵實爲公便謹呈

批李崧呈爲改良善舉宜仍舊貫文 七年十二月 日

據呈各節自爲預防起見但所稱糾衆強劫一層殊覺過慮在院內者如可出院則在

城外者何獨不可進城此全在取締得法不在乎城內城外也況現擬廣濟院章程凡留院收養者已明定限制一年在六十歲以上者一殘疾廢棄者概令住院不准出外行乞是該公民等所慮亦已早爲防止且留養者由院給予飯食並不各自爲炊故所稱失慎貽害一層亦可無慮總之慈善公安自應雙方兼顧現正釐訂章程遴選董事期於治法治人悉臻妥洽至稱此後管理深恐不得其人則事關地方公益該公民等儘可呈請官廳察核更換此時正不必鯁鯁過慮也仰卽知照此批

致財政廳廳長張函 八年一月十一日

道生仁兄大人閣下敬啟者永嘉慈善事業本不完備近來小民生計日艱窮苦無告者亦日益見多雖由弟隨時周恤杯水車薪無濟於事亦非持久之道因擬就舊有養濟院遷移地址量加擴充酌提各縣公款爲該院經費業經具呈 省座奉令照准現在着手進行並擬附設施醫局預計經常費用每年至少非三千元不辦永嘉縣原有孤貧口糧儘數移撥每年不過四百餘元甌屬各縣公款甚少且亦支配已盡點金乏

術無米難炊查舊溫屬永瑞樂平四縣縣稅公益一項爲數較多預算用途均有餘存
茲擬就該四縣公益項下每年各提撥銀三百元永嘉原有之孤貧口糧仍舊照撥作
爲經常收入尙不敷銀一千四百元及目前一切開辦經費均由 弟另行設法捐募俾
資開支惟動撥縣稅應由尊處主政特先函商如荷贊助當再備文咨商並將預算簡
章呈 省核示事關公益務懇俯念窮黎曲予矜全無任寅感并乞迅覆尤所盼禱

呈省長齊擬將漏米充公款項撥充廣濟院經費文 八年一月十五日

呈爲呈報漏米充公款項撥充廣濟院經費造具清冊仰祈鑒核事竊查前由水警查
獲胡萬盛丁文卿鄭宗發朱廣源等私運食米案四起發交永嘉縣知事處分變價後
經道尹將充公款項造具收支清冊並擬定餘存米款用途呈奉 鈞署第一一八四

二號指令核准在案嗣又准水警區先後查獲陳順郎等私運食米案因起解請訊究
等由均經發交永嘉縣知事分別處分去後茲據該縣知事將訊結情形及米款具報
前來除撥還該縣墊用盤運各費並分別酌提賞金送由水警區轉給具領外實存銀

九百四十三元一角一分九釐道尹查前經呈准改設之廣濟院一切開辦經費尙無
着落擬將此次餘存米款盡數撥充廣濟院遷移及修理房屋一切開辦費用以全善
舉理合造具收支清冊備文呈請 鈞長鑒核指令遵行實爲公便再廣濟院一切開
辦費用應俟辦理完竣後專案列冊報銷合併呈明謹呈

呈省長齊爲呈請酌提各縣公益費以充廣濟院常年經費文 八年一月二十四日

呈爲呈請事竊查道尹前擬改設廣濟院一案已奉 鈞署核准並將房屋圖樣改設

章程暨開辦經費清摺一併呈送在案惟預算廣濟院常年經費每年至少約需銀三
千元永嘉縣原定孤貧口糧每年不過四百餘元甌屬各縣公款甚少且亦支配已盡
查永嘉瑞安樂清平陽四縣縣稅公益費一項爲數較多預算用途亦均有存餘茲擬
就該四縣公益費項下每年各提撥銀三百元連同永嘉縣原有撥款共一千六百元
尙不敷銀一千四百元由 署及在城各機關捐募足數作爲經常收入以資開支廣
濟院以甌海道名義設立在公益費有餘各縣酌提補助似尙名正言順如蒙 俯准

卽擬着手進行並編製預算書另行呈報所有擬提各縣公益費撥充廣濟院經費緣由是否有當除咨商財政廳外理合備文呈請仰祈 鈞長鑒核俯賜指令遵行實爲公便謹呈

呈省長齊爲送廣濟院章程及開辦經費清摺並圖說文

八年二月十四日

呈爲呈送改設廣濟院章程暨開辦經費清摺並房屋圖樣仰祈鑒核事案奉 鈞署

第一二二三號指令 道尹擬遷永嘉習藝所房屋改設廣濟院請令遵由內開呈悉該

道尹擬將舊溫州衛衙署內所設之貧民習藝所遷入縣學而以讓出之房屋撥作改設廣濟院之用係爲救濟孤貧起見事屬可行仰將現擬撥用房屋間數繪具圖說兩份連同廣濟院章程一併另文呈送以憑核奪此令等因奉此正在遵辦間又奉 鈞

署第七八七號指令 道尹造報米案充公款項收支冊並請將餘款撥充廣濟院經費

由內開呈冊均悉查該道尹前呈改設廣濟院一案經令繪撥用房屋圖說及章程呈奪在案所請將米案充公餘存款項九百四十三元一角一分九釐撥作該院開辦經

費一節事關善舉自屬可行惟應先開具該院應需開辦經費表及前令繪送圖說章程另呈候示仰卽知照册存此令等因奉此遵卽令行永嘉縣知事轉飭遵辦并繪送房屋圖樣去後茲據該知事將習藝所及縣學房屋繪具圖說呈送前來道尹察酌情形擬訂廣濟院章程並造具開辦經費清摺連同圖說備文呈送仰祈 鈞長鑒核施行實爲公便謹呈

呈省長齊查覆遷讓習藝所房屋改設廣濟院並無窒礙文

八年三月一日

呈爲查覆遷讓習藝所房屋並無妨礙情形仰祈鑒核事本年二月二十七日奉 鈞

署第三一三號訓令內開案據永嘉王毓英徐象嚴陳祖光等電稱溫屬過老堂歷在城外僻處爲防搭盜釀火染病幫討擾民等害黃道尹變名廣濟院欲遷城內壓佔習藝所閭邑惶恐僉祈電諭仍舊以保治安等情據此查前據該道尹呈請擬遷永嘉習藝所房屋改設廣濟院當經指令事屬可行並飭將現擬撥用房屋間數繪具圖說兩份連同廣濟院章程一併呈送核奪在案據電前情過老堂係屬何項慈善機關是否

卽爲前呈所稱養濟院化名擬遷房屋於習藝所究竟有無妨礙合亟令仰該道尹詳
確查明覆奪此令等因奉此查永嘉縣慈善機關本屬無幾城外並無所謂過老堂者
殆卽養濟院之化名道尹辦廣濟院初意以甌屬瘠苦小民生計維艱貧無由養病
無由醫輾轉待斃極可憫憐故抵任以後自捐俸給施送醫藥給發口糧期年以來費
至數千餘金然係個人施濟不足以持久而行遠因擬籌集專款設立廣濟院收養貧
乏附設醫局施治疾病城外原有之養濟院房屋朽敗不堪棲止口糧無多擬一併遷
入俾免饑寒旋經查明該院所收養者多係乞丐不甚安分之徒遷併城內恐不甚宜
祇能暫仍其舊廣濟院成立之後該院如有出額不再遞補任其自然淘汰是原電所
稱搭盜釀火染病幫討等情可無過慮至永嘉縣習藝所原有第一第二兩處第一所
先設滄河巷民國二年遷入舊縣學署嗣於三年秋以商業學校商借校舍遂由永嘉
縣劉前知事將第一所遷併舊衛署之第二所內是縣學房屋習藝所先曾借用此次
遷回並無不宜一切修理布置并由道尹設法另籌不令動及所款似尤毫無妨礙城

外養濟院停止遷移之議道尹於接見士紳時迭經明白宣布王毓英爲習藝所前任所長亦已知之或挾事前未與接洽之微嫌故特出面反對豈知廣濟院成立之後受惠者爲其桑梓人民與官廳初無關係此等舉動未免多事奉令前因理合備文呈覆仰祈 鈞長鑒核示遵再舊衛署及縣學房屋圖說并廣濟院章程業於二月十四日呈送在案合併陳明謹呈

呈省長齊議覆酌撥廣濟院經費情形文

八年三月十三日

呈爲議覆酌撥廣濟院經費情形仰祈鑒核令遵事案奉 鈞署第一四六一號指令

道尹呈爲擬提各縣公益費撥充廣濟院經費祈示遵由內開教養孤貧用意甚善惟設院既在永嘉且定名曰永嘉廣濟院則收養孤貧恐難及於他縣若擬提撥瑞安樂清平陽各縣公益費年各三百元似不如令該三縣各設孤貧院就近收養較能普及否則各該縣地方士紳不免意存畛域即使目前勉力撥解終非持久之道仰再妥籌辦理具覆章程姑存此令等因奉此仰見 鈞長籌畫周詳自應遵照辦理惟查永嘉

地方舊爲府治且係交通孔道甌海各屬羈旅人民實繁有徒其貧乏不能自存者輒扶老携幼紛紛來永尋覓生計多有因而流落無歸者原有養齊院所收養者永嘉貧民而外其原籍爲瑞樂平陽者亦復不少廣濟院成立之後自須照舊辦理收養未能強分界限且道尹前請於永瑞樂平四縣各撥公益費銀三百元合之尙不見多分之甚屬有限如令各縣各辦勢必如永嘉舊定辦法每人每年各給千數百文之口糧在公家徒糜正款在貧民仍屬無濟就使嚴限名額而厚給口糧俾不至仍行乞以求活亦適以養成惰懶之性終爲廢民似不如以各縣之款集之於道各縣貧民本得一律收養並酌量授以謀生之工藝俾尙有自立之希望至各縣士紳於撥款一層誠不免意存畛域應請以永嘉二字改爲道立庶於事實名義均相符合道尹任職以來於地方公益事業多係設法勸募勉爲提倡明知公款支絀苟非萬不得已未敢輕於請撥此次籌辦廣濟院擬撥各縣之款就令如數照准於經常經費亦僅得其半不敷款項仍須另行籌募現已稍有把握奉令前因理合備文呈覆仰祈 鑒核令遵實爲公便

謹呈

訓令

永嘉瑞安樂清平陽

縣知事於各該縣公益費內提解廣濟院經費文

八年四月十六日

照得本道尹前以甌屬慈善機關本屬無多民國以後原撥經費又紛紛停止近來生計日艱老弱殘廢及貧苦不能自養者日見其多因擬就永嘉縣舊溫州衛衙署創辦廣濟院以資收養惟該院常年經費至少約需銀三千元必須籌有的款方能舉辦查永嘉瑞安樂清平陽四縣公益費一項爲數較多預算用途尙有存餘擬於該四縣公益費項下每年各提撥銀三百元呈請 省長察核在案茲於本月十四日奉 省長公署第二七二二號指令本公署議覆酌撥廣濟院經費情形祈示遵由內開呈悉姑准如擬在於永嘉瑞安樂清平陽等四縣公益費項下每縣暫提銀三百元作爲廣濟院經費仍須設法另籌以資持久仰卽分飭各該縣遵照並咨財政廳備查此令等因奉此除咨行財政廳查照並分行外合行令仰該知事遵照并將應提廣濟院經費銀三百元籌解來道以憑撥院支用此令

致瑞安樂清平陽三縣知事函 八年五月十八日

逕啟者廣濟院預算常年經費共需銀三千元除由永瑞樂平四縣各於公益費項下撥銀三百元外不敷之款已由永嘉在城各機關勸募足數所需開辦經費亦經本公署另籌並令委錢紳熊堦爲該院董事組織就緒於六月一日開院收養名額暫定男女各五十名除永嘉外所有瑞樂平三縣各留額十名茲抄送章程一紙如有貧苦無依者希卽按照章程及留出額數計男女各五名遣送該院收養可也特此函達希卽查照此致

呈省長齊呈報廣濟院開辦情形並送各項冊摺文 八年七月三日

呈爲呈報廣濟院開辦情形並送各項冊摺仰祈鑒核事竊查前奉 鈞署第二七二二號指令 署議覆酌撥廣濟院經費情形祈示遵由內開呈悉姑准如擬在於永嘉瑞安樂清平陽等四縣公益費項下每縣暫提銀三百元作爲廣濟院經費仍須設法另籌以資持久院內收養貧民既無分畛域原冠永嘉字樣自屬不合卽改稱道立亦

屬不必卽定名爲廣濟院前途章程准予備案仍速將收支預算書編呈候奪仰卽分飭各該縣遵照並咨行財政廳備查此令等因奉此遵卽分別咨行並令各該縣遵照辦理一面按照原擬章程遴委永邑公正紳士錢熊堯充任廣濟院董事並刊發木質圖記一方令飭該董將一切應行籌備事宜妥爲籌備去後嗣據該董事呈報籌備完全於本年六月一日成立先就永嘉縣選收極貧苦之男婦各三十五名共計七十名等情當卽令飭瑞安平陽樂清三縣各送十名以符原定百名額數惟查廣濟院開辦經費原擬約銀五百元係因經費無從籌畫故僅就目前所必要者計算現因原有房屋破壞不堪修理費用不得不增加且收養之男婦均係孑然一身冬夏需用之棉單衣褲與牀帳被褥及一切應用之物均屬一無所有而又萬不可少苟非購備齊全將來逐項添購既不能動支經常費用復無從設法另籌款項入冬之後仍不免於受凍尤覺多所困難故令該院董事於籌備時一律辦竣俾免臨時竭蹶茲據呈送開辦費用清冊前來共計洋壹千玖百伍拾壹元貳角零柒釐據尹逐項查核均屬實在除將

前經呈准充公米款餘存項下撥充該院開辦經費銀玖百肆拾叁元壹角壹分玖釐
盡數撥用外尙不敷開辦經費銀壹千零捌元零捌分捌釐擬請在業經呈報有案之
江發興充公米款壹千叁百零肆元陸角叁分貳釐內照數動支尙餘米款銀貳百玖
拾陸元伍角肆分肆釐俟指定用途另文呈報至廣濟院常年費用預算每年共叁千
元除永嘉瑞安樂清平陽四縣每縣每年於公益費項下提撥銀叁百元共計壹千貳
百元外尙少銀壹千捌百元業經道尹於永嘉在城各機關勸募足數理合造具廣濟
院收支預算書表及開辦經費清冊備文呈送仰祈 鈞長鑒核施行並懇分令財政
及烟酒公賣局將收入表內所列各該局認捐之款分別備案俾可永久實爲公便謹
呈

致菸酒公賣局局長周函

八年十月四日

逕啓者頃據廣濟院董事錢熊堦面稱該院經費支絀查貴分局經汪前局長承認每
月捐助該院經費洋貳拾元自貴局長接任以來八九月兩月捐款迄未交付請予函催

等情據此查此項捐款經費分局汪前局長承認按月撥付由 敬 呈准 省署并咨
明貴省局在案現據該董事面稱前情爲此函達貴分局長希即將八九兩月捐款如
數撥交並希以後按月照付以維善舉爲盼

呈省長齊續報漏米充公款項請撥充廣濟院費用文 八年十月二十四日

呈爲續報漏米充公款項撥充地方各項公益費用造具清冊仰祈鑒核事竊查上年
由水警查獲胡萬盛及陳順郎等私運食米各案發交永嘉縣知事處分變價後 道尹

將充公款項先後兩次造具收支清冊並擬定餘存米款用途先後呈奉 鈞署第一

一八四二號暨第七八七號指令核准在案所有本年一月分起至十月二日止據外

海水警第三區及永嘉樂清玉環等縣先後查獲陳振鎰等私運食米解請訊究或請

核示等情到署均經分別令縣處分去後茲據各該縣知事陸續將訊結情形及米款

具報前來除撥還盤運等費用並分別酌提賞金轉給具領外其餘存之款曾經 道尹

迭次呈奉 鈞署核准撥補地方各項公益用途惟尙結存銀一千零四十一元七角

二分六釐查有呈准設立之廣濟院常年經費異常支絀擬請將該項存款盡數撥存東甌電話公司生息所得常年息金撥補廣濟院常年經費以全善舉茲將各款分別撥給清楚除榜示外理合造具收支清冊備文呈請 鈞長鑒核備案實爲公便謹呈

呈省長齊請仍援原案提撥永嘉等四縣公益費充廣濟院經費文 八年十一月六日

呈爲呈請事竊查廣濟院八年份常年經費前經 道尹呈請於永嘉瑞安樂清平陽等四縣公益費項下各提銀三百元以資應用曾奉 鈞署第二七二二號指令准予照行在案現在計算九年份經常費用雖經 道尹於充公米款內呈准提撥銀一千零四十一元七角二分六釐存儲東甌電話公司生息然每年所收息金爲數無幾其他的款再四思維實屬無法可籌事關善舉未便半途中止查永嘉瑞安樂清平陽等四縣公益費均有餘存擬請將廣濟院九年份經常費用仍援原案暫由永嘉等四縣公益費項下各提三百元以資應用一面仍由 道尹竭力設法籌措基金俾持久遠是否可行理合備文呈請仰祈 鈞長鑒核俯賜指令祇遵實爲公便謹呈

呈省長齊呈報遵籌廣濟院經費文 八年十一月二十七日

呈爲呈報遵籌廣濟院經費情形仰祈鑒核事竊查本年十一月二十五日奉 鈞署

第一〇七〇五號指令 職署呈爲廣濟院九年分經費擬仍照案暫由永嘉等四縣公

益費項下撥補祈示遵由內開呈悉此項廣濟院經費查照原案本係暫時籌撥未便

援以爲例所有九年分應需費用如果不敷應仍由該道尹隨時設法籌補以資維持

仰即知照此令等因奉此 道尹自應遵照辦理惟查甌屬各縣地方瘠苦籌款維艱廣

濟院既設立於前又不能不維持於後再四思維惟有漏海米充公款項每年收入爲

數尙多擬請自民國九年分起凡永嘉縣處分漏海米所有標賣款項一律撥入廣濟

院存典生息俟息款足敷常年經費後再將米款酌撥其他用途惟現在九年度已將

開始漏海米款未必卽有收入該院按月需用款項又屬萬不可少 道尹查永嘉縣公

益費項下存款尙多廣濟院設立地點又在永嘉擬請仍由永嘉縣公益費項下暫撥

銀三百元以資接濟所有遵籌廣濟院經費情形理合備文呈報是否有當仰祈 鈞

長鑒核俯賜指令祇遵實爲公便謹呈

延聘

張益平 楊雨農
吳益新 王鳴卿

爲廣濟院董事函

八年十二月十二日

逕啟者竊謂愛民之政養民爲先然民之所得者固能自養而彼老而且病者非收養不足以自存所以古聖王發政施仁必先斯鰥寡孤獨廢疾也永嘉舊有養濟院屋宇傾圯內容腐敗所有在院貧民大抵桀桀者多馴良者少有名無實盡人而知整頓修葺幾於無從着手弟目擊其事怒焉傷之因另擇相當房屋別籌常年經費委錢紳熊堯經理其事試辦半載粗具規模惟是事屬地方公益必須地方士紳相與共理乃能垂久不敝夙仰閣下熱心任事鄉望攸孚茲當廣濟院基礎初成正賴維持久遠爲特備函奉訂務希允諾不盡心期

致補助廣濟院經費各機關通函

八年十二月二十八日

逕啟者廣濟院成立已經半載廻溯此院得能成立實仗諸君子熱心慨助之功今奉令他調行將去此眷眷不忘者厥惟此窮而無告之老病貧民故不避煩瑣再懇告於

諸君子前想諸君子前既大發慈悲撥資助尤望常宏惻隱繼續樂輸況此項補助款早經呈准 省署即諸君子他日榮升別調亦希專案移交人之欲善誰不如我後之來者當效前賢則諸君子之功德永垂不朽矣再 慶淵前已呈請 省署從民國九年起所有充公漏米款項儘先撥作該院基金俟該院基金充足再行撥歸他用是此項補助經費亦非永無盡期惟 慶淵將行矣即以代窮民呼籲之辭作臨歧留別之語并代全院貧病老民百拜頓首以謝大德臨款無任翹企之至

創建廣濟院碑記 八年十二月

自海通以後社會經濟日起恐慌生活程度亦日益增高野無儲蓄戶鮮蓋藏強壯者終歲勞働僅謀一飽衰弱疾病者束手待斃憂時之士亟亟焉提倡實業爲根本之救濟俾號寒啼飢疾苦呻吟而無以自活者各安其所藉免於死亡亦任民治者所有事也永嘉爲浙東一都會隸甌海道治厥初風氣鄙儻敦尚儉約輪舶交通而後俗漸浮靡昔年耕田鑿井之樂不可復覩山鄉土瘠物產無多力食之民無由自贍與夫老弱

殘廢之輾轉溝壑者觸目而是慶湖於丁巳冬來尹是邦謀爲之盡地力興工業俾開
利源而裕生計顧非旦夕所能程功則以俸錢所入散給藥餌口糧拯濟貧乏歲費至
數千餘金然個人之施濟不足以持久而行遠必有常設之慈善機關而後庶續舉行
無虞中轅永嘉來復門外舊設有養濟院歲撥縣公益費銀四百餘元基礎僅存謀所
以擴充而整頓之嗣知該院所收養者類多桀悍不馴之徒屋宇窳敗又非大加修葺
不適於用議不果行最後得西門三官殿巷貧民習藝所屋址爲遜朝衛守備署乃以
習藝所遷諸舊縣學而以讓出之屋剏辦廣濟院擬訂章程編制預算收養廢疾及老
弱無依者暫定男女名額各五十人并附設施醫局撥漏海充公米款銀一千九百餘
元爲修理購置及一切開辦之需常年經費銀約三千元由縣公益費較多之永瑞樂
平四縣每年各撥三百元在城各署局按月捐助年共一千八百元遴委錢紳熊堃董
理其事凍餒者得所養疾病者得所治庶以彌人事之缺憾而各愜所願矣然而博施
濟衆堯舜猶病就令廣廈萬千且有惟日不足之勢況限於經費而僅具規模哉仍當

亟籌生聚之方俾社會經濟調劑於無形人人有自立之能力斯無待於養而自無不
給此救時之至計亦爲治之上理也願與甌民共勉之

呈省長齊呈報漏米充公款項撥充廣濟院經費文 九年一月二日

呈爲呈報八年十一十二兩月漏米充公變價撥充地方公益各款造具清冊呈請鑒
核事竊查八年一月至十月三日以前外海水警第三區暨各縣查獲漏米充公變價
撥充地方公益各款業經造具清冊呈奉 鈞署第九二六一號指令核准在案所有

八年十月四日以後至十二月底止先後據外海水警第三區及平陽樂清永嘉等縣
查獲張治文等私運食米各案分報前來均經令縣訊明擬處並隨時將處分情形呈
報備查茲據各該知事將充公變價款項陸續呈解到道除撥還搬運等費並分別酌
提賞金給領外其淨存米款亦經 道尹迭次呈奉核准撥充地方公益用途總結統算
尙餘銀一千三百五十元六角四分五釐查有呈准設立之廣濟院前經兩次呈准撥
給開辦及常年經費銀二千餘元惟該院常年經費仍形支絀擬請將此次結存之款

悉數撥歸該院存入東甌電話公司生息所得息金提作常年經費庶該院可以永久支持善舉不至中輟除將收支各款列榜宣示外理合造具清冊備文呈送伏乞鑒核備案施行謹呈

專案類六

創設永嘉縣蒙養園案 共三件

批女子師範講習所畢業生夏國英呈爲創立蒙養園請求撥款補助文 八年七月十

三日

呈及章程預算表均悉蒙養園之設對於兒童教育基礎深有裨益惟查預算表所列開辦經費似嫌稍鉅仰再核實酌減至於經常費如果籌有着落本公署准予撥給開辦費洋貳百元以資補助仰卽知照章程暨預算表均存此批

批夏國英呈請准給領蒙養園開辦補助費文 八年八月二日

查是案前據該生具呈來道卽經批令核減開辦費並查經常費是否果有着落在卷

區、省、市、縣、金、銀、年、一、
三、一、一、
茲據續呈並未叙及核減若干遽請撥發補助費洋二百元辦事手續似欠完備現正
令縣飭查經常費銀究由何項籌撥是否確有着落應俟永嘉縣知事覆到再行核給
領結姑存此批

呈省長齊請在米案充公項下撥給蒙養園開辦經費文 八年十月二十日

呈爲呈報事案據浙江省立女子師範學校講習科畢業生夏國英呈稱竊維教育基
礎樹自家庭作聖之功莫先蒙養東西各國文明增進固由學校教育之良而蒙養園
之設遍於各區厥功實偉福祿培爾創之於前各國仿行於後實爲教育之前驅兒童
之福地永邑女學尙未普及母教未修一般兒童既缺調護之功能難期身心之發達
國英有懷尺子敢竭寸衷擬於城區第二女子國民學校內附設蒙養園一所俾就近
蒙童入園教養循序漸進教育前途不無裨益惟事屬創舉設備維持在在需款所有
常年經費除呈請縣知事核准外其開辦費一項懇祈鈞尹准予補助俾得早觀厥成
爲此擬具章程連同預算表各一份伏乞恩准察核施行實爲公便等情並送章程暨

預算表前來據此道尹當以蒙養園之設對於兒童教育基礎確有裨益即經照准在
漏米充公項下撥給開辦費銀二百元以資補助一面訓令永嘉縣知事查明該園經
常費是否已有着落款由何項撥給一併聲覆以憑核辦去後旋據該縣張知事濂覆
稱知事以蒙養園之設為第二家庭教育自係切要之圖且永邑向未舉辦該生念社
會情狀對於母教未甚諳練因假此調護功能力圖補救其意洵屬可嘉惟永邑學款
均經指定用途本無餘款可籌因思鈞尹慈幼為懷居高提倡知事職責所在何敢不
勉為設法曲予成全爰就縣教育費項下年撥經常費洋一百六十元九角九分六釐
聊敷開支明知區區數目等於巧婦貽譏無米之炊但各校待款孔多恆苦供不敷求
不得不力從樽節奉令前因所有籌撥蒙養園經常費緣由理合繕同酌減預算書一
併呈覆仰祈察核令遵等情茲據該畢業生夏國英請領撥款除在職署呈報有案之
新益順漏米案餘存充公價銀二百十九元一角一分八釐撥給銀二百元所有尙存
銀十九元一角一分八釐俟另文呈請撥補他項公益費用外理合備文呈報仰祈

鈞長鑒核備案實爲公便謹呈

專案類七

創設舊溫屬女子師範傳習所案

共六件

致教育廳廳長伍函

七年七月二十五日

仲文仁兄大人閣下逕啟者此間紳士多以創組女子師範傳習所爲請查各舊府屬大半都已設立獨溫屬尙付缺如現女學日見發達高小畢業後已無復有進取之望遠遊求學不獨學費難籌且多所不便如限於經費不能辦完全師範學校似辦一傳習所亦於女學前途獲益非細將來畢業後女學可資推廣而教員亦不必借材異地尊見以爲如何卽希卓裁見覆

訓令舊溫屬六縣知事擬設舊溫屬女子師範傳習所各該縣迅籌學款文

八年七月

六日

照得人才之培植莫善於學校學校之良否端賴乎師表查舊溫屬各縣高小畢業學

生均可轉入中學師範兩校肄業以求進益獨女子高小畢業各生僉以距省寫遠或因資斧維艱未能就學或因家事所絆不克分身輟學中途深爲可惜本道尹有鑒於此擬先創立舊溫屬女子師範傳習所一所額設八十名分作兩班以各縣高小學校畢業女生爲合格定以二年爲畢業每年約計常年經費洋一千六百元之譜擬將此款由舊溫屬各縣承攤俾宏女學而資造就除分令外合行令仰該知事遵照迅將該縣學款通盤籌畫每年可以認解若干務於文到五日內呈覆以便核奪勿延切切此令

呈省長齊擬辦舊溫屬女子師範傳習所附呈預算書文 八年八月二日

呈爲擬辦舊溫屬女子師範傳習所令縣承攤經費檢附預算據情轉呈事本年七月二日據姜琦錢熊堃葉維周潘渭璜林浮止張成謙等呈稱竊溫屬女學頗稱發達凡聰穎女子由高小畢業家境稍裕赴省女子師範求學者固不乏人而艱於經濟獨抱向隅者亦復不少緣處屬有女子師範完全科而溫屬獨無故女子求學尙少精進之

途姜琦等生長桑梓有鑑於斯因集衆商議惟目前經費支絀暫設女子師範講習所以樹女師先聲爲此謹擬預算表繕呈鈞核懇求准如所請俾得進行并請據情備文轉咨教育廳立案以垂久遠至級公誼等情據此查溫屬女子高小畢業生頗不乏人僉以就近無學可升輟業中途深爲可惜姜琦等擬先創立舊溫屬女子師範傳習所專收各縣高小女校畢業生肄業爲將來女師之預備洵足以宏女學而資造就據經批令姜琦等將經常開辦各費切實核減一面分行永嘉等六縣會議籌款具覆在卷茲據永嘉樂清兩縣知事覆稱教育費項下已無餘款可撥擬在縣稅公益費項下每年各解洋四百元瑞安縣知事擬於地丁附捐項下每年墊解洋二百元平陽縣知事擬在準備金項下每年認解洋一百元玉環縣知事每年認繳洋五十元未據指定款由何項撥解泰順縣知事以地方瘠苦無款可籌各等情先後呈覆前來道尹覆查各該知事等所呈尙屬實情現在綜計各縣認定之款已得洋一千一百五十元核與預算常年經費一千五百元尙短洋三百五十元爲數無多一方核減經費一方另籌補

助雙方進行不難成茲女校惟查各縣所認之款或由公益準備兩項撥解或於地丁附捐項下墊繳均非教育固有之款如果一律可以動支平陽一縣每年擬令再加一百元以資挹注除分別指令外理合檢同臨時預算表一紙具文呈請 鈞長鑒核令遵再是項傳習所如准照辦所需開辦經費仍當於常年經費內酌量撙節抽儲並由道尹於漏海米案罰款項下另撥補助以底於成合併登明謹呈

訓令

永嘉瑞安樂清玉環平陽

等五縣知事將承攤認解舊溫屬女子師範傳習所經費造

送預算文 八年九月二十五日

本年九月二十二日准教育廳咨開案奉 省長公署第七五四號指令本廳呈覆甌海道擬辦舊溫屬女子師範傳習所各縣承攤經費一案由內開呈悉是項聯合縣立女師範傳習所經費應由聯合各縣將分認經費造送預算補列八年度各該縣歲出預算書併候核辦卽由該廳咨道查照飭遵原呈存此令等因奉此查此案前奉省長公署令飭核議並准貴公署咨行到廳當以各縣認定之款均由教育費以外公

款撥解應否照准理合呈請核示等語呈請 省長核示在案奉令前因相應咨請查照飭遵等由過道准此查此案前據各該縣認解籌辦舊溫屬女子師範傳習所經費一案當經本署據情轉呈 省長核示並咨教育廳核議各在卷茲准前由除分行外合卽抄發本公署原呈一件令仰該知事迅卽遵照於原認洋一百元外再認加一百元一併 將是項經費造送預算補列八年度該縣歲出預算書呈道核轉勿延此令

呈省長齊轉送舊溫屬女子師範傳習所補列預算書文 八年十二月十二日

呈爲呈送事竊查 署擬辦舊溫屬女子師範傳習所令縣承攤經費一案經於本年八月間呈請 鈞署核示並咨行教育廳查核在案嗣於九月二十二日准教育廳咨會轉奉 鈞署第七五五四號指令本廳呈覆甌海道擬辦舊溫屬女子師範傳習所各縣承攤經費應由聯合各縣將分認經費造送預算補列八年度各該縣歲出預算書併候核辦卽由該廳咨道查照飭遵等因奉准此當經轉行各縣遵令造送去後除秦順一縣地方瘠苦准免攤派外茲據永嘉樂清兩縣知事各認解洋四百元平陽瑞

安兩縣知事各認解洋二百元玉環縣知事認解洋五十元均補列各該縣八年度歲出預算書先後呈送前來除指令並咨行教育廳外理合檢同溫屬永嘉等五縣所送預算書各一份具文呈請 鈞長察核令遵謹呈

致黃君溯初函 八年十二月十七日

溯初仁兄大人閣下逕啓者八字橋舊中軍署地址已向梅伯問過據云該女校發起人曾丹香林宗強陳鳳鏘鄭冠等四君爲維持該女校起見已向官產處繳價承買價僅四百元馮君地造擬就該處建築女師範校址則該校當然作爲附屬小學仍可保存與曾君等原意不悖請閣下與曾君一商當可合而爲一尙希酌裁

專案類八

議創道立清節堂案 共二件

呈省長齊爲擬辦道立清節堂文 八年六月十二日

呈爲擬辦道立清節堂仰祈察核照准事竊查甌海各屬風俗向號淫靡婦女貞節者

實不多見再醮之風尤盛於他處雖由於習慣使然實亦因生計艱窘所致道尹自抵

任以來迭經通令各屬竭力提倡凡有貞節婦女無不呈請褒揚其無力繳納註冊費

者代爲捐俸補繳格於法定年限不能呈請褒揚者復由道尹給予匾額以表彰之並

編演勸重名節白話文分發各縣以資勸導區區苦衷無非望風俗之漸歸敦厚惟其

中有貧苦婦女初則誓守貞節繼因飢寒交迫不得已而失節者所在皆有道尹訪聞

所及殊覺可憐自應設法收養俾得保全名節查道屬各縣皆無清節堂以安置貧苦

孀婦殊非維持名教激勵風俗之道道尹久擬設立清節堂一所祇以經費無可籌撥

有志未逮繼思此舉於補救風俗大有關係未可因經費之支絀遂爾擱置不辦因於

無可設法之中擬一變通辦法其法責成各縣知事切實採訪果有節勵冰霜而家境

實在貧苦無所依靠者由各該縣知事保送來道歸入清節堂收養以竟其志各縣保

送之數視縣分之肥瘠經費之盈絀以爲衡查甌屬十六縣計一等缺二二等缺四三

等缺十永嘉瑞安均一等缺惟永嘉爲附道首縣保送節婦擬定額八名瑞安六名其

餘如平陽樂清玉環麗水等四縣均二等缺各定額四名秦順縉雲青田松陽遂昌雲和龍泉景寧慶元宣平等十縣均三等缺各定額三名共計六十名凡各縣保送節婦一名者月繳費三元卽作爲清節堂之常年經費保送不滿額者聽如是則輕而易舉且各縣如有節婦保送方令認繳款項倘無人保送卽不繳款在攤認經費一方亦無不公之弊該款擬准在各縣行政處分罰款項下開支如無罰款准其在公益費項下開支三等缺公益費雖屬不多然僅保送三名卽使滿額每月亦不過繳銀九元尙不難於擔任該堂擬卽名爲甌海道立清節堂其一切開辦經費均由道尹在漏海充公米款項下撥節動支倘蒙照准卽將預算表及章程並請核定遵行道尹爲憫念貧苦貞節婦女起見是否有當伏乞 鈞長鑒核令遵實爲德便謹呈

呈省長齊再請創設道立清節堂文

八年七月四日

呈爲再呈籌辦清節堂情形仰祈鑒核令遵事本年七月三日奉 鈞長第五二七八

號指令 職署擬辦道立清節堂祈察核由內開據呈係爲救濟貧嫠保全名節起見用

意甚善惟所屬各縣距離道治近或數十里遠則數百里不等以子身贅婦長途跋涉就養於該堂恐非事實所能辦到且每名每月僅由原縣貼銀三元如果無年幼子女攜帶入堂尙可勉強敷衍否則衣食教育等費由何取給來呈併未籌及亦屬遺漏現查得該道屬如永嘉龍泉等縣向有恤嫠會遂昌縣向有清節堂應卽飭令從速整頓其餘各縣應如何體察情形酌量籌辦仰由該道尹通行所屬妥擬辦理據稱籌辦道立清節堂一節應毋庸議此令等因奉此仰見 鈞長於維持名教之中寓鄭重將事之意道尹自應遵照辦理惟就甌屬風化而論尙有不能已於言者謹再爲我 鈞長詳晰陳之甌屬各縣淫靡之風盛於他處民間婦女鮮知廉恥由來已久無可諱言其逼孀再嫁之事更爲尋常所恒見風俗之壞已達極點官斯土者欲改良風化非設立可以保全節婦之機關恐不能收效於將來此道尹所以擬籌辦道立清節堂之苦衷也永嘉龍泉等縣向有之恤嫠會不過就地方士紳報告之各孀婦每名每月發給銀洋數角至各孀婦之貧苦是否足以救濟各孀婦之名節能否賴以保全則不暇計及

且調查各縣情形往往僅有恤嫠會而無清節堂則凡有志願守節因被他人逼醮以致失節者有之其立志激烈者甚或自尋短見喪其性命者亦有之若無清節堂則對此志節可嘉而境遇可憐之婦女將何以安置而保護之此又道尹所以急急請設道立清節堂之苦衷也遂昌縣之清節堂查其基本財產僅有租田十六畝零房屋五間每年收得租穀祇三十餘籮故僅收婦女三人其他各縣并此十餘畝之基本金而無之欲期其設法籌辦更覺困難無可希望永嘉係屬道尹駐在地爲各縣觀瞻所繫提倡善舉既可使各縣效尤籌募款項亦尙較他縣爲易此又道尹所以不得不呈請籌設道立清節堂之苦衷也至各縣距離道治誠有遠近之分然矢志守節之婦女懼爲族人強迫再嫁方且遠避不遑道治既設有清節堂可以成全其志節當不至因路途遙遠不來就養且既由各縣保送則當送堂之時苟力不足以自備川資或無親族伴送該縣知事亦斷無不妥爲設法之理又查距離道治較遠之縣如慶元龍泉景寧雲和等均係三等缺每縣不過保送三人尙非難事如果各該縣以路遠不便竟不保送

或殘婦因長途跋涉不願來堂就養則堂內不過數十餘人其開支亦可節省況人各具有天良有可以保全殘婦名節之處爲知事者當不至漠然坐視不爲設法此各縣保送殘婦一節似於事實上尙非絕對不能辦到者也至入堂之婦攜帶子女經費前呈未曾計及誠爲疏漏道尹查各處清節堂守節之婦女有子女者究屬少數以原擬六十名之額數而論大約至多不過二十人攜帶子女此可令保送之原縣凡帶有子女者按月應繳之費或照人口酌量加增或變通原擬每縣保送一人改爲月貼四元或原定三名者因一人帶有子女二口卽以三名論作爲滿額不再保送亦無不可況入堂之婦女不盡貧苦之人其間稍有財產者亦未嘗無之子女之衣食等費或卽歸其自給卽不然職署尙有漏米充公餘款或先撥二千元存典生息以備守節婦女所帶子女之衣食等費隨後遇有充公米款或其他款項再行酌量提撥以充基本金一面勸好善紳商量力捐助當不難逐漸集成巨款查各處慈善機關創辦時之經費往往竭蹶後經私人之捐助官廳之籌撥遂致基本富足者亦所在皆有且入堂之婦女

仍可兼營女紅以補助其子女之衣食教育等費此對於嫠婦攜帶子女一節所有衣食教育各費似尙不至無從籌措者也道尹到任年餘對於各項慈善事業雖已次第舉辦一二而於救濟貧嫠保全名節事宜則未曾議及此次擬設清節堂本不敢稍有成見第念甌屬風俗淫靡欲求補救之方首在尊崇貞節因於無可設法之中籌萬不得已之法伏懇 鈞長俯念風化攸關予以試辦倘蒙照准再將章程一切呈請備案所有籌辦清節堂緣由理合備文再呈仰祈鑒核令遵實爲公便謹呈

甌海觀政錄卷八目錄

專案類九

創設甌海醫院案 附議設甌海第二醫院案 共七件

專案類十

創辦永嘉縣因利局案 共三件

專案類十一

創設安館公渡案 共十一件

專案類十二

創建永嘉縣礁港燈塔案 共四件

專案類十三

重修景寧雲和兩縣屬泗洲嶺路案 共六件

專案類十四

重修舊處州府 文廟案 共十二件

專案類十五

重修青田縣石門洞案 共二十件

專案類十六

重修永嘉縣 文信國公祠案 共九件

專案類十七

重修永嘉縣雙忠祠案 共六件

專案類十八

重修永嘉縣駐鶴亭案 共三件

專案類十九

創設旅甌江蘇會館案 共四件

雜案類

簡章一件 規則一件 呈文一件 訓令三件 布告三件 函十六件

雜文類

碑記二件 序文五件 祀文三件 壽詩五首 對聯三件

贈言類

留別文二件 贈行文一件 贈行詩一百十五首 贈行詞一件

碑文一件 附呈文二件 函二件

THE UNIVERSITY OF CHICAGO

LIBRARY

PHYSICS DEPARTMENT

5555 S. UNIVERSITY AVE.

CHICAGO, ILL. 60637

TEL: 773-936-3631

FAX: 773-936-3632

甌海觀政錄卷八

專案類九

創設甌海醫院案

附議設甌海第二醫院案

共七件

覆

黃湖初
吳碧華

兩君函

八年六月二十八日

湖初
碧華

仁兄大人閣下玉生及郵局交到手書各一件披讀祇悉開辦費弟撥助洋五百

元此款准在漏海充公米款項下支撥惟須報明 省峯請公等速補一正式公函以

便據情轉報至關切要所擬院章似太簡畧弟已囑玉生另擬詳章再酌會計兼庶務

職務重要月薪十元似乎太非董事握全院之機括開辦伊始責任更重諸公均遠隔

數千里且事非官辦弟何敢擅專惟事屬初辦待商之件甚多書札往還動需時日緩

不濟急殊悶悶也建築費未邀允許尤屬一大打擊此後有不及奉商之事只好與竺

君雨農二人決定暫且施行至董事會務須即日成立以便主持一切弟與竺君不獨

不能專主尤未便任董事也公等以爲何如尙乞迅示爲禱

呈省長齊請將充公米款撥充甌海醫院開辦經費文 八年七月二十四日

呈爲呈請事案據紳士黃羣潘國綱吳鍾鎔等函稱竊甌地瀕海潮濕人煙稠密夏秋之間不免疫痢爲災雖有中西醫院嚴爲之防慎爲之治然而病院設備至難醫者精力有限地廣人多恐難遍顧羣等有鑒於此共同發起創設甌海醫院曾蒙惠允贊助一再熟商預計此項開辦經費約需洋肆千餘元除經由發起人分別負擔外尙短壹千餘元擬請於公署罰款項下撥洋壹千元以資開辦今醫院組織成立定期送診施藥暫賃城內古爐巷陳姓洋房爲院址擬定舊曆七月一日開診除已付過購辦藥品器械之用外尙有雜項費用待需孔亟由院長楊疇出具領狀親詣公署請領款項用特函請貴道尹准予如數給發以應要需爲荷等情前來據此 道尹查温州地臨海濱潮濕之重甚於他處每值夏秋之間疫痢等症往往盛行一般貧苦小民每苦無從求治此種情形確係實在該紳士黃羣等創辦甌海醫院送診施藥實爲急務當經函覆

照准於 職署餘存漏米充公項下撥給洋壹千元在案除俟冊報漏米各案時聲明於何案指撥外理合備文呈報仰祈 鈞長鑒核備案實爲公便謹呈

呈省長齊請撥充公米款補助甌海醫院建築經費文 八年十二月十二日

呈爲呈報事竊查前據紳士黃羣等函以創設甌海醫院缺少開辦經費請撥助等情曾經 道尹呈請於漏米充公項下撥助洋壹千元奉 鈞署第六四九八號指令照准

在案該院自本年古曆七月一日開辦後 道尹屢往考察成績甚佳該院院長楊疇辦事尤具熱心一切設施均屬有條不紊秩序井然惟院屋係租借民房甚爲狹隘以致夏間病症流行之際有實不能容之勢遇有必須留院診治之病往往未能留住茲據院董黃紳羣等函稱現有相當基地擬先購定再圖建築惟經費甚絀請撥給千元以資補助等情當經函覆照准於 職署餘存漏米充公項下撥給洋壹千元在案除俟冊報續獲漏米各案時聲明於何案指撥外理合備文呈報仰祈 鈞長鑒核備查實爲公便謹呈

致黃君溯初函 八年十二月三十日

溯初仁兄大人閣下前日奉到由滬所發手示祇聆種切甌海醫院地已買定惟 鄙意醫院非同其他建築須擇地基爽塏空氣流通若街市通衢人煙稠密之處不特有礙衛生而且易致火患故後來有擬改購舊縣署地址者 弟遂力破其說想閣下亦應謂然惟 弟對甌海醫院祇撥公款未能解囊深以為歉茲因建築費尙嫌支絀特助洋二百元稍竭棉薄聊盡微衷特此奉聞

甌海醫院開院聯

福被甌東功同良相

方傳海外惠及窮黎

甌海醫院碑記

粵自神農使歧伯嘗味草木典醫療病而本草方書出焉黃帝臣巫彭始製藥丸伊尹創行煎劑至元公制禮醫設專官分而治之稽事制食由是民乃得盡天年厥後扁鵲

盧醫倉公抱朴之輩駢肩接踵而興醫學昌明由來舊矣清室中葉五洲交通咸同之間歐風東漸申江一埠沾化最先時西人方設仁濟醫院先君子慨然曰凡事當以實驗爲可據今中國醫家徒務理想道則高矣無乃失之疏乎於是發憤精究西醫主持院務者數十年名盛歐浦湖生也晚性復愚蒙自恨誤於儒冠弗克繼承堂構青囊散失良用疚心丁巳冬奉命觀風甌海越二年己未邑紳潘君鑑宗黃君溯初等籌議組織醫院湖聞之深爲甌民幸喜亟盼事之速成因卽呈准省署酌撥漏米充公款銀千元以助經始之費並於永嘉縣公益費內按月撥助銀百五十元以圖維持永久其創議諸君亦各捐輸巨款甌海關監督周君竺君復許月助俸銀三十元實力既充乃商進行之法卽由潘君等聘任楊君玉生爲院長楊君名疇平陽人畢業於浙江廣濟醫科大學曾任浙省一師二團軍醫正者也定議先賃古爐巷陳姓屋爲院址是秋七月開院湖於公退之暇屢往參觀頗覺規模完備兼之楊君熱心公益任事勤能以故成效卓著所惜院宇湫隘就診者每苦於實不能容且是處空氣污濁於病體亦甚

非宜計非遷地建屋不足以盡善盡美因就管見貢之黃楊諸君博採衆論僉無異議豫計經費須八千金旋由邑紳次第捐集得銀三千六百五十元湖亦捐俸二百元復呈省准撥漏米充公款銀千元永嘉縣稅公益費銀二千六百元約與豫計相去無多遂相地於東山下九柏園頭議建軒敞樓平屋若干室未及興作湖奉調會稽不獲親覩落新之盛深自憾焉越三月院成院長楊君貽書請記其事湖不敢辭則爲之記曰天地之大德曰生洪範之五福首壽醫雖小道而可以明養生之理得延壽之方功施於人是乃仁術也大禹之謨曰德惟善政政在養民水火金木土穀惟修正德利用厚生惟和六府三事允治萬世永賴醫者之療病也無非本三事以爲體藉六府以爲用以不忍人之心行不忍人之事夫亦養民之德政也是以陸忠宣晚歲家居尤留心於醫術聞有秘方必手自抄錄曰此亦活人之一術也范文正少時嘗曰吾不爲良相必爲良醫誠以上醫醫國其次醫人醫固通乎相道者也湖才疏學淺幸際清時南郭吹竽濫叨厚祿慚無惠政難追召杜之風虛受高官未著龔黃之績上無以培養國家之

元氣下無以宣暢小民之生機清夜捫心惴惴焉惟恐如庸醫之殺人是懼以視活人濟世之良醫愧負多多矣中國古時名醫輩出大都精研脈理深識病原是以能著手成春回生而起死也夫病之與藥有正相當者惟須單用一味直攻彼病藥力既純病卽立愈近世醫者往往不能別脈罔識二豎之所居以情臆度多安藥味譬之於獵未知兔所多發人馬空地遮圍冀有一人獲之術亦疏矣假令一藥偶然當病他味相制氣勢不行疾之難瘳職是之故華陀精於方藥而處劑不過數種由博及約蓋得其道矣以治天下之理言之官多則政煩賦重而民乃益病醫之用藥亦猶此也西醫治病每經實驗用藥各有專品頗合中國古醫之法傳所謂天子失官學在四夷者其信然乎潘黃諸君卓然皆醫國之才出其餘力以施醫人之術組織醫院普行實惠其造福於甌海人民豈淺鮮哉至於助款諸君子之仁心要亦未可湮沒爰列姓氏於後以誌茲院落成之顛末蓋皆出諸君子之賜也是爲記

呈省長齊請撥款開辦甌海第二醫院文 八年十二月二十五日

呈爲據情轉呈事案據青田縣紳士杜持杜師預孫如怡龍泉縣紳士葉維周蔡齡麗水縣紳士陳昂李啓華縉雲縣紳士樊光朱泉松陽縣紳士包沚周吳朝冕景寧縣紳士潘鍾俊慶元縣紳士胡德明遂昌縣紳士毛蒙正雲和縣紳士張高宣平縣紳士周篤慶等呈稱竊維衛生之術莫若醫院故凡京都省會及各府屬等處靡不備設查本道區溫處兩屬惟溫屬是項醫院甚形發達本年又奉鈞尹撥款添設甌海醫院一所而舊處屬十縣地面遼闊人口衆多公立醫院尙未舉辦每值時疫流行往往就診於溫遷延時日積久病深以致不能療治者有之半途暴卒者有之紳等有鑑於此擬擇適中地點於舊府治所在之麗水城內創設甌海第二醫院惟開辦之初經費無出查上年發放處屬賑濟餘款擬請酌提二成以資補助並公推浙江高等醫學畢業生盧從彥主任院務移公款辦公益化無用爲有用利便實多爲此僉請鑒核准予轉呈實爲德便等情前來據此 道尹查舊處屬各縣離溫較遠向無醫院每遇艱難病症往往束手設有時疫流行更屬無從診視每致傳延各處該紳等擬於麗水城內創設甌海

第二醫院自係切要之圖除批令將醫院常年經費另行籌定外理合備文轉呈可否於處屬賑濟餘款內酌提二成補助該醫院開辦經費之處仰祈 鈞長鑒核俯賜指令祇遵實爲公便謹呈

專案類十

創辦永嘉縣因利局案

共三件

批張成謙等呈請撥助公款試辦因利局由 八年七月十五日

呈及規則均悉該紳等爲貧民生計起見擬辦因利局事屬可行察核規則亦尙妥洽應准於充公米款項下提撥銀壹千元以資補助仰由張紳成謙主持其事楊紳振忻輔助進行於舊歷七月初一日卽行開辦並候轉呈 省長鑒核備案可也此批規則存

呈省長齊爲永嘉縣紳商張成謙等呈請撥款辦理因利局文 八年七月十五日

呈爲轉呈永嘉縣紳商試辦因利局情形仰祈鑒核備案事案據永嘉縣紳商張成謙

林浮沚楊振圻汪金燾戴爾駿張惠卿戴爾驊張希良等呈稱竊溫屬地瘠民貧挑販
細民苦無資本遂至失業無依往往流於匪類謙等同人業已組織籌集壹千金基址
擬就本城協濟善堂內試辦因利局以濟給貧民一切辦法均做照各處因利局章程
並參酌地方情形略加增減由成謙等於同人中公推該局主任一人事頗就緒懇求
鈞署再撥公款壹千金俾資補助如蒙迅賜給領當即擇吉開辦並求准予立案等情
並附呈規則前來據此 道尹查永邑向多失業貧民該紳等請籌設因利局係爲救濟
貧民起見核其所擬規則尙無不合除批令照准外理合檢同規則備文轉呈仰祈
鈞長鑒核俯賜准予備案實爲公便再該紳等所請提撥公款銀壹千元 職署尙有充
公米款可以照撥一俟撥給後即當另行列表呈報合併聲明謹呈

呈省長齊呈覆因利局常年開支繕送預算單文

八年八月九日

呈爲呈覆事本年八月四日奉 鈞署第六一五三號指令 職署呈爲永嘉縣紳張成
謙等擬辦因利局並稱動撥充公米款祈備案由內開該紳張成謙等籌集基金擬就

永嘉地方設立因利局以濟貧民用意甚善據擬規則亦無不妥應准備案所稱充公米款係何原案局內常年開支是否動用利息來呈均未據叙明無憑查核仰卽另文聲覆候奪勿違規則暨單據各式均存此令等因奉此遵經轉飭該局查覆去後茲據覆稱查局中常年開支共需洋貳百七拾六元另單呈核至利息各節如借洋壹元者定五十天還外收息洋壹分餘類推是以全年約計息洋貳百四拾元出入相抵尙有不敷之款擬另由董事中籌抵基金永不動用以圖久長之計等情據此查該局附設協濟善堂內故不獨可省房租卽一切雜費亦因以減少道尹覆核所列開支各款尙屬核實奉令前因理合照抄預算單一紙備文呈覆仰祈 鈞長鑒核令遵至指撥何案充公米款俟冊報漏海米案時另文呈覆合併聲明謹呈

專案類十一

創設安館公渡案

共十一件

訓令

永嘉樂清

兩縣知事會同查勘館頭江應否建設義渡具覆核奪文

八年一月十一日

案據本署調查員錢熊勳呈稱竊永樂兩邑來往必經之處名曰館頭江江面計水路三十里所有來往航船半多朽壞且船小又無錨可拋是以一遇風浪突作往往失慎蓋歷年以來已數見不鮮永樂人民丁斯厄者實繁有徒墟深焉憫之思欲創建義渡四隻其船比之現在航船既高且大卽半江遇風亦可履險如夷每隻經費計洋五百元左右合需洋二千元堦自慚棉薄不克成茲善果現已商之富商林錫濤君伊亦深表同情願助捐爲倡蓋林商之弟及其工人去年俱遭滅頂之厄擬請鈞尹俯賜核准給予委札俾林商經理其事倘若經費不敷尙祈鈞尹酌量津貼所有義渡章程及開駛時間另行議妥呈請立案一面再向各處勸捐庶衆擎易舉也此後永嘉人民得此航渡其功德無量皆出我鈞尹之賜也爲此稟請鑒核迅賜核准給予委令促成其事實爲公便等情據此除指令呈悉事關地方公益姑候令行永樂兩縣知事查察情形詳細具覆再行察核辦理此令外爲此令仰該知事遵照即便會同

樂清縣知事查勘

詳細情形限文到十日內具覆候核毋稍違延此令

指令永嘉縣知事爲遵令會勘館頭江應設義渡船隻情形由 八年一月五日

呈悉既據勘明館頭江應設義渡船隻所有開辦費用卽責成該知事等籌募於一個月內募足至原有渡船約共幾隻每日來往人數平均計算約有若干每人渡資幾何現擬新製高大渡船每隻約實價若干其常年經費每船約需若干限文到半月內調查明白連同義渡章程一併具報候核勿延並轉咨樂清縣知照此令

呈省長齊擬設安館公渡並於米照捐款內撥款開辦文 八年三月一日

呈爲呈請事竊查甌屬永嘉樂清兩縣往來必經之水道名曰館頭江江面路程計有三十里原有航船多係朽壞船身又小錨篷一切均不完全乘客亦無限制遇有風浪之日時有傾覆船隻溺斃人口情事 道尹因擬仿長江義渡之法設立公渡另製堅大篷船往來以便行旅令飭永嘉樂清兩縣知事會同就地紳士估計造船工料價值並預算常年經費去後茲據永嘉縣知事呈稱業已咨會樂清縣知事督同紳士估明該處設立公渡擬定名安館公渡須造大船四隻方敷來往每船工料計洋三百八十八

元共需洋一千五百二十二元購置鐵錨等物尙須洋一百餘元其常年經費如僱用船夫及修理等項每年需洋四百八十餘元等情前來道尹查常年經費每年所收渡資足以開支惟開辦經費永樂兩縣應各半籌集現在尙無着落查樂清縣有呈准收存之米照捐一千餘元擬於該款內提撥洋七百元不敷之款由樂清縣知事募集永嘉縣應負之開辦經費由道尹督同永嘉縣知事設法籌募至該項渡船造成後除另訂章程舉董經管外擬歸水警第九隊隊長監督一切以免流弊所有擬設公渡及於樂清米照捐款內提撥銀洋以資開辦各情形理合備文呈報是否有當仰祈 鈞長鑒核俯賜指令祇遵實爲公便謹呈

批樂清縣職紳金炳南等呈爲館頭江航船擬請改設輪渡以杜危險文 八年七月二

十三日

呈悉查館頭江航路原有航船破壞不堪由當地紳商呈請另製大船以利行旅本公署因令永樂兩縣知事會勘情形籌款開辦現在船工告竣不日即可開行未便更張

該紳等既熱心公益不妨自行另籌巨款購置小輪設立輪渡所請令縣於公益費項下提款撥用之處應毋庸議此批

訓令 永嘉樂清 縣知事監督安館公渡一切事宜文 八年七月三十日

案查安館公渡需用大船四隻業已造成二隻定本月三十一日即古歷七月初五日先行載客尙有二隻亦不日落成曾經本公署訓令各該知事布告人民知悉在案惟查該項公渡事宜雖有名譽董事按照簡章管理仍應由永嘉樂清兩縣知事負監督之責爲此除分令外合行令仰該知事即便將關於公渡一切收支款項整頓載客及修理船隻等事隨時實行督察毋任稍滋流弊是爲至要切切此令

訓令 外海水警第三區區長 抄發安館公渡簡章並飭分令所屬一體保護文 八年八月六日

案查永嘉至樂清之館頭江原有航船半多朽壞以致時有失事前經本公署令行永嘉樂清兩縣知事會同勘明籌集開辦經費另造大船四隻以便行旅在案現在該項

大船已造成二隻於七月三十一日開行尙有二隻亦不日落成除令縣布告並隨時督察外合行檢發簡章令仰該局區長局長知照即便飭屬一體保護爲要此令

致樂清縣知事唐函 八年八月二十七日

棟清仁兄大人閣下逕啟者安館公渡辦法不求妥善終難持久查民渡船共十六隻現擬由閣下將民渡船夫傳集到縣諭以查悉各船均甚破壞行駛萬分危險官廳理應干涉惟念該船夫無力改良故由官廳集資修造以爲提倡並限各船夫將各船交出由官廳售去得價存候他用官渡四隻卽分撥各該船夫等行駛不責令繳價亦不收取租資惟以後修理應歸各船夫擔任如有損壞須照式修造此種堅固大船方准駛行平日裝載渡客數目及一切陋習均由官廳定章取締各船夫不准反抗自取咎戾望速傳集諭飭後卽將一切情形見覆是爲至要

訓令分道知事劉鍾年驗收渡船工程文 八年九月十一日

案據外海水警第九隊隊長兼安館公渡委員俞應堯呈稱奉令監造安館公渡先後

奉到鈞尹撥給開辦經費具領會將一切開支造具報銷四柱清冊連同各項單據呈報業奉指令准銷在案除一二兩號渡船先經往來開駛外其三四兩號渡船現已趕造工竣船中器具亦已購置完備即可按班開駛應請派員驗收俾昭覈實所有奉委監造渡船工程事宜茲已全部蒞事理合呈報等情據此除指令外合亟檢發原呈單據清冊令委該員即日前往逐細驗收據實呈覆勿稍違延切切此令單據清冊隨發仍繳

指令樂清縣知事呈覆改良安館公渡情形由

八年十月十三日

呈悉察閱章程留用舊船八艘與前呈善後辦法留用四隻何以前後不符此項舊船無論留四留八只准裝載牲畜貨物不准載人應令各船戶具結送縣存案嗣後重造渡船應照現造之大船式樣仿造不准再造小船以免危險現暫留之舊船及承領之新船責成該知事每三個月驗看一次如有破壞之處應勒令重修或廢棄不准再用修理及重造大船半費既由抽存船費中撥用亦應令船戶具結存縣將來如重造大

船其半費准由該縣公款項下撥助仰該知事按照各節將章程修改後從速具報其第一第四號渡船據稱由七里鎮渡夫結領應限五日內辦妥所有安館公渡司事傳諭即日取消至前呈善後辦法第二三兩條應毋庸議並仰轉咨該委員知照此令

呈省長齊報銷建造安館公渡船隻費用文

八年十月十七日

呈爲呈報事竊道尹前請建造永嘉樂清安館公渡船隻曾於本年三月一日呈奉

鈞署第一九六八號指令核准在案道尹奉經委任外海水警第九隊隊長俞應堯監

造渡船工程去後嗣於九月十日據該隊長呈報奉委監造渡船四隻業已趕造工竣

理合造送收支清冊請派員驗收核銷前來當經派委分道知事劉鍾年馳往驗收旋

據覆稱驗得各船身大小一如預約構造均尙堅固船中應有器具亦俱置備齊全核

與報銷原摺開載相符等情卽經分令永嘉樂清兩縣知事於開駛後派警隨時監視

惟此次因添辦帆錨及船中一切器具以致支出超過預算所有不敷銀六百三十八

元五角一分一釐擬請於職署餘存呈報有案之金鎰順金發興米款項下撥補除冊

報漏海米案時另行聲明外理合造具收支清冊一份並檢同水警第九隊隊長俞應堯原送清摺一扣一併備文呈報仰祈 鈞長鑒核俯賜准予核銷實爲公便謹呈

呈省長齊請在米款項下撥給安館公渡不敷用費文

八年十二月三十一日

呈爲呈請事本年十一月三日奉 鈞署第九〇〇五號指令職署呈爲建造安館公

渡船隻事竣開具清冊並檢同原摺請核銷由內開應予照銷仍於彙報漏米案內就冊聲叙以憑查考冊均存此令等因奉此查該公渡船隻落成之後於本年七月三十一日起往來開駛惟開駛之初乘客不多以致逐日售籤價洋割抵開支頗有不敷計八月分不敷銀七十二元八角三分六釐九月分不敷銀八十三元二角七分四釐十月分上半月不敷銀三十五元九角一分六釐所有八九兩月分不敷銀共計一百五十六元一角一分業經在 職署餘存充公米款項下撥補至十月分上半月不敷銀三十五元九角一分六釐據樂清縣知事劉祖錫呈報在該縣餘存米款項下撥補前來業已飭令迅速逕報 鈞署各在案所有 職署撥補前項不敷經費除俟造送漏海米

區
案收支清冊時再於何案項下聲明撥用外理合備文先行呈請仰祈 鈞長鑒核俯
賜令遵實爲公便再自十一月起該項渡船歸民渡船夫具領遵照所定簡章行駛仍
由永樂兩縣警察隨時查察所有開支一切均由民渡船夫自行處置合併聲明謹呈

專案類十二

創建永嘉縣礁港燈塔案

共四件

訓令分道知事葉大澂查勘永嘉江頭礁石文

七年四月四日

查永嘉江頭隱伏礁石下水船隻猝不及避被觸沈沒者時有所聞預防之法自須建
立燈球標識警告船戶俾晝夜往來船隻得以預爲趨避以免危險合亟令仰該員卽
便前往該處詳加履勘妥爲規畫具覆候核勿延此令

呈省長齊請撥永嘉縣礁港燈塔常年經費文

七年八月五日

呈爲呈請事本年三月十三日據温州法政研究所畢業生錢潮等呈稱伏見永嘉江
頭江中有礁隱於水中兩岸闊二十丈每遇舟行下水之時順流而來猝不及防一觸

此礁則船隻立時粉碎貨物人民卽遭沉沒慘不可言況此處爲溫郡上流當處州十縣之下水非預有保險之物則行旅性命在在堪危某等再四思維惟有就兩岸設一鐵桿中懸一凹鐵絲旁設轉捩之物日則懸球爲符號夜則點燈爲引路則此後下水之船不至有淪胥之苦矣爲此呈請撥款興辦成此善舉等情當經道尹詢訪永嘉縣紳士林卓等僉稱該處係溫處往來行船必經之要道大小礁石甚多偶一不慎卽遭沉沒欲免危險非於礁上建築燈塔不可惟建塔費用不資等因嗣復派員履勘無異正在籌議間續據公民林玉梅等來署具呈情願擔募建築燈塔費用以成善舉惟常年經費如僱人看守及燈油修理等用款按月約需洋十元請予籌撥等情據此當經批令先行募款工一面由道尹首先捐俸提倡茲據呈稱已估定工價卽日興工等情前來道尹查建設燈塔以免危險實係地方善舉現開辦費既有着落且已開工所有前項常年經費每年約需銀一百二十元擬請在永嘉縣公益費項下按季動支以垂久遠是否有當理合具文呈請 鈞長鑒核俯賜指令祇遵實爲公便除工程完竣

後另行呈報立案外謹呈

呈省長齊爲永嘉縣礁港燈塔建設完竣呈送清冊收據文 八年三月三日

呈爲轉呈事上年八月二十七日奉 鈞署第八〇二二號指令 職署呈爲江礁有礙

行船現籌款建造燈塔所有常年經費擬請撥支永嘉縣公益費是否祈示遵由內開
呈悉建造燈塔指導行船係爲預防危害起見所請在永嘉縣公益費項下每年撥銀

一百二十元按季動支以充常年經費一節自可准行仰卽錄咨財政廳併令行該縣

知事知照仍俟工竣後具報備查勿延此令等因奉此遵卽錄咨財政廳並令行永嘉

縣知事遵照去後茲據張知事濂呈稱奉令後當經轉令經辦人林玉梅等遵辦去後

茲據林玉梅等呈稱奉令後卽將前次單開應需添辦各件擇其必要者逐件購置完

備將實給價目列入收支冊內支出項下核計收支相抵尙不敷洋二十五元零零三

釐由該民林玉梅吳貴欽陳鼎元三人分擔付訖造具清冊檢齊收據黏聯成簿呈乞

核轉等情到署據此知事覆核無異理合備文呈送仰祈察核轉呈實爲公便等情前

來除指令不敷銀二十五元零零三釐由 道尹 如數捐給毋庸攤派外理合檢同清冊
一本收據簿一本備文轉呈仰祈 鈞長鑒核俯賜備查實爲公便謹呈

創建永嘉縣礁港燈塔碑記 七年十月

甌江形勢險要爲全浙東南要鎮江繞永嘉城東北兩隅名永嘉江亦名永寧江匯括
蒼諸山溪水東注海中海潮倒灌入江上達城西北九十里與括蒼青田交界之安溪
而止溯江而上水隘山多險巖易觸操航業者恒視爲畏途而以永嘉北十餘里之礁
港爲最險以孤嶼屹峙江心水勢一分折而北復一合急流上下是港適當其衝爲甌
括交通必由之道船隻往來日以千計逼近東岸礁石纍纍隨潮汐漲落而隱見厄於
此者蓋不勝僂指先五歲癸丑夏六月有憲兵教練官包君榮英子來自青田亦遭觸
沒於此同船二十四人活僅六人永嘉林紳鹿坪憫之集樂善同社陳君仙槎陳君綏
亭唐君榆邨江君榆臣等謀防患計釀資設球燈於險處俾舟人知所趨避也數年以
來雖間有誤觸而賴以幸免者實屬不少不可謂非球燈之助第事屬草創求完備而

垂久遠非於礁岸建鐙築塔不爲功乃緣工艱費鉅議而未舉今春林紳子立夫爲余言綦詳因力爲憇懇捐俸提倡並予籌定經常費以持其久立夫歸陳之父鹿坪乃復踵前議捐資改建經余倩葉君文侯偕同林君立夫孫君公度陳君子明僱棹往勘復經一再計議而鐙塔之規畫始定塔分二層上層置鐙下層爲司鐙人居所取返照法逼鐙之光影朗射於礁石標識之上益使經此船隻瞭望分明可以預爲引避洵善策也余憇之爲諏吉於本年夏歷八月十日興工今已落成從茲化險爲夷甌括之商賈行旅咸資永賴是林紳父子先後之倡議與夫贊助同人其功皆不可沒也允宜壽之于石繇斯善舉以示來茲余故樂爲碑記

專案類十三

重修景寧雲和兩縣屬泗洲嶺路案

共六件

訓令

景和

縣知事飭修泗洲嶺道路並先具報遵辦情形文

七年

照得該縣與

景和

交界處之泗洲嶺爲往來交通要道近因年久失修路石均已欹斜

不堪以致往來行人時有傾跌之虞不獨於交通大有妨礙且踰越山嶺尤屬危險爲此令仰該知事遵卽會同妥速籌款修理以利行路並仰將遵辦情形於文到半月內具報候核毋稍稽延切切此令

指令景寧縣知事呈爲遵令咨會雲和縣勘估修理泗洲嶺路工情形由

八年一月七日

呈及清單均悉據稱該項路工需費一千一百五拾元究竟能否酌減仰再切實估計一面趕緊會同雲和縣知事設法勸募如有捐至二百元以上者由本道尹給予匾額以獎勵之該項路工於交通大有關係兩縣合力籌募不難集成鉅款以期及早興工茲由本道尹先行捐俸五十元藉資提倡再查該縣與雲和縣公益費均尙有餘存能否酌提若干並仰咨會雲和縣知事查明具覆候核勿延切切此令單存

指令雲和縣知事爲呈覆勘修泗洲嶺路工情形由

八年一月十日

呈悉查修理泗洲嶺路工價前據景寧縣知事呈覆已會同該知事勘明需洋一千一百五拾元等情業經指令覆估酌減并由本道尹先行捐助銀五十元以資提倡一面

由景寧縣知事會同該知事勸募暨將兩縣公益費項下能否酌提若干查覆在案來呈所稱雲邑境內修路工價需洋三百元究竟是否在一千一百五十元之內未據聲明無從核奪仰速與景寧縣知事接洽辦理俾該路及早修竣以利交通切切此令

指令景寧縣知事呈請獎勵邑紳李光元捐助路工經費文

八年五月二十日

呈悉據稱邑紳李光元慨捐修理泗洲嶺路經費銀貳百元殊爲難得應由本道尹給予熱忱公益匾額一方仰該知事轉給具領至本道尹捐助之壹百元並代募孫謙記銀貳百元共銀叁百元並仰分填收據來署領取尙不敷銀百餘元仍由該知事設法募足一面卽行開工勿稍稽延切切此令

重修雲和縣泗洲嶺路碑記

九年一月

泗洲嶺舊名安溪嶺距縣南十五里清同治初邑紳洪正潔將在嶺上建設茶亭掘土得銅像一尊高僅尺餘鐫有泗洲大聖四字遂建廟以供奉之由是更號泗洲嶺嶺與景寧交界兩山叢峽一徑相通爲雲景兩邑往來必由之道去歲委員王知事寶謙

赴處屬各縣調查習藝所事竣回道具言該嶺路久不修石多傾欹行頗危險余思古者司空以時平易道路漢時王霸爲上谷令修飛狐道堆土布石三百餘重吏民稱便化險爲夷以利民人雲邑應修嶺路凡五里余先捐俸七十元杜前知事亦捐俸三十元復由各紳商募集二百六十元始於八年四月一日鳩工興修其監視工程者爲溫溪國民學校校長洪紳有芳卽同治初年在嶺建設茶亭洪某之曾孫也當陳知事協恭履任之初嶺路已告成功邑紳等議更修築溫溪以下舊路約四百丈預計不敷銀二百餘元陳知事首先捐俸三十元各紳商亦樂願更捐以竟全功至九年一月路工始畢後之往來於此者雖不足比於五達六達之康莊亦庶幾履道坦坦不至如王陽之回車險坂阮籍之洒涕窮途也乎於以知事在人爲夷險無一定之勢也無惑乎李白謂蜀道之難難於上青天而陸暢復謂蜀道之易易於履平地矣工旣竣爰勒石以紀其事如此

重修景寧縣泗洲嶺路碑記

九年一月

景邑北三十里有嶺曰泗洲與雲和接壤爲兩邑行旅往來必由之道上至龍泉慶元通福建大路下至麗水金華達杭省通衢去歲委員王知事寶謙赴舊處屬各縣調查習藝所事竣回道具言該嶺路久失修行頗危險路爲雲景兩邑分轄因分令前景寧縣知事陳景元前雲和縣知事杜坦之勘查議修當由兩邑知事咨決分境修築約計景境應修之路二千八百餘丈估路每三丈包工一元約需工資八百元無如地方瘠苦籌款爲艱故雖勘估分明未克卽興工作心焉憂之爰先捐俸百元以爲之倡並代募得孫謙記捐款二百元又縣屬公民李光元熱忱公益首先認捐二百元復由陳知事捐俸三十元設立印簿分託邑紳捐募旋經勸學所所長潘鍾俊視學員葉桐自治委員洪昌驥自治助理員吳景璧吳師祁等實力勸募並各自認捐數未幾竟能集足千元超軼原估二百元非該紳等急公好義曷克臻此吳紳景璧復不辭勞瘁兼督工程自己未三月二十五日興工至九月二十八日竣工計築路三千二百七十九丈六尺凡給工資九百一十一元合工資一元築路三丈六尺路增而工減此尤足徵該紳

任事之勤能也夫山徑崎嶇本非康莊之比況復石多傾墜時懼顛危行路之難難於蜀道何怪王陽之畏險坂阮籍之哭窮途也幸賴各士紳踴躍捐輸集成巨款俾得鳩工修築化險爲夷其造福於行旅之往來者豈淺鮮哉爰勒石以紀茲事之顛末如此所望後之人隨時修整勿使嶺路復就傾圮則庶幾一勞永逸也乎

專案類十四

重修舊處州府 文廟案

共十二件

訓令處屬青田等九縣知事邀紳籌捐款項修理處州府 文廟文 八年二月十七日

本年二月十五日據麗水縣知事涂貢琳呈稱竊查民國七年十月三十日據舊處屬闔郡紳士麗水孫壽芝許景清周焯青田王復張品純季秉鈞縉雲徐師勉朱泉應友陶松陽許作舟葉祥麟葉慶崇遂昌毛蒙正鄭愷潘世燾龍泉李爲蛟毛輜項應銓雲和魏毓祥張煥奎梅占魁宣平陳鶴書曾學誠周惕景霽柳景元洪昌驥葉葆祺慶元姚文林周邦胡德明等呈稱竊本年春間紳等以舊處州府 文廟坍塌將圮會商同

人發起重修以保存舊府屬 聖蹟曾於陳前知事任內具呈請函商各縣集紳募捐
在案現在兩廡及崇聖祠業已坍塌再不修理將就傾圮前值省議員覆選時各縣紳
士咸集當經紳等與之商議僉皆贊成并謂春間接到公函後如松陽慶元等縣業已
募捐尙未湊齊彙寄刻下府 文廟亟宜興修惟款項有着方可動工爲此重申前議
請知事致函各縣知事如已捐有成數者請卽先行彙寄麗水縣公署收存或尙未募
捐請卽從速集紳勸募以便擇日興工事關保存舊府 文廟聖蹟當亦爲閩屬同人
所樂爲襄助者也爲此聯名呈請察核施行函商各縣實爲公便等情據此查 孔子
之道如日月光天江河行地自生民以來所未有我國數千年名教綱常禮義文化風
俗人心皆賴我 孔子一人之力以維持於不敝近自歐西學說傳入中華輕浮無識
之徒動輒譏詆 孔教誇美西學殊不知西學固宜講求而 孔教亦何可輕棄該紳
等現擬重修府 文廟保存聖蹟具徵尊崇 孔教振起斯文作中流之砥柱挽旣倒
之狂瀾嘉慰無已欽佩曷勝惟查此案曾於本年二月二十七日經陳前知事據情分

咨處屬各縣勸令就地紳董量力捐輸在卷迄今十月有餘未准分別咨覆過署據呈前情應候再行分咨轉請勸募解給興修可也除批示外卽於十一月九日分咨青田縉雲松陽遂昌龍泉雲和宣平景寧慶元各縣請卽勸令就地紳董量力捐輸剋日咨解以便轉給興修在案現在又逾四月除龍泉一縣已准咨覆業經函催就地紳董量力勸捐雲和一縣咨覆地瘠民貧難以兼籌並顧外其餘各縣有無勸紳籌款均未准接咨覆茲復據舊處屬闔郡紳士孫壽芝王復等面稱舊處屬府 文廟亟待興工款尙無着請再據情轉呈鈞尹懇予分飭各縣籌款以資修葺等語前來知事以事關保存 聖蹟自應准如所請惟可否准予分飭各縣集紳勸募以資修葺之處伏乞鈞裁所有舊處屬府 文廟坍塌將圯據情懇請准予分飭各縣集紳勸募以資修葺而存 聖蹟緣由理合具文呈請俯賜察核實爲公便等情據此查處州舊府 文廟旣已坍塌自應籌款修葺俾崇觀瞻而保聖蹟温州府 文廟上年亦經本道尹捐廉提倡邀紳籌款並提撥舊存文成息款興修現已葺事煥然一新處州事同一律本道尹亦

國朝文獻通考卷之八十一
當酌量捐助以資提倡據呈前情除指令並分行外合行令仰該知事遵照迅卽邀紳
廣爲勸集咨解仍將勸捐咨解數目報查切切此令

指令麗水縣知事呈請分令各縣籌款興修舊府 文廟由 八年二月十七日

查處州舊府 文廟旣已坍塌自應籌款修葺俾崇觀瞻而保聖蹟據呈前情仰候分
令舊處屬各縣一體邀紳籌款修理可也至舊府屬現在有無各縣集存文成等款可
以撥作修理經費估計工資約需若干並仰一併查明呈覆將來動工興修本道尹亦
當酌量捐助以資提倡此令

呈省長齊爲修理舊處州府 文廟經費不敷擬請於各縣準備金下攤撥補助文 八

年六月六日

呈爲修理舊處州府 文廟等處經費不敷擬請在各縣準備金項下攤撥補助以資
興修而保聖蹟仰祈察核令遵事本年六月三日據麗水縣知事錢誦槃呈稱案奉道
尹指令前任知事涂貢琳呈爲遵令呈送擬修舊處州府 文廟估價表由奉令內開

呈表均悉修理 文廟估價竟至一千九百五十元有奇未免過鉅仰新任知事核實復估並將 文廟隙地等處每年租金約數若干查明具覆再行核奪一面勒令劉廷煊等將應繳租金剋日繳出毋任延宕切切此令等因奉此遵經轉令舊處屬闔郡紳士孫壽芝等核實復估旋據該紳等以舊府 文廟歷久失修此次不啻重建原送估價表均係核實估計請再派員復估等情呈覆到署據經知事另派自治委員譚騏切實估計去後茲據該委員呈覆遵即帶同土木二匠前往查照原估建修全換新料價洋一千九百五十元委屬核實委員爲節省起見權宜估計着該匠詳察舊存原料可用則用可改則改自大成殿以及大成門東西兩廡拆換添補計共工料洋五百八十元至崇聖祠倒坍將半韓公祠覆沒無存兩處照舊建復計洋二百八十元餘如大成門外左右墻圍欄聖門橫墻東西道德棚門等土木二項亦須洋九十元此就該二匠一面估計之言將來實行仍用投標方法以期實在等情請核轉前來知事查核此次該委員復估修理府 文廟工價係僅就大成殿等處各項緊要工程酌量估計較之

前估數目業已大加核減惟據聲明將來仍用投標方法則雇匠興工之時能否照此次估價不致溢出範圍尙難決算而籌募款項似不能不預留寬展地步俾免臨時支絀至公民黃景熙等以府文廟隙地並社稷壇遺址歷年收益被劉廷煊等分用呈請省長令縣追繳作爲文廟修費一案卷查府文廟隙地卽係名宦鄉賢祠旁餘地初經劉廷煊等於前清時以農林公社名義集資栽桑民國六年間又經第十一中學校長王復呈請撥作校用曾奉省長咨部核准上年十二月間該農林公社與中學校迭呈省公署暨實業教育兩廳互相爭執尙未解決旋據十縣公民黃景熙等呈請將此項地租充作修理府文廟費用當經涂前知事查明議將學宮隙地及社稷壇兩處每年應繳地租銀五十元自民國元年起至八年止共應繳銀四百元呈奉省長指令照准在案知事抵任後業經遵照省令轉飭劉廷煊等如數照繳惟現據該農林公社代表毛管封等暨社員劉廷煊等又以涂知事挾嫌朦復破壞實業等情來縣分詞具呈是修理府文廟之舉僅恃此項地租非特追繳爲難且仍無

濟於事知事查修理府 文廟一案係由舊處屬十縣士紳聯名呈請若仍照前議歸十縣分籌經費尙屬輕而易舉除由知事令飭舊處屬閩郡紳士孫壽芝等再行妥議或歸各縣紳士分認勸募或歸各縣公益費項下按縣分攤一俟議復另文呈請察核通令遵辦奉令前因理合開摺備文呈覆仰祈鑒核令遵等情並送清摺一扣前來道尹查此案於本年二月間據前任麗水縣知事涂貢琳轉據舊處屬十縣士紳孫壽芝等聯名呈請集款興修當經准如所請分令舊處屬各縣一體邀紳籌款修理一面指令估計修費旋據呈送估價表前來共計需銀一千九百五十二元一角道尹恐有浮濫情弊復經指令新任錢知事核實復估並飭勒令劉廷煊等將應繳 文廟等處隙地歷年租金尅日繳出各在案茲據前情復查前經分令各縣邀紳籌款一節僅據景甯縉雲二縣先後呈覆均以勸募困難發起呈請之人亦各因事出外須俟回籍再行集議等詞其餘各縣雖未覆到恐亦同一爲難現在府 文廟亟待興修若再曠日持久輾轉遷延勢必坍塌日甚需款因之更鉅察核此次該縣復估數目僅需銀九百五

十元較之原估修價計已核減大半即使寬留餘地以一千二百元爲範圍亦屬較易爲力所有劉廷煊等欠繳地租銀四百元既經呈奉 鈞長核准充作 文廟修費自應如數抵用未便任令藉延除指令嚴追照繳外其餘不敷修理經費銀八百元擬請准予在舊處屬十縣準備金項下勻攤銀四百元再由 道尹向各該縣設法勸募並先捐俸提倡籌足銀四百元俾可早日動工以保 聖蹟所有修理舊處州府 文廟經費不敷擬請在各縣準備金項下攤撥補助緣由是否有當理合備文呈請仰祈 鈞長察核俯賜指令遵行實爲公便謹呈

指令麗水縣知事呈覆估修 府文廟工費由 八年六月六日

呈及清摺均悉府 文廟亟待修理未可久延茲照該知事復估修價數目再留餘地酌定以一千二百元爲範圍當無臨時支絀之虞劉廷煊等應繳歷年地租銀四百元既經呈奉 省長核准充作修費自應如數抵用其餘不敷銀八百元除由本道尹向舊處屬十縣設法勸募並先捐俸提倡補足半數外尙有四百元候呈請 省長在處

屬各縣準備金項下攤撥俟奉到指令後再行令知一面並仰該知事先將劉廷煊等所欠地租嚴追照繳毋任藉延切切此令清摺存

指令青田縣知事呈復勸紳捐修舊處州府 文廟情形由 八年六月十四日

呈悉查修理舊處州府 文廟該縣紳士王復張品純季秉鈞爲發起聯名呈請之人該知事邀紳籌款當然列入在內所陳疑點試問該紳等事前何不慮及迨至事在實行復又畏難思退殊爲不取來文將原發起人置之不提亦嫌含混本道尹早慮此事坐而言者有人起而行者未必有人故前據麗水縣知事錢誦槃復估前來卽經酌定辦法所需修費以一千二百元爲限除飭追繳劉廷煊等地租銀四百元抵用外其餘不敷銀八百元擬在舊處屬十縣準備金項下勻攤半數再由本道尹向各該縣設法勸募並先捐俸提倡等足半數業已呈省核示在案仰俟奉到指令再行飭遵此令

日去省良齊擬攤派舊處州府 文廟修費文 八年十月三十日

呈爲擬攤派修理舊處州府 文廟經費請察核示遵事竊奉 鈞署第五一六三號

指令職署呈爲修理舊處州府 文廟經費不敷請在各縣準備金項下攤派由奉令
內開查修理是項 文廟既由舊處屬十縣士紳聯名呈請所請在舊處屬十縣準備
金項下勻攤銀四百元以資補助尙屬可行惟各該縣準備金現存若干已未指撥他
項用途能否一律攤解未據查明礙難核奪仰再分令查報呈候察核此令等因奉經
道尹轉行各縣查報去後除松陽一縣迄未呈覆外據麗水縣知事復稱準備金現時
有墊無存惟爲數無多俟本年徵起易於歸墊雲和遂昌景寧宣平等縣知事均稱不
敷甚巨青田縣知事復稱有墊無存惟公益費有餘擬請借支慶元縣知事覆稱有墊
無存爲數無多擬卽另籌龍泉縣知事復稱七年度虧銀二百六十餘元預算至八年
度止約可餘銀一百餘元縉雲縣知事覆稱截至本年八月止存銀七百六十餘元各
等情先後呈報前來 道尹查各該縣準備金項下有墊無存者居多數而府 文廟亟
應修理又未便任其坍毀擬就第二次估價數目以九百五十元爲度除劉廷煊等應
繳地租銀四百元奉准充作修理費外計不敷銀五百五十元 道尹首先捐俸銀一百

元以資提倡其餘酌量各縣情形擬攤派麗水縣八十元縉雲松陽遂昌龍泉四縣各派五十元雲和青田二縣各派四十元景寧慶元宣平三縣各派三十元合計五百五十元各該縣攤派之款有準備金者應請在準備金項下開支有公益費者應請在公益費項下借支若準備金公益費均無積存責令該縣知事另行捐募爲數無多尙易成事所有攤派修理舊處州府 文廟經費情形理應備文呈報是否有當仰祈 鈞長察核指令遵行謹呈

指令麗水縣知事呈爲修理府 文廟請令催各縣籌解款項由 八年十一月十五日呈悉查此案據各縣呈覆準備金項下有墊無存者居多本道尹已倡捐百元其餘酌量各縣情形分配凡有準備金者動用準備金無準備金者借支公益費若兩項均無存款者由該縣自行籌募前經酌定數目呈請 省長核示在案俟奉到指令再行飭遵仰卽知照此令

訓令舊處屬十縣知事籌募修理舊處州府 文廟經費文 八年十一月二十二日

查修理舊處州府 文廟各縣應分任經費前經呈奉 省長令查各縣準備金項下
有無存款由本署轉行去後據覆有墊無存者居多因另擬辦法於本年十月三十日
呈請 省長核示茲奉第九四七七號指令開准如所擬辦理仍俟各縣一律籌解後
彙案報查仰卽知照等因奉此除分行外合行抄發原呈令仰該知事查照分攤數目
或支用準備金或借支公益費或另行籌募限文到五日內卽行具覆並將款項隨時
咨送麗水縣撥用可也此令

代電麗水縣知事飭具報開工日期並來署具領本道尹捐款文 八年十二月十六日

麗水縣錢知事覽查處屬各縣分攤府 文廟修費一案已由本公署電催各該縣尅
日墊解撥用在案現在究竟已否動工何以尙未呈報爲此電仰該知事尅日飭令興
工並將開工日期具報一面將本道尹捐俸銀一百元卽日來署具領毋延切切道尹
黃刪印

代電 松陽 遂昌 縣知事速將攤款墊送麗水縣撥用文 八年十二月十六日

松陽縣查程知事覽查本公署呈准舊處州府 文廟分攤各縣修費一案業於上月二

十二日第一〇八五號通令各該縣限文到五日內具覆並將款項咨解麗水縣撥用
在案現在各縣均經呈覆遵解惟該縣究竟已未逕解尙未覆到殊屬遲延爲此電催
仰電到卽行呈覆一面立將該縣攤款先行墊解咨送麗水縣知事撥用以應要需毋
再片延切切道尹黃刪印

呈省長齊轉送修理舊處州府 文廟經費預算書文 八年十二月二十七日

呈爲轉送麗水縣修理府 文廟經費預算書仰祈察核事竊查 署擬具攤派修理

舊處州府 文廟經費辦法一案前經呈奉 鈞署第九四七七號指令准如所擬辦

理等因卽經轉行處屬十縣知事遵照一面令催麗水縣知事尅日興工並飭該知事
會同孫紳壽芝等核實估工開具預算書送候核轉去後茲據麗水縣知事錢誦槃呈
稱查府 文廟工程自第二次估價之後西廡又已傾倒大成門復岌岌可危修理不
可再緩當經知事遵照鈞令行知紳士孫壽芝等會同核實估工共計修理費需銀一

千一百二十五元亟應先行動工興修已由知事與孫紳等切實籌商擬委派譚紳騏爲監修工程董事魏紳毓祥金紳鈴鄭紳愷富紳勛爲協修董事擇於夏曆十一月初六日開工所需經費已奉鈞署發下捐俸銀一百元又雲和龍泉宣平三縣共解到銀一百二十元其餘各縣已逕行咨催擬由知事暫先籌墊俟各縣解還歸墊至劉廷煊等應繳地租銀四百元因該地另有糾葛追繳爲難查職署尙有查獲私運充公變價米款項下餘存銀一百三十四元七角四分擬請准予撥充修理文廟之用其餘不敷之款容由知事再行會同紳董設法籌募所有修理府文廟開工日期理合造具估工預算書備文呈報仰祈核轉等情並送預算書二份到道據此道尹查第二次原估工料本以九百五十元爲度現旣因估價之後西廡又已傾倒自應准予增支以應工需察核書開各款估計亦尙核實除指令請撥私運充公米餘存銀一款業經另令准撥其餘不敷之款由縣會紳籌募一面仍着劉廷煊將應繳地租勒限措交外理合檢同預算書一份具文呈請鈞長察核令遵謹呈

重修舊處州府 文廟碑記 九年七月

麗水爲清處州府治初建 廟學釋山巔有韓文公記宋康定初威敏孫公沔徙今址
荏苒數百載洊經兵燹屢興屢廢民國元年毀於軍伍繼續覺遭大水垣墉崩壞屋宇
摧頽士紳孫壽芝等倡議哀財修建適 慶湖 奉命觀察甌海聞其事捐俸百金爲倡並
由舊處屬十縣知事分別捐集四百五十金復呈省准撥漏米款一百三十餘金益以
八年來麗水學宮隙地及社稷壇地租四百金豫計修建大成殿崇聖祠及兩廡大成
門土地祠需費千百餘金經費差給遂由麗水縣錢知事誦槃遴委譚紳騏董其事未
竣工錢君去任鄭君君禮繼之經始於己未仲冬越八月告成時 慶湖 亦奉調會稽因
述其事而爲之記曰稽古祀典有功德於民者祀之是以耕則祀先農桑則祀先蠶道
德政治之學則祀 先師而 孔子之師表人類迥非他師儒所及功德較耕桑尤鉅
故祀典尤崇自後世尊 孔不以其實又自科舉行而視 孔子之言僅爲帖括之用
於是科舉廢而崇 聖之禮亦幾與俱廢其幸而僅存則宮牆將圯俎豆不完識者慨

焉雖 孔子之道行於天下昭然如日月之不可踰不以廟貌之隆替爲輕重然而表
千古之尊榮肅四方之觀聽厲士氣正人心於此亦有賴焉此慶湖於處州 文廟之
修葺喜其有尊 孔之志所爲樂觀厥成爾

專案類十五

重修青田縣石門洞案

共二十件

致青田縣知事張函 七年四月二日

南溟仁兄大人閣下逕啓者聞石門洞爲貴治名勝亭臺點綴年久失修樓閣欹斜遊
人興阻擬爲之略事修整未知需費若干尊處就地籌捐約數可得若干卽希閣下勘
查見復如能規復舊觀維持勝蹟亦賢有司應盡之義務也

致

內河水警廳廳長徐長 函 七年四月二十四日

允中定候

仁兄大人閣下逕啓者石門洞爲貴鄉第一名勝聞百年以來失於修葺樓臺屋
宇均傾圮可虞遊人絡繹之時固甚危險而往時勝迹勢將隨歲月以俱湮茲特囑張

知事募捐修整俱需費不貲務希閣下慨潤廉泉並於貴同鄉中廣爲勸募以成斯舉庶古蹟賴以保存而盛名尤垂不朽於桑梓也曷勝禱幸之至餘由張知事面述不罄致青田縣知事張函 七年六月七日

南溟仁兄大人閣下頃接內河水警廳徐廳長復函所有修理石門洞費渠與夏定翁各捐二百元又募各同鄉捐一百元共五百元具見保存桑梓名勝之深心令人欽佩望閣下從速進行免貽我輩官場辦事泄沓之誚是所至囑徐允翁云青田縣志年久失修囑由弟轉告閣下提倡設局開辦經費可由縣籌集倘有不敷之處當由徐夏二公再爲設法貴縣地方有此熱心紳士殊不易得閣下正可藉此良遇樹不朽之賢聲且頌且羨

募修石門洞名勝啟 七年六月

竊維山林泉石賴點綴以流傳文物聲名秉秀靈而焜耀名山有託間氣以鍾古蹟常存斯文不替自來山川人物固有相因之理存而相維之道在焉況夫田產青芝久稱

仙縣瀑懸素練尤著奇觀拓摩崖之字舊遺康樂之題讀經世之書猶憶文成之慨流風餘韻想見當年折棟頽垣何堪今日此石門洞諸名勝有不得不葺新者也慶淵自揆譾陋豈能矜式後來忝任監司竊願表揚先哲度宏規而大起先導奚辭集衆腋以成裘諸君是賴鐫名不朽引領爲勞

致永嘉縣商會會長葉函

七年六月十二日

嘯爾仁兄大人閣下敬啟者查青田石門洞爲前代之遺跡山水之佳勝於他處惟亭臺樓閣均已頽敗不堪前由弟發起捐款修復曾估計約需洋二千元之譜已函省城夏定侯處長徐允中廳長認捐五百元惟不敷尙鉅近值衆院初選當選諸君來此極多可否請閣下代爲勸募多多益善俾早日興工古跡不致湮沒一切有勞清神感感

覆警務處處長夏函

七年七月十二日

定侯允中仁兄大人閣下昨奉匯信并洋五百元謹敬收悉閣下雅惠珂鄉敦崇往哲睥睨當世別抱胸襟此次據友人因探礦赴青田回述石門洞山水幽秀層巖飛瀑尤著奇

觀洵稱中原名勝微特爲全浙冠也娜嬛福地宜乎累葉名賢舉願憩息於此聞名之下不禁神往其間弟嘗思山川人物之關係理有相因况先正典型尤屬瞻觀所繫今得閣下倡率捐廉維持古蹟實有承先啟後之功仰望之餘無任欽感茲已擇吉於夏曆六月二十日興工正在需用當將來款卽行寄交張知事先行支配修志一節茲又函張知事敦促進行矣知念併及

覆青田縣知事張函 七年七月二十七日

南溟仁兄大人閣下昨奉手書讀悉一是今日爲夏曆二十日想石門洞當已如期興工矣念念前舍親張君逸槎回談及洞內瀑布之對面有一巨石形如山坡在水中央可以容建一亭並有圖見示恐非閣下所說之處也請再一勘觀瀑亭設置處所本可不拘要在因地制宜而已聯額尺寸雖承見示仍難明瞭請閣下仿照列表辦法詳開一單譬如聯長若干闊若干某處用又聯長若干闊若干某處用額亦如之僅於信中說明終恐不能了然也頭陀寺香火甚盛該僧恐未必肯來不如另再想法閣下募捐

既已進行究竟募得若干望卽示及倘專恃弟處恐或致臨渴掘井耳筒瓦此間祇有黑色無黃色者大者長約一尺一寸每片價洋二分小者長約八寸每片價洋一分五釐此係最賤之價也

致青田縣知事張函

七年十月十三日

南溟仁兄大人閣下前覆一槓想已收到頃聞傳說閣下修理工門洞之計畫係欲改建洋房作 劉文成祠如所傳果確殊覺不倫不類弟先後函詢尊處已募捐款若干暨如何修理工價若干均未得覆函見商於手續上似欠周密弟既不知詳細傳說之下無可對付務望閣下趕將祠宇圖樣估價清單速卽寄示爲盼前寄對聯本不甚洽意來信寄還鈎背擬卽乘此換去惟此間石匠皆能鈎刻其法以細石灰乾抹紙背有字處令徧然後以之貼定石上用尖物用錐之微鈍者或即用竹木削如箸尖其端皆可依正面字跡循環鈎縮卽有白色雙鈎之字落於石上然後移置一旁照樣刻之無不畢肖請飭匠依法試行如尙不能爲卽祈函示弟當在此派一石匠前來指撥尙祈速賜示覆是禱

重修石門洞碑記 七年九月

括蒼以山著稱載唐六典貞觀初轄江南道開元間改浙江道其山巉巖卓犖俯瞰衆嵐綿亘三百餘里實爲台婺溫處四郡主岳下有括蒼洞相傳爲第十洞天在仙居縣南卽青田縣北故青田諸山皆居括蒼之陽也縣西北六十里有石門飛瀑名勝俗呼石門洞疑亦屬洞天之一而未有考自晉謝康樂題詠後名流碩彥訪古至此者代不乏人明劉文成公發軔於斯石門之勝相得益彰後人於舊有佛寺外就文成讀書處建祠祀之今失修已久又遭辛亥大水之損祠廟半圯慶湖忝任甌括春間有邑人請重爲修葺乃謀之縣紳得夏君定侯徐君允中倡捐鉅資復囑縣令張君南溟袁君樹臣先後募捐實行規畫於今夏六月興工改建劉祠並於祠前左側添築觀瀑亭爲攬勝者憩息之處方余未至石門也以爲名山聲價端賴品題否則括蒼多山冠於全浙浙東山水之勝盛逾浙西何以雁宕龍湫獨著聞於天下乎設有如野客者流不惜探幽陟險徧攬括蒼又烏知無奇峰絕壁邃谷立泉與雁宕龍湫相頡頏者乎夫地以人

傳向固疑之矣既而身親其地見所謂石門洞者兩壁峭立北面而朝距僅數丈下攝
激湍舍舟卽麓沿西壁入甕然一壑紆行百步遂失所自來俯仰上下崇山峻嶺環翠
復疊嘉禾瑤草交綠參差流水灌田繁響發澗過石梁又數百步高出一邱拾級而升
爲靈佑寺登佛殿正覩壁門隔溪諸山列如屏障帆槳上下時時於林隙見之餘皆內
外不相覩俗故以洞名之也舍寺下緣澗以西可百餘步折而北又一邱卽劉祠所在
南面飛瀑高二十餘丈如驟雨注澗溪石廉纖四噴日光暎射作五色如虹終歲或以
晴雨爲增減而無稍或息斯瀑也直與天行同其健夫乃歎奇觀所在恍然於造物之
自有其真一名之成舉非可以幸致更何疑於雁宕龍湫乎聽淙淙之聲不移時而滌
塵慮況文成寢饋其中洗耳清心搜求秘笈有不通天地之隱而與浩然之氣相往來
者哉謂斯人爲括蒼增色也可謂斯境足補洞天之缺也亦無不可工旣竣書此爲之

記

劉文誠公祠匾額

策士無雙

對聯

巖壑養奇才得兩大鍾靈間氣

風塵識明主成一代開國元勳

名賢爲社稷而生豈唯景星慶雲有光兩浙

文字得江山之助卽此犁眉覆瓿並足千秋

劉文誠公讀書處匾額

稽古垂榮

對聯

十年獨得山川氣

千載如聞金石聲

謝客堂匾額

功在開山

對聯

文字有靈競傳勝事

江湖滿地猶重詩人

致青田縣知事袁函 八年三月二十九日

樹臣仁兄大人閣下逕啓者春秋致祭節孝祠去年五月奉到 省令後即通行各縣

望查 敝署三四七號訓令照行可也 關岳列入民國祀典無專立廟宇實不足以昭

誠敬貴縣有公產改造固佳如竟無有或另建殿屋三楹好在貴縣木料甚賤所費不

多經費先宜勸募不足則酌撥公款亦無不可 劉文誠祠屋雖經重建其讀書處若

不保存終必湮沒現時建屋固無此力量或即在原處建一茅亭中豎一碑刻 劉文

誠公讀書處七大字俾遺址長留資考古者之一證亦大佳事此外謝客堂及觀音閣

等亦希切實估計約費若干可以修竣因是處適當洞口開門見山不事修葺太不雅

觀以上各節均宜切實籌畫隨時來函商辦弟當力爲贊助義門索小兒科各藥備育嬰堂施治之用茲酌配數種望轉交之用法均照仿單前日在商會索藥之兩孩藥已配就附寄亦交義門轉給爲盼

訓令青田縣知事禁止斫伐石門洞樹木文

八年四月十七日

照得該縣石門洞爲明季劉文誠公讀書之處天然勝境從前古樹甚多近被貪利奸民擅自斫伐實屬妨害名勝當此提倡森林保存古蹟之際豈容任意摧殘不加保護爲此令仰該知事迅卽出示嚴禁如敢故違卽由縣嚴拿懲辦毋稍寬縱切切此令致永嘉縣商會會長葉函

八年六月二十五日

嘯圃仁兄大人閣下逕啟者青田縣石門洞爲處屬名勝之冠歲久失修諸多傾圮弟

恐前賢遺跡遽付湮沒曾捐款重建劉文誠公祠尙未竣工近又擬將謝容堂觀音

閣一併修葺工程愈大經費遂不敷愈鉅又青田縣關岳雖列祀典竟無祀宇殊非

鄭重之道弟亦擬特加建築已函令該縣知事籌款弟仍擔任募捐惟可募之處實已

不多因念木業爲處州商業巨擘而閣下又爲木業之領袖熱心公益素所欽佩爲特函達務費清神爲勸募三四百元俾工程得竟全功從此名勝恢復英靈克享皆閣下之大力矣

致青田縣知事袁函

八年八月二十七日

樹臣仁兄大人閣下逕啟者弟處經募重修石門洞捐款除前後交過外尙存洋六十元望便中託人來取茲寄上名單一紙希卽察入核對見覆工程前曾約四月告竣現已閏七月不知如何情形觀音閣謝客堂及讀書處立碑建亭一切已否辦理完竣久不聞閣下提及弟頗焦急款如不敷弟或可再募一百元葉嘯圃所認二百五十元如尙未繳望卽逕函催之全工告竣務須刊印徵信錄以示大公碑如刻好多揭幾份寄來關岳廟尙能希望成功否以上各端均希見覆

專案類十六

重修永嘉縣

文信國公祠案

共九件

募修文信國公祠啟 七年四月

蓋聞孤忠亮節兼兩大之精英崇德報功隆千秋之祀典竊惟文公信國共欽宋代忠臣籍隸廬陵官居右相勉支殘局無如運厄中原未遂雄圖竟使身淪異域丹忱耿耿知松柏之有心青史昭昭壯河山之正氣膺宣聖成仁之訓佩鄒賢取義之箴節凜冰霜名昭日月洵是萬民師表豈惟一代完人允宜廟貌常新享馨香之俎豆庶使忠魂有託留華夏之冠裳況當年興復南朝曾臨此地至今日遨遊孤嶼猶見流風然而遺像雖存崇祠半毀典型將墜觀感奚資是用倡集囊金冀一新其棟宇所賴同釀山米復幾廢之規模是爲啟

重修江心孤嶼宋文丞相祠碑記 七年六月

江沙萬騎駐三日以無潮海上扁舟求二王而不死元軍東下已破臨安高廟南奔猶存御座張陳會師之地蘇陸從難之年恥爲繫頸牽羊沈兵江畔誓與椎牛斷舌飛檄閩中權翼偏安徐圖恢復自脫京口乃至永嘉此宋右丞相文信國公當日之甌之志

也既而因爲北虜鼎易中原身繫三年卒從容而就義歲逾百稔方崇祀以表忠越元

迄明乃建公祠於江心寺左劉令創始於前劉令名遜見永嘉縣志趙君重修於後

見縣志趙克重修文丞相祠祀以杜少卿徐正將祔祀於公杜許天台人台郡少卿徐謙温州人永嘉少將今距其時又四百

餘歲矣溪山第一還隸漢家宮殿千門久爲佛寺頻經滄海尙覩靈光風雨相侵垣墉

半壞晨下車甌海展謁神宮遺像猶存旅楹待築倡捐鶴俸從事鳩工妥侑忠魂葺

新廟貌椒漿耐地酌將靈壽芳泉野寺尋碑拓得清輝舊蹟嗚呼樵羹餘糝勤王效命

之時衣帶遺書取義成仁之日難覓趙家片地誰防朔漠天驕鑄功奇石者自滅宗邦

歸骨吉州者非無義士大風表海傳聖賢無愧之遺徽砥柱中流存天地浩然之正氣

揭忠肝如鐵石拯茲陷溺人心垂亮節於丹青賴以維持名教南渡江山半壁迄今盡

復神州東甌王子故封終古同修社祭謹書痛史庶幾百世聞風重刻貞珉應使斯民

墮淚

文公祠聯

孤嶼聳浮圖山色圍環合抱中流砥柱

崇祠隣古刹潮聲來去長留正氣乾坤

陸公祠聯

遺愛難忘一太守

後昆垂裕兩曾孫

卓公祠聯

名教千秋追正學

崇祠孤嶼配文山

祭文信國公祠祝文

維中華民國七年歲次夏歷戊午秋八月乙卯朔越二十有五日己卯浙江甌海道道尹黃慶瀾邀集官紳商耆謹具庶羞清醴之儀公祭於宋右丞相信國文公之靈曰智哉我公心昭日月仁哉我公不降夷狄勇哉我公勤王甌越坐言起行達道達德自

困幽燕寒暑三遷卒徇社稷魂歸於天天地正氣呼吸浩然成仁取義靡愧聖賢越二
百歲祀公孤嶼念彼州人時有所佇崇祠峨峨昭茲來許左之右之卓公是侶青青子
衿悠悠我心衣帶遺贄多士之箴重新廟貌壯此山林秋嘗肅穆來格其歆尙饗

祭卓公祠祝文

維中華民國七年歲次夏歷戊午秋八月乙卯朔越二十有五日己卯浙江甌海道道
尹黃慶瀾邀集官紳商耆謹具庶羞清醴之儀公祭於 明侍郎忠貞卓公之靈曰建
文之難方正學罹十族之夷公亦死之後儒咋舌或以爲預帝王家事而訾之向使公
附永樂三公不難立致依然爲有明之世臣亦奚不可惟自三代以下傳世有制傳及
有制無諸父嗣統猶子之先例公之所以不可而卒至於死者有君臣焉有上下焉非
然者將不知禮義之所錯矣公固名教之功臣也審非讀聖賢書而無愧者歟甌人祠
公於江心孤嶼與文信國公相左右固其宜也今祠宇同新秋嘗洗腆公垂昭鑒來格
來歆尙饗

祭陸公祠祝文

維中華民國七年歲次夏歷戊午秋八月乙卯朔越二十有五己卯浙江甌海道道尹黃慶瀾邀集官紳商耆謹具庶羞清醴之儀公祭於明太守陸公之靈曰夫仁民愛物本屬胞與之懷崇德報功合受馨香之薦公之守是邦也愛民如子察吏惟嚴賞罰胥秉於大公毀譽不行於左右煦九載春風之化召父復生聽萬家生佛之誥曾孫來止或晉封圻於南贛或留遺愛於平陽昆季二人殊縣而同郡祖孫四世合祠於一堂昔所難能今尤罕覩啟尼山之學派本溯海虞紹吳會之儒宗永光甌乘式憑靈爽仰望來歆尙饗

諭江心寺僧經管 文信國祠及 卓公 陸公祠文 七年八月十三日

爲諭飭事照得江心寺東西兩旁 文信國祠及 卓公 陸公祠均以年久失修日就塌圯現經本道尹勸集捐款廟貌重新留先哲之儀型爲邦人所矜式自應派人保管不致再任荒頽 文卓二祠本在江心寺之內 陸公祠亦復毗連所有各祠洒洗

等事卽一律着由該寺住持僧妥慎經營並不准往來游客及閑雜人等任意作踐毋得有違致干究懲切切此諭

專案類十七

重修永嘉縣雙忠祠案

共六件

訓令永嘉縣知事飭查華蓋山雙忠祠祭田文

七年五月十八日

爲訓令事查本城華蓋山雙忠祠及江心寺文信國祠從前本各有祭田現歸何人經管各有若干畝坐落何處每年所收租息各有若干該款現作何用仰該知事剋日詳細查明具覆勿稍徇延切切此令

指令永嘉縣知事呈覆查明雙忠祠祠產情形由

七年七月十七日

呈及冊摺均悉雙忠祠原有祭田百餘畝何以民國三四年內僅收租洋二百八十元其中難保無隱匿情事仰再派員詳細清查以明實在至鄭前知事批准補助修祠費洋三百元曾否發給該項工程究竟若何並仰查覆候核此令冊摺存

指令永嘉縣知事呈覆雙忠祠田租及修祠經費工程各情形文 七年八月二十二日
呈及附件均悉雙忠祠有祭田百餘畝每年僅收租洋五六十元雖據聲稱並無隱匿
情事然田多租少顯非實在仰該知事趕緊督同經收人切實查明清理務使增加年
租以備修祠及致祭費用是爲至要收租存根簿二本應卽發還此令

呈省長齊請在充公米款項下撥補修理雙忠祠經費文 八年十月二十日

呈爲呈報事案據永嘉縣自治委員方壽康呈稱竊維永嘉城內諸山惟華蓋最爲名
勝山巔有亭極目千里離亭數武一祠翼然額曰雙忠正當茲山之陽飛甍隆棟與亭
輝映實覽勝之一助斯祠建置於今閱二百餘年風雨飄飄而聖者剝堅者朽廢然將
就傾圮上年奉文保全古蹟地方推康董其修葺之役奈費無所出商請縣公署借墊
洋三百四十元蒙鈞尹捐廉補助洋五十元於本年陰曆四月十六日開工至六月二
十日止將祠內土木先行結束計已不敷洋二十餘元茲擬外築圍牆採漆棟宇以及
立碑記事刊刻徵信錄備供後考非再得二百餘元不能蒞事但功將垂成慮虧一篑

不已上請鈞尹於漏米充公項下撥助洋二百元俾竟全功以保古蹟一俟工程完全告竣另行開列收支詳細數目報請存卷以昭核實爲此具文呈請伏候鈞核示遵施行等情前來據此道尹當以事屬保全名勝古蹟似未便聽其功虧一簣卽經照准於充公米款項下撥補銀一百元以資結束在案茲據該自治委員請領前來除在職署呈報有案之金茂和漏米充公案餘存米價銀一百十八元六角四分二釐內撥給銀一百元所有尙存銀十八元六角四分二釐俟另文呈請撥補他項公益用途外理合備文呈報仰祈 鈞長鑒核備案實爲公便謹呈

重修華蓋山雙忠祠碑記

八年八月

記曰法施於民則祀之以死勤事則祀之祠祀之禮所以褒揚前人之功德以資後人觀感者也古來忠臣義士不惜殺身以成仁大節凜然足使聞其風者頑夫廉而懦夫立然則尊崇祀典表彰忠節未始非教化之一助焉慶淵觀風來甌竊深有志於斯爰先募貲修葺江心孤嶼之文丞相祠嗣復有重新華蓋山雙忠祠之議雙忠云者前清

死節之臣溫處道僉事陳公知永嘉縣事馬公也陳公諱丹赤字獻之福建侯官人順治辛卯舉人初司李於蜀課最入郎署旋以僉事出守馬公諱璿字奉璋陝西武功人順治甲午舉人始任山左之樂昌有惠政補永嘉不數月而化大行二公之治績卓然皆有可著儻所謂法施於民者乎康熙十三年耿王叛於閩勢張甚東西浙大震溫州首被圍二公相與謀曰溫界閩越之交兩浙之屏障無溫無兩浙也吾儕讀聖賢書當誓死守以全忠節脫不濟義不可苟活約定登陴帥士民盡守禦計甚備而總兵官祖宏勳者潛通耿爲內應佯以缺餉激怒其衆一軍甲而譟劫二公會議於郡之大觀亭二公大聲曰欲餉則予餉耳是何爲者又反覆開諭以國恩不可背負宏勳語寒氣奪恐衆心動益大怒時陳公方以扇指麾突來白刃橫擊手隨扇墮馬公瞋目大呼亟縛賊賊從後揮刃中公頂血流被面卽以手捍宏勳曰吾與若俱死矣俄羣賊趨至遂同遇害至死罵不絕口時甲寅夏六月朔日也事平詔贈陳公通政使馬公布政使參政建雙忠祠歲時祭祀復賜陳公諡忠毅康熙四十二年車駕南巡至吳時馬公子逸姿

由廕生歷任參議督糧吳會援陳公例以易名之典得俞旨賜諡忠勤又御書旌勞葵
忱四字額俾揭祠首蓋異數也參議既得請卽親至溫見故祠湫隘謀所以新之商於
邦人士移構於華蓋山以建茲祠嘉慶十三年永嘉令雨堂黃公大加修葺迄今百年
來風侵雨蝕復將廢圯矣嗚呼如二公之舍生取義爲國捐軀忠貫日星節勵冰雪浩
然正氣千古常存實足與信國文公後先輝映昌黎韓公有云君子居其位則思死其
官若二公者洵無愧矣爰特捐俸撥款以成盛舉鳩工興作廟貌一新旣蒞事遂勒石
以誌緣起是役也董其事者爲永嘉自治委員方君苑香蓋亦敬慕二公之死節故不
惜殫心竭力始終宣勞焉因并記之以見忠義之氣之足以感動人心云

祭雙忠祠祝文

八年十一月一日

維年月日浙江甌海道道尹黃慶瀾偕同在城文武暨邦人士等致祭於清溫處道僉
事陳忠毅公清永嘉縣知縣馬忠勤公詞曰夫名書竹帛祀重酌嘗崇祠宇於山川名
勝之區國家所以表彰忠節者亦使人民有所觀感也甌之華蓋山有雙忠祠焉清初

耿兵亂於閩閩浙接壤温州首當其衝斯時也劍戟薄城濠陷危瀕旦夕武臣不軌謀爲內應二公以社稷人民爲重慷慨登陣守土之大義誓師勵衆山嶽爲之震動而奸人陰忌遂劫議於大觀卒至截臂斷頭血肉橫飛二公之殺身成仁視死如歸之義烈固不媿於常山之舌睢陽之齒以視後世之保身苟活擲民命於溝壑棄土地如草芥覘顏媚敵者相去正不可以道里計其亦聞二公之風有奮而知媿也歟慶湖每以忠義之氣足勵人心祀典之修藉慰民望其信然矣所以欲新公廟有岌岌不可終日勢於是分捐鶴俸晬飾重加庀飭鳩工具瞻是壯惟剝蝕太甚補葺固不易易閱兩寒暑始告厥成仿欒布立社之文作朱邑桐鄉之祭嗚呼雲臺式煥何如鸞掖之寫生元石穹窿用奠牲牢以昭告尙饗

專案類十八

重修永嘉縣駐鶴亭案

共三件

批楊振炳等呈請撥公款修復古蹟文

八年四月十三日

來牘閱悉該紳等因巽吉山亭廟傾圮擬集款修復係爲保存古蹟起見事屬可行惟地方公款支絀萬分茲由本道尹先行捐助銀五十元並代募銀五十元藉以提倡一面仍由該紳等竭力捐募將來所需修理費用如果實在不敷再行設法撥助可也此覆

呈省長齊呈報撥給充公米款修理駐鶴亭以保存古蹟文

八年七月三十一日

呈爲呈請事案據永嘉縣紳士楊振圻王侃蔡廣黃羣公民李鱗余冠瀛朱煦李芬葉淑曾張希濂等呈稱竊永嘉城南巽吉山爲九斗名勝之地該山四圍環水林木盛植森秀異常上有駐鶴亭相傳白玉蟾控鶴於此確載邑志可考亭旁有文昌廟現在

亭廟傾圮古蹟將湮圻等屢擬重修苦無經費着匠擇節估計約需一千餘金擬請撥給地方公款五百金先資提倡一面由圻等再向各殷戶籌捐俾得修復亭石重新廟宇保存古蹟官紳實與其責爲此聯名公叩伏乞察核照准等情前來據此

道尹查核

巽吉山之駐鶴亭文昌閣均刊載縣志確係永邑古蹟值此奉令保存古蹟之時似

未便任其傾圮以致湮沒惟地方公款支絀無從支撥巨款當經准於署餘存漏米充公項下撥銀二百元交楊紳振炳承領估修並仍令該紳等竭力捐募以資早日修復各在案除俟冊報漏海米案時聲明於何案指撥外理合先行備文呈報仰祈長鑒核備案實爲公便謹呈

重修駐鶴亭碑記

八年八月

去邑城東南二里許有山曰巽吉山巔有塔形如筆立下爲塔院奉祀文昌神堪與家所謂文筆峰也山麓有道院舊名玉清斗閣明萬歷四年郡守洞岳楊公募資修葺更稱三元道院清乾隆十八年重建改額全真觀觀後故有駐鶴亭相傳宋白玉蟾曾控鶴於此故名有少保黃公碑記中經郡守楊公一修復之今又廢圮矣丁巳冬余受命觀風甌海越二年邑紳楊君振炳等議募修文昌宮并重建駐鶴亭余以勝蹟之不可任其湮沒也既捐資以倡其始復勒石以紀其成嗚呼萬物之理有成必有毀惟名則亙古而不磨然名之得以流傳久遠者往往因物而彰向非有此駐鶴亭則越至於

今誰復知有控鶴之仙人曾駐於此哉今之勒石將以存駐鶴亭之名也存駐鶴亭之名卽所以存控鶴仙之名是則有此碑而駐鶴之亭廢而不廢控鶴之仙往而不往矣雖然風侵雨蝕金石易敝更千百年後安保碑石之不復磨滅也耶是非有好古如余者相繼而起恐此亭之名終必有湮沒之一日然則欲存勝蹟固不僅賴有傳物而尤重賴有傳人矣雖然實至名歸理無或爽人既有可傳之實天必報以久享之名天果不欲其人之名磨滅則必將篤生傳人以維其後今此碑之立也安知非天之假手於余者乎然則余又何庸沾沾焉爲駐鶴亭之名慮耶

專案類十九

創設旅甌江蘇會館案

共四件

致清理官產處委員王函

七年十一月十一日

梅伯仁兄大人閣下逕啓者本城蛟翔里舊守備衙署現爲水警第九隊辦公之所向係官產近由貴處變價招買敝省旅甌同人公議購置此屋以作會館之用未審定價

若干共屋幾間希卽見覆至爲感盼

江蘇同鄉會募捐啓

七年十一月

永嘉爲浙東一大都會吾蘇政商各界羈旅於此者實不乏人今年新春曾開同鄉會於飛霞洞到者約五十餘人不果來者猶復不少異地言歡鄉情倍切願以未有會館無一定之場所如欲廣續舉行須待臨時籌賃因此欲行中止者屢矣同人深以爲憾茲查本城蛟翔里舊守備衙署現爲水警第九隊辦公所計地二畝九分有餘房屋二十四間向係官產現正變價招售鄙人因親往勘視房屋完好規模宏壯購作會館之用實屬相宜爰商之官產委員再四磋商擬定價格銀六百元又應償還水警隊春間修理費銀二百十餘元購定之後尙須添置器具什物及畧籌常年經費約計總數須在千元以外事關同鄉公益不能不商請衆助爲此懇請同鄉諸君子量力捐助並代勸募俾衆擎共舉早觀厥成想吾鄉人士素重梓桑之誼當無不樂爲贊助也再同鄉旅櫬往往有無力運回者尤堪憫惻款如有餘並擬購置塚地若干畝以安旅

魂尤望慨助義囊共成善舉無任叩禱

致各同鄉知事通函 八年四月二十六日

逕啟者弟發起江蘇同鄉會館經諸同鄉之贊助得以購屋於蛟翔巷已於本年三月三日開會成立所有會館章程以及購置義塚建築殯房一切事宜亦經董事會次第議決積極進行惟蘇人之旅甌海者商界非少政界尙多祇以分散各縣一時未及周知相應函達尊處無論行政司法軍警商鹽各界如有蘇屬同鄉卽囑開具年齡籍貫郵寄本會館以便註冊至各同鄉如肯惠解囊金以襄盛舉請卽查照特捐月捐以及義塚殯房募捐辦法逕寄本會館總董唐君伯寅手收卽行掣奉捐照以昭證信端此奉託

甌海江蘇會館記 八年四月

蘇與浙相唇齒同屬禹貢揚州之域及周而始分治後世因之然其間山川銜接舟楫相望往來行李踵接於途吳越一家自古然矣永嘉爲舊溫州府治依山環海風土清

嘉海禁既開輪舶交通吾蘇人之旅溫者尤夥慶淵觀政是邦既經歲春秋佳日從公餘暇鄉邦之官若商朋從往還情誼款洽顧以旅甌人士如湘閩諸省俱設有會館吾蘇獨缺焉僉以爲憾戊午冬於西門內蛟翔巷得遜朝陸營守備署官產一所面積二畝九分有奇署故有大門三間大堂五間照廳客廳五間兩廊平屋及左廂餘室十六間屋後園圃一於會館適宜以六百金購之先時水警第九隊駐此曾事修葺因償以二百餘金購置器具什物又費百餘金由同鄉諸君子量力飲助慶淵復出資以促其成正楹中座供 吳泰伯木主歲時奉祭吾蘇人之官商於斯土者冠裳畢集醴酒言歡儼游於鄉黨之間而油然而生其孝弟親愛之心也不其懿歟抑尤有進者近世士大夫競言合羣矣合羣之道由近以及遠卽小而推大故欲合一國之羣者必先合一省之羣至合羣之功用則自睦姻任卹至於釀財協力以圖一切公益之舉靡勿咳焉其集事也易其收效也宏羣之爲用大矣一省之有會館亦倡導合羣之一端然則充其功用又豈僅聯絡鄉情已哉是宜妥訂規章得人而理庶幾維持於弗替會經始之非

易益不禁厚望夫來者矣是爲記

雜案類

簡章一件 規則一件 呈文一件 訓令三件 布告三件 函十六件

甌海道尹公署辦事簡章

第一條 道尹公署依道官制得自委掾屬

第二條 道尹公署設秘書處暨總務第一第二三科分掌職務

第三條 秘書由總務及第一科科長兼任輪核各科到發文稿并辦關於機要函電

文稿均隨時指定不限定屬於該科者

第四條 總務科職務如左

一 關於典守印信

二 關於公布法令事件

三 關於所屬官吏任免懲獎事件

四 關於司法行政事件

三 關於各屬財政事件

第七條 依前所定秘書處置秘書二員每科置科長一員總務科置科員四員校對

兼監印一員會計一員庶務一員收發兼庶務一員收發兼校對一員管卷

一員第一科置科員四員第二科置科員二員其關於調查及其他事件設

辦事員四員各員得視將來事務之繁簡隨時酌量增減

第八條 秘書及各科科長承道尹之命職掌本處科應辦各事

第九條 各科科員隨同本科科長辦理範圍內應辦事務如遇事機緊要或事涉兩

科三科者各科科員均得相輔進行

第十條 凡關於繕寫校對事項設書記長一員書記生七人受各職員之指揮辦理

各項事務

第十一條 各科辦事細則另訂之

第十二條 本簡章暫行試辦如有未盡事宜或不適用之處得隨時增減更訂

甌海道尹公署辦公規則

- 一 公文分科復由科長分交科員擬稿核定再由秘書總核卽行送判如事關緊要卽由科長主稿仍送由秘書核轉均蓋某某擬核稿木戳以專責成
- 一 事關重要者由道尹隨時指交某員承辦不限定其主管範圍
- 一 事涉兩科者由兩科長會商歸何科主稿何科會擬同負責任如不能決呈由道尹批定
- 一 凡某科擬稿某科單獨送稿最要者卽刻交由秘書核定送判次要常件彙齊送判均應同守秘密不得洩露於外
- 一 每日發科文件各科另設稿簿存查簿各一冊由各科長摘由分別已辦及存查兩種分別登入簿內送由秘書復核
- 一 事有疑義准駁必須請示者簽注案情擬議辦法連卷送核對上呈文亦然
- 一 吊卷應由秘書或主任該稿之科員長繕條向管卷員檢卷該員見條發卷用畢

歸檔收卷還條解除責任道尹吊卷亦然如有遺失短少編卷人憑條追詢補交至某月某日某人吊某宗卷另立簿記之

一 凡應彙轉文件到科後即由科長分別種類隨時列表登記以便稽考一俟到齊即行彙轉

以上秘書及總務科第二科職務

一 凡公文到收發處後該員掛號摘由登簿屬何科者即蓋某科戳（如總務科第一科第二科）於來文面頁信件原封呈閱閱後或發下摘由補登收文簿或不登簿另行收存

一 收發員將每日收文結束連同錄由簿呈閱蓋章發還送由秘書閱過再將屬某科者分送該主管之科長核辦至事關緊要隨到隨送不得刻延

一 每日已辦文件應由收發員查明在收文簿上分別蓋印發行存查戳記

一 收發處每日登記發文時應查明某件應復者即列表記出俾各屬日久未復

者可以令催每月月終查明某屬未復文件共有若干是何案由列表呈閱

一 各處電報未譯者送秘書譯出摘由登簿夾呈已譯者接收後卽逕呈

一 發文分最要次要常件三項最要者辦竣後立刻發送次要者每夜彙齊再發常件則間日彙發一次均不得延積

一 收發員事最瑣碎不得擅離職守致誤要公設有他事應請署員暫代呈由道尹許可

以上收發處職務

一 書記設書記長一人每日發繕公文由書記長分發各書記清繕

一 書記立考勤簿每日幾鐘到辦公處幾鐘散值繕寫某種稿某種文共若干件

各人自行填寫每夜由書記長彙齊交由收發處員送道尹辦公室判閱發還

一 每夜及星期日均須留書記一人輪流值班恐遇有要緊文件必須立時辦發

以上書記處職務

一 辦公時間春夏早八鐘至下午五鐘止秋冬早九鐘至下午五鐘止遇有緊要公牘及繕寫要件急須待發者不在此例

一 每日在辦公時間內秘書科長以下各員均應在署辦公勿得任意離職如有特別事故必須請假者自行請人暫代由道尹許可

一 每日除辦公時間外秘書科長科員中須輪一員值宿自本日辦公散值時起至翌日辦公上值時止

一 星期及年節國慶紀念日照例放假休息惟秘書科長科員中須輪一員值日輪值之員適有事故須自行請他員代理設遇要公其秘書及主任之科長科員書記仍須辦公事畢休息

一 收發校對監印會計庶務各員不論何日何時有事外出必須請假且不得同時並假

一 各員請假回籍每半年以十五天爲度如逾期限應按日扣薪

一 各員請假均須在請假簿上自行註明事由及時日銷假時亦自行注明某日銷假簿存道尹簽押房假期內應辦職務自行請人代理由道尹許可

一 會計處給發薪水及旅費等除有額定外均須呈由道尹批准後再發

一 各員俸給夫役工食均不得支過本人所得之數但有特別事故經道尹批准者不在此限

一 本署爲慎重關防起見各員接見來賓至公共招待室會晤

一 本規則爲辦公之標準凡我同人務應遵守

呈報

督軍楊省長齊

爲查明被雹損壞處所先行具報文

七年五月一日

呈爲呈報事竊查本年四月二十二日下午七時大風雷雨并下巨雹情形曾於漾日電呈一面並令所屬各縣查明有無損失具報在案嗣奉

省

長敬電內開漾電悉同

日並據温州中校長劉紹寬師校長王鎮雄苗圃長楊品鱣電陳校園被雹損壞情形殊深塵念仰卽由道分別查勘飭令核實估修具報至被雹處所若干損壞田廬若干

將遵辦情形具覆候核切切此令

訓令永嘉

縣知事警察局長

將地痞永壽提案究辦並出示嚴禁屠狗文

七年十一月二十六日

訪聞近來永邑各處時有貪利之徒將民間所養之犬任意屠宰以小南門內外一帶

爲尤多聞有地痞名永壽者專以屠狗爲生似此殘忍行爲殊堪痛恨合行令仰該

局知

事即便緝拿到案嚴行懲辦一面迅卽出示嚴禁并通飭長警隨時稽查遇有前項情

事一併拘案嚴辦以儆效尤勿稍寬貸切切此令

布告禁止本公署衛兵僕役人等擾累商民文

七年一月二十七日

爲通諭事照得本公署衛隊公役以及隨帶僕從人等本道尹下車伊始均經嚴行申

誠務除積習誠恐察訪未周各該衛兵僕役人等或有仗勢招搖抑價購物欺壓商民

情事除隨時稽查約束外合亟曉諭爲此仰地方商民人等一體知悉嗣後本公署所

有衛兵僕役人等如有前項過犯准被擾累之人來署呈訴或經本道尹訪聞確實均

立即送交法庭按律嚴懲決不寬貸恐未周知特此通諭

布告收呈禁止需索文 七年一月二十七日

爲通諭事照得本公署收受稟呈凡關於行政訴訟不在司法範圍以內者均卽隨時
收理呈訴人應照章黏貼印花並加蓋鋪保戳記逕赴本公署收發處投遞並無絲毫
使費其或由傳達處及衛兵公役人等指導至收發處者概不准向呈訴人藉端需索
經前道尹趙通諭遵照在案本道尹下車伊始誠恐前項禁令日久玩生特再重申告
誡以後號房衛兵公役人等如有前項需索情事准由該遞呈人指名稟控或經本道
尹察訪確實均卽立予嚴究不貸恐未週知特此通諭

布告禁止本公署衛隊公役人等在外需索文 八年一月十日

爲布告事照得本公署衛隊公役人等迭經飭由庶務員隨時嚴加約束尙屬安分第
恐日久玩生或有在外招搖借錢需索及強賒硬取情事准由各該鋪戶居民親自來
署申訴或備具呈詞加蓋鋪戳定卽立予查明懲辦如果挾嫌誣訴亦卽嚴究不貸仰
卽凜遵切切特此布告

覆浙江省會警察廳蔣函 七年三月七日

屏侯仁兄大人閣下昨奉還雲誦悉種切辱承獎飾感媿莫名弟忝任東甌汲深綆短閣下誼關桑梓示我周行實深感幸育嬰堂全在得人須得有年高德劭醉心慈善者常川駐堂方足以資整理一時尙未得其選閣下能否推舉數人因利一節所論極微卓識當遵諭緩議先從習藝所調查真相以便整頓擴充樂清烟賭曾面告知事囑令切實嚴禁現復泐函諄促進行永嘉城河年久失挑穢濁不潔春氣上升易釀疫癘業經開會議決實行修浚次第興工孫君公度必須留在此間以蒞厥事閣下便中晤林同翁尙乞代爲致意弟在滬施藥歷有年所今到此亦仍行之逐日至施藥時間來者紛紛人多之時日以百計弟一人不及兼顧令內人及兒輩分任之便以附聞專此佈覆不盡縷縷

致省議會議員林君立夫函 七年四月二十七日

立夫仁兄大人閣下日前閣下談及有餘存公款萬元可作貧民工廠及貧兒院開辦

費之用此款究存何處當係稿有着落弟擬卽從事舉辦望卽示知對於辦理此等善舉有無足以勝任之人並希一併見示礁燈經費已擬呈省並咨財政廳頃據孫君公度攜來一圖擬改在浮筒上裝燈光耀更爲明顯且浮筒高出水面亦不虞木排之衝撞現已囑孫君公度等詳細研究是否可以經久再行核辦尊意以爲如何

復林君立夫函

七年五月二十七日

立夫仁兄大人閣下日前奉示因開闢水門事未定辦法無可答覆是以遲延致此乞諒之水門關係地方非得地方多數同意似乎難於解決弟未便過於拘執近來反對者日多一日其主張之理由大抵爲山水及江湖兩層究竟是否無礙委員會亦無可證明卽不足以杜反對者之口弟誠愚昧實不解擔保反對之說必不見諸事實現由孫君公度來說姑暫擱置看城內河水如何情形再作道理此亦是一法城內河道經開浚後倘水流清潔似亦可省此一舉姑俟之至溫處水災餘款啟署無卷可查卽無例可援究竟此款是否尙存省中前見報紙云貴會已經提出倘有着落乞卽示知以

便將貧民工廠及貧兒院着手籌備弟目盼此兩事之有成也礁燈自台從進省後卽
闕然無聞尙乞於竹報中一催俟辦有眉目自當呈省立案閣下約何時回溫深望此
事速成而不知向何處催促至爲悶悶

復慶元縣知事江函

七年七月十一日

鄂生仁兄大人閣下前日奉讀大函知閣下熱心擬於慶邑創設善堂深爲欽佩募款
作爲開辦之費固好但常年經費以庵產移充一節此中尙須斟酌化成慈容兩庵尙
供何佛住持犯法理應撤換但不應罪及庵廟尙望對於雙方酌量兼顧神道設教足
以輔法律之不逮近來綱紀滅絕道德淪亡尤非借神教以範圍人心不可故賽會一
切苟不致鬧事亦不必過於禁止第吾輩厠身政界誠不可以提倡迷信然有不能不
心領神會之處亦勢使然也尊意以爲如何所有善堂常年經費一層尙望統籌再定
再此種情形彼此祇好函商未使用公文至請獎捐款紳士一節可以格外變通將來
由閣下擇尤呈請可也藥品已交姚紳帶奉諒已接洽植茶之外加以桐柏菓木極善

閣下能注意於此實爲各縣所罕有尙望竭力勸導是所盼禱

復秦順縣知事黃函 七年七月二十七日

逕再啓者續接來函兩封均經讀悉慰佩無量貴縣交通不便一至于此容便中與此間郵局商之秦紳向多黨見是在賢有司寬猛相濟以化之過猛固不可而過寬尤非所宜弟蓋熟察此間人民之性質如是所云平等自由之風斷不可長極佩高論又勸各校讀聖賢有用之書童而習之自不受終身之害根本之談尤見尊崇德育極是極是

復審台鎮守使何函 七年七月三十一日

茂如仁兄大人閣下昨奉手示詳悉閣下於姜教士案審慎周詳對於外交上不抗不卑以中正和平爲主旨卒使從容解決不致釀成重大交涉於國際上被益匪輕不獨爲海洋靖寇已也上峯嘉獎自是當然三復來雲五體投地弟壹是如昨自慚建樹毫無辱蒙擣藻見推倍益惶懼閩粵用兵甌南與閩接壤海疆一帶尤屬毘連水陸道衢

自宜逾常戒備又未可跡涉張揚當以嚴密鎮靜爲主謠詠之播此間所聞實渺既承見告弟當格外注意彼此輔車聯屬得閣下坐鎮謹嚴夙括人民同叨福庇弟汲深綆短隕越滋虞尙祈時惠南針俾知趨向曷勝幸禱

覆縉雲縣知事湯函

七年十月十一日

抱澄仁兄大人閣下密函藉悉所述情形確係如此弟亦經訪聞矣警察三十名確嫌單薄添募一節如費有所出或能邀准當爲函省代陳困難情形也所述方某之事亦屬非虛已電省設法他調密碼如省中不發卽由尊處編成分交做處及司令部亦無不可既有不軌之徒潛伏圖謀務須加意密偵嚴防隨時報告好在縉邑有電局消息尙較靈通也貴縣素稱難治 省座之所以必借重長才者亦正在此法警裁汰之後是否敷用閣下到任未久卽能注意於興利除弊欽佩之至製茶造紙皆有厚利可期惟必須改良土法尙望切實提倡之劈尸棺惡習令人髮指非嚴禁重辦不可文告雖無效然不能不教而誅似先宜編成白話文廣爲勸導並飭宣講員到處講演此間人

民尙能畏官一經雷厲風行此風自可漸熄育嬰尤功德莫大之事我輩既有政權在握自當於功德上注意多積以貽子孫姑置勿論而振人民之疾苦到眼不使放過則功效卽在目前實有足以感召麻和者尊意諒亦謂然也

覆青田縣知事張函

七年十月十九日

南溟仁兄大人閣下昨接還示并修理工石門洞工程細帳及祠屋圖樣均悉細按之似非洋房之規畫弟前函所以詢及閣下者蓋緣此間有人談起至石門洞與工人談論係包造一所小洋房云云果爾則風雅事未免傷之於俗是以函詢閣下來信獨此層未蒙見覆弟不免深疑究竟 劉文成祠是西式抑舊式還希見示弟願括人知識頗舊我輩若好新奇必招訾議想閣下當亦爲然也尊況久經深悉我輩既出而問世在事一日必當盡一日之心力爲地方人民共謀幸福至於定省有缺弟亦與閣下相同兩不可兼惟有資之旁代也刻下戒嚴甚緊尙祈閣下勉任其難以盡同舟之誼俟防務稍鬆再圖良覲前寄勸孝文此間發出係二千五百本來信云一千五百本是少一千

本矣是否有誤請再查之此文望即分發男女大小各學校並希囑令教員酌量分派督同詳閱約一千五百本其餘一千本望交各鄉自治委員及宣講員分發城鄉並廣爲演講爲託昨閱報載處屬各縣發見一種時疫流行甚劇來報者祇有宣平一縣已經通函調查情狀青田聞亦有之茲寄上午時茶二百包濟生丸普濟丸各一百袋即察入以備急救施治之用茶丸可以並用大約初起病時服午時茶便可奏效此茶與二丸皆不相忤先茶後丸亦無不可祇須依仿單服之服藥後如何情形望隨時見示如無大效尙有他藥可救統希詳細惠覆爲盼

致青田縣知事袁函

七年十一月三日

樹臣仁兄大人閣下啓者頃據貴縣獵戶陳國芝等具函來署稱除上次捕獲一虎外現石山中尙有三虎非趕緊弋獲生口堪虞目下冀欲再次上山仍恐四民未能周知擬請飭縣於虎之所在地點卽青田三七八九等都境界自楓樹埕地方起至下龍及烏雲山一帶迅發告示凡於夜酉時起至次日辰時止不許鄉民行走山場免遭危險

一面設法再行捕拿等情查貴縣既尙有虎未能弋獲自應趕緊設法捉拿以除禍害
據函前情相應函請查照卽予出示張貼虎之所在地禁止人民夜間行走一面飭令
獵戶等迅速捕獲是爲至要

函青田縣知事袁函 七年十一月十一日

樹臣仁兄大人閣下啟者日前有貴縣五都陳山人鄭詹氏一口年十七歲夫名培巢
據稱被姑虐待不堪不得已私逃來溫旋據伊姑鄭留氏赴永嘉警察局請領當交伊
姑領回但鄭留氏事前旣已虐待此番領回之後勢必加重對待查虐待童養媳最於
人道有關爲此奉函卽請執事派役馳往鄭留氏（係青田五都陳山人）家中察看並
在左右隣近調查以前虐待情形現在是否已改詳細函覆爲盼嗣後仍望一月之中
派人偵查一次如該鄭留氏仍有虐待情事可卽派警拘縣訊辦以儆效尤而維風化
功德更無量也

覆慶元縣知事江函 八年一月二十一日

鄂生仁兄大人閣下頃接手書藉悉一一濟生丸茲又寄上四百包施藥弟所樂爲如仍需用儘可來函索取也養蠶傳習所自是切要之圖惟鄙意可仿照泰西各國水產傳習所辦法取流動性質以一年爲期今年設於甲鄉明年則移設乙鄉不數年間全縣可以普及且入所學習者不必一定有何等程度鄉間年幼者不妨男女兼收但令知養蠶簡易法能使實行爲目的閣下以爲如何模範種植場辦法弟極贊成當爲轉函省署至士紳熱心公益者不論出資或出力均可酌獎如請省獎不及格者可由閣下來文由弟給予匾額以昭激勵至及格者或由弟轉爲呈咨均無不可貴縣地方瘠苦能募捐至萬元以上實屬大非易事自非閣下信用卓著人民感戴曷克臻此倘使縣縣盡如閣下天下無不舉之事矣

覆慶元縣知事江函 八年一月二十九日

鄂生仁兄大人閣下頃接來函聆悉種種地方利弊到處皆有惟得人則利興而弊革閣下孜孜圖治慶邑人民何修而得此賢宰官耶施捨而不求人知是謂陰德陰德一

抵陽功十陰德厚者其後必昌此定理亦天理也煙案始終堅持到底不爲衆奪尤徵閣下毅力從事苟事事可以捐資贖罪則天下何事不可爲將置法紀於何地耶一切當代達可也

覆青田縣知事袁函 八年四月二十一日

樹臣仁兄大人閣下兩函均悉商會事前已函催茲再去一函可也修建 關岳廟衙署監獄三處共需三千二百元地方既認二千元平均支配 關岳廟之八百元應攤五百元閣下及韓管帶各認捐五十元再在公益費內請撥百元已得七百元尙差百元由弟擔認至能否邀准全在呈文措辭得當蓋 關岳既列入民國祀典自應建築廟宇且八分之七已由各處認捐僅撥公款八分之一當然可望批准卽萬一被駁亦由弟認繳但望剋日興修爲盼惟呈文應分呈 省長耳至戲臺一節紳民要同時興造亦無不可如一時無力或由紳民另行募到款項隨後添建亦無不可監獄千四百元照比例算應攤得八百七十五元不敷之款擬在司法收入項下撥補之處須由高

檢廳主持望將監獄歷史詳叙覆來弟當專函高檢廳請其贊助也劉公祠建築費記
得前曾談及約需洋一千元左右不知是否如果不差則照來示之數應餘四五百元
大可連觀音閣謝客堂一併修理吳猶翁必可贊助劉局長亦請其慨助若干弟當設
法擔任二三百元所差不多必可成功亦希剋日動手至盼至託

覆樂清縣知事唐函

八年七月七日

株清仁兄大人閣下函悉救國團自由結合無私法人資格萬不可認作一種機關其
團長亦不可認爲私法人代表非法團體官廳豈能承認調查事件以及捕拿漏米皆
非法舉動閣下切宜謹慎勿爲所愚至放運米糧已奉省令惟須嚴定限制勿令奸商
地痞乘機影射護照務須填註清楚日期地點米石均不可稍有含混致發生他種糾
葛實爲至要館頭公渡司事林某已辭望即轉致該董事等另舉一人惟必切實可靠
及有的保者方可充當船行遲滯或係舵工不良之故亦由該董事等另選一人駕駛
另置舢板恐費無從出姑俟換舵工後再作道理如何此中另有別情望深思酌辦永

樂兩處董事共四人應推一人爲主任弟意擬推錢伯吹此人係樂清籍而居住永嘉者似最爲相宜望與各董一商卽行函覆再爲定安

覆吳君碧華函 八年十二月九日

碧華仁兄大人閣下由滬回甌得讀手示備聆種切育嬰堂事刻已結束所有章程及徵信錄均交溯兄帶奉甌海醫院現擬購地建築購地費由弟籌備溯兄時相過從暢談甚快據云兄研求佛學勇猛精進並函尊府勿再殺生無量功德殊深傾佩惟佛以渡人爲最大功德溯兄聰明天賦夙根必厚兄與同居應竭力援引此公一入門必能發大宏願普度衆生弟意云然兄其謂何錢君正卿弟甚傾佩不待兄囑亦必引擢好在弟不久卽可回省屆時當竭力進言也

覆玉環縣陳紳保釐函 八年十二月二十三日

夏臣仁兄大人閣下方君持交惠函聆悉一是弟濫竽兩載建樹全無方深慚對此邦人士乃承諸君子惠贈題楹獎譽太甚薄德何堪厚顏拜受貴縣一切事體前江鄂生

知事赴任時已切囑積極繼續無少停頓碼道一事尤宜趕緊籌畫備文呈報總期
交卸前將案立定以便繼續進行容易措手農商學校亦與言過江君本喜任事再得
諸君子相助爲理當能與暉午知事後先媲美也尙希諸君子有以輔佐之

雜文類

碑記二件 序文五件 祀文三件 書詩五首 對聯三件

重修東甌 孔子廟碑記 七年 月

古王者易姓立權度量考文章改正朔易服色殊徽號異器械別衣服皆得與民變革
其不可得而變革者親親尊尊長長男女有別而已夫所謂親親也尊尊也長長也由
乎男女之有別也非他也禮也考禮經昉自成周周道同姓雖百世而婚姻不通親親
尊尊長長之義於是乎在所謂君子之道造端乎夫婦推而及之至斯人人親其親尊
其尊長其長而天下平矣此禮教之大本也有 孔子以維持之乃得亘古今而弗替
是以後儒尙以 孔子與文王周公並稱 孔子聖之時者也曷言乎時以其道如日
月經天有陰陽寒暑歷元會運世而無少或差其刪書斷自唐虞固明明尙官天下制

而又恐後世奸雄藉禪讓以行篡竊春秋之作所以使亂臣賊子有所懼也此皆維持禮教之苦心也中華民國鼎革以來改用新曆不啻周正之建子從此天下爲公無復能窺竊神器進而敦崇禮教我有以下邳治之昌明謂非孔子之志見償於二千數百年後乎乃自起國教之爭而聖道幾晦倡自由平等謬說者方冀破禮教之藩籬而軼乎親親尊尊長長之常道以自外至於修整廟貌之談渺不目爲迂闊慶淵於民國七年初觀察甌海公署即前温州府儒學舊址居孔子廟東下車以後見廟之大成門正在拆築逮上丁致祭殿廡亦已次第整新心實憐之主其事者爲永嘉葉君壽桐嗣詢厥詳知自五年四月陳前道尹捐銀二十元倡議興修曆經籌款之困難易二歲方集事中間由趙前道尹准撥罰款銀一百餘圓及祀產存款九十一圓有奇又慶淵任內准撥銀八十圓合之永邑文成息款綜得銀八百三十七圓有奇自春徂秋復經慶淵捐銀二十圓並分撥育嬰堂典息銀四十五圓有奇將殿後崇聖祠繼續修整全工合計不敷費銀二百九十圓有奇由士紳會議加提文成息款足之今先後工程一

律告竣葉君請爲文以記厓略慶淵不文知有禮教耳吾人之所以尊孔子者尊禮教也東甌號文物淵藪因知嚴禮教之防而以整新孔子廟堂爲急務竊思孔子之道當此存亡絕續之秋我尤望推之全國接踵而新之俾禮教中人睹廟貌而低徊嚮往凡有血氣者莫不尊親庶幾有以促文明之進化而爲世界之厚幸也夫是爲記

松筠亭碑記

七年九月

民國七年九月浙江省議會議員楊君雨農之節母金太夫人奉

大總統命令獎給黃綬銀質褒章並錫以節操松筠四字匾額雨農建亭於永嘉城外飛霞山懸匾於亭名其亭曰松筠請於慶淵爲文以記之慶淵時奉職甌海道尹夷考

道尹卽往時之巡道兼典試諸屬郡有古轎軒採風之義是以下車以來行政有暇時諮詢耆舊親問民間疾苦訪及鄉陬潛德婦女淑行竊附古義思挽頽風聞太夫人年二十適炳儀先生越四載卽失所天君姑高太夫人垂老多病雨農爲嗣子時甫三齡太夫人上侍湯藥下撫遺孤卒使衰病之姑霍然康強零丁之子至於成立閭里無不

稱其慈孝者徐班侯給諫平時不肯爲壽文太夫人六十設悅之辰特爲文以祝之文中叙述箠鐙課讀之勤劬比之洪北江機聲鐙影圖並詳述其教子擇友之嚴謂視陶母之留賓歐母之畫荻有加採其遺事於浙江通志節孝門以光史乘徵諸公論信而有徵太夫人晚年奉佛持齋尤好善舉聞湖南兵災極慘慨然助賑銀幣一百圓求之歷代女傳如此之私德公德具備者何可多得慶湖 旣聞太夫人懿行於其旌門之日偕同寅諸君訪雨農而賀之雨農今屬爲文慶湖 以爲合乎古史者採風問俗之義不敢辭也是爲記

陳宛珍烈女贊并序

七年七月

陳烈女宛珍浙產也僑居滬濱少明閨訓知大義年十七字王氏子菁士今逾三年矣菁士病不起女聞訊沐浴更衣仰藥以殉昔封卓受刑劉氏憤死張員覆沒黃女沉淵方之古烈女殆無多讓當此世道陵夷風俗頹敝滬地華夷雜處習染易滋烈女矢志靡他獨能以身殉夫完貞矯俗亦可風矣合諸史例例當得書予察吏甌海逖聽之餘

尙其志而高其節用序數言俾後之採風者有所及焉贊曰

天生烈女名曰宛珍幽嫻貞靜敏慧絕倫事親以孝待下以仁賢淑之譽無閒里鄰春風二十喪厥良人潮寒歇浦淚化紅塵碧海青天堅貞自矢聞耗捐軀同日竟死死爲比翼生爲連理歷劫不離宜昭信史

王節母貞壽錄序

七年九月

嘗求之易理由八卦內外分先天後天而知爲人之道教育有重於長養也民受天地之中以生乃坤與乾初爻交而爲震乾坤交生六子故震爲長男及其既長養也先天已賦胥賴後天之教育馴至有動作禮義威儀之則此則關乎氣化矣詩云螟蛉有子蠛蠓負之教誨爾子式穀似之物且有然矧人乎哉吾因永嘉王節母而有以徵我說矣節母姓徐氏年笄歸王君植階於疾革時刲股祈代罔應未匝月而瘳以垂老舅姑遽抱喪明痛夫弟妹俱幼無復有奉甘旨者乃易殉夫志而代夫職撫異姓子子之由孩提教養成入垂二十餘年去春稱七豔觴已含飴數弄兩代承權矣孟子曰不孝有

三無後爲大節母未能益夫算將以代夫之孝固不得不以立夫之後爲急務也夫堯有丹朱瞽叟有舜賢不肖不可以強易先天後天之不齊如此鑒於此而義方之教尤不容怠人之所貴乎有後者貴克象賢也貴克繼世而爲祭主也此震爲長男之義也非然者則如震上六之占所謂不于其躬于其鄰雖无咎而不免婚媾之有言矣用知節母之以恐致福如洊雷而震斯爲難能其子詠簧清邑庠生也今掌教第一國民女學校將以同人壽母之詩古文詞付諸剞劂以彰母賢德爰乞序於余余嘉其孝爲彰節母克盡人道之大足以垂爲典範者弁於簡端其詳于他文者弗復及焉

因果史鑒序 八年一月

易爲羣經之祖六十四卦繫辭爻象闡陰陽消長之理著吉凶動靜之機無非因天道以明人事孔子贊之曰積善之家必有利慶積不善之家必有利殃明乎善惡之因造自人而禍福之果報自天也天人理微隨感斯應如谷傳響如影象形數往知來毫髮不爽盲儒不察競執因果二字爲佛家言非儒者所宜道嘻誤矣夫因果之名字誠原

始於釋典而因果之義理則備載於聖經徒拘名字之嫌遂廢義理之實名爲闢佛迹
近非聖所謂愚而好自用者其是之謂乎晚近以來世風日薄人心日漓桀黠之徒橫
暴而不法柔懦之輩詐虞以相欺德教荒蕪道防潰決清明平旦存者幾希陷溺之深
伊於何底而彼詭詭然自命爲通人者又復競以破除迷信爲文明談論果報爲頑固
一倡百和靡然從風執妄迷真將非作是不爲畏天命之君子而甘爲不知天命之小
人舉世滔滔狂瀾誰障雁蕩吳先生菊逸學問淵博道德高深本悲天憫人之懷施振
贖發醇之術哀集古史撰箸鴻文題曰因果史鑒都爲四卷上自皇古下迄元明序家
國之興亡彰天人之感召事皆徵實理不懸虛如警夢之晨鐘如照膽之明鏡移風易
俗將在斯乎古人有言太上立德其次立功其次立言是書一出士大夫爭相推重立
言之說左券可操至於挽救人心匡扶世道立功立德更未可量不朽有三先生兼之
矣爰誌數言以明先生之志而並以爲當世勸

卯業指迷序 七年八月

中國之言艸業者二三十年前號稱極盛顧成效卓聞者寥寥可計而挫敗者恒十之八九世遂以艸業爲畏途相戒不前夫以中國艸產之美富環球著稱乃轉蒙其害而不蒙其利艸誤之乎亦業艸者之自誤耳慶湖承乏甌海僉曰地瘠而民貧不易治也及究其實則溫處兩屬土厚水深萬山包之靡山不艸靡艸不佳地非瘠而民苦貧此坐棄大利不能善用之過而有司倡導之責爲不可緩也同邑張逸槎先生煥斗年七十矣老於艸務經驗獨優乃約之來甌親勘艸地規畫辦法入山二次歷時兼旬已得最切時用之艸七八處先生曰美矣富矣不可量也嘗一滴窺一斑而可以測其全矣出示艸業指迷一册則於成敗利鈍言之綦詳本所心得樸實說理無高遠難行之患因急付之梓人將與邦人君子朝夕商榷見之於事實使言艸業者皆有以正其誤而定其趨以兩屬蘊藏之厚千百年來未一發洩救貧之道其在是乎苟有作者執鞭所忻慕矣

洗冤錄參考序

八年三月

司法命案以檢驗屍體爲最要檢驗不明縱有人證物證終不免有疑點存乎其間審判結果非枉則縱求其平允難矣曩在鄂省任高等檢察長時嘗以此意誥誠僚屬當時各縣執役之作作經驗較多於洗冤錄所載大要尙能領悟但使爲宰官者督飭有方疑難之獄尙不難驗明真相暨乎今日內地各縣既無醫院協助鑑定所謂檢驗吏者其經驗學識又不逮作遠甚兼理司法之縣知事非於檢驗之法研究有素臨時未有不貽誤者余觀政甌海兼負監督屬縣司法責任思有以勗勉之適第一高等分廳監督檢察官王君豫恂述及曾著有洗冤錄參考二卷急索而觀之其於檢驗疑難案件之要旨凡洗冤錄所未備者每以經驗所得詳細說明頗足以資參考有司法之責者苟能悉心領會則於檢驗命案時自不至多所淆惑其裨益於司法界者豈淺鮮哉

祀 文昌帝君祝文

七年 月 日

永嘉夙稱小鄒魯人文蔚起雖云山川鍾毓之靈有以致之要之造化運其機權衡祿

籍翼斯文者功其誰歸維我 帝君司文天閣發藻儒林繼帝王而宣化參天地以同
流文教藉以克昭祀事曷可偏廢嗚呼清季世衰荊棘橫生椒荔不舉不數年間遂使
崇墉傑閣等之野寺荒祠榛莽蔽階燕雀處堂穢褻甚矣不惟失其觀瞻而已官斯土
者徵獻考事不禁憬然惜之迺詔諸士紳作牽蘿計糞除塵障方喜芟盡葛藟塗抹丹
鉛便覩飛呈翬革雖子來之有感亦 帝力之默持者也惟是慙掩靈光自應重新
嚴像著龜筮吉剛當嶽降之辰俎豆將誠合肅仲春之拜敢告靈爽鑒此微忱謹疏

祀 文昌帝君先代祝文 七年月日

文衡主宰百世宗師褒功表德春秋修儀水源木本崇先有祠士民瞻拜芹藻通辭瓣
香一掬清酌一卮神其如在昭格來茲謹疏

祭忠義節孝祠祝文 七年十月日

忠精義氣充塞乾坤靈光不泯萬古長存巍峨廟貌載妥忠魂春秋瞻拜樹風溯源飄
颯風雨碎瓦頽垣重新土木祀事克敦仰止景行肅薦雞豚秋林蟬咽暮樹鴉喧欵欵

憑吊悲動哀猿神其來格款此清罇華蓋山麓廟貌一新本仁守義正氣斯神女宗難
再希世奇珍褒封崇祀幽德克伸有唐伊始勝國步塵歷朝鉅典匡植彝倫俎豆椒荔
聊報松筠青山不老芳草長春清秋明月皎皎冰輪神其不昧鑿此明禋

孫樸軒先生七秩壽詩

八年三月

安閑玉杖樂華顛噴雪棲霞自在天十月成梁無病涉一經紹業有真傳靈椿輝映聯
珠集仙橋香腴種壽泉雲液崑崙添鶴算婆娑醉舞不知年

王章甫先生暨德配張夫人六旬壽詩

八年

釵鈿乞巧證長生比翼連枝完夙盟南極星輝齊婺女躋堂介壽萃羣英
儉勤兩字振家風莫笑當年田舍翁人定勝天原至理盈門福祿慶攸同
華堂舞綵正新年蘭桂芬芳繞膝前此樂料應勝天上羨君福果種心田
精神矍鑠壽而康佳話齊眉繼孟梁海屋籌添春晝永借將椒酒獻桃觴

飛霞洞聯

七年六月

因樹構重樓看春陰滿地矯首凌雲道是臥龍將起

飛霞成幻境指秋水長天會心當日除非孤鶩知還

芝峯山護國寺金剛殿聯

四大皆空無我相

一心不亂會真如

護國寺金剛殿石柱聯

面壁參禪修證果

心燈傳佛悟拈花

贈言類

留別文二件 贈行文一件 贈行詩一百十五首 贈行詞一件

碑文一件 附呈文二件 函二件

留贈各屬縣知事文

吾儕背井離鄉服官於外無非爲名利計耳然二者之中要當權其輕重也竊謂爲利

者未必可以得名而爲名者則必兼可以得利益人既有好名之心則必夙夜兢兢勤慎自矢上可以邀長官之賞識下可以聯士民之感情政績燦然循聲卓著鵬搏萬里前程正未可量則是名得而利亦隨之矣夫爲貧而仕寒士之常情祿仕養親且稱孝道正不必如原思之辭粟反貽矯枉過正之譏第委吏乘田猶當盡職况躬膺民社顧可以漠不關心哉古稱縣令爲民之父母夫父母之愛子也饑則食之寒則衣之疾痛則噢咻之猶恐子之不能成材也復以義方之訓督責而教誨之相關之情之切有如此者縣令果能以父母待子之心待其民則庶乎循吏矣語曰食其祿者忠其事試思吾儕所受之祿俸何莫非國家之所頒給卽何莫非人民之所捐輸苟其尸位素餐無所施設將何以對國家何以對人民清夜捫心亦當自愧世之言循吏者每稱龔黃召杜彼猶是人耳果能不惜精神兢兢圖治安見今人之不古人若也鄙人與諸君同官斯土深知諸君皆才略非常不難爲民造福今將別諸君而去所以復諄諄焉不避饒舌之嫌者蓋深望諸君熟權於名利輕重之間共勵爲國爲名之志興利除弊教養兼

施庶使召杜龔黃復見於今日則非獨甌海人民之福抑亦諸君之榮也臨歧話別不盡依依相見有期佇聽美譽願各勉旃

留贈士紳文

吾人寄身天地間如風絮然忽焉而合忽焉而離無非視締緣之淺深以分別相處之久暫然形體雖不能常合而精神則始終未常相離也鄙人觀風是邦得與諸君子周旋晉接兩載於茲矣自慚德薄才庸未足爲邦人造福每思王右軍謝康樂之流風善政輒不禁心焉儀之幸承諸君子戮力同心匡其不逮俾得稍有施設聊免素餐尸位之譏惠我無私曷勝心感甌海全境十六縣大都阻山濱海地瘠民貧偷薄之風在所不免鄙人忝膺觀風之責每籌所以移風易俗之方夙夜兢兢無時或釋竊思管子有曰倉廩實而知禮節衣食足而知榮辱則知欲求化民者不得不先從事於富民是以於蠶桑森林等各實業不憚諄諄勸導以冀開濬利源此則鄙人精神之所凝注者也醫者之治病也緩則治本急則治標改良風俗所謂治本之法也振興實業所謂治標

之方也諸君子桑梓關情圖治之心當較鄙人爲尤切所望羣策羣力切實進行勿使

鄙人未竟之功半途拋棄則是鄙人與諸君子形體雖離而精神仍未嘗離也他若育

嬰堂廣濟院等無非由諸君子之惠施俾鄙人得以樂觀厥成所惜廣濟院經常費尙

未充足深用歉然異日之宏大規模尤所望於諸君子矣夫官吏之於地方猶如逆旅

此來彼往倏忽變更非若生長是邦者可以始終其事故治民之道恃官不如恃紳諸

君子之惠愛鄙人深矣幸祈於鄙人精神之所注者維持而擴充之如樹木然日勤灌

溉庶幾幼稚之萌孽漸成鬱茂之叢林則非獨此邦之民蒙恩無既卽鄙人亦隱受其

惠銘感於無窮矣諸君子皆熱心公益之人本無庸鄙人之饒舌第恐綢繆未固或不

禁風雨之漂搖憂慮縈心不覺煩瀆幸垂諒焉將來炎夏之時如需藥餌分惠窮黎逕

請函索勿存畛域之見尤所欣幸

羅陽劉項宣贈行序

屠維協洽之歲長至前一日甌海道道尹黃公涵之有量移會稽道道尹之信甌括士

民奔走呼號相與謀借寇投轄之舉有老於吏情者曰經奉明命恐非吾甌括人之所得私於是羣情惓惓若嬰孩之突離慈母蹙額不愉者累日蓋甌括僻處浙治東南地方囂靖民生苦樂大吏鞭長莫及一惟聽賢監司之善自爲四十年來諸凡觀察吾甌括者就耳目之所聞見若趙舒翹之嚴明總竅宗源瀚之好大喜功童兆蓉之雍容坐鎮當時非不嘖嘖在人口然語其實心實政綱舉目張俾閭閻直受百年樂利臨事而復當機立斷不屈不徇挽士習民風於不做以默銷疆場無窮之禍於旣萌則皆謙讓未遑也黃公蒞甌先後計屆兩載其初至也瘡痍甫定百廢待舉而民力凋殘他人處此鮮不望洋興嘆黃公乃相其緩急苦心孤詣力行勿稍挫育嬰堂廣濟院相繼建辦訂立規章盡善盡美而復修先賢祠宇以風厲薄俗捐廉俸施醫藥以全活災黎整學校以閎教育刊善書以敦孝弟辦電話以利交通促掩埋以妥殘骸他如開水利勸農桑築橋梁興實業凡足造甌括民生幸福諸鉅舉靡不次第興辦一人提挈於上各屬風從於下一時吏治幾有蒸蒸日上之勢而最歡愜吾甌括達識以爲得監司大員處

事之體弭地方將來莫大之禍尤莫如處理學校生徒抵制日貨一事當五四運動以還波潮激湍浸淫各地甌校學生亦蠢蠢欲動黃公思患預防廣張文誥勸勿越軌潮流所趨視等具文勢燄嗚張不可終日甚復借端脅迫商場停市以挾制斯時倘操之過促未免激而生變若稍示瞻徇將得步進步接踵效尤種禍誠不知所屆黃公獨見其大排衆議而示鎮定凡所要求嚴詞堅拒並復薄懲禍首一人以示儆若輩見無罅隙之可乘又知非衆勢所能劫始各悔悟相率如鳥獸散市場秩序旋即回復後遂斂迹銷聲不致演成意外慘劇不然橫逆之來變而愈厲小之則蹈津門閶闔之覆轍大之足招閩垣戕殺之奇殃里廛擾亂牽動外交千金之堤壞於蟻穴追悔奚及然則地方之得安謐青年之免賈禍夫孰非公老成擘畫有以保全之豈第一人一家銜感盛德已乎公行矣會稽爲古名郡得公措施其間新猷煥發造福無量異時攷績定當報最擢縮省符拭目可待則甌括小民稍緩須臾猶得與浙東西老幼同托帡幪於無窮期是今日依依不舍恨攀轅之徒切者他年將歡忻鼓舞親旄節之高臨矣瞻望旌旗

翹企曷極用紀數言以壯行色

永嘉高等分廳監督檢官王熾昌

黃涵之先生於民國六年冬任浙江甌海道道尹監督舊溫處各屬縣司法尤矜恤罪囚捐俸提倡改建永嘉並各屬縣監獄暨永嘉地方檢察廳看守所凡罪人及羈押之被告人值時疫流行罕瘦弊者熾昌嘗親問執行及省釋人犯無不感道尹泣罪之仁心八年冬道尹辭職不獲將請假以去爰賦詩贈之熾昌但詠其關於司法行政事實一端此外善政尙多諸君子各有所見必有樂於表彰者謹拋磚引玉尙希諸吟壇見和

甌海權司法黃沙名獄惜赭衣輜軒來兩郡佛地到園扉疹不侵寒暑人無苦畏饑天星

明貫索解脫共相祈

泣罪車頻下先生親到監次矜囚俸屢捐金始得改築復以女犯羈所病室尙待改良臨

去籌款擴充之宗風循穎守小謫是松仙庭宇生春草沮洳湧白蓮慈航能普渡說法遇真禪

先生好佛學故昌
以法界枯禪相得

五袴歌來暮三年繫去思

先生任秋風鱸菜意

先生迭次辭職

春夢黍棠詩

先生臨去昌索

留所種花木植

負襁嬰兒活

先生整理育嬰堂

攀轅老父悲論文樽酒薄

先生臨去昌與楊允升暨

督推事沈慶生題長徐谷虛檢

留餞兩無詞

先生將來升擢行政最高長官惠及一省

屬縣昌係同城則餞之

廢祀崇文卓

宋文信國公祠明卓文忠祠均

遺徽繼謝王

晉謝太傅靈運王右軍猛資

寬並濟

先生嫉惡實

道以毀而彰

或有毀先生者

一掬孤寒淚

先生將去監所執行及

資送區

千秋姓字芳

先生改建監獄浙江高等檢察長陶叔惠先生撰碑文

井重到望劉郎

江心寺有靈壽泉三字為徐壽菡姻丈所書

麗水縣知事錢誦槃次王豫恂韻

涵之道尹蒞甌海道任已三年矣告假將歸凡溫處兩屬士民感被德澤頌聲載道旋

奉省令調任會稽聞訊之下歡抃莫名敬步王檢察廳長原韻錄呈郢政

豸節臨甌海仁慈仰繡衣裳甘歌菱舍澤普頌園扉道尹矜恤罪囚捐俸提倡改建各屬縣監獄及永嘉地方檢察廳看

守所凡有罪及羈押人無不感戴鴻恩民不憂災癘道尹每屆夏令頒發各種藥品施送各屬貧民咸感懷常塵溺饑尊鱸歸思切

借寇願難祈

尊孔興文教重修鶴俸捐舊處州府文廟歲久失修將就傾圮道尹輟軒瞻使節官府尹首捐百金令外縣派款重修業已興工

是神仙率屬儀端範勸民舌粲蓮道尹愛民心切印刷勸孝戒賭息訟各種白話又頒發各縣勸導恐民萬家生佛仰說

法勝參禪道尹好佛學慈善事尤樂為之

江夏家風繼臨歧泐去思六條宣露版兩郡探風詩為政寬兼猛懷恩喜共悲攀轅留

不得輿頌盜歌詞

惜別催鳴驪風徽繼謝王晉謝康樂王右軍均曾任永嘉太守表忠崇祀建永嘉江心寺有宋文信國明卓文忠兩公祠青田石門洞

有劉文成公祠皆久圯道尹修其廢祠以存勝蹟保赤惠心彰道尹整理溫處兩屬育嬰堂全活嬰孩甚衆節駐三年久碑題萬古

芳改建永嘉監獄及永嘉地檢廳石守所皆有碑記刻石福星移越郡竹馬迓兒郎

青田李景蓮次王豫恂韻時年七十有四

瓦法見文長
贈言類

涵之道尹告假養親未得確耗也杜君左園寄示王豫恂廳長贈別之作方知蜺旌已指豸繡難留次韻四章寄呈晒正

似此江山好如何便拂衣驪歌騰祖帳魚訊到寒扉望歲徒延佇何時慰渴饑忝思併未親

光攀轅愧無力只有寸心祈

自笑懸車久某自退居忽忽八載迂疏世所捐羨君兼吏隱作宦亦神仙峻節凌霄竹清標出水

蓮前身真佛子衙散更參禪道尹精於佛學

膏黍來宣日棠留去後思俗移人實劍道尹以通俗文告訓俗型方民風一變政簡吏鈔詩士有弦歌樂

提倡學校不遺餘力民無病涉悲捐置橋梁義渡甚多羊公兼杜母無間復何詞

甌括循良傳遺徽溯謝王風流今有繼先後美同彰石載扁舟去碑流衆口芳最多誰

感涕賈女薛兒郎義政不勝枚舉嬰堂受惠尤深

禹航王渡次王豫恂韻

豈羨紆青經常思舞綵衣心堪盟白水身卜到黃扉觀察情難隱和豐歲不饑驢聲騰

兩郡留住衆相祈

義渡鱗原便嬰堂鶴俸捐修祠功不朽救疫術皆僊勸孝文都梓矜愚舌燦蓮有勸戒

結文其切有味天倫多樂事歸去等逃禪

蘇困歌來后辭堅感孝思瓜綿占鏡聽蘭采補笙詩僚屬循成法民生現大悲沐恩縲

綽者繡斧表名詞

甌括多仁政魚鹽富海王甘棠留待樹意苴謗徒彰南浦情難別東山躅自芳承歡資

菽水傲盡尙書郎

永嘉楊學青次王豫恂韻

幾輩神仙吏雲霄高振衣騎驢吟灞岸抱犢臥巖扉玉局髯蘇隱金門臣朔饑何如塵

路險衝泌趁齋祈

任有卹民意囊金盡手捐錄囚呼我佛巡省監獄視疾感如仙設局施醫電掃風前箨勦惡必嚴春回

火底蓮育嬰堂廣濟院施藥局慈悲原有道吏治貫參禪

贈言類

五十一

航到蓬山穩設館頭謳歌正可思各邑訟事上訴關門明訟獄者至公大治相地習紘詩數日前

景相度舊中軍署開鳳集原堪喜有創辦女師範之舉鴻啓更足悲政成聊報賽壇廟荐笙詞信國公祠雙

忠祠成親

我已抱書瘁空山肩百王世能因道治身自以文彰政美千家感官賢萬世芳口碑聽

載道心版篆兒郎

永嘉地方檢察廳檢察官曹元忠次王豫恂韻

千頃汪洋度輝瞻多繡衣旄倪躋壽寓先生創設廣濟院改雨露溢園扉先生捐廉重

及看醫術通中外先生署中施中西藥品遇有疑慈懷速溺饑先生創設樂濟義渡船

水利以備旱潦口碑傳誦盛生佛萬家祈

祠廟尊忠義蒸嘗鶴俸捐先生將有祀廟碑銘鐫姓氏各廟落成先生勸香火證神仙

慈母經傳荻春間太夫人八十壽辰稱觴上嘉賓幕燦蓮先生署中佐治人員轄區十

六屬到處靜如禪

三載潁川守

漢時黃霸潁川三年而升京兆

因何作去思明州移檠戟

先生近奉省電調任會稽道尹

樂府譜歌詩

天際鴻飛遠江干驢唱悲翻嫌相見晚忍賦別離詞

追溯東嘉守高風媿謝王

謝康樂王羲之會為永嘉太守

辛勤官牘息子惠令名彰

先生樂與人為蒔善無微不至

味勞相憶

忠元與先生有同鄉之誼

蘭言信自芳福星望天上輝映紫薇郎

錦溪鄔學韶次王豫恂韻

甌海道尹黃涵之先生政聲卓著士民頌之爰步王君豫恂原韻奉和四章以誌勿謾

星使來甌郡迎親舞綵衣

公來守是邦板輿迎養太夫人於衙齋極盡天倫樂事

采風臨永邑雨露浥柴扉四境

欣因利

先生設因利局以濟貧民

羣黎乏凍饑

設甌三載天無奇寒酷暑人無號寒啼饑

至今歌德政秋報並春祈

下車方伊始鶴俸已頻捐

公蒞任後即出鉅款改築監獄及修復文卓公祠等其慷慨捐輸如此

循吏羨宗慤神醫擬散

仙

公政事之暇出其技黃術以濟人並設立甌海醫院全活無算

無私矜赤子

公愛民如子

小謫是青蓮臺向生公下談禪

好悟禪

公又好佛學與高檢分庭監督檢察王君同以枯禪稱故相得甚歡焉

來遲歌五袴千里動歸思

公去志甚堅

鱸膾尊羹意風花雪月詩嬰兒沾實惠

公整理育嬰堂甚力且等

盡經費賴以持久父老寄空悲留不得遂相送無樽酒臨歧共獻詞
公行愧乏樽酒致餞惟謹賦拙詩數章聊伸贈言之

意

愛民思召伯公遺愛在民 書法繼鍾王公工於書法求者題接 公道因人著慈仁以毀彰公有人多惜之

弭災黎頌德永嘉全城水龍會救火器具久已失修公因令 養老史流芳公經理廣濟

窮民之班白者苦勝蹟流傳遠
心孤詣良足多矣
文帝廟及青田石門洞修復古蹟甚多 重來憶謝郎昔

太傅嘗為永嘉太守

署泰順縣知事黃麗中次王豫恂韻

移節珂鄉近春申煥錦衣甘霖隨轍迹福曜照林扉常念民憂樂無殊已溺饑重來慰

衆望清夜共虔祈

一官恒產減三載俸錢捐愷悌今生佛風流古列仙謝樓琴引鶴甌水幕開蓮治理閒

參悟焚香每問禪

輿誦初相毀棠陰去益思一錢臨別意千首送行詩迎候昔同樂遮留今轉悲蒼生共

甌越借寇恨無詞

惠政堪追謝輿情尙戴王但憑詩伯頌何待史公彰霽月梅花燦春風小草芳樗才勞
剪拂應不慨爲郎

黃慶雲次王豫恂韻

涵之道尹秉節甌海倏爾三年福星生佛早已譽滿甌括茲因榮陞會稽行將啟節慶
雲頰蒙垂青愧無以報爰用王豫恂先生原韻成俚言四章聊誌大德

記得下車日民方拜綉衣長才誇玉局高論簡綸扉常被君陳命偏懷臣稷饑一麾今
奏績爭作永年祈

愧我百僚底常勞鶴俸捐登堂觴壽母隨仗奉書仙慧業瑤宮桂前身玉井蓮宰官聊
濟世蘇老慣談禪

三年殷剡薦千里播謳思召伯甘棠詠謝公春草詩錦衣天派壽金甲世興悲去建會
稽節頻廢修禊詞

輝映蘭亭美仍還內史王金章官轉貴玉匣跡彌彰奉母戲萊彩添孫騰桂芳德人天
默眷執戟看諸郎

古鹽官祝鼎次王豫恂韻

甌海道尹黃涵之先生奉令調署會稽道尹移節有日浙江第一高等檢察分廳監督
檢察官王豫恂先生贈詩四章索和不揣譎陋率依元韻得俚句如左藉誌鴻雪之緣
並爲道尹送別

豸節來甌海先謀足食衣人材儲廣廈賢路闢重扉政善民因利倉盈歲不饑勤求興
百廢大有累年祈

屬吏明明察廉錢纍纍捐撫嬰眞父母濟世儼神仙鴉鵲無驚樹鷗魚靜戲蓮羣生皆
得所澤潤及林禪

數月荊州識春風慰渴思使君三載績豈弟萬民詩航渡傳謳頌羈囚感憫悲寇公能
念舊借箸欲陳詞

治蹟追前哲循聲邁謝王里衢生佛祝宇宙大名彰澤共輶車遠碑留翰墨香送君聊
賦別攜筆愧江郎

永嘉林浮沚次王豫恂韻

兩郡神明使緣何遽拂衣恩能周覆獄澤已到窮扉官事皆家事民饑若已饑從來望
治急午夜露香祈

網每矜囚解囊常濟困捐萬家司馬佛一品鄴侯僊渡海浮金筏

設館頭義渡

開山湧寶蓮

精進雙忠祠

叢祠昭日月

重修文信國公祠

祀罷笑譚禪

深明佛學

學貫蕭曹遠

精深法學

心殷度世思急公原好義餘事亦工詩慣慕親門樂

純孝出於天性

偏擔君

國悲名山歸養早竟著採芝詞

吾道豈終晦斯文瞻百王鳴飛心自逸豹隱德彌彰關驛樹雲繞園林蘭澤芳相望今

日切袞鉞列諸郎

瑞安胡調元次王豫恂韻

使者今稱尹嘉禾易豸衣今夏間奉令晉東南諸大郡甌括兩重扉官有棠陰美民

無菜色饑生祠將遍立盛會勝春祈

門外屢常滿壺中藥為捐國醫和緩侶世德穀城仙先德以醫名公尤能世其學自下車後每位公餘求醫者屢常盈門

公皆躬自診治並施拾藥料歲費以萬金計至於活人無算通國稱之梁案輝荆布潘輿簇玉蓮來游此公府清境靜如

禪

慷慨傾囊舉長留去後思名山羊祜蹟公於同城文武官僚最為和協每屆星期常就飛龍洞江心寺為宴會場尤以江心寺旁文卓

兩祠室荒廢已久為之修葺一新蓋皆公自捐廉也廣廈杜陵詩重建育嬰堂七楹及倡修外縣各監獄窮老依人感新建棲流所一座俾窮民

移置其中嬰兒戀母悲為嬰室增給孩糧施醫哺乳以次遞加麋裘應止謗今日復何詞

此邦風最古開國始甌王流品殊今昔人才有晦彰臬鸞難共處蘭艾不同芳猶許華

筵會疎狂一漫郎調元屢承召飲常以醉後無狀荷公見容思之尤感

遂昌縣知事程蔭毅次王豫恂韻

昨奉高檢分廳王廳長以餞送函之道尹大著見示浣薇三復篆竹五中覺道尹厚澤

深仁有不能已於言者因步元韻謬成四章

分俸頻施藥慈祥屢解衣期將登省座訝竟隱雲扉水賑猶吾溺荒災似已饑種桑曾

督課蠶事代春祈

道尹去今兩年均撤催購桑秧添種並查報成績

功名猶敝屣不惜暫時捐無奈留生佛因難送謫仙恩宏爭繡像品潔重青蓮慧眼開

高座門徒易解禪

載道皆碑頌庸材益戀思刻章棠蔭獎

蔭毅以拿獲鄰境盜首黃老鼠精蒙道尹呈准省長以棠蔭章咨部核獎

尺牘蓼莪

詩

蔭毅以遂昌山僻迎養母親不便兼道尹函懇省座調近奉准遇機即調

豈去桐將廢臯歸馬亦悲仁旼期再托悵悵復

何詞

天倫有至樂高尙薄侯王

閱報載道尹因既還相隔重洋不便迎養辭職

三載鴻泥印雙清日月彰赭衣皆被

澤

道尹捐俸修建監所多處深獲囚犯

青冢亦流芳

道尹創建江蘇會館購置義塚

積善當餘慶文星應列郎

再次原韻

旌節移甯紹承歡便舞衣益看輝豸繡行見贊綸扉憲意勤觀察婆心拯溺憐祝公無

量壽香瓣早誠祈

從者如歸市仁人不忍捐雪鴻皆政績琴鶴亦神仙貞比寒冬柏清逾出水蓮萬家生
佛共隔道願參禪

功千無一過何事退時思召伯甘棠頌陽關折柳詩甬江迎意切甌括戀忱悲惠政謳
難罄殷勤再獻詞

美富宮牆復興修禮素王

明書處州府文廟

去而存益詠道自毀彌彰明月襟懷朗春風齒頰

芳但祈仍舊部不願入爲郎

永嘉厲東樊次王豫恂韻

振古多推食於今鮮解衣三年治甌海幾度叩禪扉事業皆慈善黎民無渴饑萬家來
生佛降福不煩祈

屢欲辭官去竟將塵事捐羨公多福祿屈指算神仙惟善以爲寶還希再種蓮今朝浮
海去明日可參禪

幕府徒瞻仰荊州空慕思
送行無長物更愧不能詩
驪唱鬼神泣馬鳴草木悲
詩壇諸健將多少斷腸詞

有意東山隱無心南面王
功高訕必至謗集道彌彰
身價千金貴名流百世芳
陶潛三徑去何日見劉郎

永嘉趙治平次王豫恂韻

十月初七日蟾里二更時
隣居失慎治屋僅隔數武幸公率屬馳救不獨治屋蒙庥而
同里一帶均獲保全敬呈拙著聊誌遺愛并以贈別

甌海澄清日還鄉尙錦衣
馴聲思草野德政感柴扉
泣罪恩如再全嬰腹不饑
三年分紀植共樂得春祈

樂清錢熊堞

昔年梅放公來日今日梅開公去時
紅樹半江送別淚青山萬丈去思碑
陸沈大地天難問攬轡中原日未遲
出岫已成霖雨象大雲總在海東垂

時公升任會稽道尹

黃童白叟感深恩公手創辦育嬰堂廣濟院因利局掩埋等善舉費約二萬餘金三載分藩使節臨畫地牢開春有脚

公建暨獄數十公醫每日施醫并樂活人萬餘補天術妙石無心公醫每日施醫并樂活人萬餘江山潤色羊公碣海國留題謝客吟

江心寺文丞相卓敬公祠雙忠祠劉文成祠皆公重建此去慈雲正在望乞分愛日護棠陰公性至孝春間太夫秩壽辰迎署祝

殿為古來未有之盛

一毫端現宰官身佛海仙山有替人四野絃歌聞隴畝公至溫之日連年皆稔百年禮樂見精神

公手刊白話文首以孝佛為先鄭公履曳星辰動李相衣香咳吐新公手不停披案無留續何意江山搖落後居

然麟鳳出風塵

梁園文酒幾經年壇蓋學數年蒙公青眼臨別攀轅意惘然越國鑄金蠶相去吳中畫扇放翁傳

公去之日既民製區率相送者在來不絕於道使星又泛明州棹卿月常懸孤嶼天他日相思憑雁翼向陽飛

渡鏡湖烟

永嘉錢振篋

紅樹青山送別離兩行琴鶴正歸時溫公生佛羊公淚一樣他年去後思

門生李夢九

願師受祿似增川龍馬精神小謫仙師任臨海道尹三年終日手不釋卷案無留積歌頌敢同流俗語經綸端

賴濟時賢師捐廉提倡重建育嬰堂改造各縣監獄及看守所三年甌海平如鏡百里墩烽靖不煙溫處向多土匪師至皆匿

跡遠避憶上蕙幃無量壽躋堂會賦白華篇今春榮誕會以太師母七十為壽

記曾局試別賢愚何幸登堂學步趨師前年考試合郡醫生蒙取最優等第霖雨滿天蘇轍賦師創設貧兒廣濟各

院周濟無告秋風故里憶蕤縠師屢辭職皆不允准黃童白叟情難忍合郡紳民送牌匾者絡繹於道越水吳山意自

娛師將行復調升會稽道尹最是蘭亭多勝景幾時鷗鷺傍江湖

前永嘉縣立模範國民學校教員李樾

萬家生佛仰溫公化雨三年漸被東我愧龍門階下草吹噓猶自待春風

永嘉周熙海

簪纓世胄羨金張積善門庭慶必昌苗黍銘恩欣徧潤萱花介壽祝無量太夫人古稀稱觴極戲絲

娛親之樂關心疾苦丹爐覓醫內施濟醫藥活人甚夥加惠嬰孩德政彰公改良育嬰堂嬰孩受惠不少此日甌東遺愛

在攀轅父老共焚香

光陰如箭歷三年政績循良競頌傳廣廈濟貧冬愛日

設廣濟院以收孤獨之老者

慈航利涉晚來

天設館頭等處義船行旅稱便

不才方荷駢轅庇

海蒙充本署諮議

下邑叨霑惠澤先祖錢東門驢唱罷去

思惆悵到離筵

永嘉吳性健

吾公尹甌善政多不勝紀僕廣濟院醫士也曾蒙攷取最優等指派廣濟院施診君子

思不出其位畧賦四章作瀕行贈言之紀念爾錄請函公道尹鈞鑒

大地春回寸管中醫才端與相才同自程玉尺衡量後始識龍門聲價公

白髮蕭疎憫暮年誰將廣廈庇顛連媧皇手鍊金剛石補此人間缺憾天

折肱三世慨知音特地垂青感自深最恐洞垣功識淺等閒辜負濟人心

一揮多節幾經年治譜爭膺蔽芾篇載得歸裝詩料富甌江風月鏡湖烟

岐海鄭猷

涵之道尹觀察甌屬歷有年矣惠澤仁聲卓卓可紀茲誦贈言知榮陸會稽道任敬臚

政績大且著者賦詩奉贈工拙不計聊譜北亭話別之意云爾錄請兩政

繡衣直指古雄甌坐鎮東南最上游生佛萬家歡廣夏整頓社倉恤嫠等善編氓四野

忭高秋蒞甌三載連占豐稔特隆香火名山祀公捐俸修復孤嶼文卓二公祠及葺蓋山雙忠祠等少展經綸醫國謀謂施捨幣

藥及預別醫生自笑隴西布衣士無緣尺地識荊州

寒梅萬樹擁旌旗臥轍攀轅賦贈詩理學相期元祐日永嘉宋元祐間理學最盛周行己劉安節輩踵出提倡道德公

印布白話勸孝戒賭及戒誣文深合鄉賢遺緒又晚現任縣立高校鄉土教科政聲獨譜永和時王羲之為永嘉太守有五馬坊百里坊諸古蹟後遷會稽

內史公可謂媲美矣慈雲朵朵孤兒淚謂育嬰堂事化雨絲絲父老思廣濟院其一也私幸鑑湖隣咫尺乞分

榮蔭護邊陲

永嘉鄭同

上海黃涵之先生尹甌慈祥普愛口碑載道湘潭王熾昌廳長詩註備詳余尤羨其事

母以孝孝乃忠資是故省長齊有鑒於此不准辭職准其假歸頻行賦贈

江南多繡鳳龍儔手攬三山足九洲黃老申韓同一傳循良菩薩共千秋一官不得辭
滄海百行從先許上游善事王陵慈母識中川靈水會重遊

又次王豫恂韻

甘水斟靈壽窮檐拜繡衣幃帷歸白下綸綵聽黃扉謗與人誦誓鴻籥屋饑倒懸民
盡解爭效永年祈

千頃汪汪度東郊鶴俸捐

東郊本尚書

萬家衆生佛三島大遊僊空園多芳草清修結社蓮

奈何官事促慧業亦參禪

樂清馮豹

紅日西傾初月眉惜者黃公會稽移約我縱游雁宕山未暇及此爲別離僚吏餞行百
姓繼尊酒不歡斑馬嘶座有飽公德政者毋或秘焉慨述之孩有育養老有濟校有教
鞭醫有師蠶繅婦女春燈夜林木樵夫晚擔時修廢江心丞相廟華蓋山有陳馬祠餘
多小善姑弗論慈雲一朵駕風馳台州山下一帆遠甬江迎者穿望迷大賢濟世因地

異儻如我甌更有爲公餘覽勝山陰道還冀招我笠屐隨無以爲贈祇自醜搜索枯腸
劣有詩

陳邦屏

王公詩名滿天下瑤章示我詞大雅大雅瑤章爲誰作觀察黃公去莫捨觀察駐節古
東甌胞與民物莫與儔施醫活人數無算罔罔一新爲恤囚古祠頽圯重修葺六條察
吏民隱求筆禿難將善政罄千秋萬歲芳馥流昭昭治績日星耀名宦經綸豈易侔方
今神州繫苞桑願祝使君作棟樑天心厭亂會有時擔當宇宙萬夫望忽因休沐駕言
歸歸侍高堂報春暉父老攀轅留不住同寅寫詩送征騑詩箋滿篋首首佳王公雅韻
世所稀黯然攜手江干別遠望行旌去若飛

永嘉陳壽宸

時年六十有三

窮黎西伯視如傷隔代同情吏最良此去鑑湖憑造福甌民一樣咏甘棠
去殺當年予願奢非徒濟衆澤無涯而今自愧空言託那及仁人實惠加

啼號赤子免饑寒喚渡民尤賴又安別後甌江回首望博施應慮替人難
生平保赤負心期何幸於君獲見之餞別爲民憐且惜非攀官柳濫貽詩

陳邦平

佳句傳甌海循猷一代宗風標遠省識月旦盡形容秋思吳中遠春花月底穠次公天
下冠誰爲繼高蹤

亦有思齊志羞稱執法人潁川師博愛東郡勉揚仁攜句窺雙美談禪契一真詩才兼
吏治含意愧難申

潘葆琳

千里春申一水通繡衣直指古甌東已饑已溺痼瘼切良相良醫功效同太守留題雙
蠟屐兒童爭逐五花驄三年報最稱循吏他日轡軒入採風

三月春光介壽觴慈雲常護召南棠老萊戲綵親常樂臣朔偷桃喜欲狂海屋籌添新
鶴算梨園曲譜舊霓裳登堂拜母衣冠盛捧檄毛公早顯揚

翹首讓闈白髮新陳情一表倍思親臣心久戀春暉草鄉味濃諳秋水專吳越雲山天
咫尺汪洋丰度海精神從知迎養潘輿便歇浦明州舊比鄰

借寇留恭總枉然驪歌一曲感離筵峴山刻石羊公德越國鎔金蠡相賢四牡皇華移
使節兩行官柳送吟鞭鑑湖此去無多路同在岍嶮雨露天

青田杜師預

涵之道尹治甌三載閩澤旁敷通以告假養親當道慰留不得因爲調任會稽以便其
就近迎養在省長岍嶮之下非有厚於彼邦而甌民依戀之私若忽離夫慈母謹成二
律用表羣情若夫循聲善政累幅難盡不敢舉一而漏萬也

一朵慈雲覆括甌被風吹送海東頭地留德蔭三年渥人唱離歌一片愁回首青天今
漸遠墮懷赤子更誰投使君自爲承歡去捨得蚩蚩孺慕不

茫茫甌海接長天琴鶴輕裝準放船兩岸潮聲悲此別四明山色笑當前天移福曜原
同照人愛冬暉各自偏我亦棠陰盡一粟攀車無力意懸懸

永嘉自治委員方壽康

貂冠多節著經綸丰度汪洋不着塵蓉海葦航千佛渡

公以鳳江七里館頭諸渡風潮頗險創置義船多隻行旅以安

藥爐丹煖萬家春

署內設所施醫兼施中西藥品民賴救活者甚衆

旄倪有庇渠渠屋

創造廣濟院改良育鴻嬰堂老幼被澤不淺

雁無聲粟粟困

整頓倉儲以備荒歉

正頌仁風扇甌括澗漿底事遽懸輪

記曾介壽敝華筵不老春光不夜天

板輿迎養春日稱觴賓從雲集戲採歡娛極人間之樂事

紱佩觥籌觴阿母簪

纓門弟耀章賢梨園子弟霓裳詠蓬島神仙鶴髮鬪

太夫人古稀精神康吉倚杖不扶朱顏華髮望之如神仙中人他

日登堂重肅拜屋萊合晉第三篇

凝望親門千里遙簿書不慣更圍腰

太夫人秋初錦旋公純孝性成彌日南望輒歸養

思鄉情急輕捐珮乞養

恩濃勝珥貂闈澤旁流召伯舍卿雲歸護使臣軺承歡燕寢春長益家慶圖呈醉酒椒

計抵珂鄉正在新歷歲首

三年政績記循良掾吏慚無佐治方元禮門前欣執御孔融座上許飛觴軸軒每備芻

蕘採

公下車伊始勤求地方利弊條陳數端仰蒙採擇如碑版嘗留姓氏香 忠祠宇勒

石紀事康
得附書
翹首吳雲在天際清風琴鶴去思長

又

前呈拙作未盡依依比聞榮升會稽又添文孫歡忭無地再掇二律以摅賀悃

寫罷雲藍意未閑又聽吉語喜開顏遠迎使節花驄馬環讀碑文峴首山捧檄歡承天
咫尺含飴嘉報字斑斕明州甌嶠同歧海官柳依依不忍攀

梅花香裏坐離筵再疊驪歌更惘然忍令斯民多缺望本來守土盡名賢巖摩謝客春
生草池汲右軍墨鎖烟還我使君佳話在回頭靈壽有仙泉

永嘉林超塵

括甌三載一官清十里幃帷千里程循吏兼爲慈母孝明公最繫部民情蜃江父老春
風暖多節旌旗冬日晴飲到中川靈壽水重來會有聽遷鶯

公蒞東甌善治多攀轅無計嘆蹉跎穎川慈愛三年績叔度汪洋千頃波瀕海甘棠同
夏屋江南清夢醒春婆直書慚愧董狐筆欲識荊州意若何

又次王豫恂韻

三載爲官好今朝一拂衣民平無枉獄盜靖不驚扉保赤心皆實陳紅粟無饑江南冠

蓋盛天命仰爭祈

此去高堂侍功名未棄捐萬家金鑄像兩郡玉堂僊雅度千波水前身九品蓮申韓黃

老意臥治術宗禪

永嘉地方檢察廳檢察長徐繼騏

諸天護法本禪宗先生歷任上海地方審判廳長湖北高等檢察廳廳長精明下界時

聞警世鐘先生耽佛學常作白話文勸人爲善守法黃石授書緣可教先生履賜佛學書俾得研究身心性命之學赤松吞篆早

相從黃初平亦號赤松子觸邪自覺慙神多繼騏先生之力無誤破壁人爭屬畫龍先生去任必當升擢甌海士民

咸恐其去苦海慈航能普渡時局未定萬姓困窮安得先生爲最高行政長官以拯救之玉京相與把芙蓉法界枯禪最近與佛學相近

王謝風徽堪繼美先生公暇常遊尋王右軍謝康樂遺蹟宋明祠在並崇賢文信國卓文忠祠均先生提倡重修詩吟生草

翻成夢留先生不獲祇得作書記其遺愛地到飛霞竟是仙永嘉南城外有飛霞洞仙人劉根遺蹟壽母承歡萊舞綵夫

人八十壽辰在
永嘉見者榮之
疲民療疫橋流泉
先生時從上海購藥施診整理育嬰堂創設廣濟院多所全活
攀轅父老情尤切借

寇何徒願一年
地方紳耆爭電留先生

盼到星輶到越溫愛民仁政及羈囚
先生任臨海道尹三年百廢俱興萬民愛戴
捐金力助衣薪給
先生捐鉅金倡

建永嘉監獄及本廳看守所
垂翅無妨燕雀留
且未見逸言瘦斃
頓使豐城騰紫氣
具規模
可容

洛邑繫蒼頭
先生協助司法絕不干涉檢舉犯罪
那堪駐節三年久為憶純鱸遠感秋
今秋先生遞次辭職不獲擬告假而去

幾見拘人愁滿囿
監所擴充無
薄刑頌繫脫桁楊
監所堅峻
婦羈東海天無旱
女看守所破陋

先生臨去時復籌款改建之
客問南冠夏不霜
此大看守所增建病室亦先生之力
但乞沐休辭祖帳
先上將告假而去適飲者固辭

願留遺樹作甘棠
索留先生手植之花木
孤寒八百齊揮淚為祝于公後代昌
監所人犯共感

仁施麟資製送先生匾額錦緞

徐鈞

活佛修成耀繡衣
婆心普渡萬家圻
挽留欲薦馨香願
惜去無聞車馬稀
僖負欽賢藏

璧際文公得位定時非侯門世澤綿綿繼到處賡歌治化機

老少安懷致效勞前人功德後人操醫方著作光臨海濟世經猷達部曹耳聽絃歌和
雅化心存道德獲榮褒至今孔聖鬯門地頌獻詩章暢筆毫

拔萃超羣誕降生攀轅臥轍共歡迎文章聲價龍門重梅萼香騰馬足輕中外同庶稱
德政官紳羅拜起軍營口碑載道無雙品善與人同本性情

驪歌疊唱送行人千古留名總軼倫仕學俱優經國士行旌將報甬江春商民感惠咸
瞻仰治績勤勞歷苦辛時局顛危身獨善官囊壽世結良因

永嘉葉壽桐

慈雲纔蔭到三秋熊軾將移輪乍收欲做北亭惜別意暫時南浦送行舟吹臺鶴去笙
山冷說法人遙梵岫休月上鑑湖情更好還期千里照東流

墨池重遇五花聰棠蔭堪追召伯風發政恩從孤獨始調元澤到騶虞終慈雲纔映泮
橋柳古越還來竹馬童暢轂有轅攀不住期分雨露灑甌東

附張希良甌海道育嬰堂紀事

斯堂創自金守始

清乾隆時太守金洪發創造

歷百餘年堂構浸淫將傾圮甚至立法積久漸廢弛

黃公來作繡衣使改築萬間廣廈時公謂堂規敗壞伊何底種種積弊資整理童男童女色然喜啼飢時爲備甘旨保赤之心誠乃爾真個愛民如愛子殷公秉節方戾止不惜親自勞玉趾月必源源來顧視杜母政與召父似先後仁聲播遐邇我愧一衿薄如紙問年今已逾強仕文章未能報國是焉能造福及桑梓斗筲碌碌何足齒自信盟心却如水見人飢溺皆由己終日埋頭長坐此墮地號咷聲盈耳惻隱之心油然而起稱職未能常滋耻後有能者拭目俟

秦順縣知事黃麗中新燕詞

麗中承乏羅陽時將兩載而政未有成猥荷申江道尹保薦冬防則頒五等之章歲考則錫八言之獎近更調補天台焉其恩遇不啻申公之於文惠也作新燕詞以誌感恩燕飛戾止羅阜之陽經之營之巢彼畫梁載乳載哺子鼓揚揚迺勤厥職甘伏僻鄉春

風谷顧嘯使高翔烏衣煥采珠箔流光赤城霞燦遷地爲良君子德風小鳥隨颺匪慕
新壘舊主難忘思之思之海天茫茫

宣平縣去思碑

宣平士紳

鄒家箴
黃鶴書

陳錫修
何錫蕃

周

楊

俞師善
俞桂堂

甌海道尹上海黃公涵之丁巳冬蒞任爾時漢陽陳公勛廷署理吾邑黃公公政治家亦
道德家也吾邑承晚清疲敝之餘民物凋殘百政俱廢公益慈善諸事業闕焉不講賴
我道尹黃公極力提倡令知事陳公奉宣德義切實而辦理之如植桑造林訓農興學
平治道路疏濬溝渠改良菸種設立保嬰局改良看守所種種福利行政靡不積極舉
行其尤足稱頌者戊午秋疫癘大作死亡相枕藉道尹黃公聞之惻然捐俸施藥并派
中西醫士先後來吾邑星夜診救活者無算其仁心仁政求之今日不可多得本年春
道尹黃公升調會稽知事陳公亦相繼而去攀轅無及邑人追念舊德不盡依依因叙
其事而勒諸石以誌去思云

附呈文二件

呈省長齊瀝情懇請准予辭職文

八年七月二十六日

呈爲病體不支親憂莫釋瀝情辭職仰懇鑒核照准事竊道尹素體火旺陰虧時有頭暈胃痛腸紅痔漏等症自到任以來在苒年餘種種病情未稍離體蓋由此間天時炎熱地氣濕蒸感受既深病因增劇屢思引退藉養孱軀祇以各事經營均未就緒倘或半途中輟未免貽誤要公用是強刷精神勉圖報稱茲幸創辦各事已可將就結束若日復一日病體更益不支兼之老母年近八旬道尹又無兄弟若聽留居滬上奚以慰倚闔懸望之情雖經迎養署中又叵耐濕土薰蒸之氣籌思輾轉左右爲難近見道尹病勢日增憂子之情因而更切多方勸解莫慰母心復經此次風潮謠傳四起虛驚飽受寢食難安是以堅命道尹避路讓賢勿圖戀棧高堂慈命何忍過違況自愧庸愚忝膺重寄才不稱職化導無方以致平地風波無端激蕩浮言蠱起淆惑觀聽雖公道是非難逃洞鑒然措施失當厥咎奚辭與其戀職而重親憂何如藏拙以息衆謗爲此

不揣冒昧披瀝下情謹具辭呈懇請離職仰祈 鈞長鑒核俯賜照准無任迫切待命之至謹呈

呈省長齊再陳下情乞准辭職文 八年十月三十日

呈爲再陳下情懇請辭職萬乞恩准事竊 前上辭呈未蒙允准迭承 溫諭益用

徬徨在 鈞長之於 既不以爲不材而加之拂拭復不責其尸位而曲予慰留其

所以策勵之者至矣 何人敢不黽勉豈容再有瀆陳是以三月以來竭力支持不

敢言去乃情勢所迫有不能不再聒於 鈞座之前者 爲民國之公僕沐 鈞長

之殊知理宜致身個人之病姑可勿計獨年屆八秩之老母戀鄉念切憂子情深其責

望 去職之心近乃愈篤雖經多方慰譬無如執意甚堅近且雙耳俱聾大增衰狀

甌滬既遠隔重洋 復終鮮兄弟是潘與之養不足承歡而溫裾之絕其又奚忍

一日不去親心卽一日不安親心一日不安 卽一日無心服務於私滋疚於公

裨無輾轉籌思兩全之術因念陳情乞養既爲自古所矜避路讓賢當亦大府所許是

用不揣煩瑣再瀝下情此時倘遂烏私得拜錫類推恩之賜他日再驅駑鈍會有酬知圖報之期務乞迅簡賢能俾得早日交代無任迫切屏營之至謹呈

覆溫處十六縣代表函

九年一月一日

文起先生史席昨展惠函拜誦之餘莫名惶悚小兒才疏學淺濫厠貴鄉兩載深恐貽羞隕越時惕冰淵幸承諸公指導有方得以少減罪過乃蒙逾量推許小兒何以克當卽有略盡棉薄之處亦身膺民社者分內應盡之職何功德之足言氏虛度八旬近來飲食起居漸露衰象加以家人生計照料乏人甌滬遠隔重洋不能朝發夕至迫不得已祇好令小兒請假歸養藉延垂暮之餘生否則小兒正在壯年雖乏才能亦應爲社會服務聊盡天職下情迫切諸乞諒之專此奉覆祇請公安諸位先生均此致意歸江夏紫陽氏謹復

附甌海各士紳原函

敬啟者詰嗣涵之道尹治甌三載深仁厚澤有口皆碑近以色養情殷再三辭職在

道尹孝根天性原自篤於承歡而人民身被德施若頓失其慈母蓋甌民之依戀道尹猶道尹之依戀太夫人其分異其情同也素仰太夫人仁愛爲懷方以錫類推恩期之膝下用敢以未獲請於道尹者環而請之太夫人萬冀俯鑒羣情貽書勸阻并許以魚軒就養早日來甌使道尹安心圖治而十六屬之黃童白叟亦得長依蒼蔭共誦棠甘比之萊衣舞綵其樂事僅及庭階者不更大乎道尹爲甌海父母則甌海皆繞膝孫曾想我太夫人必不忍拂孫曾之請各庭幃色笑而薄道路謫思也專此肅懇敬叩慈安永嘉代表呂渭英王家駒張成謙吳益生楊振烜林浮泚吳鍾銘姜周輔樂清代表錢熊壘瑞安代表胡調元平陽代表黃羣劉紹寬楊疇泰順代表劉項宣玉環代表郭雲章旅甌代表唐庚麗水代表陳昂張鳳池青田代表杜師預杜持孫如怡黃雲慶縉雲代表樊光樓之成松陽代表葉葆彝吳朝冕雲和代表魏蘭宣平代表周功崇遂昌代表毛蒙正童子貞龍泉代表葉維周蔡齡慶元代表胡德明景甯代表葉葆祺寧波代表楊庚身徐祖煜同謹啟

跋

國奚賴有官賴以撫民也民有疾困而不之省有弊害而不之去有利益而不之興烏在乎其爲政甚或吮膏吸髓以自肥焉碌碌騰仕金錢主義之官多而國利民福之希望絕黃君涵之任甌海道道尹二年政和民洽去冬量移會稽甌人留之弗獲遮道相送作爲文辭詩詞以誦君君歸無他挈挈有公牘副本數十萬言均甌政以過冗屬錄其著要者受而繹之累數月政績所有若學校若實業若橋路河工一切公益善舉提倡修復事無不立尤拳拳於整俗勸民分其責於各屬縣吏以時考成對於司法勉之以慎獄期之以息訟諄切訓誡如嚴師殷勤忠告如良友甌海全境十六縣視如一家若者爲民困若者爲民害若者爲民利補苴更張皇皇如不終日宜乎甌人感之深而不忍其去也君居鄉時熱心教育素行慈善又崇信佛教儒家仁愛之義竺氏慈悲之旨融會貫通故出而臨民卽能本諸心以爲民福君嘗有言爲民父母一日食民間之祿當爲民謀一日之忠是卽君居官之主旨而其勤民之蹟慈惠之政卽可於公牘徵

之牘繁約汰六存四分類選編未能釐然悉當粗疏缺漏所不能辭書成以歸君甚佩
夫君之爲政與碌碌膺仕者不同庚申五月同邑楊逸謹誌

勘誤表

卷數	頁數	行數	字數	原誤	校正
一	十	八	一二	疊請	應刪
一	十二	二十	二十七	訊	應刪
一	十七	四	九十一	沿海及	應刪
一	十八	九	十二	洋	海
一	十八	十	十六	洋	海
一	二十九	二十三	十三下	脫一字	縣
一	四十一	十二	四五	查稱	稱查
一	四十一	二十一	四	係	作
一	五十	十七	八下	脫二字	米案
二	八	九	三下	脫一字	齊
二	十四	十	二十八	招	應刪

三	三	三	二	二	二	二	二	二	二	二	二	二
四十七	二十八	二	六十一	五十七	五十五	五十三	五十一	三十九	三十	二十四	二十四	二十三
十一	三	二十三	六	十一	五	十八	十八	二十一	二十一	十一	十	二十四
二十七	十七下	二十七	二十六	二十一	二十三	二十二	二十八	二十五下	二十四五	一上	三四	二
鹽	脫三字	則	文	文	文	黍	有	脫一字	教娘	脫二字	女兒	所理
體	者尤復	凡	由	由	由	漆	得	經	娘教	女兒	應刪	理所

五	五	五	五	五	五	四	四	四	四	四	四	三
三十七	三十一	三十	二十七	十二	二	五十七	五十六	四十九	二十五	二十一	五	五十四
二十三	五	十七	三	二	十二	二十二	十	十	十三	三	二十二	二十三
三十三	十七下	十二下	二十四下	十四	九十	十八	五六	二十	二十五	一下	二十二	十四下
惟辦	轉給學藝者之用	脫二字	脫二字	十	之處	有	注意	模	賣	脫一字	功成	脫一字
辦惟	培植技師	此令	情形	應刪	故凡	省	所及	樣	費	賣	工竣	的

勸誤表

七	七	七	七	七	七	七	七	六	六	六	六	五	五
四十三	三十九	三十四	二十九	十八	十五	三	目錄	三十四	三十一	二十一	九	五十五	四十
四	十七	十	四	五	五	六	三	十	三	二十	十七	四	十五
二十六下	三十一	三十一	十六	三十一	二十	二十一	件數內	二十九	十八下	二	目錄下	九下	四下
脫一字	亦	二	由	收	洽	元	六十五	仰	脫二字	願否	牌示一件	脫一字	脫一字
或	者	三	文	將	接	之	六十四	仍	城河	如願	應刪	得	請

七	七	七	八	八	八	八	八	八	八	八	八	八
四十八	五十五	六十一	七	十六	十七	三十五	三十五	三十五	四十三	四十五	六十	六十四
一	八	十三	十六	二十	十	二十二	二十二	二十二	九	二十二	十一	六
二十二	一上	三十一	五下	二十六下	八	一三	六下	十九	十九	二十三	小註十四下	十五
釀	脫一字	講	脫一字	脫一字	聖	甌海	脫一字	解	次	脫一字	治	脫一字
制	廳	傳	洋	項	星	旅甌	碑	敢	行	官	不應用小字	同

八
七十一
二十四
三
禕無
無禕